

龙坡

史

明 宋 濂 等撰

華書局

中

卷一六二至卷一七五(傳)第 一 三 册

元史卷一百六十二

列傳第四十九

李忽蘭吉

忽蘭吉隸皇子闊端爲質子,從攻西川。辛丑,以功爲管軍總領,兼總帥府知事,從征西 李忽蘭吉,一名庭玉,隴西人。父節,仕金,歲乙未,自鞏昌石門山從汪世顯以城降。

佐汪惟正立利州。[1]乙卯正月,將兵三萬,取合江大獲山。 次青山,忽蘭吉以伏兵取之,俘獲甚衆。都元帥阿答忽以聞,陞本帥府經歷,兼軍民都彈 番 南澗有功。癸丑,世祖在潛邸,用汪德臣言,承制命忽蘭吉佩銀符,爲管軍千戶、都總領, 宋劉都統率衆謀焚利州、沙市,

於長寧,追至運曲垻,奪之,俘將校五人而還。 壓。丙辰,憲宗更賜金符,仍命爲千戶、都總領。戊午,忽蘭吉以兵先趨劍門覘伺,宋兵運糧

憲宗南征,忽蘭吉掌橋道饋餉之事,有功,賜璽書。 從攻苦竹隘山寨,先登, 斬守將楊

列傳第四十九 李忽蘭吉

乎! 萄酒, 忽襲[吉]下馬,三 立 亂 國 追之」迺單 入奏,憲宗 一,獲 也 朝 對曰:「臣恐上勞聖慮,下苦諸軍 ;城門不閉 禮體,且久出,恐城 都 大淵遂以故官侍郎、都元 而 逃 統 歸 曰:「楊安撫反乎。」對曰:「無也。」憲宗曰:「汝 張 ·騎至城 ,憲宗怒,將屠 寔 無他 招 執 降長寧、清居、 下,門未閉,大呼入城曰:「皇帝使我 大 心 也; 寨有 淵 手,謂之曰:「上方宣諭賜賞, 其 他變,是以 聞 城,衆不 帥 臣言,卽撫綏軍民,從臣 聽命 大獲 一、又爲 Щ ,而民得 知 亟 所 一歸,非敢有異謀也。」遂 運山、 爲。 郡 生全。 生靈 德 龍 臣 州 命 諭 等寨。 來 脈所寄,故不知其懼。」 不 忽 何以 以出,以是知之。」 撫汝 蘭吉 待 而 知之。」對日 + 軍民。」一卒引入,甲士環 日 來, 一、大淵 與偕來, 月,大 何 也。一大淵 之去,事 獲 憲宗 山 軍皆喜。 軍 守臣楊大 憲宗悅, 馬整肅 曰:「汝 曰:「誠 頗 難 忽蘭 測 防 淵 賜 不 不 蒲 吉 內 知 納 귮

穆哥 之,部軍皆青居 山,忽蘭吉 千五五 承 百略 憲宗 制 重慶。 命忽蘭吉與 命忽蘭吉 作浮 人,賞 梁, 六月,總 佩 以通往 **養獨** 、怯里 金符,為鞏 帥汪 厚,遂 馬哥 來。 德 領 己未, 與 昌 臣 戦船 浦 沒于軍,命忽蘭吉以 元 察 帥 與怯 二百艘, 都 元 里馬哥、 帥 守 掠釣 青居,(三 扎 魚山, 胡 其 打 軍 治城 奪其 殿 魯 後、宋 都赤 壁,儲芻 糧 船 闊 兵 四 水 闊 糧 百 陸 术 招招 艘。 畫 領 夜 蒙 納 憲宗 接 降 古 附 戰 漢 次 宗 皆 釣 軍 敗 魚

中 統 元 年,德臣子惟正襲總帥 至青居。 五月, 忽蘭吉等赴 上都 時 **渾都海據六盤** Щ

以叛, 合納 忽 世 石 祖 溫 遣忽蘭吉亟還, 之地 力 戰, 殺 軍都海等於 與汪良臣發所統二十四州 陣,餘黨悉平。 兵追襲之。 年六月, 以 十月,從宗王哈必赤等次 功授鞏昌後 元 帥 賜 金

幣、鞍馬、弓矢。

蕃 納 言 問 追 其故 製 與惟 命 九月, 詔宗 火都于 於 對 總帥 正 王 追之松州 百...「臣! 火都 西蕃。 只 汪 必鐵 惟 叛於西蕃點西嶺,汪惟正帥師襲之,至怯里馬之地,火都以五百 聞 正 十月, 木兒,以答刺海、察吉里、速木赤將蒙古軍二千, 國制 下充鞏昌路元帥,所屬官悉聽節制。 忽蘭吉以千騎先往,執答機 將萬 擒之。 軍者佩 四年,首將答剌海言忽蘭吉 虎符 ,若汪氏 將萬 軍, 六月,答機叛於西蕃,帝 1功高, 已 一佩之, 詔 忽蘭吉將 賜虎符, 臣 何可 復 忽蘭吉不受, 總 佩 帥 命 人遁 」帝是其 軍 好 里燕 入西 千,

Щ 年, 之, 大 為宋兵所 梁平山 聞寨中 賜 三年,宋兵 至元元年,入覲, 虎 得,亦 符, 兩 擁 道 老 授昭 幼 陷 奪還之。 大梁平山 西去,追擊之,斬首三百級, 勇大將軍、變東路招討使,以軍三千,立章廣平 命。 與 匹 同 寨。 年,以本職充閬蓬廣安順慶夔府等處蒙古漢 愈總帥 平章賽典赤令忽蘭吉領兵千餘騎, 汪良臣還蜀,守靑居。 得馬 二百八十,都元 是時,國 山寨,置屯田, 帥 兵猶與宋兵相持于釣 掠 欽察等家 其 軍 境, 都 先 元 帥 屬 以 出 參 七 百 兵以絕 餘 百 人 口 先 覘 魚

守章廣平山寨,前後七年,每戰輒勝。 蒙古、漢軍多非正身,半以驅奴代,宜嚴禁之。所謂修築城寨、練習軍馬、措畫屯田、規運糧 **都,惟建子城,軍民止於外城,別無城壁。 |宋軍乘虛來攻,失於不備,軍官皆年少不經事之** 用 餉、創造舟楫、完繕軍器,六者不可缺一;又當任賢遠讒,信賞必罰,修內治外,戰勝攻取,選 人,以此失利。西川地曠人稀,宜修置城寨,以備不虞,選任材智,廣畜軍儲,最爲急務。今 良將,隨機應變,則邊陲無虞矣。」六月,將兵赴成都,與察不花同權省事。十一月,復還 十年正月,成都失利,帝遣人問所以失之之故,及今措置之方,忽蘭吉附奏曰:「初立成

還,承制授京兆延安鳳翔三路管軍都尉,兼屯田守衞事。十月,改同知利州宣撫使,變東招 于六盤山,忽蘭吉以延安路軍,會別速台、趙炳及總帥府兵于六盤,敗禿魯于武川,俘其孥, 討如故,入覲,賜虎符,授四川北道宣慰使。忽蘭吉請以先受鞏昌元帥之職及虎符,與其弟 庭望。二十年,改四川南道宣慰使。 十三年,引兵略重慶,復取簡州。十四年,承制授延安路管軍招討使。十五年,禿魯叛

播以南,施、黔、鼎、澧、辰、沅之界,蠻獠叛服不常,往往劫掠邊民,乃詔四川行省討之。曲 里吉思、惟正一軍出黔中,巴八一軍出思、播,都元帥脫察一軍出澧州, 二十一年,奉旨與參政曲里吉思、愈省巴八、左丞汪惟正,分兵進取五溪洞蠻。時思、 忽蘭吉一軍自

敵者 夔門會合。 ,皆盡殺之。 | 月,諸將鑿山開道,綿亘千里,諸蠻設伏險隘,木弩竹矢,伺間竊發,亡命迎 遣諭諸蠻酋長率衆來降,獨散毛洞潭順走避嵓谷,四力屈始降。

功, 公事,卒。 丞,商議軍 請用 一十三年,入覲,以老病,乞歸 范殿帥故事, 事,食左丞之祿。 泰定元年,諡 商議本省軍 寒敏。 元貞二年,入觀,授資德大夫、陝西等處行中書省右丞,議本省 事。 田里,帝憫之,得還鞏昌。二十六年,行省列奏忽蘭吉之 二十七年,拜資善大夫,遙授陝西等處行 尚書省

左

李庭

萬戶張弘 年,以材武選隸軍籍,權管軍千戶。 玘 Щ 、元勝。 後軍槍,裹創力戰,敗之。 西岸,諸翼水軍攻之,相持七日。 李庭小字勞山,本金人蒲察氏,金末來中原,改稱李氏,家于濟陰, 範方與接戰,庭單騎橫槍入陣,殺二人,槍折,倒持回擊一 河南行省承制授庭益都新軍千戶。 從伐宋,圍襄陽,宋將夏貴率戰船三千艘來援, 庭時將步騎,自請與水軍萬戶解汝楫擊之,斬其 宋襄陽守將呂文煥以萬五千人來攻萬 人墜馬,庭亦 後徙壽光。 被 二創,復 神將王 至元六 泊 山堡, 鹿門

八 年春,真除益都新軍千戶,賜號拔都兒,與宋兵戰襄陽城下,追奔逐北,直抵城門,

列

傅

第 四

+

奪

總管。 下, 符 傷 流 右 矢 絕 + 肩 中 而 年 左 焚 復 春 股 其 甦 而 樓, 大 裹 止 軍攻 創 破 再 九 樊城 登, 字 年 城 春 如 , 攻 是 庭 文煥 樊城 者 運 數 薪 麾 外郛 芻 四 下 土牛塡 有 殺 獲 砲 胖 甚 傷 Щ 城 多。 額 王 壕, 總 及 樊城 管 左 立 者 右 雲梯 手, 破,襄陽 驍 將 奪 城 也, (上矢石: 其 降, 土 庭設 城 以 如 功 伏 遂 雨 授 誘 進 金 攻 庭 擒 虎 之,以 襄陽 屢 符 中 砲 東 爲 功 授 管 墜 砲 軍 城 金

戰 戰 虎 盪 水 剖 軍 臣 艦 舟 水 而 奪北 . 戦 攻之,大軍 牛 丽 黄 十 斬 横 家 1 腹 進 其 截 家洲 彎 、攻沙洋、 年 納 護岸 而 江 九 其 有 入 面 中, 月, 溪 一,軍 軍 渡 奪船 通 o 江 從伯 良 新 不 藤 聞 久 湖 武 得 城 夏 + 顏 力 進 磯 貴 砲 至 發襄 餘 甦。 7 堡 欲 傷 漢 乃 亦 由 宋 水 左 陽, 用 以 破 脅 太 軍 數 庭 功 湖 次野 破破 潰 里 及 加 遂 援 馬 明 從 其 以 宋 州 臨 威 福 外 [37] 功加 安 兵 等 將 堡, 朮 亦 郢 計 軍 亟 轉 宣 復 築 在 , 出 戰 威 漢水 由 授 中 堡 兵逆 至 將 沙蕪口 設 砲 益 鄂 軍 守 東, 都 戰 州 墜城下 o 新 備 裕 宋人 宋 焉 順 軍 入 溪 兵斷 流 江 萬 一,矢 口 復於漢水 庭 而 戶 眞 0 敗 東。 武 貫 與 州 之。 于 劉 磯 師 江 + 堡 或 次 胸 路, 西 諸 傑 漢 兀 築新 氣 先 軍 年春,與 面 口 庭 垂絕 攻 皆 登, 焚其 宋 常州 郢 水 將 拔 船 宋 庭 夏 以遏 伯 之, 貴 顏 將 决 庭 遂 孫 其 鎖 命 我

十三年春, 至 臨安 宋主降,伯顏 命庭等護其 內城,收集符印珍寶,仍令庭與唐兀 台等

刺和 往征 磧 忘。 諸王納里忽,渡塔迷兒河,擊走其餘黨

兀斤末台、要

朮忽兒等,

至 防 行而還。 襲, 護宋 林、 之。」乃別降大虎符, 繼有旨 仍諭 主赴燕。 晃兀兒之地,越嶺北,與撒里蠻諸軍 諸王昔里吉、脫脫木兒反,庭襲擊,生獲之,啓皇子只必帖 之日 「汝在 | | | | | | | 世祖 江 整 南,多出 嘉其勞,大宴,命坐於左手諸王之下、百官之上,賜 在 加鎭 時, 死力,男兒立功,要在 或 不曾令坐於此, 上將軍 一、漢軍 大戰,敗之。 爲汝 都 元帥 西北 有 ", 仍 功, 上也。 移軍 命其 故加 河西 次子大椿襲萬戶職。 以 今有違我太祖 殊禮, 河西悉平。 木兒賜之死。 ,擊走叛臣霍虎,追 汝子 金百錠、金、珠衣各 孫宜謹 成憲者, 復引兵會 庭至哈 志 至大 汝其 之 勿

中 書 [省參 + 四 年,入 知 政事 ,朝,世祖勞之,賜以益都居第、單河官莊、鈔萬五千貫及弓矢諸物,拜福建行 o 改福建道宣慰使。召赴闕 ()備宿 衞

抱 壞 船 十 板,漂流 七年,拜驃騎衛上將 抵岸,下收餘衆,由高麗還京師,士卒存者十一二。 軍、中書左丞,東征 日本。 十八年,軍次竹島, 繼以父歿,歸益都,召拜 遇風、船盡壞、庭

中

左丞、司

農

卿

不赴

衆 令 號 重 十萬 中備 十四年,宗王乃顏 一帝親 百弩,俟 | 座諸| 敵 列陣,百弩齊發,乃不復出。帝問庭:「彼今夜當 軍 圍 之,庭 叛,驛召 調 至上都,統諸衞漢軍,從帝親征。 [51] 速軍繼進,流矢中胸貫脅, 裹創 何 塔不台、金家奴來拒戰, 復 如。」庭奏:「必遁去。」 戦, 帝遣· 止之,乃已。

馬。 遂縛乃顏以獻。 乃引壯士十人, 而無紀律,見車駕駐此而不戰,必疑有大軍在後,是以知其將遁。」帝大喜,賜以金鞍良 庭奏:「若得漢軍二萬,從臣便宜用之,乃顏可擒也。」帝難之,命與月兒魯蒙古軍並進, 持火砲,夜入其陣,砲發,果自相殺,潰散。帝問何以知之,庭曰:「其兵雖 帝旣南還,庭又親獲塔不台、金剛奴,以功加龍虎衞上將軍,遙授中書省

屯田 帝可其奏,令著爲令。 括馬之令,凡得馬十一萬匹,軍中賴其用。拜榮祿大夫、平章政事,商議樞密院事,提調諸衞 哈丹禿魯干走高麗死。拜資德大夫、尚書左丞,商議樞密院事,官其長子大用,仍賜鈔二萬 戰,弗克而還。 五千貫。庭因奏:「今漢軍之力,困於北征,若依江南軍,每歲二八放散,以次番上,甚便。」 上流發之,馬皆驚走,大軍潛於下流畢渡。 二十五年,乃顏餘黨哈丹禿魯干復叛於遼東。 旣而庭整軍再戰,流矢中左脅及右股,追至一大河,選銳卒,潛負火砲,夜泝 宗王海都將犯邊,伯顏以聞, 天明進戰,其衆無馬,莫能相敵,俘斬二百餘人, 韶庭及樞密副使哈答討之,大小 帝命月兒魯與庭議所以爲備, 庭請下 數

遇甚至,每進食,必分賜之,大宴仍命序坐於左手諸王之下、百官之上,賜以珠帽、珠半臂 年春,世祖崩, 月兒魯與伯顏等定策立成宗,庭翊贊之功居多。 成宗與太后眷 列傳第四十九 史驹

與同

降者得

発。

金帶 各一 , 銀六鋌,莊田諸物稱是。 奉旨整點江浙軍馬五百三十二所,還,入見,成宗親授

以衣,慰勞之。

事, 臣、儀同三司、太保、上柱國,追封益 視之,疾稍間,扈從上都,特降旨存護 俄 有中使傳旨拘漢軍之馬,以濟北軍,且令焚其鞍轡、行糧 商議樞密院事,提調諸衞屯田,兼後衞親軍 初 ,武宗出鎭北邊,庭請從行,成宗憫其老,不許,賜鈔五萬貫,依前榮祿大夫、平章政 國公、諡武毅。 其家。 大德 都指揮使。 八年二月卒。 諸物。 奉旨 北征懷都,至 至大二年, 庭因 感疾, 詔內醫二人診 贈推忠翊衞 野馬 JII 而還 功

戍 建康 子大用,同知歸德府事,以哀毁卒, 大誠 襲職後衞 親軍 都指揮使。 大椿、襲職佩金虎符、爲宣武將軍、益都新軍萬戶,

史丽

曷若 民被虜,鑑守閉城自守,彬謂諸 死中! 史爾字君佐,一名塔刺渾,蠡州博野 求 生 一一乃率鄉人數百家,詣木華黎請降,木華黎書帛爲符,遣還。 子曰:「吾所恃者, 人。 會祖 郡守也。 彬,有膽勇,太師、國王木華黎兵南 今棄民自保, 吾與 旣 其 丽 州破 束 手 獨彬 以 下,居

守將王彥酮奇其材,妻以女,又薦其材勇於左丞相耶律鑄。 ||两所挽弓,以名聞||世祖。 召之,試以遠垜,連發中的,令給事左右,賜馬五匹。 長通 !國語,膂力絕人,能挽强弓,里門鑿石爲獅,重四百斤,剛舉之,置數步外。 **两從鑄往北京,近侍火里台見** 潼關

立場。 衆曰:「先登南岸者爲上功。」

「阿率健卒直前,宋兵逆戰,奮呼擊走之,伯顏登南岸,論弱功第 相伯顏南征,攻沙洋堡,飛矢中臂,城拔,凝血盈袖,事聞,賜金虎符。軍至陽羅堡,伯顏誓 破之,殺其將牛都統。 ,進定遠大將軍。鄂州平,進軍而東,至大孤山,風大作,伯顏命弼禱于大孤山神,風 「我史奉御也」宋兵却退。至元十年,諸將分十二道圍樊城,弼攻東北隅,凡十四晝夜, 中統末,授金符、管軍總管,命從劉整伐宋。攻襄樊,嘗出挑戰,射殺二人,因橫刀呼 襄陽降,上其功,賜銀及錦衣、金鞍,陞懷遠大將軍、副萬戶。遂從丞

兵擊之。會相威、阿朮兵繼至,大戰,才敗走,擒其將張都統。 來攻,人挾束薪塡塹,弼戒軍中無譁,俟其至,下櫑木,發砲石擊之,殺千餘人,才乃退,弼出 曰:「吾棚揚子橋,據其所必爭之地,才乘未固,必來攻我,則我之利也。」才果以萬 立木堡,據其地。阿遽以數十騎抵揚州城,或止之曰:「宋將姜才倔强, 兵駐 瓜洲,阿塔海言:「揚子橋乃揚州出入之道,宜立堡,選驍將守之。」伯顏授弼三千 未可易也。」剛 衆,乘夜

門外,一 年 騎 丽 華反建寧,春復霖雨,米價湧貴,鹇卽發米十萬石,平價糶之,而後聞于省,省臣欲增其價, 管府達魯花赤,兼萬戶。 丽 殿 司 日 稅 , 遙授尙書省左丞, 行浙東宣慰使, 平處州盜。 丽 後,敵不 凡三官揚州,人喜,刻石頌之,號三至碑。 山 士二人挾 曰:「諸臣爲吾腹心者少,欲以爪哇事付汝。」對曰:「陛下命臣,臣何敢自愛!」二十七 及民米,米商避去,民皆閉門罷市,酮立罷之。十九年,改浙西宣慰使。 ,例平之。十七年,南康都昌盜起,例往討,誅其親黨數十人,脅從者宥之。 十三年六月,才復以兵夜至,關三戰三勝。天明,才見剛兵少,進迫圍關,關復奮擊之, 二十六年,平台州盜楊鎭龍,拜尙書左丞,行淮東宣慰使。冬,入朝,時世祖欲征爪哇, 十五年,入朝,陞中奉大夫、江淮行中書省參知 而 一十九年,拜榮祿大夫、福建等處行中書省平章政事,往征爪哇,以亦黑迷失、高興副 吾不可失信,寧輟吾俸以足之。」省不能奪,益出十萬石,民得不饑。 弼 從數騎,由保城入揚州,出南門,與之會,以示不疑。 敢近,會援兵至,大破之,才奔泰州。 火鎗刺弼,弼揮刀禦之, 冬,遷黃州等路宣慰使。 左右皆仆,手刃數十百人。及出圍 遷僉書沿江行樞密院事,鎭建康 及守將朱煥以揚州降,使麥朮受其降於南 政事,行黃州等路宣慰使。 制授昭勇大將軍、揚州路總 ,追者尙 改淮 二十一年,黄 盗起淮西司 數 東宣慰使, 江 百騎,朔 州宣課

列

傳

箅

四十九

史

弼

則 郎兵十餘萬迎敵,自旦至午,葛郎兵敗,入城自守,遂圍之。 弼 只葛當,不勝,退保麻喏八歇。聞弼等至,遣使以其國山川、戶口及葛郎 董山、牛崎嶼,入混沌大洋橄欖嶼,假里馬答、勾闌等山,駐兵伐木,造小舟以入。時爪哇 湧,舟掀簸,士卒皆數日不能食。過七洲洋、萬里石塘,歷交趾、占城界,明年正月,至 鄰國葛郎搆怨,爪哇主哈只葛達那加剌,已爲葛郎主哈只葛當所殺,其婿土罕必闍耶攻哈 孤軍懸絕,事不可測。」關遂分兵三道,與興及亦黑迷失各將一道,攻葛郎。 [與諸將進擊葛郎兵,大破之,哈只葛當走歸國。高興言:「爪哇雖降,倘中變,與葛郎合, 付金符百五十、幣帛各二百,以待有功。十二月,弼以五千人合諸軍,發泉州, 哈只葛當出降,併取其妻子官 國 地 圖迎降,求救。 至答哈城,葛 |東董 風急濤

{國傳。 獲金寶香布等,直五十餘萬,又以沒理國所上金字表,及金銀犀象等物進,事具高興及爪哇 後,且戰且行,行三百里,得登舟,行六十八日夜,達泉州,士卒死者三千餘人。 不花,以兵二百人護之還國。土罕必闍耶於道殺二人以叛, 土罕必闍耶乞歸易降表,及所藏珍寶入朝,弼與亦黑迷失許之,遣萬戶担只不丁、甘州 於是朝廷以其亡失多,杖十七,沒家貲三之一。 乘軍還, 夾路攘 有司 奪。 酮 數其俘

元貞元年,起同知樞密院事,月兒魯奏:「胸等以五千人,渡海二十五萬里,入近代未嘗

書省右丞。 至之國,俘其王及諭降傍近小國,宜加矜憐。」遂詔以所籍還之,拜榮祿大夫、江西等處行中 三年,陞平章政事,任 加銀青榮祿大夫,封鄂國公,卒於家,年八十六。

高興

高興字功起,蔡州人也。 其先,自薊徙汴,曾祖拱之,祖子洵,世以農爲業。 金末兵亂,

父青,又徙蔡而生興。

自若,發一矢斃之。 興 少慷慨,多大節,力挽二石弓,嘗步獵南陽山中,遇虎,跳踉大吼,衆皆驚走, 至元十一年冬,挾八騎詣黃州,謁宋制置 陳奕。 奕使隸麾下,且奇 興神色 興相

貌,以甥女妻之。

溧陽 於獨 其總制二人,虜知縣事黃君濯,由間道奪獨松關,進至武康,擒張濡 張家寨,進拔南 松關 ,斬首七千級,授金符,爲管軍總管。 十二年,丞相伯顏伐宋,至黃州,興從奕出降,伯顏承制授興千戶,從破瑞昌之烏石堡、 ,伯顏使興討之。 陵。 行省上其功,世祖命興專將一 師次漂陽,再戰,斬其將三人、士卒三人,虜四十二人,「己遂破 從戰銀墅,斬宋將三人、士卒二千人。 軍,常爲先鋒。 宋張濡殺使者嚴忠範等 拔建平,斬

十三年春 宋降, 伯顏北還,留興以兵取郡縣之未下者,降建德守方回、婺州守劉怡。

列傅

第

四

千,水手七千,獲海舶七千餘艘。[10]遷鎭國上將軍、管軍萬戶。 率奇 獻魏 印 之。進戰衢城下,斬首五百級,連戰赤山、陳家山(園)、〇二江山縣,斬首三千級,虜五 衢、婺二州已降 少不敵,力戰潰圍出,至建德境,與援兵合。 Ħ. 、馬五百匹。 兵奪橋進戰, 福 興等七人于行省,餘盡戮之,衢州平。 復叛,章焴自爲婺守,興以五千人討之,七戰,至破溪,相持四十餘 下興化,降宋參知政事陳文龍、制置印德(傳)[傅]等百四十人, [弘]軍三 殺其觀察使李世達,斬首三千餘級,擒與檡父子及其小王二、裨將二,獲 復進戰蘭溪,斬首三千級,復取婺州,擒章焴 追宋嗣秀王 與釋 入閩,與檡據橋,陣水南,興 日。 一百人, 興 斬 兵

寨。 武人高日新、高從周,聚衆叛,皆討降之, 殺宣慰使陳祐於新昌,興捕斬之。 十五年夏,詔忙古臺立行省於福建,興立行都元帥府於建寧,以鎭之。 十四年春,還鎭婺州,佩元降虎符,充衢婺招討使。 復從都元帥忙古臺平福、建、漳三州,破敏陽寨, 以招討使行 右副都元帥 東陽、玉山羣盜張念九、强 政和 人黄華,邵 屠福 和 尙 成

士卒 奉省檄,討處州、福建及溫、台海洋羣盜,平之。 日:「臣素貧賤,今幸富貴,皆陛 戦 十六年秋,召入朝,侍燕大明殿,悉獻 功,乞官之,帝命自定其秩,頒爵賞有差 下 所賜,何 江南所得珍寶,世祖曰:「卿何不少留以自奉 敢隱俘 遷興浙東道宣慰使,賜西錦服、 獲之物!帝悅,曰:「直 臣 也。」 興因 金線鞍轡。 奏所部

列傳第四十九 高興

嶺 級。 至 都 ,興上至山 Щ 芫 十八年,盜陳吊眼聚衆十萬,連五十餘寨,扼險自固。 半, 帥 十七七 棄薪 年,漳州盜數萬,據高安寨,官軍討之,二年不能下。 興 與 半,誘 而 (都元 退,如是六日 與語,接其手,掣下擒斬之,漳州境悉平。 帥完者都等討之,直抵 **,誘其矢石殆盡,乃燃薪焚其栅,遂平之,斬賊魁及其黨首二萬** 其壁, 賊乘高 下 興 攻破其十五寨,吊眼走保千壁 ·擊之。 韶以興爲福建等處征蠻右副 興 命人挾 束薪蔽身,進

拜江淮行 將二 人黄華復叛,有衆 人, 九年, 華走江 中書省參知政事,平婺州盜施再十。 入朝, 山洞,追至赤巖,華敗走,赴火死。 十萬,興 賜銀五百兩、鈔二千五百貫,及 與戰于鉛山,獲八千人。 改浙 錦服、鞍轡、弓矢,改浙西道宣慰使。 二十一年,改淮 華急攻建寧,興疾趨,與福 東道宣慰使。 東道宣慰使。 建軍合,獲華 降

使, 溫 處 州 州 諭 त्तीं 盜詹老鷂、溫 漳州盜歐 十四年,尚書省立,拜行尚書省參知政事,捕斬 又奉省檄平徽州盗汪千十等。 狗 降之。 州 盗林雄。 召入朝,拜江西行省左丞。 興 潛由青田擣其巢穴,戰葉山,擒老鷂及雄等二百餘 二十八年,罷福建行省,以參知政事行 柳 分司於婺州。丁母憂。 詔起復,計 福建宣慰 人,斬于

迷失,帥師征之,賜玉帶、錦衣、甲冑、弓矢、大都良田千畝。 十九年,復立 福建行省,拜右丞。 爪哇黥使者孟琪,詔興爲平章政事,與史弼、亦黑 三十年春,浮海抵爪哇。 亦黑

當,事 以歸。 興深言其失計。 深入,虜昔剌丹不合。 迷 失 將 見弼 水 詔治縱爪哇者,弼 軍 傳。 興 叉諭降 將 土罕必闍耶果殺使者以叛,合衆來攻,興等力戰,却之,遂誅哈只萬當父子 步 軍, 還至答哈城, 諸 與亦黑迷失皆獲罪, 小 會八節澗 國 哈只葛當 史酮、亦黑迷失已遣使護土罕必 爪哇主婿土罕必闍耶降。 子昔刺 興獨以不預議,且功多,賜金 八的、昔 刺丹 不合,逃入山谷,興獨 進攻葛 闍耶 郎國, 歸 五 國, 降 + 其 具入貢 兩 主 帥 哈只 千人

興不 專,皆兼平章。 入宿衞 法,召入對,盡得其誣狀 成宗卽位,復拜福建行省 四年,遺使賜 改 河 南 海 行省平章 東白 阿里 平章 鶻、蒲萄酒、 政 一伏誅。 事 政事,賜玉帶。 改江浙行省平章政 良藥。 八年, 大德三年,汀州 授樞 事, 密副 賜 使。 總管府同 海 東 十年,進 青鶻, 知 阿里,挾怨 同 命 其 知 樞 子 伯

統三年, 皇慶二年秋九 武宗 加封南 即位,召見,拜 月,卒,年六十九。 陽 E 左丞相,商議 贈太師、 河南省事,賜以 開府儀 同 先朝 司、上柱國 御服。 仁宗 追封 寵眷勳 梁國 公、諡 舊,賜 武宣。 與尤厚。 元

管府事 子久住 ,完者都,辰州路總管,寶哥,治書侍御史。 一泉州 總管,長壽,同知 建寧路總管府事 ; 忙古台, 襲萬戶,伯顏 一同知 寧國路總

劉國傑

劉 國傑字國寶,本女眞人也,姓烏古倫,後入中州, 改姓劉氏。 父德寧,為宗王斡臣必

闍赤,授管領益都軍民公事。

陽,以益都新軍千戶從張弘範戍萬山堡。 軍、管軍總管,賜銀百兩、錦衣、弓矢以寵之。 關,戰甚力。再攻樊城,被傷數處,血戰,竟破之。 從攻樊城,破外城,火砲傷股,裹創復戰,平其外城,授武略將軍,佩金符。 百人敗之,斬首四千餘級,由是有名。從略荆南,抵歸峡,轉戰數千里,還,破宋兵襄陽下。 國傑貌魁雄,善騎射,膽力過人,少從軍漣海,以材武爲隊長。 宋兵窺伺,衆出取薪,大出兵來攻堡,國傑等以數 襄陽降。 世祖聞其勇,召見,遷武德將 至元六年,選其兵取襄 從破張貴兵櫃門

共後,國傑與董文炳,左右夾擊之,焚其戰船,世傑軍大潰,追奔圌山, 出焦山來禦師,施鐵繩,聯戰船,碇江中,以示必死。 淮南,別軍揚子橋,扼宋兵道。宋以萬衆夜奪堡,擊走之,擒其都統張林。 先登,拔之,加武節將軍。從破沙洋、新城,敗孫虎臣丁家洲,戰甚力,進萬戶。 從伯顏 南征。十一年,次郢州。宋兵扼漢水,不得下,伯顏謀取黃家灣堡以入漢,國傑 阿朮率諸軍進戰,萬戶劉琛,由江 奪责[鵠白]鶴船數百 宋將張世傑盛 復從 阿朮 南繞 兵 取

列

華言敢勇之士也

艘。日日帝壯之,詔加懷遠大將軍,賜號霸都,國傑行第二,因呼之日劉二霸都而不名。霸都,

度其衆悉至,營中必虛,選輕騎襲之,獲其衆萬計。 國上 之來降。十八年,加輔國上將軍。 右、中三衞兵,戍北邊,詔「有不用命者,斬之以聞」。十六年,諸王脫脫木反,寇和林。 |將軍、漢軍都元帥,將衞兵,定北方。 冬,召還,帝親解衣加玉帶賜之。十五年,復將左、 宋亡,入朝,加僉書西川行樞密院事,選淮南兵使將之平蜀。未行,會北邊有警,加鎭 脫脫木屢戰不利,又殘暴,失衆心,衆殺 國傑

潰去者盡殺之,國傑曰:「首亂者,華也,餘皆脅從,招諭不歸,誅之未晚。」未幾,衆果出降。 之。國傑破赤巖寨,黃華自殺,餘衆皆潰。福建行省左丞忽剌出將兵來會梧桐川,欲搜賊 之,盡復其官,以屬國傑征日本。會黃華反建寧,乃命國傑以征東兵會江淮參政伯顏等討 語之故,國傑曰:「 二十二年,自己罷在東省,除僉書沿江行樞密院,改僉院。 十九年,征東兵無功而還,帝怒,將盡罷大小將校,召國傑爲征東行省左丞。旣至,帝 罪在元帥耳,倘蒙聖慈,復諸將之職,彼必人人思奮,以雪前耻矣。」帝從

年,廣東盜起,寇肇慶,其魁鄧太獠居前寨,劉太獠居後寨,相依以爲固。 二十三年,朝廷以湖廣重地,且多盜,拜本省左丞。國傑至,首平湖南盜李萬二。 國傑趨擣後寨,破 明

之,遂拔前寨,擒斬二人,捕民結盜者,皆杖殺之。加資德大夫。

者有故田宅,盡還之,無者,使雜耕屯中,後皆爲良民。 符,在武岡曰白倉,遷其衆守之,每屯五百人,以備賊,且墾廢田榛棘,使賊不得爲巢穴。降 國傑曰:「多殺不可,況殺降耶!吾有以處之矣。」乃相要地爲三屯:在衡曰淸化,在永曰鳥 破之,斬首盜,餘衆悉降。將核請曰:「此輩久亂,急則降,降而有釁,復反矣,不如盡阬之。」 二十五年,湖南盜詹一仔,誘衡、永、寶慶、武岡人,嘯聚四望山,官軍久不能討。 國傑

月,次賀州,兵士冒瘴,皆疫,國傑親撫視之,療以醫藥,多得不死。會國傑亦病,乃移軍道 州。廣東盜陳太獠寇道州,國傑討擒之,遂攻拔赤水賊寨。 月,攻曾太獠於金林,又破走之。賊深入保險,國傑鑿山而入,賊衆五千人,掩殺略盡。七 賊。二十六年春,東入肇慶,攻閆太獠於淸遠,還攻蕭太獠於懷集,擒之,復攻走嚴太獠。四 有詔討江西諸盗,國傑趨赴之。十一月,破蕭太獠於陳古水,斬數百人,進平懷集諸寨

餘級,奪所掠男女,日暮,忽收兵去。堡中民望見,怪之,莫知其誰。明日,又忽至,召堡民 戰,望見軍容不整,曰:「此鄉丁也。」易之。國傑以數十騎陷陣,衆從之,賊大敗,斬首五百 患,患將難圖,豈可以彼此言耶!」乃選輕兵,棄旗鼓,去纓飾,一日夜趨賊境。 賊衆數千逆 二十七年,江西盜起龍泉,下令往擊之,諸將交諫曰:「此他省盜也。」國傑曰:「縱寇生

列

突入 賊 盜 歸 或 傑 其 不 復 進討 男子 寇 爲 其 巢 酃 備 縣, 盡 賊 日 ,擒之,梟首 一吾劉 衆 國傑遂還酃。 掩 驚 殺之,還鎭 亂 自相 霸 而還。 都 道州。 也。」民皆驚以爲神,因告別盜鍾太獠居南安十八耒。 蹂踐,官 賊退 以前後功,加湖 保大井山,乃分軍三道 八月,永州 軍 搏之,自旦至午,所 廣 盗李末子千七寇 右 丞 過之, 擒 殺 全州 道 甚 險, 衆 ,敗官兵, 棄馬 還 兵 而 桂 殺郡 東。 入。 長 時 二月,龍泉 國 官土 傑 天 大雨, 乘霧,

巢 詔 趾 時 身走交趾, 入 遣 地 一,皆 巖 知 爲 洞 上思 使 二十八年,置湖廣等處行 深 卽 屯 篁竹 林,不可入,乃度其 田,募(度)[慶]遠諸懂人耕之,口己以爲 州 軍 擒其妻子 黄 中 中 勝許 以玉 如 飛鳥,發毒矢,中人無愈者。 帶賜之。 恃其險遠, 殺之。 出入,列栅圍之,徐伐山通道,且戰且進,二年,拔其寨。 國傑三以書責交趾索勝許, 與交趾 樞密院,遷副 爲表裏,寇邊。 使,還軍 國傑身 兩江蔽障。 一武昌。 率士 <u>二</u>十 交趾竟匿不與。 一奮戰, 九年 秋,廣東盜再起,國傑復 後蠻 ·,詔國傑計之。 賊不能 人謂屯 敵, 爲省地,莫敢犯者。 夏, 走象山 師還, 賊 衆 出 勁 勝許 Щ 霊 悍,出 道 近 取 州 賊 挺 交

他 官。 俄 :議問罪交趾,加湖廣安南行平章事,以諸王亦吉列台爲監軍征之。 年, 入朝, 帝謂朝臣 日:「湖廣 重地,惟劉二霸都足以鎭此,他 人不能也。」命無遷 未行,會帝崩,

乃止。

頃 世 知 雄 犯澧 州 成宗卽位,復置行樞密院於衡州, 事,三十一年,萬頃復叛,攻之,不能下。 州 が消崖洞 田萬頃、楠木洞孟再 仍除副 師 犯 辰州 使。 至是,帝卽位,赦天下,幷赦萬頃等, ,朝廷嘗討降之。 初, 黔中諸蠻酋旣內附復叛, 升泊崖為施 溶州 叉巴洞 以 何

降,帝以命

國傑。

寇,盜賊遂息。 將士以守之,由是東盡交廣, 十月,進兵桑木溪,萬丑復以千人拒戰,擊却之。 經畫茶陵、衡、郴、道、桂陽,凡廣東、江西盜所出入之地,南北三千里,置戍三十有八, 千餘里。元貞元年,卽軍 軍攻石農次,賊不能支,棄寨遁,遂拔施溶,擒萬頃,斬之。 腹心,石農次、三羊峯,其左右臂也,宜先斷其臂,而後腹心乃可攻。」國傑曰:「甚善。」 壓諸 率死士陷陣,衆軍齊奮,賊敗,遂破其巢,焚之。進攻施溶,部將田榮祖 屯,免其徭役,使禦之,在禮者曰隘 九月,國傑馳至辰,進攻明溪賊魯萬丑,擁衆自上流而下,千戶崔忠、百戶馬孫兒 中加榮祿大夫、湖廣行省平章政事。 西亘黔中,地周湖廣,四境皆有屯戍, 丁,在辰者寨兵,宋亡,皆廢,國傑悉復其 明日,萬丑倍衆來攻,國傑鼓之,百戶李旺 復窮捕其黨,攀崖緣木而進, 辰、澧地接溪洞,宋嘗選民立 制度周密, 請日 :「施溶,萬頃之 制 班 諸蠻不 師 戦死。 能 分屯 繼 凡 叉

六月,入朝, 賜玉帶、錦衣、弓矢,臺臣言國傑在軍中每以家貲賞將士,帝命倍償之,部

列

傳

第

四

貴州 曲 國傑 里。 有 鼓之, 七 進光祿大夫,償其賞士金一千九百 國傑令人持一盾,布釘其上,俟陣合,即棄盾僞遁,賊果逐之,馬奮不能止, 功者,各遷官。 年春,擒斬蛇節、宋隆濟、阿女等,西南夷悉平。 詔 國傑將諸翼兵, 賊大敗。 大德五年,羅鬼女子蛇節反,鳥撒、鳥蒙、東川、 旣而復合衆請戰,國傑不應,數日,度其氣衰,一 合四 jij **雲南、思播兵以討之。 賊兵勁利,** 兩、鈔萬五千錠,將士遷官有差,命還益都上冢 詔領其將士入見,張宴享之,賞賜甚 芒部諸蠻從之皆叛,陷 鼓破走之, 追戰數千 且多健馬, 遇盾皆倒, 官軍戰失

大夫、司徒、柱國,封齊國公,諡武宣 不臣,若病幸小愈,得滅此虜,則死無憾矣。」問以家事,不言。 二月卒,曰曰年七十二。 屍還葬哉! 國 八年,還鎭。 ·傑]性雄猛,[Ino]視死如歸,嘗語人曰:「吾爲國宣力,雖身棄草野不恨,何必馬革裹 且善推誠得士心,故能立功如此。 國傑久行邊,患瘴,至是病篤。 **訃聞,帝深悼惜,贈推忠效力定遠功臣、光祿** 平章上隣吉台率僚屬問之,國傑曰:「交賊

子脫歡,湖廣行省平章政事,尚憲宗孫女。

校勘記

佐汪惟正立利州 按本書卷三憲宗紀二年八月、三年正月條,卷一二九紐磷傳,卷一五五汪世

顯傳附汪德臣傳,利州爲汪德臣所立。 道光本從類編改「汪惟正」爲「汪德臣」。

- [] 2 忽蘭[吉]下馬 從北監本補。
- == 逐與 卷 六 蒲察都元帥守青居 楊大淵傳有「靑居山征南都元帥欽察」。 按本書卷五世祖紀中統三年十月丁卯條有「都元帥欽察戍靑居山」, 蒙史改「蒲」爲「欽」、疑是。
- [Mi \Box 散毛洞潭順 按本書卷一八成宗紀至元三十一年五月庚申條作「散毛洞主覃順」。 此處「潭」當
- 75. 要术忽兒 按「要木忽兒」一名本書多見、疑此處「朮」爲「木」之誤。

作「覃」。

- . √< ∐ 三年陞平章政事 前文有「元貞元年起同知樞密院事」。 按元貞無三年,此云「三年」,當有脫
- 誤 。 本證 云:「殉爲同知樞密院事在武宗至大三年,爲平章在延祐五年。」
- . -U 杜、李三總管及甲首萬級,擒祝亮等四十二人」。此處「士卒三人」當作「士卒萬 再戰斬其將三人士卒三人虜四十二人 按元文類卷六五元明 善高興神道碑作 人。 「再戰) 斬吳、
- |Щ 陳家山(園) `斬三千首`擒五百人」。 按元文類卷六五元明善高興神道碑有「戰陳家山,圍二日, 此處將碑「二日」以下八字略去,乃誤「圍」爲「園」,今删 斬甲首七千級。 戰|江
- , ≯. ∪ 印德(傳)[傅] 據元文類卷六五元明善高興神道碑改。 按本書卷九世祖紀至元十四年三月乙

列傳第四十九 校勘記

未

條

有印德傅

- (10) 海舶七千餘艘 按元文類卷六五元明善高興神道碑「七千」作「七十」,蒙史從改,疑是。
- 黄〔鵠白〕 鷂船 據本書卷八世祖紀至元十二年七月辛未條及元文類卷四一經世大典序錄征伐

所見「黃鵠白鷂船」補。、本證已校。

〇一 二十二年 按黃金華集卷二五劉國傑神道碑及靜軒集卷五劉氏先塋碑皆作「二十一年」,蒙史

從改,疑是。

[一] (度) [慶] 遠 三地理志, 慶遠屬湖廣,至元十三年置安撫司,十六年改路。蒙史已校。 據黃金華集卷二五劉國傑神道碑、 至正集卷四八劉國傑神道碑改。 按本書卷六

二四 二月卒 按黃金華集卷二五劉國傑神道碑、 至正集卷四八劉國傑神道碑, 劉國傑死于大德九

年二月。此處當有「九年」二字。

二吾

國〔傑〕性雄猛

從北監本補。

元史卷一百六十三

列傳第五十

李德輝

夜誦 苛刻,人蒙吾力者衆,天或報之,是兒其大吾門乎!
」及卒,德輝號慟如成人。 東於貧,無以自資,乃輟業。 儲栗纔五升,其母春蓬稗、炊藜莧而食之。 德輝天性孝悌,操履淸慎,旣就外傅,嗜讀 天地之間,人壽幾何,惡可無聞,同腐草木也!」乃謝絕所與游少年,求先生長者講學,以卒 不休。 李德輝字仲實,通州潞縣人。 已乃厭糟麴, 歎曰:「志士顧安此耶! 仕不足以匡君福民,隱不足以悅親善身, 年十六,監酒豐州,祿食充足甘旨,日 生五歲,父且卒,指德輝謂其家人曰:「吾爲吏,治獄不任 有餘則市筆札錄書, 適歲凶,家

時 世 列 傳 祖 在 第 層藩,用劉秉忠薦,使侍裕宗講讀, 五 + 李 德 輝 乃與竇默等皆就辟。 三八一五 癸丑,憲宗封宗親, 其業。

割京 世 給 鹽 顯 券 宿 兆 兵利州 爲直,陸挽興元,水漕嘉陵,未期年而軍儲充羨,取蜀之本基於此矣。 隸 世祖潛藩,擇廷臣能理財賦者俾調軍食,立從宜府,以德輝與孛得乃爲使。 ,「三 扼四川衿喉,以規進取,數萬之師仰哺德輝。 乃募 民入粟綿竹,散錢幣,

慰使。 止。 然事多不白中書,由是忤平章王文統意,去位。三年,文統以反誅,德輝遂起爲山西宣 中 統 權勢之家籍民爲奴者,咸按而免之,復業近千人。 元 年,爲燕京宣撫使。 燕多劇 敗,造僞鈔,結死 黨殺人。 德輝悉捕誅之, 令行禁

勝 治, 殺之無疑。」遂竟其獄。 之。嘉禾瑞麥,六出其境。 召妾鞫之,不移時而服,遂杖其夫而 蝗旱爲憂, ,謀不利於己。 故以德輝爲守。 至元 元年,罷宣慰司,授太原路總管。時潛藩故傅相無有出爲二千石者,帝以太原難 命德輝錄囚山西、河東。行至懷仁,民有魏氏發得木偶,持告其妻挾左道爲厭 移數獄,詞皆具。 至郡,崇學校,表孝節,勸耕桑,立社倉,一權度,凡可以阜民者無不爲 權貴人爲請者甚衆,德輝不應,罪狀旣明,請者乃慚服。七年,帝以 五年,徵爲右三部尚書。人有訟財而失其兄子者,德輝曰:「此叔 論妾以死。 德輝察其冤,知其有愛妾,疑妾所爲,將搆陷其妻也。

頃,起廬舍,疏溝澮,假牛、種、田具與貧民二千家,屯田其中,歲得粟麥芻藁萬計。十二年, 皇子安西王鎭關中,奏以德輝爲輔,遂改安西王相。 至則視瀕涇營牧故地,可得數千 列傳第五十 李德輝

不能 軍政 鼓繼 政 詔 至 一成都 以公輩利 以王 不 進,是堅其不下 正言明告,嚴備 相 一,相訾紛紛,朝夕敗矣,豈能成功哉 兩 撫 府爭 蜀。 其剽殺,民不得有子女,懼而不來耳。 遣使咨受兵食方略, 時重慶猶城守不下,朝廷各置行 也。 止攻,以須其至,反購得軍吏杖之,爲爲得罪,使懼 中使不諭詐 計, 德輝戒之曰:「宋已亡矣,重慶以彈 竟以不奉明詔復 」德輝出,未至秦,瀘州叛,而重慶圍果潰, 樞密院於東、西川, 嚮日兵未嘗戰,中使奉璽書來赦,公輩旣 命。 如是者, 合兵萬人圍之。 而 非玩 丸之地,不降 叛去,水陸之 寇 而 何 何歸 德輝 師 況 復

名、故 弘,錄功忘過,能早自歸,必取將相,與夏、呂比。又爲書,以禮義禍福反復譬解之,以爲:「汝 出 是年,復瀘州。 之爲臣 栅皆下。 負阻窮 [合俘繫順慶獄者縱之,使歸語 十四四 爾得 山,而 年, 而 親於宋之子孫,合之爲州,不大於宋之天下,彼子孫已舉天下 制 東 其 日 JII 韶以德輝為西川行樞密院副使, 仍兼王相。 十五年,再圍 吾 死 樞府,猶故將也,懲前與西川相觀望致敗,惡 1忠於 命。 主今亡矣,猶欲以是行之,則戲下盜遇君,竊君首以徼 所事,不亦惑哉 [重慶,踰月拔之,紹(興)[慶]、[司南平、夔、施、 州將張珏,以天子威德遠著,宋室旣亡,三宮皆北, 且昔此州之人不自爲謀者,以國 諸軍旣發, 相屬,願獨軍 德輝留成都給 而 有 圍合州。 歸 思、播諸 注,耻 我, 福 汝 旦,不難 Щ 猶 我朝含 德 [壁水 輝 義 偃 之 乃

也。」压未及報,而德輝還王邸。

矣,竟 蠟 其 自 吾 刻 國 將王 立 活 非 耳, 書, 此 攘 而 旣 未 無 間 立 下,家 民 而 人之功者,誠懼 功 必誠降。」 至 如諭 合州 , 豈 計 汝 而 成都降。 繪事 還。 遣李興、張 珏 者,而 一德輝 之。 嫌怒 今立, 珏 德輝從兵纔數百人赴之, 爲哉 川蜀平,復以王相還邸。 公等憤其後服,誣以嘗抗蹕先朝,利 曰:「昔合以 辭益剴 (卻)[部]十二人詗事成都,四皆獲之, 牙校 」即單舸 切。 也,習狙詐不信,特以計致公來,使與吾爭垂成之功 重慶存,故力可以同惡,今已孤絕,窮而 立 亦計 濟江,薄城下,呼立出降,安集其民,而罷置其吏,合人 夙與東府 東府害其來,皆曰:「公昔爲 有深怨, 其剽奪,而快心於屠 懼誅, 釋不殺,復爲書縱歸,使諭 卽 使 興等導 來歸,亦 書招珏 城也。 帥 幹楊 延延 其 誠 、勢然。 吾爲 命晷 亦 獬 極 懷

言上 雲南 進,復 卽 | 「是人朕所素知,雖一羊不妄受,寧有是耶! 身至 聞 湖廣、 遣張孝 播州 乃改 年,置行 泣 四川合兵三萬人討之。 思 鬼國 且 諭 告曰:「吾屬百萬 鬼國 中書省,以德輝爲安西行省左 爲順 趣降。 人,微公來,死且不降,今得所歸,蔑有二矣。」德輝以其 阿察熟德輝名,曰:「是活合州李公耶,其言明信 兵且 壓境,德輝適被命在播,乃遣安珪馳驛止三道兵勿 丞。日是年,西南夷羅施鬼國旣降復叛,詔 其後有以受鬼國馬千數譖德輝于朝者,帝 可恃。」

王立,衰経率吏民拜哭,聲震山谷,爲發百人護喪興元。 德輝卒年六十三,蠻夷聞計,哭之哀如私親,爲位而祭者 動 輒千 百人。 播州安撫使何彦(清)[請]率其民 合州安撫使

張雄飛

立廟祀之。云

部語。 飛旣長,往師前進士王寶英於趙城。 尋復命守河陰,仍留家人於許。 雄飛幼失母, 踪妾李氏養之。 國兵屠許,惟工匠得免。 有 田姓者,琮故吏也,自稱能爲弓,且詐以雄飛及率氏爲家人,由是獲全,遂徙朔方,雄飛時方 食僧舍。 張雄飛字鵬舉,琅琊臨沂人。父琮,仕金,守盱眙。金人疑之,罷其兵柄,徙居許州。 至霍州,李欲逃,恐其累己,雄飛知之,頃刻不去左右,李乃變服與俱還,寓潞州。 已而入關陝,歷懷、孟、潼、華,終求其父弗得,遂入燕。居數歲,盡通國言及諸 金亡,雄飛不知父所在,往來澤、腦,求之十餘年,常客 雄

驛召雄飛至,問以方今所急,對曰:「太子天下本,願早定以繫人心。 事,搜抉蠹弊悉除之。 至元二年,廉希憲薦之于世祖,召見,陳當世之務,世祖大悅。 帝問處士羅英,誰可大用者,對曰:「張雄飛眞公輔器。」帝然之。命 間閣 授同 小人有升斗之儲, 知平陽路轉運

列

乎。」帝方臥,矍然起,稱善者久之。 尙 .知付託,天下至大,社稷至重,不早建儲貳,非至計也。向使先帝知此,陛下能有今日

嫉妬汝,朕能爲汝地也。」雄飛益自感勵,知無不言。 等旣爲臺官,職在直言,朕爲汝君,苟所行未善,亦當極諫,況]百官乎!汝宜知朕意。 矣。」帝曰:「善。」乃立御史臺,以前丞相塔察兒爲御史大夫,雄飛爲侍御史, 凡政事得失,民間疾苦,皆得言,百官姦邪貪穢不職者,卽糾劾之。 能 扶, 卿輩能任此乎。」孝卿謝不敢當。帝顧雄飛,雄飛對曰:「古有御史臺, 爲天子耳目, 他日,與江孝卿同召見,帝曰:「今任職者多非材,政事廢弛,譬之大厦將傾,非良工不 如此,則紀綱舉、天下治 且戒之曰:「卿

帝前,忤旨, 已,以奴妻及妻之父母、家貲還之,惟挾其奴以去。 識之,捕其奴與妻及妻之父母,皆械繫之,盡沒其家貲。 雄飛無所顧,盡得其罪狀以聞,正寅與其黨管如仁等皆伏誅。 參議樞密院事費正寅素險狡,有告其罪者,詔丞相線眞等與雄飛雜治之。 左遷同知京兆總管府事。宗室公主有家奴逃渭南民間爲贅壻。 雄飛與主爭辨,辭色俱厲。 會議立尚書省,雄飛力爭於 主適過臨潼 請托交至, 主不得

相附會,雄飛不可曰:「所犯在制國用時,平章獨不預耶。」衆無以答。 入爲兵部尚書。平章阿合馬在制國 用司時,與亦麻都丁有隙,至是,羅織其罪,同僚爭 秦長卿、劉仲澤亦以

列傳第五十 張雄飛

政相處。」雄飛曰:「殺無罪以求大官,吾不爲也。」阿合馬怒,奏出雄飛爲澧州安撫使,而三 件阿合馬,皆下吏,欲殺之,雄飛亦持不可。阿合馬使人啗之,曰:「誠能殺此三人,當以參

人竟死獄

中。

民,雄飛遣楊應申等往諭以威德,諸徭悉咸服。 |飛曰:「此盜食,欲救死,非强也。」寬其獄,全活者百餘人。 澧西南接溪洞,徭人乘間抄掠居 稅歐人者,欲改宋弊政,懲不畏法者爾。」細民以乏食,羣聚發富家廪,所司欲論以强盜,雄 ·,僚佐受賂,欲寬其罪,雄飛繩之益急。 或曰:「此細事,何執之堅。」雄飛曰:「吾非治匿 時澧州初下,民懷反側,雄飛至,布宣德敎以撫綏之,民遂安。 有巨商二人犯匿稅及毆

海牙以降民三千八百戶沒入爲家奴,自置吏治之,歲責其租賦,有司莫敢言。 十餘家,與德山寺僧將爲亂,衆議以兵討之。雄飛曰:「告者必其仇也。 里海牙,請歸其民於有司,不從。雄飛入朝奏其事,詔還籍爲民。 靜鎭之,兵不可遽用,苟有他,吾自任其責。」遂止,徐察之,果如所言。先是,荆湖行省阿里 十四年,改安撫司爲總管府,命雄飛爲達魯花赤,遷荆湖北道宣慰使。 且新附之民,當以 有告常德富民 雄飛言于阿

容,奏留雄飛不遺,改陝西漢中道提刑按察使。 十六年,拜御史中丞,行御史臺事。 阿合馬以子忽辛爲中書右丞,行省江淮,恐不爲所 未行,阿合馬死,朝臣皆以罪去。拜參知政

政也。 所言者是,股今從汝。」遂止降輕刑 忽辛 事。 我曾受汝家錢物否。」曰:「惟公獨否。」雄飛曰:「如是,則我當問 年春,册上尊號,議大赦天下,雄飛諫曰:「古人言:無赦之國,其刑必平。 有罪,敕 阿合馬 聖明在上, 豈宜數赦 用 中貴 專 日 人及 久,賣官鬻獄, 中書雜問,忽辛歷指宰 」帝嘉納之,語雄飛曰:「大獵而後見善射,集議 紀 之詔 綱大壞,雄飛 執曰:「汝曾 乃先自降 使我 階,於是僥倖超躐者皆降之。 家錢物,何得 汝矣。」忽辛遂伏辜。 故赦者,不平之 問 而後知能言,汝 我 _____雄 飛 二 干

不知 賜金 顏 塔卽古阿散等俄 北道宣慰使,決壅滯,黜姦貪,政化大行。 自辨乎。」二十一年,盧世榮以言利進用 賜 謂眞廉者 自辨 物 耶 H. ,裕宗在東宮聞之,命參政溫迪罕諭 雄 飛 ,雄飛曰:「上以老臣廉,故賜臣,然臣未嘗敢輕 十兩及金酒器。 毋爲 矣。 剛直廉愼,始終不易其節。 聞卿貧甚,今特賜卿銀二千五百兩、鈔二千五 小人所詐。」塔卽古阿散請檢核前省錢穀,復用 以罪誅,帝慮校核失當,命近臣 雄飛受賜, 封識藏於家。 嘗坐省中,詔趣召之,見於便殿,謂雄飛曰:「若卿,可 雄 丞相 卒于官。 飛 安童曰:「上所 與諸執政同日皆罷。 伯顏閱之。 後阿合馬之黨以 用,而 中書左 一百貫。」 封識 以 り賜張 阿合馬 以 雄飛 雄飛罷 雄飛 丞 俟者,政虞今日耳,又可 二十三年,起爲燕南 之黨, 耶律老哥勸雄飛詣伯 拜謝、 者,旌 政, 竟矯詔追奪之。 注集廉· 將出,又詔 詣省乞追奪 也,汝豈 河 加

果得 諸。」對曰:「遼事臣未周 終始,無往不在。殿下能行聖人之道,性卽在是矣。」又問:「或云,遼以釋廢,」金以儒亡,有 以自固,天澤議攻之,德輝請招之降,全活甚衆。 天澤南征,籌畫調發,多出德輝。 試掾御史臺。 望有官也。」其介愼如此。 官汝者,汝宿衞日久,固應得官,然我方爲執政,天下必以我私汝,我一日不去此位,汝輩勿 大事,又不 入覲,言之宰相,欲白皇太子,請以師野爲荆南總管,雄飛固止之。 盜。 張 子五人:師野,師諤,師白,師儼,師約。師野宿衞東宮時,荆湖行省平章政事阿里海牙 歲丁未,世祖在潛邸,召見,問曰:「孔子歿已久,今其性安在。」 對曰:「聖人 張德輝 德輝字(輝)[耀]卿,[刊]冀寧交城人。少力學,數舉於鄉。 趙秉文、楊慥咸器其材。 使預聞,大抵以儒進者三十之一,國之存亡,自有任其責者,儒何咎焉」世祖然 會盜殺卜者,有司蹤跡之,獲僧匿一婦人,搒掠誣服,獄具,德輝疑其寃,其後 知,金季乃所親睹,宰執中雖用一二儒臣,餘皆武弁世爵,及論 天澤將誅逃兵,德輝救止,配令穴城。 金亡,北渡,史天澤開府眞定,辟爲經歷官。歲乙未,從 金貞祐間兵興,家業殆盡 歸謂師野曰:「今日 光州華山農民為寨 與天 C欲有 軍

列 傅

第

五. +

張 德

輝

三八二三

地

國

者將以仰事俯育。而親民之吏復橫斂以盡之,則民鮮有不凍餒者矣。」 爲 之。 日:二 中 業之主 國 寶用。 農桑,天下之本,衣食之所從出者也。男耕女織,終歲勤苦,擇其精者輸之官,餘麄惡 因問 人材,德輝舉魏璠、元裕、李冶等二十餘人。又問:「農家作勞,何衣食之不贍。」德輝對 如製此器,精選白金良匠,規而成之,畀付後人,傳之無窮。 否則不惟缺壞,亦恐有竊而去之者矣。」世祖良久曰:「此正吾心所不忘也。」又訪 .[德輝日:「祖宗法度具在,而未盡設施者甚多,將如之何。」德輝指銀槃,喩日:「創 當求 謹厚者司掌,乃永

權、勳舊則如忽都虎者,使主民政,若此,則天下均受賜矣。」 爲害尤甚。」世祖默然,曰:「然則奈何。」對曰:「莫若更遣族人之賢如口溫不花者,使掌兵 道之意何如耳。」世祖曰:「今而後,此禮勿廢。」世祖又問:「典兵與宰民者,爲害孰甚。」對 師,有國者尊之,則嚴其廟貌,修其時祀,其崇與否,於聖人無所損益,但以此見時君崇儒重 曰:「軍無紀律,縱使殘暴,害固非輕,若宰民者,頭會箕斂以毒天下,使祖宗之民如蹈水火, 歲 《戊申春,釋奠, 致胙於世祖,世祖曰:「孔子廟食之禮何如。」對曰:「孔子爲萬代王者

|李濤數人。陛辭,又陳先務七事:敦孝友,擇人才,察下情,貴兼聽,親君子,信賞罰 世祖以字呼之,賜坐,錫賚優渥。有頃,奉旨教胄子孛羅等。壬子,德輝與元裕北觀, 是年夏,德輝得告,將還,更薦白文舉、鄭顯之、趙元德、李(造)[進]之、云高鳴、李槃、 : , 節財

列傳第五十 張德輝

請世祖爲儒教大宗師,世祖悅而受之。因啓:「累朝有旨蠲儒戶兵賦,乞令有司遵行。」從之。

仍命德輝提調眞定學校。

故有守卒,不以充數。悉條奏之,帝可其請。兵後孱民多依庇豪右,及有以身傭藉衣食,歲 **久掩爲家奴,悉遣還之爲民。** 千里來見,[5] 曰:「六十年不復見此太平官府矣。」 戴之若神明。 西川帥紐鄰重取兵千餘 人,守吏畏其威,莫敢申理,隸鳳翔屯田者八百餘人,屯罷,兵不歸籍;會簽防戍兵,河中浮梁 世祖卽位,起德輝爲河東南北路宣撫使,下車,擊豪强,黜贓吏,均賦役。耆耋不遠數

仍蠲 毒下也,且後期之責孰任之一。遂罷其事。孀婦馬氏,將鬻其女以代納逋賦,分己俸代償之, 使,春早,禱泰山而雨。東平賦夥獄繁,視河東相倍蓰,凡遇贓奸,悉窮之,不少貸。奏免遠 輸豆栗二十萬斛,和糶栗十萬斛。[10]寶合丁議賦繭絲,令民稅而後輸。 德輝曰:「是誣上以 給俸祿以養廉能,三曰易世官而遷都邑,四曰正刑罰而勿屢赦。帝嘉納焉。遷東平路宣慰 其額。 二年,考績爲十路最。陛見,帝勞之,命疏所急務,條四事:一曰嚴保舉以取人材;二曰

糜廪幣者,敕按之,奏曰:「在昔將校,備嘗艱阻,與士卒同甘苦,今年少子弟襲爵,或以微勞 至元三年秋,參議中書省事。五年春,擢侍御史,辭不拜。有言沿邊將校冒代軍士、虛

請老,命舉任風憲者,疏烏古倫貞等二十人以聞。 皇族,外戚得以糾彈,女謁毋令奏事,諸局承應人皆得究治。」帝良久曰:「其徐行之。」德輝 宜愼思之。」有頃,復召曰:「朕慮之熟矣,卿當力行之。」對曰:「必欲行之,乞立宗正府以正 輝議御史臺條例,德輝奏曰:「御史,執法官。今法令未明,何據而行?此事行之不易,陛下 易其部署,選武毅才略者任之,庶使軍政自新。又時委司憲者體究,庶革其弊。」有旨命德 進用,豈知軍旅之事乎!致使朝廷遣使覆按,此省院素失約束耳。痛繩之,則人不自安,第

十年,江江不勝其困苦,民率流亡。德輝閱實戶編,均其等第,出納有法,數十年之弊一旦 初,河東歉,請於朝,發常平貸之,幷減其秋租有差。 賦役不均,官吏並緣爲姦,賦一 一征

李冶游封龍山,時人號爲龍山三老云。卒年八十。 **德輝天資剛直,博學有經濟器,毅然不可犯,望之知爲端人,然性不喜嬉笑。**

馬亨

寅、太宗始建十路徵收課稅使,河北東西路使王晉辟亨爲掾,以才幹稱。甲午,晉薦於中書 馬亨字大用,邢州南和人。 世業農,以貲雄鄉里。 亨少孤,事母孝, 金季習爲吏。庚

令耶律楚材,授轉運司知事,尋陞經歷,擢轉運司副使。

序以寬簡治之,不事掊克,凡五年,民安而課裕。 惟亨等各賜衣九襲。癸丑,從世祖征雲南,留亨爲京兆權課所長官。曰曰京兆,藩邸分地也, 哥 撫諭西京、太原、平陽及陝西五路,俾民弗擾。旣還,圖山川形勢以獻,餘使者多以賄敗, 庚戌,太保劉秉忠薦亭於世祖,召見潛邸,甚器之。 既而籍諸路戶口,以亨副八春、忙

「無害,願一行。」乃慰遣亨。旣至,拘係之,窮治百端,竟無所得,惟以支竹課分例錢充公 焉。」避而過之,阿藍答兒果怒,遣使逮之王府。世祖詢亨曰:「汝往,得無摭汝罪耶。」對曰: 復遣轉餉江上軍實。 祖攻鄂州,洎北還,遣亭馳驛往西京等處罷所簽軍,幷撫諭山西、河東、陝右、漢中。旣還, 用,及僦公廨輦運脚價爲不應,勒償其直而已。世祖知其誣,更賜銀三十二鋌。己未,從世 適 與之遇。 享策曰:「見之,則銀必拘留,不見,則必以罪加我,與其銀弗達王府,寧獲罪 丁巳,憲宗遣阿藍答兒等覈藩府錢穀,亨時輦歲辦課銀五百鋌,輸之藩府,道出平陽,

四川 規措軍儲轉運使。時阿藍答兒等叛,亨與宣撫使廉希憲、商挺合謀,誅劉太平等,悉定 中統元年,世祖即位,陝西、四川立宣撫司,詔亨議陝西宣撫司事。 尋建行省,命亨兼陝西行省左右司郎中。時興元畜糧五萬石,欲轉餉大安軍,計**傭** 尋賜金符,遷陝西

集,無勞民傷財之嘆。 直 之,反誣搆 萬緡 ,衆推亨往,時丁內艱,以攝省府事强起之。至則以兵官丁產均其役,不閱月而事 行省前保關中有 興元 異謀,詔右丞粘合珪讞之,亨力辨之,寃搆 判官費正寅狡悍不法,自己莫有能治之者。 釋然。 亨白省府,欲以法 繩

甫 對 往 日 不 轉 集,而 曰:「新 視 六曹之職 必備,今宰相至十七員,宜加裁汰,四曰左右郎署毗贊大政,今用豪貴子弟,豈能 運 日 爲 東宮保傅當用正人,以固國本;二日 司 四 入 文具,宜令憲司 年 總管府,咸奪其制書,授亨工部侍郎、解鹽副使。 自陝西來覲。」帝諭 切罷之,則是非安在?宜還其命書,俾仕者有所勸勉。」從之。 遷陝西 分理萬機,今止設左右二部,事 五路西蜀 糾舉,務在必行。 四川 曰:「卿久著忠勤,自今不令卿遠出矣。」 廉訪都轉運使。 中書大政,擇任儒臣,以立朝綱,三曰 疏聞,帝卽召見,有旨:「卿 何由辦,六日建元 未幾, 朝廷以考課檄諸路轉運司,至則併 序乃上言::「以考課定賞罰,其人 以來,便民條畫已多,有司往 比安在,胡不早言。』亨 亨復 任 Ē 相 便宜六事 惟賢、官 賛襄;五

序又建言立常平、義倉、謂備荒之具,宜亟舉行。 權 恃 萬貨 制 至元 或 者,法使然也。 用 使阿 三年 合馬,欲貿交鈔本,私平準之利,以增歲課爲辭。 ,進嘉議大夫、左三部尚書,尋改 法者,主上之柄,今使一賈擅之,廢法從私,將 戶部尚書,金穀出納,有條 而時以財用不足,止設義倉。 帝以問亨,對曰:「交鈔可以 何 以令天下。」事遂寢。 不紊。 時有賈胡,

發軍餉,詔以阿里爲右丞、姚樞爲左丞、亨爲僉省任其事,水陸供餽,未嘗有闕,亨之力爲 宜 歸 十年,還京師,帝方欲柄用之,遽嬰末疾。十四年,卒,年七十一。 中書,以示無濫。」尋爲平章阿合馬所忌,以誣免官。會國兵圍襄、樊,廷議河南行省調 七年,立尚書省,仍以亨爲尚書,領左部。 亭上言:「尚書省專領金穀百工之事,其銓選

程思廉

子紹庭,雲南諸路肅政廉訪司副使。

程思廉字介甫,其先洛陽人,元魏時以豪右徙雲中,遂家東勝州。父恒,國初佩金符,

爲沿邊監権規運使、解州鹽使。

聞者韙之。 詰之,思廉曰:「此去敵近,中夜騷動,衆必驚疑,或致他變。縱有漂濕,不過軍中一日糧耳。」 省河南,署爲都事。 輸者與民爭門,不時至,思廉令行者異路。栗至,多露積,一夕大雨,思廉安臥不起,省中召 思廉用太保劉秉忠薦,給事裕宗潛邸,以謹愿聞。 丞相史天澤尤器之。時方規取襄樊, 命爲樞密院監印,平章政事哈丹行 使任轉餉,築城置倉以受粟,轉

至元十二年,調同知淇州,徙東平路判官,入爲監察御史,以劾權臣阿合馬繫獄。

防,露宿督役,水不爲患,衞人德之。遷陝西漢中道按察使,以母老不赴。 章上,不之罪也。衛輝、懷孟大水,思廉臨視賑貸,全活甚衆。水及城不沒者數板,卽修隄 急就食,豈得已哉!天下一家,河北、河南皆吾民也。」亟令縱之。 得請。二十年,河北復大饑,流民渡河求食,朝廷遣使者,集官屬,絕河止之。 而 巧爲機穽,思廉居之泰然,卒不能害。 徵租益急,欲止之。 有司謂法當上請,思廉曰:「若然,民已不堪命矣。」卽移文罷徵,後果 累遷河北河南道按察副使, 道過彰德,聞 且曰:「雖得罪死 俄丁母憂。 思廉日:「民 兩 河 不恨。」 歳饑

禮 而 一教不興,思廉力振起之,始有從學問禮者。 意甚倨,思廉奉宣上意,綏懷遠人,且明示禍福,使毋自外,聞者懾服。 成宗卽位,除河東山西廉訪使,太原歲飼諸王駝馬一 二十六年,立雲南行御史臺,曰即起復思廉爲御史中丞。 萬四千餘匹, 始至,蠻夷酋長來賀,詞若遜 思廉為請, 雲南舊有學校,而 止 一飼干

劄,權歸曹吏,思廉自判牘尾,某當某罪,吏皆束手。 匹。 平陽諸郡歲輸租稅於北方,民甚苦之,思廉爲請,得輸河東近倉。 舊法,決事 咸有議

之經紀家事,撫視其子孫。 力、定律令,皆急務也。 思廉累任 風憲 剛正疾惡,言事剴切,如請早建儲貳、訪求賢俊、辨車服、 與人交有終始,或有疾病死喪,問遺賙卹,往返數百里不憚勞,仍爲 其於家族,尤盡恩意。 好薦達人物,或者以爲好名,思廉曰:「若 議封諡 、養軍

烏古孫澤

庫 使,從金主遷汴。 鳥 古孫澤字潤甫,臨潢人。其先女眞烏古部,因以爲氏。 汴城陷,轉徙居大名。父仲,倜儻有奇節,遭金季世,憤無所施,用高言 祖璧,仕金爲明威將軍、資用

危行,親交避之,遂縱酒陽狂以自晦,然敎澤特嚴 至淮南餉軍,丞相阿朮見而奇之,補淮東大都督府掾。 澤性 一副毅,讀書舉大略,一切求諸己,不事章句,才幹過人。世祖將取江南,澤以選翰

鈔

據|聞 塔出會兵甲子門,遂度兵閩關,八戰而至南劍,殺其守臣張淸,宋師遂退。 往復從宋,江東大擾。唆都時軍浙東,建、信告急,唆都謀于衆曰:「我軍當何先。」澤曰:「彼 陳瓚舉郡應之。文天祥置都督府于南劍州,守臣張淸行都督府事,謀復建寧。閩中郡縣往 據 福州,改元炎興,度我軍且至,遂入于海,復聚兵甲子門。其將張世傑攻泉州,興化守臣 、廣,而我往浙右,非策之善。譬之伐木,務除其根,當先向南。」會行省檄唆都,與左丞 至元十四年,元帥唆都下兵閩、越,見澤,與語而合,卽辟元帥府提控案牘。時宋廣王

冬十月,收福州, 列 僔 第 Ŧi. + 鳥 進攻興化,拔之。峻都怒其民反覆,下令屠城,澤屢諫不聽,復前說 古 孫 澤

走。 世傑得逃民,知興化已破,乃解泉州圍去。 下漳州,軍于海豐,引精騎與塔出會。十二月,入廣州 我定興化, 曰:「世傑不虞我軍遽至,方急攻泉州,謀固其植。 是我不戰而完泉州,捷於吾兵之馳救也。」唆都喜,開南門縱民去,因得脫死者甚衆 整兵而南,彼樹植將日固矣。莫若開其遺民,使走泉南扇動之,世傑將膽落而 唆都至泉州,部署別將,裝大艦趣甲子門,自將 我新得泉州,民志未固,旦暮且失守。 此

潮拔,馬發死焉。 壘,爲之援應也。 十五年春正月,還擊潮州,守將馬發備禦甚固,澤曰:「潮人所以城守不下者,以 第翦其外應,潮必覆矣。」乃分兵攻其一大壘,破之,餘壘盡散走,二旬而 旣而文天祥軍潰於江西,廣王暨張世傑死于海中,唆都還軍 建 外多壁

軍,賜金織衣,賞其善謀也。 後得計功版授。 之民,有棄子于道者, 民復生之父母也。」喜極而繼以泣。 夏五月,韶立行中書省于福建,以唆都行參知政事,澤行省都事,從朝京師,命知 官吏恐激變,不敢詰,澤悉追毁所授,誅其尤無良者,貪暴始戢 置慈幼曹籍而撫育之。 繼改興化軍爲路,授澤行總管府事,民歌舞迎候于道曰:「 郡新殘于兵,白骨在野,首下令掩埋之,又衣食其流 郡中惡年少喜爲不義,以資求竄名卒伍,冀 是吾 興化 離

止陳瓚,從瓚者猶蒙宥,民奈何連坐「」亟爲令曰:「民不幸詿誤從陳瓚誅,及鬭死無後者,其 始 陳瓚以郡 應張世傑,民多戰死者,至是,吏援例將籍其產,澤語吏曰:「國 家至仁,誅 第五十 烏古孫澤

列

傳

肄經 像 少 什 田 伍 祠 廬貲產並給其族姻,有司無所與。」東不能逆,乃止。 非所 一、保衛 于學官。 義 行 以 鄉飲 郷里。 安反側也。 酒禮,旁郡聞而慕之。 及時平,行省議籍爲兵,上下 且當籍者衆, 民或有他心。」議遂格。 興化故號多士,士咸知嚮慕,以澤與常衮、方儀,並肖 洶洶, 澤白行省曰:「國兵非少,今籍 當江南未定,盜賊所在有之,民自相 澤又興學校,召長老及諸 民 生講 以示

東木 俘 因 責 初 (民自實,使者旁午,隨地置獄,株連蔓引,備極慘酷,民以考掠瘐死者載道, 所獲不貲, 要 獲 間 歸 盡掩 附時 五百餘 以 至元二十一 利害曉之,一郡由是獲安。 有之。 ,州縣長吏及吏胥富人比屋斂銀,將輸之官,銀已具而 人,簡出其詿誤者百有五十人,上書言狀,誅其首惡者三十一 年, 有使至永,澤戒 調永州路判官。 吏美供帳,豐酒食,務順**適**其意。 是歲,盜起寶慶、武崗,皆永旁郡也。 湖廣平章政事要束木貪縱淫虐, 事遂中止。 使者感愧,無所 誅求無厭。 人,餘得減 行省遣澤討平之, 要束木 發其毒, 卽下令, 或妄言

繫之,非死 要東木怒曰:「郡國錢糧 二十六年, 不釋也。」明年,桑哥敗,要東木伏誅,澤始得釋。 丞相桑哥建議考校錢穀, 無不增羨,永州 天下騷動。 何爲獨 不 然! 澤嘆曰:「民不堪命矣。」卽自上計行 此直 孫府判倚其才辨慢我, 亟拘

一十九年, 湖廣 平章 政事闊里吉思薦澤才堪將帥, 以行省員外郎從征海南黎。 黎人

哈孫 北之民 澤作 驗治。 洩,得 平 邇,募民 上 帥 府 軍軍 一三三 蠲 司 察其 還, 稻 澤馳 其 |規 欣 伉 田 忭 田 澤爲廣 三十有二章, 岩干 上 健 心誠 租 至 相 功, 者 雷州、盡發其奸 慶 一發象州 畝 四千六百餘 愛民,不 西 授廣南 ,歲收穀若干石 兩 江道宣 、賀州官粟三千五百石 以漸爲敎,其民至今遵守之。 以專擅罪之。 西道宣慰副使。 戶、置 一慰副 ·贓,縱所掠男女四百八十二口、牛數千頭, 雷留 爲軍儲 使、僉都元帥府事 邕管徼: 那 秋七月,併左右兩[江]道歸廣西宣慰司,置[都]元 扶十屯,列營堡以守之。 ,邊民賴之。 外蠻數爲寇,澤循行 以 **賑饑者,旣發,乃上其事。** 又省廐置二十二所,以斜民力。 海北 兩 江 一荒遠瘴癘 元 帥 薛赤干贓 陂水 並徼,得阸塞處, ,與百· 墾田 金銀器物 利 時行 夷接,不 築 事覺,行 八堨 省平章哈刺 稱是,海 知 省皦 以節 布 歲 禮 畫 饑 法, 澤 遠 瀦

數年, 食而 百石 擢 爲 海 御 妻子樸素無華,人皆言之,澤不以爲意 北 史 日 餘悉委學官, 海 臺言:「烏古孫澤奉使知大體,如汲長孺,爲將計萬全,如趙充國。 ::「夫子有言,事君者先其 南 廉 訪 使。 給諸生 故 例,圭田 以勸業。 至秋 事,後其食。 常日 乃入 租 二十士非 也 「,後遂計月受之,澤視事三月,民**輸** 吾涖 儉 (無以養廉)非廉無以養德。] 政日淺,而受祿 四倍, 非 可屬 情 身 大任。」 所 租 安。」 計米五 布 詔 袍 量

雷 州 地近海,潮汐齧其東南,陂塘鹻,農病焉。 而西北廣衍平袤,宜爲陂塘,澤行視城

列傳第五十 趙炳

陰,日:「三溪徒走海,而不以灌漑,此史起所以薄西門豹也。」乃敎民浚故湖,築大堤,場三 溪瀦之,爲斗門七,堤堨六,以制其贏 守視者 ,時其啓閉,計得良田數千頃,瀕海廣潟並爲膏土。 耗;釃爲渠二十有四,以達其注 民歌之曰:「爲鹵爲田兮,孫父之 輸。 渠皆支別爲牐、設

敎。 渠之泱泱兮,長我秔稻。 自今有年兮,無旱無澇。」

死,飲食不入口者十有三日,不死,乃復食。 士民以爲澤之所致。 至大元年,改福 建廉訪使。 以母年踰 八十, 澤宿有德於閩,閩人安之。 求歸養長沙。 澤積官自承直郎至中大夫、諡正憲 歲餘,母 喪,澤以哀毁卒。 有芝五色產於憲司 妻杜, 之澄清堂 以夫

子良禎,仕至中書右丞,以功名終。

趙炳

財,燕 桓、撫間,以炳爲撫州長,城邑規制,爲之一新。己未,王師伐宋。 兄,盜驚異,舍之而去。 炳幼失怙恃,鞠於從兄。 趙炳字彦明,惠州灤陽人。 薊騒 動。 王 師 北還,炳遠迓中途,具以事間,追所括兵及横斂財物 甫弱冠,以勳閥之子,侍世祖於潛邸,恪勤 歲饑,往平州就食,遇盜,欲殺之,兄解衣就 父弘, 有勇略, 國初爲征行兵馬都元帥,積階奉 未幾, 不 縛。 怠,遂蒙眷遇。 ,悉歸於民,世祖嘉 北方有警, 炳年十二,泣請 國 上將軍。 括兵 世 祖 斂 次

其忠。

曰:「脅從之徒,不足治也。」 之。 果爲宣撫 時李 中 統 璮 使,聞 元年,命判北京宣撫司事。 叛 炳至,喜曰:「吾屬無 據 濟南, 炳 請討之。 憂矣。」三年,括北京鷹坊等戶丁 北京控制遼東,番夷雜處,號稱難治。 國兵圍城,炳將千人獨當北 面, 爲兵, 有所俘獲,即 蠲 其賦 時參知 縦 政事楊 令炳 遣去, 總

遷遼東提刑按察使,遼東聞其來,豪猾屛跡。 軍、濟南路總管。 曰:「炳用法太峻,然非循情者。」改樞密院斷 死,其子犯蹕訴寃,詔 濟南 平,入 爲刑部侍郎,兼中書省斷事官。 炳至,止罪首惡,餘黨解散。 讓之,炳曰:「臣執法尊 事官。 歲凶 君, 時有攜妓登龍舟者,即按之以法,未幾,其 職當 濟南妖民作亂,賜金虎符, **,發廪賑民,而後以聞,朝廷不之罪也。** 爲 也。 帝怒, 命之出, 加昭 旣 而謂侍 勇大將 臣

王府 皇子安西 命之曰:「後有犯 一責償 經費,歲久,積逋二十餘萬緡,有司追理,僅獲三之一,民已 至元 九 王 一日,其孰能堪 年 開 帝念關 府於秦,韶治宮室,悉聽炳裁製。 清,勿: 復啓,請若自處之。」自是豪猾斂戢,秦民 中 重 !與其裒斂病民,孰若惠澤加於民乎!」王善其言,遽命免徵。 地,風 俗强悍,思得 剛鯁舊臣以臨之,授炳京兆路總管,兼府尹。 王府吏卒橫暴擾民 不堪。 以安。 者,卽 有旨 炳密 建白,繩 以 啓 王月 解州 以 鹽賦 法。 :「十年 給 會 E

王北 伐, 韶以京兆一年之賦充軍資, 炳復請曰:「所徵逋課, 足佐軍用, 可貸歲賦,

力。」令下,秦民大悦。

伐、六盤守者搆亂,炳自京兆率兵往捕,甫及再旬,元惡授首。 王還自北,嘉賞戰功,賚賜有加。是歲十一月,王薨。 四 年,加鎭國上將軍、安西王相。王府冬居京兆,夏徙六盤山,歲以爲常。 十五年春,六盤再亂,復討平 王旣北

以 俄械等等百餘人至,帝親鞫問,盡得其情,旣各伏辜,命仁榮手刃踪、叔雲於東城,籍其家 凉 蜀四川 間 起曰:「聞卿斯言,使老者增健。」飲以上尊馬湩。 改中奉 大夫、安西王相, 上,卽詔近侍二人馳驛而西,脫炳,且械琮黨偕來。 一千五百緡,爲治喪具。國朝舊制,無賻臣下禮,蓋殊恩也。六月,詔雪炳寃,特贈中書左 ·付仁樂,仁樂曰:「不共戴天之人,所蓄之物,皆取於民,何忍受之」」帝善之,別賜鈔二萬 獄 利 收炳妻孥囚之。時嗣王之六盤,徙炳等於平涼北崆峒山,囚閉益嚴。炳子仁榮訴於 中,其夜星隕,有聲如雷,年五十九,實十七年三月也。帝聞之,撫髀嘆曰:「失我良臣」」 病,炳悉陳之,因言王薨之後,運使郭琮、郎中郭叔雲竊弄威柄,恣爲不法。帝臥聽,遽 十六年秋,被旨入見便殿,帝勞之曰:「卿去數載,衰白若此,關中事煩可知已。」詢及民 .課程屯田事,餘職如故,卽令 乘 傳偕敕使數人往按琮等。 踪等留使者,醉以酒,先遣人毒炳於平 至則琮假嗣王旨, 兼陝西五路西

丞,諡忠愍。

子六人:仁顯、早亡,次仁表,仁榮,仁旭,仁舉,仁軌。 仁榮,仕至中書平章政事,餘俱

登顯仕。

校勘記

[一] 祿食充足甘旨 元文類卷四九李德輝行狀「充」作「先」,較長。

時汪世顯宿兵利州 考異云:「案世顯以癸卯歲卒,在癸丑之前十年,傳殆誤矣。考姚燧撰

李忠宣公行狀云: 時汪忠烈公始宿兵 利州。 忠烈者, 田哥之諡,非世顯也。」道光本改作

「汪德臣」。

紹(興)[慶] 從道光本改。此言李德輝作戰四川事、紹興遠在江浙、與此無涉。

張(邻)(邻) 道光本與元文類卷四九姚燧李德輝行狀合,從改。按本書卷一六七呂堊傳作「張

|部

万五 以德輝爲安西行省左丞 爲參政,其爲左丞則在陝蜀行省,且未聞命而卒也。 知政事。 十月立陝西四川等處行中書省,以李德輝爲左丞,時德輝已卒。 本證云:「案紀, 是年七月立行省于 傳俱誤。」 京兆, 以前安西相李德輝爲參 是安西行省德輝止

メ 播州 播 州 安撫使何彦 安撫 使 何彦 請順 (清) [請]率其民立廟祀 民欲, 立廟以祀」, 之 按元名臣事略 卷四 九姚 卷一一引李謙李德輝神道碑 | 僉播 州安撫 作 司 事何 「僉

元文類 燧李德輝 行狀作

彦抗 章 請 卽 州治 之東 爲廟」。 此處誤「請」爲「清」,今改。

により 張德輝 字(輝)[耀]卿 據元名臣事略卷一○宣慰張公、 秋澗集卷四一 張德輝挽詩序改。 **類編**

已校。

李(造)[進]之 據元名臣事略卷一〇引王惲張德輝行狀、遺山集卷一二李進之迁軒二首改。

. 北 山 香耋不遠數千里來見 按元名臣 [事略卷一〇引王惲張德輝行狀作「耆耋不遠數百里來觀」,疑

此處「千」當作「百」。

和 糶栗十萬斛 按元名臣事略卷一〇引王惲張德輝行狀「糶」作「糴」、蒙史從改,疑是。

賦 征 + 年 按元名臣事略卷一 〇引王惲張德輝行狀作 賦 一征十」,類編删「年」字,疑是。

從世 祖 征 雲南留亨為京兆権課所長官 此句有「從」字不文,當 有衍誤。 蒙史删「從」。

興元判官費正 寅 疑當作「費寅」、「正」字行。 見卷一二六校勘記[七]。

二十六年立雲南行御史臺 本書卷一六世祖紀至元二十七年五月己已條、 卷八六百官志皆繫

二十七年。 新元史改「六」爲「七」,是。

列

傳

第

五

+

校

勘

記

二吾 秋七 月併 左右 兩 纽 道歸廣西宣慰司置〔都〕元帥府 據本書卷一八成宗紀元貞元年六月乙

卯條、卷六三地理志補。又按此非至元二十九年事,當繫元貞元年,疑「秋七月」上脫「元貞元 三八四〇

兀 少卷 一百八十四

列傳第五十一

楊恭懿

倫日用之常,天道性命之妙,皆萃此書矣。」父沒,水漿不入口者五日,居喪盡禮。 家貧,服勞爲養。 楊恭懿字元甫,奉元人。 暇則就學,書無不讀,尤深於易、禮、春秋,後得朱熹集註 力學强記,日數千言,雖從親逃亂,未嘗廢業。 四書,歎曰:「人 年十七,西還, 宣撫司、

行省以掌書記辟,不就

恭懿,丞相遣郎中張元智爲書致命,乃至京師。 詢其鄉里、族氏、師承、子姓,無不周悉。十二年正月二日,帝御香殿,以大軍南征,使久不 丞相以聞。 至元 七年,與許衡俱被召,恭懿不至。 十年,詔遣使召之,以疾不起。 十一年,太子下敎中書,俾如漢惠聘四皓者以聘 衡拜中書左丞, 日於右相安童前稱譽恭懿之賢, 旣入見,世祖遣國王和童勞其遠來,繼又親

列傅

第五十

楊恭懿

三八四一

厚,國家得才矣。」奏入,帝善之。會北征,恭懿遂歸田里。 行檢、通經史之士,使無投牒自售,試以經義、論策。夫旣從事實學,則士風還淳,民俗趨 士不治經學孔孟之道,日爲賦詩空文。斯言誠萬世治安之本。今欲取士,宜敕有司,舉有 至,命筮之,其言祕。侍讀學士徒單公履請設取士科,詔與恭懿議之。恭懿言:「明詔有謂

之事矣。」又合朔議曰: 或未精,然比之前改曆者,附會(元曆)[曆元],更(日立)[立日]法,[]]全踵故習,顧亦無愧。 行周天,其詳皆未精察。今權以新儀木表,與舊儀所測相較,得今歲冬至晷景及日躔所在, 然必每歲測驗修改,積三十年,庶盡其法。可使如三代日官,世專其職,測驗良久,無改歲 與列舍分度之差,大都北極之高下,晝夜刻長短,參以古制,創立新法,推算成辛巳曆。雖 偏考自漢以來曆書四十餘家,精思推算,舊儀難用,而新者未備,故日行盈縮,月行遲疾,**五** 十六年,詔安西王相敦遣赴闕。入見,詔於太史院改曆。十七年二月,進奏曰:「臣等

小餘以正朔望,使食必在朔,名定朔法,有三大二小,時以異舊法,罷之。梁虞鄺造大 晦日或二日,測驗時刻亦鮮中。 合,故謂合朔。自秦廢曆紀,漢太初止用平朔法,大小相間,或有二大者,故日食多在 日行歷四時一周,謂之一歲,月踰一周,復與日合,謂之一月,言一月之始,日月相 宋何承天測驗四十餘年,進元嘉曆,始以月行遲速定

<u>侧曆,隋劉焯造皇極曆,皆用定朔,爲時所阻。唐傅仁均造戊寅曆,定朔始得行。</u> 貞觀

避人言,以平朔間之,又希合當世,爲進朔法,使無元日之食。 十九年,四月頻大,人皆異之,竟改從平朔。 李淳風造麟德曆,雖不用平朔,遇四大則 至一行造大衍曆,謂「天

事 ,誠密,四大(三〔三〕小何傷」。〔三〕誠爲確論,然亦循常不改。

臣等更造新曆,一依前賢定論,推算皆改從實。 今十九年曆, 自八月後, 四月併

大,實日月合朔之數也。

詳 見郭守敬傳。 是日,方列跪,未讀奏,帝命許衡及恭懿起,曰:「卿二老,毋自勞也。」授集

賢學士,兼太史院事。

二十九年,以議中書省事召。皆不行。三十一年,卒,年七十。 十八年,辭歸。二十年,以太子賓客召,二十二年,以昭文館學士、領太史院事召,〔三〕

王恂

王恂字敬甫,中山唐縣人。父良,金末為中山府掾,時民遭亂後,多以詿誤繫獄,良前

後 所活數百 人。 已而 棄去吏業,潛心伊洛之學,及天文律曆,無不精究,年九十二卒。

恂 性穎悟,生三歲,家人示以書帙,輒識風、丁二字。 母劉氏,授以迁字文,再過目,卽

傅第五十一 王恂

列

及南還,從秉忠學於磁之紫金山。

一誦。六歲就學,十三學九數,輒造其極。 歲已酉,太保劉秉忠北上,途經中山,見而奇之,

亂之餘,吾不之疑,則反覆化爲忠厚。」帝深然之。 務亦當屢省,官吏以罪兒者毋使更進,軍官害人,改用之際尤不可非其人。民至愚而神,變 「太子,天下本,付託至重,當延名德與之居處。況兼領中書、樞密之政,詔條所當偏覽,庶 令王恂與聞。初,中書左丞許衡,集唐、虞以來嘉言善政,爲書以進。 善,時年二十八。三年,裕宗封燕王,守中書令,兼判樞密院事,敕兩府大臣:凡有咨禀,必 命太子受業焉。 癸丑 · 秉忠薦之世祖,召見于六盤山,命輔導裕宗,爲太子伴讀。 中統二年, 擢太子贊 又韶恂於太子起居飲食,愼爲調護,非所宜接之人,勿令得侍左右。 世祖嘗令恂講解,且 恂言:

命恂領國子祭酒。國學之制,實始於此。 子弟,使學於恂,師道卓然。及恂從裕宗撫軍稱海,乃以諸生屬之許衡,及衡告老而去,復 板本不差,則雖摹千萬紙皆不差;本旣差,則摹之於紙,無不差者。」裕宗深然之。詔擇勳戚 者,區別其善惡,論著其得失,上之。裕宗問以心之所守,恂曰:「許衡嘗言:人心 侍 左右,必發明三綱五常,爲學之道,及歷代治忽興亡之所以然。又以遼、金之事近接耳目 恂 早以算術名,裕宗嘗問焉。恂曰:「算數,六藝之一,定國家,安人民,乃大事也。」每 如印板,惟

曆書 明 曆 四 之 帝 + 理 以 詔 餘家,晝夜測驗,創立新 國朝承用金大明曆,歲久浸疏,欲釐正之,知恂 驛召赴闕 命領 改 曆 法, 參以古制, 推算極 事,官屬悉聽恂辟置 爲精 精於算術,遂以命之。 怕 與衡 密 及 詳在守敬 楊恭懿、 (傳 郭守敬等, 恂薦許 十六年,回 衡能 徧 考

授 嘉 議 大 夫、太史令。 十七年,曆成,賜名授時曆,以其年冬,頒 行天下。

推忠守 裕宗屢遣 十 正 八 功臣、光祿大夫、司徒、上柱 一醫診治,及葬,賻鈔二千貫。 年,居父喪,哀毀,日飲勺水。 國、定國 後帝思定曆之功,以 帝遣內侍慰諭之。 公、諡文肅 未幾 鈔 Á. 卒, 千貫賜其 年四十七。 家。 延祐 初, 一年,贈 恂 病

|蠡||州 無貲蓄, 子寬 寶由保 今賜 、賓,並從許衡游,得星 汝鈔五千貫, 章副 ,累遷秘 書監 用 盡 曆之傳於家學。 可 復 以 聞。 恩恤之厚如此。 裕宗嘗召見,語之曰:「汝父起於書生, 寬 由保章 正, 歷兵部郎

貧

郭守敬

利。 時劉 郭守 敬字 秉忠 若思,順德邢臺 、張文謙、張易、 王恂 人。 同 生有異操,不爲嬉戲 學 於 州 西 紫 金 Щ 事。 · 榮使守敬從秉忠 大父榮,通 五 學。 經,精於算數、水

中統 三年 文謙 薦 守敬 習水利 巧巧 思 絕 人。 世祖 召見, 面 陳水 利 六事 其一, 中都

列

間,順河古岸下,至溫縣南復入大河,其間亦可灌田二千餘頃。每奏一事,世祖歎曰:「任事 縣北,合入御河,可灌田二千餘頃。其六,黃河自孟州西開引,少分一渠,經由新、舊孟州中 州東北滏、漳二水合流處,引水由滏陽、邯鄲、洺州、水年下經雞澤,合入(澧)[灃]河,可灌田 者如此,人不爲素餐矣。」授提舉諸路河渠。四年,加授銀符、副河渠使。 三千餘頃。其五,懷、孟沁河,雖澆灌,猶有漏堰餘水,東與丹河餘水相合。引東流,至武陟 此水開修成河,其田卽可耕種,自小王村(徑)〔經〕滹沱,至一合入御河,通行舟栰。其四,磁 爲三渠,灌城東地。其三,順德(澧)[灃]河東至古任城,至失其故道,沒民田千三百餘頃。 由 河,東至通州,引玉泉水以通舟,歲可省雇車錢六萬緡。通州以南,於藺楡河口徑直開引, 一蒙村跳梁務至楊村還河,以避浮雞淘盤淺風浪遠轉之患。其二,順德達泉引入城中,分

廢壞淤淺。守敬更立牐堰,皆復其舊。 延,長二百五十里,它州正渠十,皆長二百里,支渠大小六十八,灌田九萬餘頃。兵亂以來, 至元元年,從張文謙行省西夏。先是,古渠在中興者,一名唐來,其長四百里,一名漢

海古渠甚多,宜加修理。」又言:「金時,自燕京之西麻峪村,分引盧溝一支東流,穿西山而 ,是謂<u>金口。其水自金口以東,燕京以北,灌田若干頃,其利不可勝計。兵興以來,</u>典守 二年,授都水少監。守敬言:「舟自中興沿河四晝夜至東勝,可通漕運,及見查泊、兀郎

者懼有所失,因以大石塞之。今若按視故蹟,使水得通流,上可以致西山之利,下可以廣京 善之。十二年,丞相伯顏南征,議立水站,命守敬行視河北、山東可通舟者,爲圖奏之。 畿之漕。」又言:「當於金口西預開減水口,西南還大河,令其深廣,以防漲水突入之患。」帝

蓋圖、日出入永短圖,與上諸儀互相參考。 作正方案、(九)[丸]表、[刊题正儀、座正儀,爲四方行測者所用。又作仰規覆矩圖、異方渾 驗,在於交會,作日月食儀。天有赤道,輪以當之,兩極低昂,標以指之,作星晷定時儀。 做一之,作證理儀。表高景虛,罔象非眞,作景符。月雖有明,察景則難,作闚 若以圜求圜,作仰儀。古有經緯,結而不動,守敬易之,作立運儀。日有中道,月有九行,守 位,天體斯正,作渾天象。象雖形似,莫適所用,作玲瓏儀。以表之矩方,測天之正圜,莫 高表,用相比覆。又以爲天樞附極而動,昔人嘗展管望之,未得其的,作候極儀。 石年深,亦復欹側。」守敬乃盡考其失而移置之。旣又別圖高爽地,以木爲重棚,創作簡儀、 儀表。今司天渾儀,宋皇祐中汴京所造,不與此處天度相符,比量南北二極,約差四度,表 易爲之主領裁奏於上,左丞許衡參預其事。守敬首言:「曆之本在於測驗,而測驗之器莫先 平,帝思用其言。遂以守敬與王恂,率南北日官,分掌測驗推步於下,而命文謙與樞密張 初,秉忠以大明曆自遼、金承用二百餘年,浸以後天,議欲修正而卒。十三年,江左旣 几。 極辰旣 曆法之

測 可其奏。 同 說 進 一,晝夜 食 驗,凡二十七所。 天下測景,書中見者凡十三處。 表式,守敬當帝前指陳 十六年,改局爲太史院,以恂爲太史令,守敬爲同知太史院事, 長 遂設監候官一十四 .短不同,日月星辰去天高下不同,卽目測驗人少,可先南北立表,取 理 員,分道而出,東至高麗,西極滇池,南踰朱崖,北盡鐵勒,四海 致, 至於日晏, 今疆字比唐尤大, 若不遠方測驗, 帝不 爲倦。 守敬因奏:「唐一行 給印 日月交 章,立官府。 食分數時刻 開 直 元 測景。」帝 間 令南宮 及奏 不

十七年,新曆告成,守敬與諸臣同上奏曰:

乾象曆 悟 冲之造大明曆,始悟太陽有歲差之數,極星去不動處一度餘。 所在。 又三十五年,傅仁均造戊寅元曆,頗采舊儀,始用定(制)[朔]。(八)又四十六年,李淳風 璇 三十年 璣 日月交道 玉 臣等竊聞帝王之事,莫重於曆。自黃帝迎日推策,帝堯以閏月定四時成歲,舜在 衡 而 又五十七年,何承天造元嘉曆,始悟以朔望及弦皆定大小餘。 ,始悟月行有遲速。 後是非始定。 以齊七政。 有表裏,五星有 爱及三代,曆無定法,周、秦之間, 閏 東漢造四分曆,七十餘年而儀式方備。 又百八十年,姜岌造三紀甲子曆, 遲疾留逆。 又三十三年,劉焯造皇極曆,始悟日行 餘乖 始悟以月食衝檢日宿 叉五十二年, 張子信始 次。 叉百二十一 西漢造三統曆, 叉六十五年,祖 年,劉洪造 有盈縮 度

悟日 造麟德曆,以古曆章蔀元首分度不齊,始爲總法,用進朔以避晦晨月見。 一行造大衍曆,始以朔有四大三小,定九服交食之異。又九十四年,徐昂造宣明曆,始 食有氣、刻、時三差。又〔二〕百三十六年,〔亞」姚舜輔造紀元曆,始悟食甚泛餘差 叉六十三年,

自是又百七十四年, 聖朝專命臣等改治新曆, 臣等用創造簡儀、高表, 憑其測實

以上計千一百八十二年,曆經七十改,其創法者十有三家。

數,所考正者凡七事

準。 得其時合用歲餘。今考驗四年,相符不差,仍自宋大明壬寅年距至今日八百一 定戊寅冬至在癸卯日夜半後三十三刻,己卯冬至在戊申日夜半後五十七刻[半],[10] 庚辰冬至在癸丑 得丁丑年冬至在戊戌日夜半後八刻半,又定丁丑夏至在庚子日夜半後七十刻,又 二日歲餘。 一曰冬至。自丙子年立冬後,依每日測到晷景,逐日取對,冬至前後日差同者爲 自大明曆以來,凡測景、驗氣,得冬至時刻眞數者有六,用以相距,各 日夜半後八十一刻〔半〕。〔三〕各滅大明曆十八刻,遠近相符,前後應準。 一十年,

度,黃道箕九度有奇。 曰日躔。 用至元丁丑四月癸酉望月食旣, 仍憑每日測到太陽躔度,或憑星測月,或憑月測日,或徑憑星度 推求日躔, 得冬至日躔赤道箕宿十

每歲合得三百六十五日二十四刻二十五分,其二十五分爲今曆歲餘合用之數

列傳

第

Ŧi.

箕,與(日)[月]食相符。[三]

測 立術推算。起自丁丑正月至己卯十二月,凡三年,共得一百三十四事,皆鹽於

遲、疾幷平行處,前後凡十三轉,計五十一事。內除去不眞的外,有三十事,得大明曆 入轉後天。又因考驗交食,加大明曆三十刻,與天道合。 四日月離。自丁丑以來至今,憑每日測到逐時太陰行度推算,變從黃道求入轉極

道交於黃道,共得八事。仍依日食法度推求,皆有食分,得入交時刻,與大明曆所差 五曰入交。自丁丑五月以來,憑每日測到太陰去極度數,比擬黃道去極度,得月

分,附以太半少,皆私意牽就,未嘗實測其數。今新儀皆細刻周天度分,每度爲三十六 分,以距線代管窺,宿度餘分並依實測,不以私意牽就。 六日二十八宿距度。自漢太初曆以來,距度不同,互有損益。大明曆則於度下餘

長,日出寅正二刻,日入戌初二刻,晝六十二刻,夜三十八刻。冬至極短,日出辰初二 刻,日入申正二刻,晝三十八刻,夜六十二刻。永爲定式。 今更以本方北極出地高下,黃道出入內外度,立術推求每日日出入晝夜刻,得夏至極 七曰日出入晝夜刻。大明曆日出入晝夜刻,皆據汴京爲準,其刻數與大都不同。 傳第五十一 郭守敬

列

二十八年,有言灤河自永平挽舟踰

測驗書,有儀象法式二卷,二至晷景考二十卷,五星細行考五十卷,古今交食考一卷,新測 武十二卷。二十三年、繼爲太史令、遂上表奏進。又有時候箋注二卷、修改源流一卷。其 次篇類,整齊分杪,裁爲推步七卷,立成二卷,曆議擬藁三卷,轉神選擇二卷,上中下三曆注 一十八舍雜坐諸星入宿去極一卷,新測無名諸星一卷,月離考一卷,並藏之官。 黃赤道正交一十四度六十六分,擬以爲法。推逐月每交二十八宿度分,於理爲盡。 蓋前所未有。三曰黃赤道差。舊法以一百一度相減相乘,今依算術句股弧矢方圜 初 極度二十三度九十分,以圜容方直矢接句股爲法,求每日去極,與所測相符。五曰白 直所容,求到度率積差,差率與天道實脗合。四曰黃赤道內外度。據累年實測,內外 十分爲一限,凡析爲三百三十六限,依垜疊招差求得轉分進退,其遲疾度數逐時不同 十九年,恂卒。時曆雖頒,然其推步之式,與夫立成之數,尙皆未有定藁。守敬於是比 道交周。舊法黃道變推白道以斜求斜,今用立渾比量,得月與赤道正交,距春秋二正 末 ·極差積度,比古爲密。 二曰月行遲疾。 古曆皆用二十八限,今以萬分日之八百二 所創法凡五事:一日太陽盈縮。用四正定氣立爲升降限,依立招差求得每日行

朝廷遣守敬相視,灤河旣不可行,瀘溝舟亦不通,守敬因陳水利十有一事。其一,大都運糧

山而上,可至開平,有言瀘溝自麻峪可

至尋麻林。

守敬領之。帝命丞相以下皆親操备(牐)[鍤]倡工,[三]待守敬指授而後行 潭,復東折 許,上重置斗門,互爲提閼,以過舟止水。帝覽奏,喜曰:「當速行之。」於是復置都水監,俾 河,不用一畝泉舊原,別引北山白浮泉水,西折而南,經瓮山泊,自西水門入城,環匯於積水 而南,出南水門,合入舊運糧河。每十里置一牐,比至通州, 凡爲牐七,距牐 里

之。三十年,帝還自上都,過積水潭,見舳艫敝水,大悅,名曰通惠河,賜守敬鈔萬二千五百 買,仍以舊職兼提調通惠河漕運事。 正門西,令舟楫得環城往來。 先是,通州至大都,陸運官糧,歲若干萬石,方秋霖雨,驢畜死者不可勝計,至是皆罷 志不就而罷。三十一年,拜昭文館大學士、知太史院事 守敬又言:於澄清牐稍東,引水與北壩河接,且立牐麗

外官年及七十,並聽致仕,獨守敬不許其請。 容,漂沒人畜廬帳,幾犯行殿。成宗謂宰臣曰:「郭太史神人也,惜其言不用耳。」七年,詔 七十步不可。」執政客於工費,以其言爲過,縮其廣三之一。明年大雨,山水注下,渠不能 大德二年,召守敬至上都,議開鐵幡竿渠,守敬奏:「山水頻年暴下,非大爲渠堰,廣五 自是翰林太史司天官不致仕,定著爲令。 延 內

楊桓

祐三年卒,年八十六。

之道宜各從本俗。 傳 Ŧi. 疏奏,帝嘉納之。

嘗畫 召爲太史院校書郎,奉敕撰儀表銘、曆日序,文辭典雅,賜楮幣千五百緡,辭不受。 寢。 楊桓字武子,兖州人。 弱 冠,爲郡諸生,一時名公咸稱譽之。中統四年,補濟州教授, 幼警悟,讀論語至字子畫寢章,慨然有立志,由是終身非 後由 濟寧路 遷秘 疾 教 病未 授

飛,而璽復出,天其彰瑞應於今日乎」即爲文述璽始末,奉上于徽仁裕聖皇后。 「受天之命、旣壽永昌」,乃頓首言曰:「此歷代傳國璽也,亡之久矣。今宮車晏駕,皇太孫龍 至元三十一年,拜監察御史。 有得玉璽於木華黎曾孫碩德家者、自思桓辨識其文, 日

利,十九日復笞杖以別輕重之罪,二十日郡縣吏自中統前仕宦者,宜加優異,二十一日爲治 俸祿,十六曰禁父子骨肉、奴婢相告訐者,十七曰定婚姻聘財,十八曰罷行用官錢營什 國子監不可隸集賢院,宜正其名;十四曰試補六部寺監及府州司縣吏, 以省內外冗員;十一曰講究錢穀以裕國用;十二曰訪求曉習音律者以協太常雅樂;十三曰 養生徒,七曰行誥命以褒善敍勞,八曰異章服以別貴賤,九曰正禮儀以肅宮庭,十曰定官制 定首相;四日朝見羣臣,訪問時政得失,五曰詔儒臣以時侍講,六曰設太學及府州儒學,敎 成宗卽位,桓疏上時務二十一事:一日郊祀天地,二日親享太廟,備四時之祭;三日先 十五日增內外官吏 之之

列

第

未幾,陞秘書少監,預修大一統志。 秩滿歸兖州,以貲業悉讓弟楷,鄉里稱焉。 大德三

年,以國子司業召,未赴,卒,年六十六。

抵推明許慎之說,而意加深,皆行于世。 桓爲人寬厚,事親篤孝,博覽羣籍,尤精篆籀之學。 著六書統、六書派源、書學正韻,大

楊果

劇,諸縣以果治效爲最。 歸言於朝,用爲偃師令。到官,以廉幹稱,改瀟城,改陝,皆劇縣也。 轗軻十餘年。 楊果字正卿,祁州蒲陰人。幼失怙恃,自宋遷亳,復徙居許昌,以章句授徒爲業,流寓 金正大甲申,登進士第。會參政李蹊行大司農於許,果以詩送之,蹊大稱賞, 果有應變材,能治煩

宣撫使。 孟路總管,大修學廟。 兵革之餘,法度草創,果隨宜贊畫,民賴以安。世祖中統元年,設十道宣撫使, 金亡,歲己丑,楊奐徵河南課稅,起果爲經歷。 明年,拜參知政事。 以前嘗爲中書執政官,移文申部,特不署名。 及例罷,猶韶與左丞姚樞等日赴省議事。至元六年, 未幾,史天澤經略河南, 以老致政,卒于家,年 果爲參議。 命果爲北京 出爲懷 時

七十五,諡文獻。

時,避亂河南,娶覉旅中女,後登科,歷顯仕,竟與偕老,不易其初心,人以是稱之。 果性聰敏,美風姿,工文章,尤長於樂府,外若沉默,內懷智用,善諧謔,聞者絕倒。 有西港 微

集,行於世。

王構

王構字肯堂,東平人。父公淵,遭金末之亂,其兄三人挈家南奔,公淵獨誓死守墳墓,

伏草莽中,諸兄呼之不出,號慟而去,卒得存其家,而三兄不知所終。

政賈居貞一見器重,俾其子受學焉。 構少穎悟,風度凝厚。學問該博,文章典雅,弱冠以詞賦中選,爲東平行臺掌書記。

學士承旨拜司徒,辟構爲司直。時丞相阿合馬爲盜擊死,世祖亦悟其姦,復相和禮霍 薦拔,皆時之名士。十三年秋,還,入覲,遷應奉翰林文字,陞修撰。丞相和禮霍孫由翰林 世祖 大悅。宋亡,構與李槃同被旨,至炕取三館圖籍、太常天章禮器儀仗,歸于京師。凡所 至元十一年,授翰林國史院編修官。時遣丞相伯顏伐宋,先下詔讓之,命構屬草以進, 孫,更

廟儀注。

張庶務,構之謀畫居多。

擢淮東提刑按察副使,召見便殿,親授制書,賜上尊酒以遣之。尋以治書侍御史

歷吏部、禮部郎中,審囚河南,多所平反。改太常少卿,定親享太

公也。」會桑哥死,乃免。 命。 召。 屬桑哥 明年春還,宿盧溝驛,度逾期,禍 爲 相, 俾與平章卜忽木檢覈燕南錢穀,而督其逋負。 有旨出銓選江西。 且 不測,謂卜忽木 入翰林,爲侍講學士。 曰:「設有罪,構當以身任 以 十 一 世祖崩 月晦 構撰 行, 之,不 諡 期歲 册。 以累 終復

召赴闕,拜翰林學 侵者,理而 爲濟南路總管。 者,執政欲從之。 成宗立,由侍講 歸之。 諸王從者怙勢行州縣,民莫敢忤視,構聞諸朝, 官貸民粟,歲饑而責償不已,構請輸以明 士承旨,未幾,以疾卒,年六十三。 構與平章何榮祖共言其不可,辨之甚力,得 爲學士,纂修實錄,書成,參議中書省事。 年。 不行。 時南 武宗即位, 徙之北境。 士有陳利便請 以疾歸 以纂修 東平。 學田 搜括 爲牧地 國史 久之,起 田 賦 所 趣

薦引寒 構 士,前後省臺、翰苑所辟,無慮數十人,後居淸要,皆有名于 歷 事 三朝,練習臺閣典故,凡祖宗諡册册文皆所撰定,朝廷每有大議,必咨訪焉。 時。 喜

子 士熙, 仕至中書參政,卒官南臺御史中丞, 土點, 淮西廉訪司 : 僉事, 皆能以文學世

魏初

其家。

魏初字大初,弘州順聖人。 從祖璠,金貞祐三年進士,補尚書省令史。 金宣宗求直言,

舉 瑶 一,隴 首 論 右 將相 地 險食足,其帥完顏胡 非 人,及不當立德陵 斜虎 事 ,疏奏,不報 亦可委仗,宜遣人往論 o 後復 上言; 大計。」大臣 國勢危 逼,四 不 悅 方未 而 止 聞 有 冕 . 數月,

胡斜虎兵來援,已無及,金主悔焉。

璠 跳 吾 或讒於 符印予之, 以 日:「王 無所 有 Щ 從。 谷 死 金 歸,乃 一人雖 無 而 仙,謂璠 至則 將 武 辱 左 以矯制 微,序于諸侯 仙 仙 北 命。」 右 已 軍 還 無異 欲奪其軍 遁 次五垛山 仙 鄕 自劾, 去,部曲 里。 心者,以天子大臣故 不 能 屈。 之上,將軍縱不 ,仙怒,命士拔刃若欲鏦 金主謂 不進。 亦多散亡,璠 **璠復激使進兵,不應,比還,金主已遷歸德,復遷蔡州** 求使仙 其處置得宜。 加禮,奈何 也,苟不 撫循招集,得數千人,推其中 者,或薦璠, 繼聞 璠 知尊天子,安知麾下 然, 聽讒邪之言,欲以 仙 即授朝列 率餘衆保留山, 且引一吏與 大夫、 璠 小吏置 辨。 翰林修撰, 材 無如 播直 勇者 璠 將 趣 對 不 爲 仙 軍 耶 爲 帥 所 給騎 動, 長, 宣 且. 金亡, 不然, 論之。 仍制 四 人

六十餘 庚 戊歲 人以對,世 世 祖 祖 居 嘉 潛邸,聞 納,後多采用焉。 璠 名,徵至 和林,訪 以疾卒于和林,年七十,賜諡 以 當 世之務。璠條 陳便宜三十餘 婦肅 事,舉名士

中 統 元年 初 ,其從 ·, 始 立 孫 中書省,辟爲掾史,兼掌 也 無子 ,以初爲後。 書記。 初好讀書,尤長於春秋,爲文簡 未幾, 以祖 母老辭歸, 隱居教授。 m 有法,比冠 會認 ,有聲。 左丞

列

史。 韶。 許衡、學士竇默及京 帝雅 首言:「法者,持天下之具, 重 璠名,方之古直,詢 師諸儒,各陳經史所載前代帝王嘉言善政,選進讀之士,有司以初應 知初爲蹯子、自思歎獎久之,即授國 御史臺則守法之司也。 方今法有未定,百司無所 史院編修官, 。尋拜 持 監 循 察御 宜

參酌考定,頒行天下。」

安南使者入貢, 也 言:「京師天下之本,要在殷盛,建邦之初詎宜 **尊卑之禮,不可不** 帝欣納之, 帝宴羣臣 於上都行宮,有不能釂大巵者,免其冠服。初上疏曰:「臣聞君猶天也,臣猶地 仍諭侍臣自今毋復爲此舉。 以觀 中國之儀。 肅。 方今內有太常、有史官、有起居注,以議 昨聞錫宴大臣, 威儀弗 時裏樊未下,將括民爲兵, 一騷動 」遂発括大興兵。 謹,非所以尊朝廷、正 典禮 、記言動; 或請自大興始。 上下也。」疏 外 有高 初

治 爲 出 自 書 今監察御史、按察司官,在任 國 侍 得 中丞,卒,年六十一。子必復,集賢侍講學士。 初 御史。 又言:「舊制, 人。」遂舉勸農副使劉宣自代。 叉 以 侍御 常參官諸州刺 史行御史臺事于揚州,擢江西按察使,尋徵拜侍御史。行臺移建康, 一歲,各舉一人自代,所舉不當,有罰,不惟 史,上任三日,舉一人自代。 出愈陝西四川按察司事,歷陝西河東按察副使,入爲 況風 紀之職與常員異,請 砥 礪 風 節, 亦可

焦養直

監。二十四年,從征乃顏。二十八年,賜宅一區。入侍帷幄,陳說古先帝王政治,帝聽之, 每忘倦。嘗語及漢高帝起自側微,誦所舊聞,養直從容論辨,帝卽開納,由是不薄高帝。 儒者居之。近臣有以養直薦者,帝卽命召見,敷對稱旨,以眞定路儒學教授超拜典瑞少 焦養直字無咎,東昌堂邑人。夙以才器稱。至元十八年,世祖改符寶郎爲典瑞監,思得

年,授集賢大學士,謀議大政悉與焉。 誠至,帝聞之,大悅。八年,代祀南海。 **賃。二年,賜金帶、象笏。三年,遷集賢侍講學士,賜通犀帶。** 文靖。 大德元年,成宗幸柳林,命養直進講資治通鑑,因陳規諫之言,詔賜酒及鈔萬七千五百 告老歸而卒,贈資德大夫、河南等處行中書省右丞, 九年,進集賢學士。十一年,陞太子諭德。至大元 七年,詔傅太子於宮中,啓沃

子德方,以廕爲興國路總管府判官。

孟攀鱗

孟攀鱗字駕之,雲內人。 曾祖彦甫,以明法爲西北路招討司知事。 有疑獄當死者百餘

第五十一 焦菱直 孟攀鳞

列

傅

人,彥甫執不從,後三日得實,皆釋之。祖鶴、父澤民,皆金進士。

歲壬辰,汴京下,北歸居平陽。丙午,爲陝西帥府詳議官,遂家長安。 攀鱗幼日誦萬言,能綴文,時號奇童。金正大七年,擢進士第,仕至朝散大夫、招討使。 世祖中統三年,授翰

林待制、同修國史。

守令以字民,儲米粟以贍軍,省無名之賦,罷不急之役,百司庶府統於六部,紀綱制度悉由 六十四。延祐三年,贈翰林學士承旨、資德大夫、上護軍、平原郡公,諡文定。 攀鱗悉據經典以對。時帝將親祀, 詔命攀鱗會太常議定禮儀, 攀(龍)[鱗]夜畫郊祀及宗廟 華之士,可置翰苑,仲平明經傳道,可爲後學矜式。」帝深然之。又嘗召問宗廟、郊祀儀制, 圖以進,口心帝皆親覽焉。 中書,是爲長久之計。世祖悉嘉納之,咨問諄諄。後論王百一、許仲平優劣,對曰:「百一文 至元初,召見,條陳七十事,大抵勸上以郊祀天地,祠太廟,制禮樂,建學校,行科舉,擇 復以病請西歸,帝令就議陝西五路四川行中書省事。 四年卒,年

尚野

以處士徵爲國史院編修官。二十年,兼興文署丞,出爲汝州判官,廉介有爲,憲司屢薦之。 尚野字文蔚,其先保定人,徙滿城。 野幼穎異,祖母劉,厚資之使就學。 至元十八年,

使,會遣使問民疾苦,野建言:「水利有成法,宜隸有司,不宜復置河渠官。」事聞于朝,河渠 二十八年,遷南陽縣尹。初至官,獄訟充斥,野裁決無留滯,涉旬,遂無事。改懷孟河渠副

官遂罷。

諸生曰:「學未有得,徒事華藻,若持錢買水,所取有限,能自鑿井及泉而汲之,不可勝用 子文學,多所裨益,時從賓客姚燧、諭德蕭興入見,帝爲加禮。 矣。」時學舍未備,野密請御史臺,乞出帑藏所積,大建學舍以廣敎育。仁宗在東宮,野爲太 都,以教諸生,仍鑄印給之,上都分學自野始。俄陞國子博士,誨人先經學而後文藝,每謂 大德六年,遷國子助敎。諸生入宿衞者,歲從幸上都,丞相哈剌哈孫始命野分學於上

官、野多所優假、或病其太寬、野曰:「今初設此法、冀將來者習詩書、知禮義耳、非必責效目 混居,不合禮制,事遂寢。四年,拜翰林直學士、知制誥同修國史。詔野赴吏部,試用廕補 前也。」衆乃服。 至大元年,除國子司業,近臣奏分國學西序爲大都路學,帝已可其奏,野謂國學、府學

歸滿城,四方來學者益衆。六年,卒于家,年七十六。贈通奉大夫、太常禮儀院使、護軍,追 皇慶元年,陞翰林侍講學士。 延祐元年,改集賢侍講學士,兼國子祭酒。二年夏,移疾

列傳第五十一 尚野

封上黨郡公、諡文懿。

野 性開敏,志 趣正大,專繼母以孝聞,文辭典雅,一本於 理。

子師易,蘄州路總管府判官,師簡,中奉大夫、座章閣侍書學士、同知經筵事

李之紹

院編修官。直學士姚燧欲試其才,凡翰林應酬之文,積十餘事,併以付之。 併以藁進。 集。 至元三十一年,纂修世祖實錄,徵名儒充史職,以馬紹、李謙薦,授將仕佐郎、翰林國史 李之紹字伯宗,東平平陰人。自幼穎悟聰敏,從東平李謙學。 燧驚喜曰:「可謂名下無虛士也。」 家貧,教授鄉里,學者咸 之紹援筆立成,

夜孳孳,惟以敎育人材爲心。 遷太常博士。 直學士,復以疾還。 年,陞承直郎、翰林待制。 三年,告老而歸。 子園,蔭父職,同知諸暨州事。 大德二年,聞祖母疾,辭歸。 九年,丁母憂,累起復,終不能奪。至大三年,仍授太常博士,階承事郎。 七年,召爲翰林直學士。 泰定三年八月卒,年七十三。 皇慶元年,遷國子司業。 四年十二月,陞朝列 復除編修官,陞將仕郎。六年,陞應奉翰林文字。 至治二年, 大夫、同僉太常禮儀院事。 延祐三年,陞奉政大夫、國子祭酒。 陞翰林侍講學士、 知制誥同修 六年,改翰林 七年, 四 國 夙

校勘記

- 【一】附會(元曆) [曆元] 更(日立) [立日]法 道光本與元名臣事略卷一三引楊恭懿墓誌合,從改正。
- [三] 四大(三)[三]小何傷 從道光本改。按本書卷五三歷志有「天事誠密、雖四大三小庸何傷」。
- (三) 二十二年以昭文館學士領太史院 事召 按元文類卷六〇姚燧楊恭懿神道碑作「二十二年召。

明年,以昭文館大學士、正議大夫、領太史院事召」。此處脫「召。明年」,遂以二十三年事誤繫

二十二年。

- 十六年 按上文有中統年號,此處當有「至元」二字。 考異已校。
- (五)(澧)(澧)河 見卷五校勘記(三)。下同。類編已校。
- 自小王村(徑)[經]滹沱 據元文類卷五〇齊履謙郭守敬行狀改。 類編已校。
- 八十八 (九)[丸]表 道光本與元文類卷五〇齊履謙郭守敬行狀合,從改
- 始用定(制)[朔] 有曆以來,下訖麟德 道光本與元文類卷五〇齊履謙郭守敬行狀合, 而定朔始行」。 從改。 本書卷五三曆志有「自
- . ℊ, 列 又二一一百三十六年 傅 第 五 + 李 之 道光本與元文類卷五〇齊履謙郭守敬行狀合,從補。 紹 校 勘 記

- 戊申日夜半後五十七刻〔半〕 據元文類卷五〇齊履謙郭守敬行狀補。 類編已校。
- 癸丑日夜半後八十一刻〔半〕 據元文類卷五○齊履謙郭守敬行狀補。 類編已校。
- 與(日)[月]食相符 道光本與元文類卷五〇齊履謙郭守敬行狀合,從改。
- 皆親操畚(牐)[鍤]倡工 道光本與元文類卷五〇齊履謙郭守敬行狀合,從改。
- 木華黎曾孫碩德 「會」當作「玄」。見卷一一六校勘記〔三〕。
- 詢知初爲璠子 上文謂魏初爲魏璠從孫,與靑崖集卷五先君墓碣銘符,此作「璠子」,誤。 道光

本從類編改「子」爲「後」。

△ 攀(龍)〔鱗〕 從北監本改。

元史卷一百六十五

列傳第五十二

張禧(弘綱)(1)

其部曲從宗王合丑平定河南,授管軍元帥。後攻歸德,飛矢入口,折其二齒,鏃出項後,卒, 百,開門出戰,圍解,以功署軍馬總管。守信安踰十年,度不能支,乃與主將舉城內附。率 獨信安猶爲金守,其主將知仁義勇而有謀,用之左右。國兵圍信安,仁義率敢死士三 張禧,東安州人。父仁義,金末徙家益都。 及太宗下山東,仁義乃走信安。時燕薊已

依之,鶚請左丞闊 州,皆有功。 | 禧素峭直, 為主將所忌, 誣以他罪, 欲置之法。時王鶚侍世祖於潛邸, 禧密往 闊薦禧與其子弘綱俱入見。

賜爵縣侯。

戰良 血 矢而 戰 樹 弱,遣· 栅 將 久 折, 爲 歲 至 夾城 己 城 禧 人往療之。 取 未 身中 下 弘 從 於內,入戰 ,帝憫其父子俱 綱 槍以 世 十八 祖 矢, 入, 瘡旣愈,復從 南 伐 者輒不 破 ,濟江,與宋 矢鏃! 城 東 入 利, 貫腹 險 南 角。 地, 大將納 乃命以厚賞募敢 ,悶絕復甦, 兵始接 遣阿 有逗留不 刺忽與宋兵戰于金口 里海 戰,卽擒 牙 進者十餘人,立城下, 日 諭 [:[得 死士。 禧父子, 其 血竭 將 禧 飲之, 與子 止 進攻鄂州 李家洲,皆捷 弘 人進 Ų 綱 出 弘綱 戦。 俱 미 應募, 諸軍 生。 復奪 禧 穴城以 所 世 由 其 執 祖 槍 城 槍 入。 東 귮 入,宋 中 命 南 轉 弩 取 入

宿州 等城 世 祖 卽 禧移 位, 兵 賜 攻之,貴 金符,授新 走,盡復諸 軍 ·千戶 城 三年, 從征· 李璮。三時宋乘瓊叛, 遣夏貴襲取蘄縣、

艘。 葦以 年,江水暴溢,宋遣 百, 之。 令習水 九 識水之深淺。 三年, 至元 年 ,攻樊城 元 戦。 與宋將呂文煥戰于高 年 ,壓唐鄧等州盧氏保甲丁壯 五. ,焚其串樓,敗宋將張貴于 年,從攻襄樊。 及還, 范文虎以戰艦 阿朮 卽 頭赤 命 干餘艘 六年七月,夏貴 禧 率 Щ 匹 來援。 乘勝 軍 翼 總管。 鹿門 水 復 軍 元 均州 Щ 進 率 帥 宋侵均州, 戦, 兵援襄陽 阳 朮 宋 四 命禧 兵潰 年, 率 ,禧從元 改水 總管李玉 ·輕舟 追至淺 軍 夜 總管, 帥 水, Щ 銜 阿 [敗走, 朮 枚 奪 益其 戦, 入其 戦艦. 帝 却 軍 陣 之。 命 七十餘 二千 中 禧 五 代 插

年 · 行省集諸將問破襄陽之策,禧言:「寢、 樊夾漢江 而城,敵人橫鐵鎖、 置木橛于水 列傳第五十二 張禧

中,今斷鎖毀橛,以絕其援,則樊城必下。樊城下,則襄陽可圖矣。」行省用其計,乃破樊城, 而襄陽繼降,帝遣使錄諸將功,授宣武將軍、水軍萬戶,佩金虎符,丞相伯顏因命禧爲水軍

花赤、水軍萬戶。十六年,入朝,進昭勇大將軍、招討使。 才戰,有功,加信武將軍。十三年,從下溫、台、福建。十四年,加懷遠大將軍、江陰路達魯 十二年,敗宋將孫虎臣于丁家洲,尋移屯黃池,以斷宋救兵。 九月,從阿朮與宋都統姜

獲罪, 禧獨觅。子弘綱。 四千,乏舟,禧曰:「我安忍棄之」」遂悉棄舟中所有馬七十匹,以濟其還。至京師,文虎等皆 進戰。」文虎等不從,曰:「還朝問罪,我輩當之,公不與也。」 禧乃分船與之。 時平湖島屯兵 文虎等議還,禧曰:「士卒溺死者半,其脫死者,皆壯士也,曷若乘其無回顧心,因糧於敵以 艦,各相去五十步止泊,以避風濤觸擊。八月,颶風大作,文虎、庭戰艦悉壞,禧所部獨完。 事,與右丞范文虎、左丞李庭同率舟師,泛海東征。至日本,禧卽捨舟,築壘平湖島,約束戰 十七年,加鎭國上將軍、都元帥。時朝廷議征日本,禧請行,卽日拜行中書省平章政

弘綱字憲臣,年十八,父禧爲主將所誣,繫獄,將殺之,弘綱直入獄中,獄卒併繫之。弘

軍總把,佩銀符,換金符,爲千戶,陞總管、廣威將軍、招討副使,加定遠大將軍 綱佯狂謔笑,守者易之,旣寢,遂與其父逸去。 後從其父攻城徇地,屢有功,自昭信校尉、管 招討使, 襲

鎭江陰。

諡武 濟等力戰而歿。贈宣忠秉義功臣、資善大夫、湖廣等處行中書省左丞、上護軍,追封齊郡公, 符,授昭勇大將軍、河南諸翼征行萬戶。 (宣) [定]。[三] 從右丞劉深征 從參政高興破建德溪寨諸賊,後賜三珠 八百媳婦國,師次八番,與叛蠻宋隆 虎

子漢, 當襲職, 讓其弟鼎。 漢後爲監察御史, 累官至集賢直 學 士。 黑,襲江陰水軍

買文備

萬戶。

戶,賜 輔以 命 輔行 衆歸 賈文備字仲武,祁州蒲陰人。 金符,尋領順天河南等路軍民萬戶,卒。 元帥府 太祖 事於 ,詔隸張柔,以兵攻蠡州、慶都、 が別別 從定山 東,遷左副元 父輔,仕金為祁州刺史。 安平、東鹿諸縣,皆下之。 帥。 |柔將兵在外,|輔常居守,累功,改行軍千 武仙憚輔膽 略,密令所親圖 柔開 帥 府於滿城, 之。

開元府路女眞水達達等處宣撫使,佩金虎符。三年,遷開元 之,憲宗賜弓矢銀盂。 文備襲父千戶職,張柔命屯三汊口,備宋兵。宋以雲梯二十餘來攻,文備率兵鏖 歲乙卯,復令襲父左副 元帥職、兼領順天路。 東京懿州等處宣慰使。 中統(三)[二]年, 回升 四年, 一戰,却

改授萬戶,領張柔所部軍,屯亳州。 宋兵時鈔掠淮甸,文備戰却之。

襲,文備出奇邀擊,大破之,帝賜金鞍、金織、文段、白金。 白金。十一年,復授萬戶、漢軍都元帥,領劉整軍,駐亳州。 陸漕運。 成都統軍,以疾不赴。八年,授宿州萬戶,尋改河南等路統軍,圍襄樊。 至元 二年,加昭勇大將軍、眞定路總管,兼府尹。六年,調衛輝路總管。 宋兵時掠糧餉,文備敗之,併奪其船。 詔罷統軍, 文備 宋將夏貴知毫無備,盛引兵來 入覲,賜弓矢、金鞍、錦衣、 九年,移蔡州,兼水 七年, 授西蜀

陳兵兩岸,軍不得進。文備泛舟,由淪河徑出大江,攻武磯堡。乃從阿朮先渡江,大軍繼之, 遂取鄂、漢,以功賜白金,加昭毅大將軍 丞相伯顏伐宋,文備領左翼諸軍以從,抵郢州。 守鄂州。 宋築二城夾江,布戰艦數千艘于江中,

十四年,衡、永、郴等郡寇發,文備悉討平之。十五年,進鎭國上將軍、湖南道宣慰使,徇瓊崖 臂,攻戰愈急,宋臣李芾死之,轉運判官鍾蜚英等以城降。 十二年,從平章政事 阿里海牙趣湖南,至潭州城下。 文備冒鋒鏑,砲傷右手,流矢中左 十三年,加昭武大將軍,守潭州

列傳

第

等州及廣東瀕海諸城,追宋衛王昺。

書省左丞,追封武威郡公,諡莊武。 改湖廣行省參知政事。 年,改江東宣慰使,討建寧盜黃華。 十六年,召還,拜淮東宣慰使,至加金吾上將軍,鎭慶元。十八年,復授都元帥。 二十四年,致仕。 二十二年,拜荆湖占城行中書省參知政事。 後十七年,以疾卒。 延祐四年, 贈江西等處行中 二十三年,

解誠

舟抵岸,乘勢追殺之,奪其軍餉三百餘斛。 都水監使。 制獎之。 下雲南大理國,以功賜金虎符。 解誠,易州定興人。善水戰,從伐宋,設方略,奪敵船千計,以功授金符、水軍萬戶,兼 焦湖之戰,獲戰艦三百艘。 從攻鄂,奪敵艦千餘艘,殺溺敵軍甚衆。 宋以舟師來援,誠據舟厲聲呵之,援兵不敢 既又從攻安豐、壽、復、泗、亳諸州,俱 世祖嘉其 有功,又從 動 功,嘗降 ", 急移

至元三十年,卒,贈推忠宣力功臣、龍虎衞上將軍、同知樞密院事、上護軍,追封易國

公, 諡武定。 子汝楫襲,從討李瓊,平宋,累獲功賞,卒,贈推忠效節功臣、資德大夫、中書右丞、上護

軍,追封易國公,諡忠毅。

東道宣慰使,卒,贈資德大夫 子 帖 哥 襲,從征廣西,下靜江府,改授水軍 河南 江北等處行 招討 中書省左丞、上護軍 使。 尋復爲萬戶,從征交趾,有 平陽郡公、諡武宣 功,陞廣

子世英,由監察御史,遷山南江北道僉事。

管如德

必 叉 制 如德以左手兼握,右手悉引滿之,帝曰:「得無傷汝臂乎? 獲,械送于郡。 可 曰:「此眞吾兒也。」 至是,入覲 命習 令面 越 ,至元十二年,亦以城降。 如如 管如 如德對 對 國 德即解衣浮渡,帝壯之,由是稱爲拔都,賞賚優 再 書 德,黃州黃陂縣人。 四 曰 ,曰:「習成 、果實 :「陛下以福德勝之。 如德伺邏者怠,卽引 他而 ,當爲朕言之。」一 後罪之,非如宋權姦擅權,書片紙數字即殺 先是,如德嘗被俘虜,思其父,與同輩七人間 父景模,爲宋將,以蘄州降,授淮西宣撫使。 世祖 襄樊,宋咽喉 笑曰:「是孝於父者,必忠於我矣。」一日,授以 一械擊死數十人,各破械脫走,間關萬里達父所。 日,帝語 也, 如 德 咽 曰:「朕治 渥。 喉被塞,不亡何恃 後毋復然」嘗從獵 帝問:「我何 天下, 人 重惜 也。 以 道南馳,爲邏者 一一一一 如德為 得 人 汝但 遇 命, 天 下, 大溝,馬不 1:「善。」. 江 凡有罪者 心奉職 强弓二, 景模喜 宋 州 何以 都 帝 所 統

列

傅

第

五

+

解

誠

管如

德

懼 忌嫉之口。」授湖北招討使,總管本部軍馬,佩金虎符。

夏都統 下。 所賜刀,從軍以來,刀缺如是矣。」帝嘉其樸。 **德先登陷陣,擒其帥張都統等,宋軍遂潰。** 將皆望風 初,世祖 是年六月,丞相阿朮南攻宋。 牌印衣甲及餉軍海船,悉送阿朮所。事聞,帝命賞之。 降附。丞相伯顏取臨安,復選能招諸郡者,衆推如德,如德衡命往喻,紹興諸郡皆 以寶刀賜如德,及與敵戰,刀刃盡缺。 如德以軍爲前鋒,至揚州揚子橋,與宋戰,晝夜不息,如 七月、進軍(佳)[焦]山江上、「云復大戰、奪宋帥 |朱平,入覲,如德以刀上呈,曰:「陛下向 軍至鎭江,如德招安諸郡,守

禄未 豐稔,民沐聖恩多矣,敢有貳志!使果有貳志,臣曷敢飾辭以欺陛下乎」帝善其言,且喻之 入見,世祖問曰:「江南之民,得無有二心乎。」如德對曰:「往歲旱澇相仍,民不聊生,今累歲 曰:「阿塔海有未及者,卿善輔導之,有當奏聞者,卿勿憚勞,宜馳捷足之馬,來告於朕。」 曰 省役恤民,五曰設官制祿。 有定制,故如德言及之,權臣抑不得上。二〔十〕年,丞相阿塔海命馳驛奏出征事,[刊] 十二年,遷浙西宣慰使,上時政五條:一曰立額薄征,二曰息兵懷遠,三曰立法用人,四 時法制未備,仕多冗員,又方用兵日本倭國,而軍民之官,廪

如德指揮諸將討平之,其脅從者多所全宥。 二十四年,遷江西行省參知政事,破豪猾,去姦吏,居民大悅。是時,贛、汀二州盜起, 二十六年,遷江西行尚書省左丞,時鍾明亮以

失耳一年四十有四,卒于軍,贈江西行省左丞、平昌郡公,諡武襄。 臣,欲以事殺明亮,如德聞之曰:「皇元仁厚,未嘗殺降,明亮叛 今田 喻以禍 循州叛,殺掠州縣,千里丘墟,帝命如德統四省兵討之。諸將欲直擣其巢穴,如德曰:「嘻 野 之氓,疲於轉輸,介胄之士,病於暴露, 福,戝感 如德誠信,卽擁十餘騎,詣贛州石城縣降。 重困斯民,而 自爲功, 平章政事奧魯赤, 怒其跋扈不 人,何足惜, 吾不爲也。」 所重者, 於是遺使 信不可

子九,淳祖,積官中順大夫、龍興路富州尹。

趙匣剌

略地至 出。 刺 至渠江之鵝灘,匣剌邀擊之,斬首五十餘級,宋兵大敗。 寨,元帥欽察遣 居山舊府,匣刺 神 色不 欽察惜其驍勇,取死囚二人,刲其肩,視骨節淺深,知可出,卽爲鑿其創,拔鏃出之,匣 趙匣刺者,始以父任爲千戶,佩金符。 南坦 爲 ,擊敗宋軍,生獲軍士五十七人,老幼三百四十人。從攻大良平,宋昝萬壽 動 匣刺 與戰於都尉垻,敗之,斬首二十餘級。 率兵往禦之,貴敗走,追至新明縣,斬首三十餘級。 中統三年,守東川。 欽察攻釣魚山,遣 匣剌 亦被三創,矢鏃中左肩不得 四年,宋夏貴以 宋劉雄 運刺以 公兵侵虎 飛 兵千五 以 兵 運 古人 犯 嘯 糧

青

山

立敗走,棄其糧千餘石,因盡奪其甲仗旗幟而還。 糧,送大良平,匣刺察知之,遂率所部兵與立戰於三重山,斬首百五十級,擒獲四十餘人。 宋軍,生獲四十人。五年,兼管京兆、延安兩路新軍,戍東安、虎嘯山 至元三年,爲東 川路先鋒使。 四年,元帥拜答攻開州,至萬寶山,遣匣剌以兵五百人擊 兩城。 宋楊立以兵護

拔 附而登,殺其守兵,燒其積聚,生獲二十餘人以歸。 兵遇,生獲二十餘人,斬首四十級。十年三月,復從行院合答攻釣魚山之沙市,匣剌乘夜蟻 十兩,細甲一注。九年,統軍合刺攻釣魚山,時匣刺爲先鋒,領兵千人,略地至葛樹坪,與宋 禮義山寨,命匣刺守之。 六年,行院遣匣刺攻釣魚山之沙市,焚其敵樓。從左丞曲力吉思等入朝,詔賞白金五 又擊敗宋將張珏兵於武勝軍。 行院新

匣刺 夜至二鼓,敵衆大潰。行院以其功上聞,未報而疾作,乃遣往瀘州治疾,至之夕,瀘州復叛, 與疾出戰,遂爲其所獲,與從者二十人皆死之。子世顯,船橋副萬戶。 十二年,率舟師會攻釣魚山,戰數有功。 進圍重慶,宋將趙安勒兵出戰,匣刺迎擊之,

周全

周全,其先汝寧光州人。仕宋爲武翼大夫、廣南西路馬步軍副總管。至元十二年,丞

列傳第五十二 周全 孔元

兵福 先登,與宋兵 授明 相 伯顏總兵下江南,全率衆來歸,遂以行省檄遙授衡州知州。 建 威將軍 ,宋制置使黃萬石降。 ,遙授泉州知州,兼管軍千戶。冬十月,從元帥宋都鵤下江西諸城邑。 合戰,斬馘甚衆,殺其安撫使熊飛。 冬十月,從大軍征廣東,十一月,至韶州城下,嚴攻具,率勇士 十二月,以遊騎巡廣中,過靈星海石門。敵 是年秋七月,入覲,賜金符, 明年,進

艦 疾去官。 石 山寨,全率兵討平之,焚其寨。 以千計,殺敵溺死者無算,兩廣以平。第功,賜虎符,授管軍總管。 四年,從攻廣西靜江府,宋安撫李夢龍率衆來降。其有負固不下者,悉戰敗之,奪敵 十七年,進廣威將軍、管軍副萬戶,鎭守龍興。二十年,以 十五年,盜據赣州崖

勢甚張

,全奮戈殺敵,乘勝奪其旗鼓,火其船,及諸軍下廣州,全功居多。

大德 九年,卒,贈懷遠大將軍、南安寨兵萬戶府萬戶、輕車都尉,追封汝南郡侯。子祖

孔元

取 焦湖,圍壽春,先登,拔其西堡。 孔元字彥亨,眞定人,驍勇有智略。 己亥,從征安豐,力戰却敵。 歲丁酉,棄家從軍,隸丞相史天澤麾下。 己酉,從圍 泗州, 戊戌,從

亥,從攻五堂山寨,俘其衆以歸。戊午,從攻樊城,親王塔察兒命取樊西堡, 元率死士挺槍 大呼,擊殺數百人,斬首十九級以獻。中統元年,扈駕北征。二年,宣授管軍總把

里迷失追其衆至兀速洋而還。 北 征 ,進武義將軍、侍衞親軍千戶,賜佩金符。又明年,國兵討叛王失里本等,從行院別乞 至元十一年,從伐宋,爲前鋒,所向克捷。十四年,進武略將軍、管軍千戶。 分軍之半,扼其要害地,餘衆遂潰,獲輜重牛馬。帝大悅,賞 明年,還軍

賚甚厚,加宣武將軍、右衞親軍總管。十九年,以疾卒。

子鷹揚襲,授昭信校尉、右衞親軍弩軍千戶,仍佩金符。 至大元年,以疾卒。子成祖襲,

延祐二年,卒。子那海襲。

朱國寶

坐 而 · 待其主以付之,其人請中分,存器笑而遣之。 朱國寶,其先徐州人,後徙寶坻。父存器,歷官至修內司使。嘗夜行盧溝橋,獲金一囊,

銀符。三年,圍李璮於濟南,佩金符,鎭戍(海東)[東海]。〔六〕從征襄陽,攝四翼鎭撫,督造戰 攻鄂,國寶攝千戶,率銳卒於中流與宋師鏖戰,凡十七戰,諸軍畢濟。 憲宗將攻宋,募兵習水戰,國實以職官子從軍,隸水軍萬戶解誠麾下。己未,世祖以兵 中統二年,授千戶,佩

條 級 恩 遷定遠大將軍 餘 寶 寶 旣 顏 艦 高 俘 制 江,拔之,進秩管軍萬 降 一、築萬 新 人。 傳 擊敗之, 願 化 湖右 十五 復 檄 十 五 州 當 進攻 能 南 招 二年,進 百餘 以懲反 何華 Щ 前 寧謝 年, 諭 奪 加宣 鋒, 堡。 其 新城 踰 取 張翼, 人、船七百艘,奪其 加懷遠大將軍。 海北 衆退保飛 有奎 是乎?」 旣 側。 兵 武 月悉平,惟辰、沅、靖、鎭遠 至元十一 ,獲信、發等,獻 而 臨 將 負 奪船 任 海南道宣 舉兵興 軍 岳 固 龍 州 國 ,統蒙古諸 山、新 [戶,鎭· 不 二十艘以 光等 寶 年,拔沙洋,隳新 服 與宋兵戰於岳 復 卽奮往 國寶開 城。 率 慰 初,宋 守梧州 軍 停江 所 使。 兵器無算 勢甚 軍 獻 思、 部 破 臨安 ,鎭常 ,伯顏 示信 **艦** 財 陵。 五 棚。 盛。 播蠻來 領安撫 千 之破 之桃花 、降其 港下。 德府 義,有奎 戶降。 連 壯 城 行省奏功, 旣渡江,下鄂、漢 國 結 之。 皆 寶 也 援, 司 鬱林、 (將十: I與有 ,張世傑挾二王由閩 選 事 灘,獲其 移 知 宋將 宋 或 精 感悟, 瓊州 安撫司 據 寶 廉州 ·餘、軍 :力焉。 銳, 賜 李信、李 上流 復 金虎 擊殺 、將高 與 以其屬 立官程 諸 事 方 戦 士二百、民三萬 洞, 初,師, 符。 ō 華、翼,擒 世 發結武 舟 時宋 破之, .傑,進昭信校尉、管軍 恣行 來歸。 更 數 十四四 次江 白 諸郡 弊 蹈 剽掠 結結 岡 擒張 年, 其黨 政, 海,衆復滋 上,國寶請於 於 洞 邑多 為堡栅 會諸 是黎民降者三千 訓 蠻,分據 星、 餘 或 二人,斬首萬 堅守 兵 實 戶 道兵 沈舉等三百 息民, 悉平之,磔 蔓。 伯 不 十六年, 扼 攻 顏 丞 寨, 下, 總管。 具 人廣西 相伯 時 指示 南 有 餘 國 或

列

傳

第

五

+

朱

國

賫

三八七七

有八人,加鎭國上將軍、海北海南道宣慰使都元帥。供給占城軍餉,事集而民不擾。 九 戶 `,蠻洞降者三十所。十八年,破臨高蠻寇五百人,招降居亥、番亳、銅鼓、博吐、桐油等十 洞,遣部將韓旺率兵略大黎、密塘、橫山,誅首惡李實,火其巢,生致大鍾、小鍾諸部長十

都 元帥、參知政事,行尙書省事。以軍事至離州,得疾,卒于傳舍,年五十九。 二十三年,遷廣南西道宣慰使。二十四年,入覲,帝慰勞之。二十五年,進輔國上將軍、

子斌,襲職,累官加賜金虎符、海北海南宣慰使都元帥,贇,上副萬戶,佩金虎符,鎭福

張立

州;

次鼎,次鉉。

進侍衞軍鎭撫,換金符,改侍衞軍千戶。尋遷左衞親軍副都指揮使,賜金虎符。 船百餘艘。復從攻釣魚山,有功,賜金帛。中統初,從世祖北征,還,授管軍總把,賜銀符, 道兵,立從行。次大獲山,宋人阻山爲城,帶江爲池,恃以自固,立統銳卒,攻陷外堡,奪戰 張立,泰安長清人。初隸嚴實麾下,略江淮有功,署爲百戶。歲戊午,憲宗征蜀,徵諸

後、欲乘間奪其資糧。」立覺其有異,急命環車爲栅以備之,賊衆已合,矢如雨下。 四年春,率步卒千人轉粟赴和林,道出應昌。會會帥畔換謀不軌,以射士三千踵其

發上都也,每車載二板,以備不虞。 弩繼發,賊 不 得近,相持 連日 ,乃解 去。 至是,建板于車,矢不能入,騎卒稍前,即以戈撞之,强 是歲,增置前後衞兵,進明威將軍、後衞親軍都指揮

子珪襲。珪卒,子伯潛襲。

使,賜雙珠

虎

符,加

昭勇大將軍

,以老乞退。

齊秉節

千餘。 **珪率衆力戰,敵退走,城賴以完。** 越,命浚之爲備。宋將聶都統、陳總管果率兵萬餘,抵城東門,以板渡壕,壕廣,板不越,命浚之爲備。宋將聶都統、陳總管果率兵萬餘,抵城東門,以板渡壕,壕廣,板不 戶 ,後兼總管,鎭棗陽。 齊 秉節字子度,濱州蒲臺人。父珪,從嚴實攻歸德、廬州,有功,授無棣縣尹,攝征行千 珪時攝萬戶府事,與宋襄、郢對壘。 中統三年,李璮以益都叛,徵諸道兵進討,棗陽精銳盡行,僅 事聞,賜金符,眞授千戶。至元三年,告老,舉秉節 敵來覘虛實,珪城守周密, 以東門外壕狹 自代。 留留 ·能及, 小可 一羸卒

伯 堡 顏 鹿 門山 至郢,盪舟由陸 乗節 ,略地郢州大洪山黃仙洞,數著戰功。七年,陞上千戶,權萬戶。十一年,從丞相 魁偉沉毅,涉獵書史,稍知兵法,襲父爵,仍鎭棗陽。 入江,攻武磯堡,擒宋將閻 都統。 五年,從伐宋,築新城 白 河

十二年,國兵敗宋賈似道、孫虎臣舟師于丁家洲,命秉節屯建康,與宋將趙淮戰于西離

列

傳

第

五十

張

立

與有司 斬余總轄于陣。[5]十七年,授明威將軍。二十三年,移鎭饒州。 宋將張咨議戰于崑山 山,追至溧陽,自辰及午,宋軍乃退。八月,遷武義將軍。十二月,從定太平、安慶諸郡,與 會兵討之,擒福一,餘黨悉平。 了殺之。十四年,授宣武將軍、管軍總管。時<u>黃州復叛,令</u>秉節往討**,** 二十五年,陞廣威將軍、棗陽萬戶府副萬戶。二十八 安仁劇賊蔡福一叛,秉節

張萬家奴

年,卒,年六十二。子英襲。

張 萬家奴,父札古帶,事睿宗於潛邸。從破金有功,賜虎符,授河東南北路船橋隨路兵

馬都總管萬戶。從西征,下興元,圍嘉定,歿于軍。

兵入成都,從行院阿脫擊破之。至元四年,帥師會立眉、簡二州。從也速答兒攻瀘州,大敗 萬家奴數從都元帥大答火魯征討,有功。中統二年,從都元帥紐璘入朝,授以父官。宋

|宋軍,殺傷過半,俘四十餘人以歸。

嘉定,栅平康、太和、懷遠諸寨,分兵以守之,且日出師,水陸接戰,功居多。而諸將攻瀘州, 往往失利,乃詣闕請自任以攻取之效,許之。遂率舟師百五十艘,自桃竹灘至折魚灘,分守 七年,率諸軍城張廣平,與宋人戰,斬首三百餘級,獲都統一人。從攻重慶,破朝陽寨,圍

羅諸蠻皆叛,殺掠使者,劫奪人民,州郡莫能制。 帽。 江 所部轉餉成都及下流諸屯,尋遷招討使。與都元帥藥剌海討亦奚不薛蠻,平之,進副都元 之,加昭勇大將軍。 面,謹風火,嚴號令,約日進攻。先據神臂門,爲梯衝登城,殺二百餘人,斬關而入,遂拔 詔其子孝忠爲船橋萬戶。 會圍重慶,將其衆斷馬湖江,分兵水陸往來爲游徼,加昭毅大將軍。 以萬家奴將四川、湖南兵征哈剌章。 遂以其兵討之,剿其衆,民爲之立祠。 時雲南惡昌、多興、羅 以

雲南王命其子保童,將其軍從征,入太公城,有功,襲副都元帥。又從征至甘州山丹,亦

十年,從征緬,戰死之。

都。 會靈關,追至沙谿,敗之。 、敗阿永蠻於鹿札河,乘勝至打鼓寨,連破之。諸蠻平,以功賜金帛、弓矢、鞍轡,還軍成 至沙、瓜諸州,還,賜虎符, 孝忠少從父軍中,好攻戰。 二十二年,從討烏蒙蠻。 進攻龍家寨阿那關,克之,遂攻亦奚不薛營,大破之。 復擊降大垻都掌、蟻子諸蠻,加明威將軍。二十七年,詔從西 至元十九年,從都元帥也速答兒討亦奚不薛蠻, <u></u> **愈書四川等處行樞密院事**。 院罷, 以本軍萬戶鎭成都, 叉以八百 遇其衆于

郭昂

千餘 擒劇 事 之行省,宰臣令藏於庫,以示 六年,以諸洞 金符,招降溪洞八十餘栅。 ,平章廉希憲材之,授山東統軍司 一贼張虎,縱之曰:「汝非吾敵,願降卽來,不然,吾復擒汝不難也。」明日,虎降,幷其衆三 人,悉使歸民籍。 郭昂字彥高,彰德林州人。 酋 「入朝,帝賜金綺衣、鞍轡,進安遠大將軍。徇沅州西南界,復新化、安仁二縣, 軍還,衆斂白金以獻,一無所受,行至江陵,衆復從致金而去,昂悉上 播州張華聚衆容山,昂率兵屠之,山徭、木猫、土獠諸洞盡降。十 諸將。 習刀槊,能挽强,稍通經史,尤工於詩。 知事,尋改經歷,遷襄陽 總軍司,轉沅州安撫司 至元二年,上書言 同 知,佩

卽 省檄昂赴 峒諸蠻,立太平寨而還。 俱降。 二十六年,江西盜起,昂討之,進逼南安明揚、上龍、巖湖、綠村、石門、雁湖、赤水、黑風 廣東監造戰船,行至廣東界,遇盜,移檄諭以禍福。 授廣東宣慰使,卒,年六十一。 會大饑,以賊酋家資分賑之。 授萬戶,賜金虎符,鎭撫州。 廣東素服其威信,及見其檄, 未幾,

子震,杭州路鎮守萬戶,惠,僉江西廉訪司事,豫,知寧都州。

綦公直

召見,俾與乎不烈拔都等領兵,同行荆南等處招討司事。 Ŧi. 玉泉山。 州 都城池所千戶。十年,賜金符,命造征日本戰船于高麗。 綦公直,益都樂安人,世業農。 率兵三千攻安進下寨,破之,殺宋軍百餘人,獲牛馬七百。 至元五年,爲益都勸農官。 抵峽州青草灘,霖雨,不進,還屯 時宋未下,世祖 九年,爲沂、莒、膠、密、寧海 還至襄陽,樞密院命督 知其勇,遣使

造戰艦、運舟。

禿忽魯叛于西夏,命公直率軍討平之。 軍、管軍上千戶,召入,加昭勇大將軍、管軍萬戶,佩金虎符,領侍衞親軍。 公直又令第三子忙古台攻梅關,破淮德山寨,入廣東,至南海,皆下之。 樓櫓,斬首萬餘級,生擒七百人,隆興降。由是南安、吉、贛皆望風款附,平堡栅六百餘所。 (二十)[十二]年冬,至隆興。[10] 宋軍突出城門逆戰,公直敗之,追抵城下,遂踰壕拔木,焚其 襄陽旣下,奉旨領鄧州、光化、唐州漢軍,及郢、復熟券軍九千二百人,從諸軍南伐。 韶授公直武毅將 時伯延伯答罕、

公直自陳,父年老,乞以泰爲樂安縣尹,就養其父,制可,仍終身勿徙他職。 十八年五月,陞輔國上將軍、都元帥、宣慰使,鎭別十八里。 初,帝韶以長子泰襲萬戶; 至是,乃以忙古

列

傳第五十

郭

昂

茶公直

八里,公直從丞相伯顏進戰於洪水山,敗之,追擊浸遠,援兵不至,第五子暖力戰而死,公直 台襲萬戶,佩金虎符,從之鎭。公直陛辭,曰:「臣父喪五年,願葬以行。」帝許之。至家,葬 事畢,遂計樂安稅課及貧民逋負,悉以賜金代輸之,乃行。二十三年,諸王海都叛,侵別十

與妻及忙古台俱陷焉。

戶。 討衢州山賊,有功,加昭勇大將軍。泰後終於知寧海州。 二十四年,忙古台奔還,授定遠大將軍、中侍衞親軍副都指揮使,改湖州砲手軍匠萬

楊賽因不花

亡,世祖詔諭之,邦憲奉版籍內附,授龍虎衞上將軍、紹慶珍州南平等處沿邊宣慰使、播州 安撫使,卒,年四十三,贈推忠效順功臣、平章政事,追封播國公,諡惠敏。 貴遷嗣。 有楊端者,以應募起,竟復播州,遂使領之。五代以來,世襲其職。五傳至昭,無子,以族子 楊賽因不花,初名漢英,字熙載,賽因不花,賜名也。其先,太原人。唐季,南詔陷播州 又八傳至燦,燦生价,价生文,文生邦憲,皆仕宋,爲播州安撫使。至元十三年,宋

【關】。[11]帝呼至御榻前,熟視其眸子,撫其頂者久之,乃諭宰臣曰:「楊氏母子孤寡,萬里來 漢英, 邦憲子也, 生五歲而父卒。二十二年, 母田氏攜至上京, 見世祖於大安(殿)

墨特川 忠,率兵討之,以疾卒於軍 章劉 對播國公,諡忠宣。 遇,破之。 奏安邊事,帝益嘉之。是年,改安撫司爲宣撫司,授宣撫使,尋陞侍衞親軍都指揮使。 進資德大夫。 繒,賚其從者有差。二十五年,再入覲,時年十二,帝見其應對明 庭,朕甚憫之。」遂命襲父職,錫金虎符,因賜名賽因不花。 可勝計。 成宗 鮮卑仲吉,中山 二拔都、指揮使也先忽都魯,率兵偕賽因不花討之。 至大四年,加勳上護軍,詔許世襲。 ,大破之。 列 鮮卑仲吉 傳 即位,賽因不花兩入見,贈諡二代。 逐降<u>阿苴,下</u>笮籠,望塵送款者相繼。 前駐蹉泥,賊騎猝至,賽因不花奮擊先進,大軍繼之,賊遂潰, 第 五. + 折節懼,乞降,斬之,又擒斬隆濟等,西南夷悉平。八年,賽因不花復入見, _ 子嘉貞 楊 歲乙亥,國 猤 ,年四十。 嗣 因 不 花 兵定中原,仲吉首率平灤路軍民詣軍門降,太祖 贈推誠秉義功臣、銀青榮祿大夫、平章政事、 鮮 卑. 播南盧崩蠻內侵,詔賽因不花暨恩州宣 仲 大德五年,宋隆濟及折節等叛,詔湖廣 吉 七年正月,進屯暮窩,賊衆復合,又與戰于 六年秋九 及陛辭,詔中書錫宴,賜金幣綵 敏, 月, 稱善者三。 三八八五 師出 乘勝逐北, 播 境, 柱國, 慰使田茂 復因宰臣 命為欒 殺獲不 連 行 與賊 省

追

漢 州 軍 節 兵 度 使。 馬 都 從 元 帥 िरण o 朮 魯南 歲 壬 辰,平蔡有功,公司 征 「,充右副元帥,攻取信安、關州諸城,(三)以功賜虎符,授河 加金吾衞 上將 軍 、興平 路都元 **元帥、右** 監 、永安軍 北等路

節 度使,兼 子準,充管軍千戶,從札〔刺〕台火兒赤 凝州管內觀察使、提舉常平 倉事、開 東征高麗。日四中統元年,賜金符,扈駕征阿里不 國 侯, 葬卒。

哥,以功受上賞。 三年,從征李璮。 至元十年,授侍衞 題軍千戶、昭武大將軍 |大都 屯 田

戶,佩虎符,卒。

指揮 ,使司 子誠襲,授宣武將軍、高郵上萬戶府副萬戶,佩虎符, 事 領 、兵征 爪哇 ,攻八百媳婦國,使廣東,克勤 于 改授懷遠大將軍、 役,尋以疾卒。 子 忽篤 **愈武衞親軍** 土 都

完顏石柱

鳳翔 同州 完顏 石柱、祖德住、仕金爲管軍千戶。 有 功,賜號 八都兒,佩銀符,爲同州管民達魯花 父拿住,歸太祖,從征西域、河西,又從太宗攻下 赤,改賜金符,兼征行千戶,總管

八都軍。憲宗以拿住年老,命石柱襲其職。

白金七百五十兩。 己未 石柱從 世祖 軍(龍)[隆]化縣,[三與宋兵戰,大敗之。 征合刺章還,都元帥 紐 **璘攻馬湖江**,石柱 中統二年,授征行萬戶 奪浮橋,與宋兵戰,有功,賞 广,佩金

年,授四川東道宣慰使。十七年,改鎭國上將軍、四川西道宣慰使,總管隨路八都萬戶。一 十餘人。五年,攻瀘州之水寨,擊五獲寨,渡馬湖江,迎擊宋兵,敗之。從行省也速帶兒攻 符。三年,從都元帥帖哥攻嘉定,有功,改賜金虎符。 十年,拜四川行省參知政事,卒。弟眞童襲爲隨路八都萬戶。 建都,建都降,從攻嘉定,復瀘州,取重慶,石柱之功居多。十四年,遷昭勇大將軍。十六 至元四年,敗宋兵于九頂山,生獲四

校勘記

(二) (弘綱) 據本書原目錄補。

[二] 三年從征李璮 按征李璮事在中統三年。上文有「世祖卽位」,下文書「至元元年」, 此處當脫

「中統」二字。 蒙史已校。

武(宣)[定] 據吳文正集卷三五張弘綱墓表、至正集卷三〇左丞張武定公挽詩序改。

29 中統(三)[]]年 道光本與本書卷四世祖紀中統二年八月辛丑條合、從改。按下文有 「三年」。

召還拜淮東宣慰使 下文有「鎭慶元」。按本書卷六二地理志、卷九一百官志、浙東道宣慰司治

蒙史改「淮」爲「浙」,疑是。

列 七月進軍(佳)[焦]山 傳 第 五 + = 完 顏 道光本與本書卷八世祖紀至元十二年七月辛未條合、從改。 石 柱 校 勘 記

- 丑: 二壬 條有 「以 年丞相阿塔海命馳驛奏出征事 阿塔海 依舊爲征東行中書省丞相」。 從道光本補。 按前文記至元十二年事,後文記二十四年事, 本書卷一二世祖紀至元二十年正月乙
- 鎭戍(海東)[東海] 據本書卷五世祖紀至元三年九月戊午條及卷五九地理志改正。 蒙史已校。

此處「二

年」顯

有脫

誤。

- ヘたし 余總轄 別 無「總轄」。蒙史改「總」爲一鈐」,疑是。 按朱史卷一六七職官志,崇寧四 年,以太中大夫以上知州, 置副總管 鈴轄 各一員 了; 州
- [10] (三十) [十二]年冬至隆興 在至元十二年,據改正。 新元史已校。 按本書卷八世祖紀至元十二年七月己卯、十一月己卯條,元攻隆興
- 蒙史已校。 見世祖于大安(殿)[閣] 從道光本改。 按本書卷一八四雀敬傳, 上都一閣有大安, 殿有鴻禧
- 攻取 州。 信安關州諸城 疑此 處「關 州」兩字行誤。 元無「關州」 其地。 光緒灤州志鮮卑仲吉神道碑有攻信安事,但不書 關
- 歲壬辰平蔡有功 本證 云:「案金亡于蔡,紀金亡在甲午,此云壬辰平蔡,疑誤。」
- 札〔剌〕台火兒赤 據本書卷一三五塔出傳所見補。 按本書卷三憲宗紀四年夏條作 「札剌亦兒

部人火兒赤」。

蒙史已校。

「龍化縣」。 考異已校。

元史卷一百六十六

列傳第五十三

王綽

高麗人戶新附者,就命將總之。 與 征 濟南 國王 歲癸丑,高麗權臣高令公叛,憲宗命耶虎大王東征,將奉旨爲使講 |王綽,|高麗王||徹之猶子也, [1] 美容儀,慷慨有志略,善騎射,讀書通大義,以質子入朝。 李璮。 同行。是年十一月,以疾辭還,家居。二十年九月,卒,壽六十一。子三人。 至元七年,高麗臣林衍叛,世祖遣頭輦哥國王討之,綽簽領部民一千三百戶, 中統元年,授金符總管,陞佩虎符,兼領軍民。 和,仍鎭守其地,時 三年,率兵

軍、安撫使、高麗軍民總管, 十一年,進昭勇大將軍,從都元帥忽都征日本國,預有戰功。〔十〕五年,〔三加鎭國 阿剌怗木兒襲職,授虎符,總管高麗人戶。至元八年,將兵討叛賊金通精,賊敗走躭 尋陞輔國上將軍、東征左副都元帥。 十八年,復征 日本, 遇風 上將

列傳第五十三 王綽

濤,遂沒于軍。

問關帖木兒,入侍武宗潛邸,積勞授太中大夫、管民總管。

哈丹禿魯干復寇纏春,兀愛引兵擊却之。 明年,哈丹等入寇高麗國境,遣兀愛鎭守,仍修城壁,嚴卒伍,軍威大振,賊遂潛遁。九月, 魯干次於斡禿魯塞,平章率兀愛討降之。明年,加授昭武大將軍、遼陽等處行中書省事。又 十五年,征哈丹禿魯〔干〕,〔三隸平章闊里帖木兒麾下,論功居多。冬十二月,賊軍古都禿 江,統兵五千餘衆,與八剌哈赤脫歡相拒,絕流戰黑龍江,箭中右臂,忍傷復戰,敵大敗。二 都元帥。二十四年,乃顏叛,力戰屢捷。復從月魯兒那演討塔不歹、朶歡大王于蒙可山、那 兀愛襲兄阿剌帖木兒職,佩金虎符,授安遠大將軍、安撫使、高麗軍民總管、東征左副

直漢軍萬戶府,兼瀋陽安撫使、高麗軍民總管。 都元帥府,立總管高麗女直漢軍萬戶府,乃授兀愛三珠虎符,陞鎭國上將軍,總管高麗女 二十八年,入覲世祖于內殿,嘉其戰功,賜尙方玉帶及銀酒器。二十九年,改東征左副

隋世昌

隋世昌,其先<u>澄州</u>棲霞人。 父寶,徙居<u>萊陽,</u>金末隸軍伍,主帥奇其貌,以爲管軍謀克,

俄授懷遠大將軍、管軍都總領,鎭行村海 口 太宗下山東,寶遂來歸,授萊陽令, 歷萊州 節

度判官,終高密令。

官。 刺。 己未,攻漣水城,世昌樹雲梯攀緣而 歲癸丑,選充隊長。 世昌 其第四子也,涉獵書史,善騎射,身長八尺,鍛渾鐵爲鎗,重四十餘斤, 宋兵來攻海州,世昌戰却之。 上,身被數鎗,衆從之,遂克其城,陞馬軍千戶 壬戌,克東海, 世昌先登,陞馬 能左 軍 右 隊

改步軍千戶,還鎭行村海口。至元元年,朝議分揀正軍奧魯,授萊陽縣諸軍奧魯長官 其守將二人。未幾,漣水復叛歸宋,世昌軍于東馬寨城外,宋兵來攻, 中統 元年,宋將夏貴軍淮南新城,世昌夜乘艨艟抵城下,宋兵出戰,斬首數百級, 世昌擊走之。三年, 刺殺

|樊, 黄涴堡入漠江,破沙洋。 蘇復進,遂下新城。 兵鏖戰 石如 爭,且拒且築,不終夜而就。 陞管軍千戶。 雨,軍校多死傷,達旦而礮簾立。宋人列艦江上,世昌乘風 六年,伐宋。 欄馬牆下,世昌流血滿甲,勇氣 七年, 九年,敗宋兵于鹿門山。 明日 以世昌爲淄萊萬戶府副都鎭撫,守萬山堡,建言修一字城以圍 丞相伯顏視所坎城,高一丈五尺餘,論功爲上。 攻新城,世昌坎其城而 整授軍二百,令世昌立礮簾於樊城欄馬牆外,夜大雪, 愈壯,而樊城竟破,襄陽亦下, 元帥劉整築新門,使世昌總其役,樊城出 先登,中數矢,傷臂,兜鍪皆裂,昏眩 縦 火,燒其船百餘。 遷武略將 從諸軍 軍。 渡江,抵南 墜地,少 城中矢 樊城 引 [兵來 兵 出 由

列傳

岸,宋兵聯舟來拒,世昌舍舟師,率蒙古哈必赤軍步戰,斬其將一人,宋師潰,世昌追之,復 與戰,大敗之。

萬戶。 十七年,拜定遠大將軍、管軍萬戶,尋以獲海賊功進階安遠大將軍。二十三年,改派鄉上副 軍總管。十四年,成揚州,擊野人原、司空山等七寨,皆下之,進安撫使,佩金虎符,鎭澉浦。 搜湖泊,宋兵聞鐵鎗名,不敢近。揚州平,充四城兵馬使,從平章阿朮入見,授宣武將軍、管 十二年,從戰于丁家洲,以功陞管軍千戶,佩金符。十三年,圍揚州,世昌絕其糧道,兼

世昌前後數百戰,體皆金瘡,竟以是疾卒,年六十一,封定海郡侯,諡忠勇。子國英嗣。

羅璧

四年,海盜屛絕。徙鎭上海,督造海舟六十艘,兩月而畢。 事。至元〔十〕五年,回從元帥張弘範定廣南,賜金符,陞明威將軍、管軍總管,鎭金山。居 夫、利州西路馬步軍副總管。禩孫移荆湖,壁從之,至江陵。右丞阿里海牙領軍下江陵,壁 從禩孫降,授宣武將軍、管軍千戶,隸丞相阿朮麾下。招收淮軍,討歙寇有功,領本州安撫 羅璧字仲玉,鎭江人。父大義,爲宋將。壁年十三而孤,長從朱禩孫入蜀,累官武翼大 列傳第五十三 羅璧 劉恩

沽以 以漕 十月 淮 督漕至 西道宣慰司 舟 入京 達京 至元 直沽倉 至 遼陽 城, 師,賜金虎符,進懷遠大將軍 十二年,始運江南糧,而 立運 浮海 事。 ,潞河決,水溢,幾及倉,壁樹棚,率 糧萬 請兩淮荒閑之田給貧民耕墾,三年而後量收其 抵錦州小凌河,至廣寧十寨,諸軍 戶三, 而以璧與朱清、張瑄 河運弗便。 、管軍萬戶,兼管海 十九年,用丞相伯顏言,初通海道 ·所部备· 爲 之。 賴 土築堤 以濟, 乃首部漕舟,由 道運糧。 涅捏之。 加昭 入,從之。 二十四年,乃顏 勇大將軍。 陞昭毅大將 海洋抵 歲得粟數十萬 漕運, 楊村 <u>二</u>十 軍 叛 壁復 五年, 同 抵 直 知

州復 乃誘 得 疾,歸鎮江 致諸 多水患,鑿二渠以分水勢;又沒阜通 大德 洞蠻夷酋長,假以官位,曉以 三年,除饒州路總管,改廣東道宣慰使都元帥。 而卒,年六十六。子坤載 禍 河 福,由是咸 而廣之,歲增漕六十餘萬石。 率 衆 以 歸。 山海獠 除 都 夷不沾王化, 水 監,改正奉大夫。 奉命括兩淮屯田, 負固反 侧, 通

斛

,陞鎭國上將軍、海北

海南道宣慰使都元

帥

劉恩

以 材 武 劉 恩字仁甫,洛之洛水 隸 軍 籍 累 功 爲 白 戶 角俄 人,後徙威州。 遷管軍總管, 父辛,歸國,署具州 佩銀符,太傅府經歷。 長。 恩幼知讀 從 入蜀,數有戰功。 書,勇而 有謀, 宋

典赤攻嘉定,過九頂山,與宋軍遇,生擒其部將十八人,械送京師,賞賚甚厚。 戰,殺其將二人、士卒三千餘人,溺死者不可勝計,授成都路管軍副萬戶。六年,從平章賽 劉整將兵守瀘州,中統三年都元帥紐璘遣恩諭整降,以功易賜金符。 船五百艘,載甲士三萬人,夾江上游,先以一萬人據雲頂山,欲取漢州。 至元三年, 宋將以戰 恩率千人渡江 與

窮蹙,乃降。入朝,升管軍萬戶,戍眉州 捷。 糧三萬石、牛羊二萬頭,士氣益振。 建都兵夜來犯圍,恩禦之,死者千餘人。時師久駐,食且盡,恩畫策招諭沿江諸蠻,得 九年,從皇子西平王、行省也速帶兒征建都,恩將游兵爲先鋒。師次其地,一日三戰皆 建都因山爲城,山有七巓,恩奪其五,斷其汲道。

十四。 慶降, 僚朮兒赤乘傳以聞,帝以爲然,命丞相不花等行樞密院於西川,授恩同愈院事。 四川未下奈何。」恩曰:「若以重臣之不徇私者奉詔督責之,則半年可下矣。」王卽遣恩與府 十二年,昝萬壽以嘉定降,恩移戍嘉定。 ·守將張萬走<u>變府,以兵固守,不花遣</u>恩招之,萬以城降。 安西王遣使召恩至六盤山,問曰:「江南已平, 旬月之間,得其大小州邑六 十五年,重

進都元帥,宣慰使如故,賜宿烈孫皮衣一、錦衣一,及弓刀諸物。 十六年,入朝,賞賚有加,授四川西道宣慰使,改副都元帥。 師次甘州 率蒙古、漢軍萬 奉詔留屯田,得 人征 斡端,

院事,卒。子德祿,襲成都管軍萬戶。 待,大敗之。 粟二萬餘石。 海都又遣八把率衆三萬來侵,恩以衆寡不敵,成師而還。 十八年,命恩進兵斡端,海都將玉論亦撒率兵萬人迎戰,游騎先至,恩設 二十二年,僉行 伏以

石高山

石高山,德 興 府 人。 父忽魯虎, 以侍衞軍從太祖定中原,太宗賜以東昌、 廣平四十餘

戶,遂徙居廣平之洺水。

宇未一,宜加招集,以備驅策。」帝大悅,曰:「聞卿此言,猶寐而覺。」卽命與諸路同招集之。 里台、孛羅海拔都、闊闊 旣籍其數,仍命高 中統三年,高山因平章塔察兒入見世祖,因奏曰:「在昔太祖皇帝所集按察兒、孛羅 Щ 佩銀符領之。 不花五部探馬赤軍,金亡之後,散居牧地, 多有入民籍者。 國家土

以 南,以功陞顯 元 禍福, 八年,從取 四年,授管軍總管,鎭息州,軍令嚴肅,寇不敢窺。居四年,邊境晏然,賜金符 寧國 武將軍。十二年冬,丞相伯顏命以所部 開 光州,克棗陽,進攻襄樊,皆有功。 門迎降,秋毫無犯。 復令兵從至焦山,與宋將孫虎臣、 十年,從阿朮略地淮上。十一年,從下江 兵取 寧國,下令無虜掠,旣至城下,喻 張世傑轉戰 以獎之。至 百餘里,

列

殺獲甚多,以功賜金虎符,進信武將軍,鎭高郵。

忽都 古侍 能 帝卽召見,命高山 爲 衞 魯 或 宋 親軍 驅 平 領 ·, 怕 三衛軍戍和林,因屯 馳,豈敢爲自安計。」帝從之,進顯武將 都指 顏等朝京 揮使,守衞 自擇一 師 大郡 帝問:「有瘦而善戰者,朕忘其名。」伯顏以高 東宮 田 以 以給軍儲,歲不 佚老,而 以所部軍 ·乏用。 軍 一至 俾 其 子領之,高 乃顏叛, 領兵北 征,屯亦脫山。 督 Щ 戰 辭 有 日 功, 山對,且盛稱其功。 田」... 賜三珠虎符、蒙 筋 十六年,命同 力 尙 壯 須猶

成宗憫其老,以其子闊闊 不花襲職,賜鈔三百錠。 大德七年,卒於家,年七十六。

鞏彥暉

鞏彦暉,易州 人,與兄彦榮俱以武 了勇稱。 初,彦榮以百夫長隸千戶 何伯祥麾下,累有

功,後告老,以彥暉代之。

光州 大洪諸寨。 ,柔軍于東北, 諸軍伐宋,彦暉從破棗陽,斬首甚衆。 是夜,宋兵來攻,彥暉率甲士三十人,追擊于曹武鎭, 宋 人出開 夜二鼓, 命彥暉率勁卒二百伏西南,五鼓,東北聲振天地,彥暉植梯 二萬救之,彥暉 萬戶張柔之駐曹武也,彥暉與伯祥別將 與伯祥 逆戰, 斬首 敵潰走, 五. 百級 擒 其主將 生擒曹路 以 歸 分等 軍 戰 破 先

南征。 兵來援,自高 中。 暉力戰,翼伯祥 渡、至晡 寨,以守將 水陸並至,彥暉等曳槍俟其半過而擊之,敵大撓,死者無算,生擒十七人。 登,衆繼之,破其外城,遂急攻, 幷其子城破之。 入湖中,伏出,圍彥暉數匝,左右莫能近。 所阻,黎明 .欄馬牆,殺守軍三鋪,焚其東南角排寨木簾,大軍繼之,比明 + 敵援之出,載歸江州,見宋官不屈,問以事 長子信,襲授銀符,易州等處管軍總把。 歲已未十一月,兵渡江,次武昌。 會大軍攻黃州,諸將壁壘未定,有舟來覘,柔遣彥暉伏甲二百於赤壁之下,敵軍 九年,從攻變城,先登,奪其土城,焚西 得 年,從 其 獻。從攻壽州,奪其門,生擒三人以出。 無敢渡者,兩軍 外城,尋登其月城。 頭堡戰鬭八十餘里,抵襄陽 丞 以出,由是伯祥與彥暉 相伯 顏 攻沙陽堡,率勇士五十,縱火焚其寨,敵軍 ·交射如雨,彥暉被重甲徑渡,敵將來禦,彥暉 **彦暉將下,顧伯祥** 宋援兵四集,彦暉逆戰,有舟數十來挑 如 城 親昆弟然。 彥暉矢盡,短兵接,身被重傷, 下 ·,奪戰艦二,獲其裨將二人、軍八人。 南角樓,殺敵軍 中統三年,從征 不對,竟死,年五 戰滁州,彥暉 失所在,乃與王進反求之,敵復追襲,彥 事聞,賜彥暉銀符牌,俾兼鎭 泗州之役,諸將自四鼓集 李璮。 十人,擒五 拔其 率浮渾脫者十人,夜渡池水, 十六。 大亂,遂破之。 城 至元四年,從元 刺 度不可免, 其 師還,又破 胸 宋將 戦, 搏殺之,衆畢 城下,爲 撫 矮張以舟 彦暉逐之 是年,從

遂投水

帥

阿朮

夜

半果

塹水

張 家

列

傅

第

五

+

=

鞏

彦 暉

三八九九

江路分一人以歸。 渡江,與宋兵戰,俘生口十一,奪戰艦二。 軍、管軍千戶,鎭太平州。 十二年,戰丁家洲,殺宋兵七十餘人,奪戰艦二。 繼又領軍由陸進,直抵鄂 城下,殺宋兵數十人,擒 江南平,以功陞武略將

思明卒,以思恭襲懷孟萬戶府管軍下千戶,佩金符。 子思明、思溫、思恭。 思明初患目疾,以思溫襲。 及思溫卒,而思明疾愈,復以思明襲。

十六年,以疾辭。

蔡珍

蔡珍,彰德安陽人。 父興,幼隸軍籍,從宗王口溫不花出征,權管軍百戶。 興告老,以

珍代之。

從征李璮。 珍素驍勇。 後從鎭襄陽,徇安慶,攻五河,所至有功。 歲戊午,從憲宗攻宋合州釣魚山。 中統元年,從世祖征阿里不哥。

黑城。 **撙節,不使頓絕以致饑困。** 南方平,遂入備宿衞。 珍遣兵士儲芻藁,築土室,軍府賴其用。 十四年,授忠顯校尉、管軍 十五年,充本衞都鎭撫。 道遇凍者,必扶入密室溫 十七年, 陞忠武校尉、 總把,尋命權千戶。 煦之。 中衞 是年冬, 親軍總把, 軍 糧 扈 駕駐 心為

俄改屬後衛,賜銀符。

府都鎭 以蔡珍 睽 漁。 白海初建行營,命珍督役,卒事,民不知擾,雖草木無纖介損。 號令嚴 二十七年, 肅 爲對, 帝嘉之, 進後衛親軍千戶,佩金符。 賞以鈔若干。 二十一年,改授膠東海道都漕運司丁壯萬戶 元貞元年, 進階武略。 帝臨幸,問其故,近臣 俄告老而 歸,子

張泰亨

恕襲。

矢中鼻,拔矢奮戰,却敵兵。 有功。 軍 矢中右臂。 歸 潭州 德等 張 處新 中統 泰亨,堂邑縣人。父山,爲管軍百戶,泰亨襲職。從攻宋釣魚山及樊城,征女兒阿塔 **,金瘡發,卒。** 十年,從攻樊城。 軍千戶。 二年,授銀符、侍衞軍總把。 從征西川有功,授元帥府鎭撫。 十三年,賜虎符,進階武德。 十二年,進武略將軍、管軍 三年,從圍 李璮有 六年,改省都鎭撫。 總管,尋進明威將軍。 從征廣西,破靜江府。 功。 至元四年,賜 七年,從攻襄陽, 金符, 從攻潭州, 十四年,還 陞京東

子繼祖襲,移鎮鄂州,舟過洞庭,溺死。

千月。 子 延 震幼,以兄顯祖 加 二年,覃恩 加武略將軍,尋進階武德。 代之。二十四 年,從征交趾,陷沒。震襲職,授金符、昭信校尉、管軍上 五年,陞武節將軍、潁州萬戶府副萬戶。

列

傳

第

五

+ =

蔡 珍

張

泰亨

天曆二年,卒,子珽襲。

賀祉

賀祉,益都人。父進,嘗平漣水有功,爲元帥左監軍,守淄州,改千戶,守膠州。

號混江龍,祉用大刀斷之,却其救兵,清河城遂降。 戰退之。十年,領舟師五百艘爲先鋒,攻五河口城。 |社初以質子入宿衞,至元六年,襲父職爲千戶,仍守膠州。 七年,宋兵攻膠州, 社固守 攻高郵、寶應,戰淮安城下,尸塡壕中。 軍還,殿後。時宋兵以巨索橫截淮水,

糧道,降之,得戰船六百艘及器械。上於行樞密院,遂命領實應軍民事。十四年,特賜金虎 從右丞別乞里迷失入朝,帝賜以弓矢、錦衣、鞍勒,加宣武將軍。鎮新城,絕淮安、寶應 丞相伯顏以其功上聞,授武節將軍。攻泗州,獲戰船五百艘還。

符、懷遠大將軍

令守輜重, 屯思明州。 二十年,建寧路黃華反,以所領軍捕之,有功。 軍還,至建康卒。 二十四年,以征交趾請行,湖廣行省檄

孟德

孟 濟南人。 國初由鄒平縣令、淄州節度使累官至同知濟南路事。 太宗卽位之八

宗 年, 母六皇后稱制,大王按只台以德爲萬戶,攻濠、蘄、黃等州,積有戰功。 諸王闊 端命德爲元帥,佩金符,領濟南軍攻宋徐州、光州,降其 衆 而 有 其 憲宗卽位之三年, 地。 歲甲辰,定

命德守睢 州 Ŧī. 年,移守海州。 宋安撫呂文德以兵擾邊, 德敗之, 俘其太尉劉海。 丁巳,

從伯顏 攻襄樊。 己未,與子義從世祖攻鄂州,先登。 中統三年,從征李璮。 壇平, 德以老

州路 功。 如 年,宋制置夏貴攻正陽,義奪戰艦數艘,遂敗之。 Ŧi. 元貞 達魯花赤。 十三年三月,改守杭州。 河,宋軍拒南岸,義率兵渡河擊之,凡數戰有功。 議襲爲萬戶,領兵守沂、郯。 元年,以老辭職。 十月,徙鎭閩州。 九月、從下福建、溫、台等處。 四年,賜虎符。 十六年,授昭勇大將軍、招討使。 至元元年,城郯。 十二年,掠地至安慶等處,攻揚子橋 九年,授懷遠大將軍,遷宿州萬戶。十 十四年四月,授昭勇大將軍、瑞 二十二年,復爲沂郯萬 六年,從山東統軍帖赤 獲

子 智襲職,授三珠虎符、宣武將軍,爲萬戶。 延祐二年,進明威將軍,以病去職。 子安

世襲。

鄭義

歲壬 海 天澤出征,多立戰功。年老,弟江代其職。 衛軍事,兼景州軍民人匠長官。 辰,與敵戰于歸德,死之。弟德溫襲。甲午,從攻徐州,陷陣而死。子澤襲。從萬戶史 鄭義,河間人也。初,事太宗,佩金符,山東路都元帥,兼景州軍民人匠長官。 世祖北征,賜金符,授侍衞親軍副都指揮使,判 從伐金,

親軍都指揮使,賜虎符,尋改屬左衞。至元八年,從攻襄陽,歿于陣,郇襲其職。 州新簽軍千餘,敗賊衆于王馬橋,諸王哈必赤賞銀五十兩。瓊平,郇以例罷。江陞爲武衞 中統三年,李壇據濟南叛,世祖令各州縣長官子弟充千戶,於是以江子郇爲千戶,領景

張榮實子玉附

宗命爲征行萬戶。甲午,征河南,與金將國用安戰徐州,死焉。 張榮實,霸州保定縣人。父進,金季封北平公,守信安城。壬辰歲,率所部兵民降,太

子,復命統領水軍。甲辰,從大將察罕軍至淮上,遇宋將呂文德,與戰,俘五十餘人,賞銀 樂實始以質子入宿衞,繼授金符,充征行水軍千戶。丁酉,改雄州保定新城長官。庚

位,錄其勳勞,授金虎符、水軍萬戶,仍以其子顏代爲霸州七處管民萬戶。 駐陽羅 數 下 椀、戰馬。 水校鏖戰北岸,獲宋大船二十,俘二百, 十艘,察罕以聞 渡。 從攻江陵,略襄陽,宋以舟師橫截漢水,兵不得渡,榮實戰却之, |朱兵十萬、舟二千迎戰,橫截江水。 賜 錦袍及銀十五斤。 又破宋軍 溺死 不 帝以榮實習於水,命居前列,遂取輕舟率磨 可勝計,斬宋將呂文信。 于太湖,賞銀百兩 己未, 三年,李璮叛,榮 獲人,百餘, 中統元 從世 年 祖 帝 南征, 戦船 卽

實從史天澤討平之,賞金盌及銀二百五十兩、馬一匹,命鎭膠西。

道宣 功加 鞍勒。 功授昭 東宣慰使、行省參知政事。 慰 昭 至元 使 武 毅 + 大將 五. 司 大 年,增 /將軍。 事 年,從丞相阿朮攻襄陽,敗夏貴,擒張順,又攻樊城,俘其二將,賞銀百兩及弓矢 一、未 軍。 旬日, 陸鎭 領新軍,從丞相伯顏南征,榮實以所部軍先進,諸將飛渡,鄂、漢皆降,論 偕元帥朱都台征江西隆興,擒宋將密佑, 從 阿里 海牙攻岳州 國上將軍、福建道宣慰使。 帝以廣東餘黨未附,命與右丞塔出 降宋將高 世傑,破沙洋、新(市)[城],日路江陵,以 進兵廣東,破降韶州。 撫州降。 撫定之。 十三年,授同 四年,改 知江 西

十五. 年,入觀,帝賜酒慰勞,授湖北道宣慰使、諸路水軍萬戶。 是年,以疾卒,年六十一

子顏、压、珪。

玉率兵討平之。從參知政事也的迷失入朝,賜金織文衣、鞍勒、弓刀。 <u></u>蘄黃等路都元帥府,仍管領本道鎭守軍馬。二十年,廣東盜起,遏絕占城糧運。二十一年, 衣、弓矢、佩刀,加輔國上將軍、都元帥、兼水軍萬戶,鎭黃州。繼奉旨與元帥唐兀台改立 玉襲父職,爲懷遠大將軍、諸路水軍萬戶。十六年,討吉安叛賊有功,入朝,賜金織文

日,水涸舟不能行,压死焉。子輔襲萬戶。輔卒,子道重襲。 二十四年,從參知政事烏馬兒征交趾,累戰有功。二十五年,師還,安南以兵迎戰,大戰連 會元帥罷,命玉充保定水軍上萬戶。二十二年,番陽湖賊起,詔徙水軍萬戶府於南康。

石抹狗狗

璘攻重慶、瀘、敍諸城,數有戰功。時忽都叛於臨洮,乞兒等以蒙古、漢軍從往討之。至元 魯屯田,幷寶鷄驛軍,權都總管萬戶,歲餘卒。子乞兒襲,領本萬戶諸翼軍馬,從都元帥紐 城降。 己丑,從太宗伐金,爲征行千戶,卒于軍。子常山,襲爲千戶。癸丑,陞總管,領興元諸軍奧 一年,從都元帥按敦移鎭潼川。四年九月,從攻蓬溪寨,死焉,子狗狗襲。 石抹狗狗,契丹人,其先曰高奴。歲辛未,太祖至威寧,高奴與劉伯林、夾谷常哥等以 會置三萬戶、三十六千戶以總天下兵,遂以高奴爲千戶,遙授青州防禦使,佩金符。

宋將昝 狗 萬 狗 壽 少從征伐,以壯 率衆襲成都 ,狗狗以蒙古軍二千擊敗之。 勇稱。 八年,從僉省嚴忠範以兵圍重慶,攻朝陽寨, 十六年,朝廷錄其前 後 功, 先登。 賜 金虎符, 九年,

授宣 武 將軍 、管軍總管,戍遂寧。 十七年,進明威將軍 、管軍副萬 卢

鴨慺 十六年,卒。子安童襲。 壁守石寨, 關 亦奚不薛蠻叛,從招討使藥剌海討平之。 狗狗 月餘散 最有功。 猫 降,大盤諸蠻亦降。 二十一年,以蒙古軍八百從征散猶蠻,戰於菜園坪、滲水溪,皆敗之, 二十四年,遷懷遠大將軍 行省也速帶兒討都掌 、夔路萬戶,移戍重慶。二 、烏蒙、蟻子諸蠻,戰于

楚鼎

歲己亥,以 楚鼎,安豐蒙城 州降, 阿 朮 魯命班守之。 父班, 仕金為 宋兵來攻宿州 鎭國 上將軍、壽春府防禦使。 城破, 宋人囚鼎於 金亡,歸宋,命守宿州 鎭江府,

十有四年,會赦免。

萬戶孛羅 承制 授鼎管軍 至元 台 十二年,師渡江,鼎從知太平州孟之縉降。 護 總管,制 送徽州 招 下,加 撫使李銓男漢英歸徽州, 懷 遠 大 將 軍 ,領兵鎭寧國 諭銓下其城。 行省遣鼎諭寧國府守將孫 平 建平、 十三年,漢英與李 南 湖 廣德諸 世賢,下之, 盜 世達叛, 鼎與權

鼎

旌德 兩縣附之,鼎 與兀忽納 進兵,用徽人鄭安之策,按兵而入, 兵不血 刃而 亂定。

五年,鼎始受符印。

以歸。 三晝夜,至一山, 十八年,東征 會文虎船,因得達高麗之金州。 日本,鼎率千餘人從左丞范文虎渡海,大風 合浦海屯駐散兵亦漂泛來 忽至,舟壞,鼎挾破舟板 集, 遂 領 漂流 之

樊楫

從 入朝,改員外郎。 二十一年,擢僉荆湖占城行中書省事。 樊楫,冠州 人。 初為軍吏,從參政阿里海牙下鄂、江陵有功,以行省命爲都事。 從定廣西, 陞郎中。 從攻厓山, 從阿里海牙征交趾,無功而 進參議行中書省事、 還。 同 知湖 南宣慰司 宋 平 ,

皆匿 進攻交趾 斬首四千餘級,及生擒百餘人,獲船百餘艘、兵仗無算,遂至萬劫山,, 分二道,一入永平,一入女兒關。 · 其粟而逃,張文虎飽餉不至。 二十四年,復征交趾,進行中書省參知政事。 陳日 烜 棄城走敢喃 堡。 楫與參政烏馬兒將舟師 二十五年正月,王攻敢喃堡,破之,日烜走入海 二月,天暑,食且盡,於是王命班師。 時三道進兵,皇子鎭南王 入海, 與賊舟遇安邦 合鎭南王兵。 楫與烏馬兒將舟師 一與右 口 中。 丞程鵬飛 十二月, 楫撃之,

中,賊鈎執毒殺之。 還,爲賊邀遮白藤江。 至順元年,贈推忠宣力效節功臣、資德大夫、江浙行省右丞、上黨郡公, 潮下,楫舟膠,賊舟大集,矢下如雨,力戰,自卯至酉,楫被創,投水

張均

諡

忠定。

張均,濟南人也。 父山,從軍伐宋,以功爲百戶,俄陞總把,戰死。

符,加宣武將軍。二十二年,陞松江萬戶。二十四年,從鎭南王征交趾。二十六年,從北 從攻蕪湖,奪宋戰船,俘四十餘人。又從丞相阿塔海戰有功,加武略將軍。 戰,敗之。十年,攻(連)[漣]州,守]奪孫村堡。十二年,賜金符,授忠翊校尉、沂郯翼千戶。 戶,領兵守淄州。至元六年,從左丞董文炳攻宋五河口,轉戰濠州北,遇其伏兵,均率衆力 征,擢明威將軍、前衞親軍副都指揮使。三十年,世祖親征乃顏,以扈從受賞。 均襲百戶,從親王塔察兒攻鄂州,面中流矢。中統三年,從征李璮有功,以總帥命陞千 十四年,賜虎

其能,賜予有加。大德 延祐元年,卒。子世忠,襲前衞親軍副都指揮使。 成宗卽位,命屯田和林,規畫備悉有法,諸王藥木忽兒北征,給餉賴之,未嘗乏絕,帝嘉 元年, 改和林等處副元帥,歷宣尉司同知,陞都元帥,加鎭國上將

列 傳 第 Ħ + Ξ 樊 楫 張 均

信宜日

訶羅 率僰、 朝, 金符,使 世祖 嵯, 信苴 爨 奉 歸 軍二 命悉主諸蠻白爨等部,以信苴福領其軍。 日,僰人也,姓段氏。 國。 命南 萬爲前 丙辰,獻地圖,請悉平諸部, 幷條奏治民立賦之法。 征,誅其臣高祥,以段興 。 鋒,導大將兀良合台討平諸郡之未附者,攻降 <u></u> 交趾。 其先世爲大理國王,後累爲權臣高氏所廢。 智主國 事 0 興智遂 卯,興智與其 委國任其弟信苴日,自 憲宗 季父信苴 大喜,賜 入朝, 歲癸丑,當憲宗 福 入 興 與信 興智 難 智在 詔 名 苴 摩 道 賜 福

與信 膩 羅 守將以叛 城,自各萬戶以下皆受其節制。 攻 賊 下之,爨部平。三年,信苴日入覲,錄 中統 苴 於 H 統 討之,師至安寧,遇 ,善闡屯守官不能禦,遣使告急,信苴日率衆進討,大敗之於威楚寶滿裔。 一年,信苴日入覲,世祖復賜虎符,詔領大理、善闡、威楚、統失、會川、建昌、騰越等 失城,又大破之,遂定統失。 舍利畏,擊破走之,遂復善闡, 至元元年,舍利畏結威楚、統失、善闡及三十七部諸爨 其秋,舍利畏又以衆十萬謀攻大理 功賜金銀、衣服、鞍勒、兵器。 降威楚,定新 興, , 詔都元 進攻石城 帥 復 也先 各 遣 肥 孛 殺

十一年,賽典赤爲雲南行省平章政事,更定諸路名號,以信苴日爲大理總管。 未幾,含 列傳第五十三 信苴日 王昔刺

于軍。

利畏 省以聞,復賜金一錠及金織紋衣。於是置郡縣,署守令,行賦役,施政化,與中州等。十三 復叛,信苴日遣石買等詭爲商旅,執贄往見,挺矛撞殺之,及其黨一人,梟首于市。 行

之,信苴日以功授大理蒙化等處宣撫使。 年,日面國擁象騎數萬,掠金齒南甸,欲襲大理,行省遣信苴日與萬戶忽都領騎兵千人禦

答兒迎雲南征緬之師,行至金齒,以疾卒。 帥, 留阿慶宿衞東宮。及陛辭,復拜爲雲南諸路行中書省參知政事。十九年,詔同右丞拜 十八年,信苴日與其子阿慶復入覲,帝嘉其忠勤,進大理威楚金齒等處宣慰使、都元 信苴日治大理,凡二十三年。

子阿慶襲爵,累授鎭國上將軍,大理金齒等處宣慰使都元帥,佩金虎符。

王昔剌

多 河南,遣昔剌將蒙古、漢軍復立宿州。至元六年,賜虎符,陞海州萬戶。 累功賜金符,授武衞親軍千戶。中統三年,從征李璮於濟南,屢捷。)所俘 王昔刺、保定人。初事世祖,以其有勇略,遂賜名昔刺拔都。 十年,授東川行樞密院同僉。 十五年,征夔府有功。 從攻釣魚山及阿里不哥, 十六年,徙鎭萬州,卒 四年春,元帥阿朮駐兵 引兵攻鹽林山寨,

侍御 是授宏 追擊脫 從忽魯忽孫 史。 子二:日宏, 脱木 中衛 見之軍 北征 都指 有 揮 日 于阿 功。 使, 寧。 佩父虎符,而 納 陞右衞親軍總管,後改前衞 宏先佩金符,為左衛千戶。 禿阿 之地。 以寧代宏爲千戶,佩金符。 師還,又從別急里迷失等擊賊 都指揮使司僉事。 及樞密院擬寧襲武職,寧讓 寧從阿 外刺 子處恭襲宏職,仕至 刺台、憨合孫北征, 斬首百餘級。 其兄宏,於 復

趙宏偉

擣其巢穴,餘黨悉出拒戰,宏偉旋兵襲其背,斬其渠魁,一州遂安。 吉州參佐官。 軍 二十餘里,薄其城,示以禍福,知州周天驥以 中,奇之,俾以兵略地臨江。至吉州,宋主將管忠節、路分鄒超悉衆出 趙宏偉字子英,甘陵人,後徙潁川。 吉民有爲亂者,宏偉設伏橋下,以火攻之,賊戰退走,伏發,衆蹂踐幾盡,乘勝 至元十三年,國兵攻宋,宏偉以書謁元帥宋都 城降。宋都解嘉宏偉有功,賞銀三十兩, 戰,宏偉敗之,追北 署爲 膊 於

以安反側。」衆得趸死。 斬首以獻,俘其黨五百人。 宋 厢禁軍總管王昌、勇敢軍總管張雲誘新附五營軍爲亂。 以功授太和縣尹。 宋都解欲盡誅之,宏偉曰:「此屬詿誤, 宋相文天祥署其將羅開禮、 事 覺,昌就擒,宏偉夜襲雲, 非得已也, 葉良臣, 今悉就 集 衆謀 誅,何 復

列傳第五十三 趙宏偉 校勘記

吉、贛、臨江、宏偉斬良臣、俘開禮、釋其餘衆。 七年,改衡州路總管府治中。 羣盜出沒其境,

宏偉計其地,

興屯田,

民旣足食,

盜亦爲農,郡 十五年,以功賜金符,遷瓜州河渡提舉。

逐寧謐

之,民賴以生。 先坐。」遂發之,全活者十餘萬。 多蕩沒,民乏食。 畏 飛 語,復徵于民,民無所出,行臺令宏偉核實,卒蠲之。大風海溢,潤、常、江陰等州廬舍 大德五年,用中丞董士恒薦,起僉浙西道肅政廉訪司事。 宏偉將發廪以賑,有司以未得報爲辭,宏偉曰:「民旦暮饑,擅發有罪, 遷江南行臺都事。十一年,江南大饑,宏偉請以贓罰錢販 鎭江旱,蠲民租九萬餘石。吏 我

禮 道學之傳,延致爲師,於是人知向慕。 東廉訪副使,陛辭之日,仁宗出幣帛,俾擇所欲者卽賜之。宏偉至浙東,聞郡人許謙得朱熹 部尚書、上輕車都尉,追封天水郡侯,諡貞獻。 至大二年,召爲內臺都事。 仁宗在東宮時,聞其名,遇之甚厚,常以字呼之。 未幾,以疾辭。 未幾,擢江南行臺治書侍御史。 泰定三年,卒,年四十四,贈嘉議大夫、 皇慶二年,致仕。 及出為浙 延

子思恭,追封天水郡侯,思敬,以處士徵爲敎授。 趙璉別有傳。

校勘記

王綧高麗王噉之猶子也 按本書卷二太宗紀十三年辛丑秋條、卷一五四洪福源傳、卷二〇八

高麗傳「猶子」皆作「族子」,新元史從改,是。 王綽非王職兄弟之子。

〔十〕五年 上文有「十一年,進昭勇大將軍」,下文有「十八年,復征日本」, 此「五年」上脱「十」

字,今補。本證已校。

(三)哈丹秃魯(干)據下文補。此名本書屢見。蒙史已校。

. 29 U 至元(十)五年 據雪樓集卷二〇羅壁神道碑銘補。考異已校。

T. 進顯武將軍 按本書卷九一百官志,信武在顯武之上。上文已有「以功陞顯武將軍」、「進信武

將軍」,此處不能再「進顯武將軍」。疑此處史文有誤。

新(市)[城] 據本書卷八世祖紀至元十一年十月乙丑、十一月癸巳條、 卷一二九李恒傳、 卷

一六六隋世昌傳改。

[4](連)[連]州 從道光本改。 按本書卷七、八世祖紀至元九年六月己亥、十二年正月甲戌條皆作

連州」。

十三年 本書卷二一〇緬傳及元文類卷四一經世大典序錄征伐作「十四年」,元書改「三」為

「四」,疑是。

元史卷一百六十七

列傳第五十四

張立道

張立道字顯卿。其先陳留人,後徙大名。父善,登金進士第。 歲壬辰,國兵下河南,善

以策干太弟拖雷,命爲必闍赤。

使西夏,給所部軍儲,以幹敏稱。 立道年十七,以父任備宿衞。 皇子忽哥赤封雲南王,往鎭其地,詔以立道爲王府文學。 世祖卽位,立道從北征,未嘗去左右。至元四年,命立道

立道勸王務農以厚民,卽署立道大理等處勸農官,兼領屯田事,佩銀符。 尋與侍郎蜜端甫

使安南,定歲貢之禮。

且 賂王相府官無泄其事。 雲南三十七部都元帥寶合丁專制歲久,有竊據之志,忌忽哥赤來爲王,設宴置毒酒中, 立道聞之,趨入見,守門者拒之,立道怒與爭,王聞其聲,使人召

張立

道

列傳第五十四

忠等亦皆授官有差。 乎,事安西王乎?惟汝意所向。」立道等奏願留事陛下,於是賜立道金五十兩,以旌其忠,張 時狀。帝聞立道言,泣數行下,歔欷久之,曰:「汝等爲我家事甚勞苦,今欲事股乎,事太子 壯 使人諷王妃索王印。立道潛結義士,得十三人,約共討賊,刺臂血和金屑飲之,推一人走京 立道,乃得入,爲王言之。王引其手,使探口中,肉已腐矣。是夕,王薨。 二人者遂與立道俱還,按寶合丁及王府官嘗受賂者,皆伏誅。有旨召立道等入朝,問王薨 師告變。 士夜劫諸獄,出之,共亡至土蕃界,遇帝所遣御史大夫博羅歡、王傅別怗與告變人俱來。 事頗露,寶合丁乃囚立道,將殺之。人匠提舉張忠者,燕人也,於立道爲族兄,結 寶合丁遂據王座,

飼養, 郡 池,介碧鷄、金馬之間,環五百餘里,夏潦暴至,必冒城郭。立道求泉源所自出,役丁夫二千 人治之,洩其水,得壤地萬餘頃,皆爲良田。爨、僰之人雖知蠶桑,而未得其法,立道始敎之 三月,領大司農事,中書以立道熟於雲南,奏授大理等處巡行勸農使,佩金符。其地有昆明 八年,復使安南,宣建國號詔。立道並黑水,跨雲南,以至其國,歲貢之禮遂定。十年 收利十倍於舊,雲南之人由是益富庶。羅羅諸山蠻慕之, 相率來降, 收其地悉為

十 五年,除(忠)[中]慶路總管,[1]佩虎符。 先是雲南未知尊孔子,祀王逸少爲先師。

釋菜禮,人習禮讓,風俗稍 立道首建孔子廟,置學舍,勸士人子弟以學,擇蜀士之賢者, 變矣。 行省平章賽典赤表言於朝,有旨進官以褒之。 迎以爲弟子師,歲 時率諸

策,皆切當世之務,帝嘉納焉。 路,書清白之訓于公廨,以警貪墨,風化大行。入朝,值權臣用事,遂退居散地。 維屛所部戶二十五萬有奇, 蒲,皆下之。有遺以馴象、金鳳異物者,悉獻諸朝。二十二年,又籍 道宣撫使,兼管軍招討使,仍佩虎符。 領必思反,扇動諸蠻夷。 十七年,入朝,力請於帝以雲南王子也先帖木兒襲王爵,帝從之。遂命立道爲臨安 **亟發兵討之,拔其城邑,鼓行而前,徇金齒甸七十城,越麻甸,抵** 以其籍歸有司。 **陛辭,賜以弓矢、衣服、鞍馬。始赴任,會禾泥路** 遷臨安廣西道軍民宣撫使。 兩江儂士貴、岑從毅、李 復創 廟 學於建水 條陳十二 可

諭朕意,宜盡乃心。」立道對曰:「君父之命,雖蹈水火不敢辭,臣愚恐不足專任,乞重臣一人 立道嘗再使安南有功,今復使往,宜無不奉命。」帝召至香殿,諭之曰:「小國不恭,今遣汝往 之,失利而還。 仲(羅)[維]、三 入貢,朝廷因封爲安南王。 二十七年,北京地陷,人民震驚,命立道爲本路總管。 帝怒,欲再發兵,丞相完澤、平章不忽木言:「蠻夷小邦,不足以勞中國 陳子良等詣京師告襲爵。先是,其國主陳日恒累召不至,僅遣其族父遺愛 遺愛還,日烜陰害之。遣使問罪,日烜 未行,安南世子 拒使者不受命,遂遣將討 陳日燇遣其 臣

列

符 與 俱 賜 衣 臣. 段、 爲 之副。」 金鞍、弓矢以行 帝 曰:「卿朕 腹 心臣,使一 人居卿上,必敗卿謀。」遂 授禮部 尙 書,佩三珠虎

寶 用 或 食 旣 導, 率衆深 爽 抵 介之 之爾 少不 之,繼 府 爲 知 之卿 寧 賄 之。 H 至安南 不 日燇)使,謝 ·能支, 燇 小小 與 以北 立 知 也。 拜, 汝所恃者,山 懼 道 國 入,不見一 拜 界, 天子: 罪請 之師 必爲彼屈,汝 跪 方之勁 且. 聖 無 謂郊 泣 天子 聽詔 使,公 所 命, 也, 涕 受,但 卒,汝 勞者曰 軱 有 而 人,遲疑 何 如 海之險、瘴癘 言 來 德 稱 以 禮 日 要 必 兵抗 復能抗 教 於 爲 [:- 語 立 能活 汝 我 日 其 而 道 公二立道 (甚厚。 燇 公之言良是也,爲我計者,皆不 (拒,逐我使 臣 何惟巖等隨立道 還,曾未 傳 爾 朝 我。」 哉? 入朝 世子, Ė 之 若為天子臣乎? 命 前年之師,殊非 汝 北 惡 曰:「昔鎭南 、戦不 ,數其罪,爲書 耳。 出險, 面 日 當出郭 人,以怒我大國之師,今禍且 燇 再拜,誓死不敢忘 利,不過 曰:「貪生畏死, 目. 風 雲南 上表謝罪,修歲貢之禮 雨驟至,弓矢盡壞 迎詔。」日燇乃率其 王 奉 與領南 遁 今海 上意,邊將讒 一曉之。 詞致討,汝 入 海 Ŀ 之人,習俗同 中,島 諸 天子之德。 日 人之常情, 知出 夷, 燇 非 日 一、衆不 夷乘釁,必 汝爾。汝 歲貢 此。 能 : 屬,焚香伏 至 勝 比 如初 於 前 誠 戰 矣,惟世子 三世辱公使,公大 遂 之也,由其 而 汝者 迎 日 曾 技 有 而 之戦 立 詔 不 力 來 自 謁 ·悟,不 等, 貨 道 潰 宼 亦 道左。 言所以願 以 抄 入,出奇 救 計 不 畏 天 今發 不死 汝, 之。 能 死 我 子 用 遣 嚮 而 大 亦 旣 汝 而

臣將

何辭

。」乃先遣其臣阮代之、

且.

朝之意。廷臣有害其功者,以爲必先朝而後赦。 日燇懼,卒不敢至,議者惜之。

陜西行臺侍御史拜雲南行省參政。 視事期月,卒于官。 三十年,皇曾孫松山封梁王,出鎭雲南。大德二年,廷議求舊臣可爲梁王輔行者,立道遂以 二十八年,遣立道奉使按行兩浙,尋以爲四川南道宣慰使,遷陝西漢中道肅 政廉訪使。

有效古集、平蜀總論、安南錄、雲南風土記、六韶通說若干卷。子元,雲南行省左右司郎中。 立道凡三使安南,官雲南最久,頗得土人之心,爲之立祠於鄯善城西。 立道)所著; 詩文,

張庭珍 庭瑞

監權北京等路賦課,俄改北京都轉運使,因家北京。 張庭珍字國寶,臨潢全州人。父楫,金商州南倉使。 歲壬辰,籍其民數千來降,太宗命

數千兩,庭珍却之而歸,以狀聞。 安撫使。 之。其王言:「臣事本朝未嘗不謹,而大軍歲入侵掠,避而 歲辛亥,憲宗卽位,以庭珍爲必闍赤。高麗不請命, 帝爲禁戍兵無擅入其地,高麗以安。帝伐宋,至閬州,授 走險,不得已也。」且賂庭珍金銀 擅徙居海中江華島,遺庭珍往問

世祖 列 傅 卽位,自將北伐,以庭珍熟知西京入漠南路,造立沙井諸驛,兼給糧運, 第 五 + 張 俄授同僉

四

庭 珍

土蕃經略使。

也。 悦, 抗 江 爲安 遣 諸 汝 拜 **阿惶恐,下** 否 ,則宋亡矣,王將 何 禮 使喻旨 蠻 命付翰林承旨 南 ,古有之乎。」庭珍 爲 光 至于 至元 庭珍珍 光 昞 之長,位居汝 安南 六年 無 ,德至厚也。 拜受詔,旣 昞 以 曰:「雲南 對 及 安南 益 羣 世子 王磐 下皆服 何 慚憤 上 入貢不 光昞 恃? 王,天子之子,汝蠻 而 紀之。 耶。 王猶 曰:「有之。王 語庭 且. 立受詔 使衞 光 時,以 與宋爲唇齒,妄自尊大。 雲南 珍 明 昞 年 日 兵 日 之兵 造 露 , 庭珍爲 庭珍 聖 人 刃 旣 使隨庭珍 雖 天 不 環立 稱 責之曰:「皇帝 夷 微 子 朝 兩 大 小邦 月可 列 憐 ,序於諸 以恐庭珍。 國 我 大夫、 入貢。 ,特 至汝境,覆 而 何索吾 假 使者 安南 侯 今百萬之師 之上。」 庭珍 以 不 犀象 庭 王 來 國 欲 珍 一號,豈 見 多 達魯花赤, 汝宗祀 以 **%**?」庭珍 解所 光啊 帝 無 汝 禮 一得比 土 圍 佩 以 曰:「汝 , 汝官朝 有不難者 襄陽 地 所 日 弓 爲 雲南 對 佩金 Τ̈́, 郡 貢獻 光 八過益 拔 縣, 坦 王。 符, 列 昞 う、其 在 臥室 我 之言 方物, 州 而 日 由 況天 審謀之。」 王 吐蕃 夕 聽 中 見雲 聞 也 汝 藩 席 子 日 稱 帝 大理 卷 命 南 臣 相 大 聽 職 我 與 光 渡

煥 帳 取 前 者 授 將田 一, 汝 襄陽 孤 世英、 行省 城路 郎 絕,外 曹彪執其總管武榮來降 中。 無 與 [31] 兵 里 之援 海 开 從數騎 而 欲 以 抵襄陽南 文煥益 死守求 孤 ,空名, 門, 明 呼宋 如 日 遣 闔 黑楊 將 郡 之人 呂文煥 都 統 何 來議 語 1 汝 納 宜 款 早 我 몳 師 之。 將 所 遣 攻 文 之 無

院經 元 還報,庭珍曰:「彼來,或以計覘我,未能必其果降。 帥 阿朮 歷。 諸軍南渡, 然之,乃留 不遣。 復爲行省郎中, 叉明日 文煥舉 俄授金虎符、 城降。 以功遷中順 此 襄陽總管, 人呂氏腹心,不如留之, 兼府尹 大夫,遙授知歸 , 改料、 德 復二州達 以伐 府 人其謀。」 行 樞 密

花赤

康,漂溺千里,庭珍括商人漁子船及縛木爲筏, 庭珍親督夫運薪 察其必爲盜, 復南京路總管,兼開封 俄卒於官 宋平,遷平江路達魯花赤,改同知浙東宣慰使司事。 急捕之, 土捍之, 府尹。 得寶玩、器服、子女滿室,窮索其黨,俱殺之, 不能 開封有控鶴軍士十餘人,賃大宅聚居, 止 乃頹城為堰。 載糗糧四出救之, 水旣退, 未行,拜大司農卿。 即發民增外防百三十里, 全活甚衆。 民以 縦横 爲 街陌 神。 水入善利門, 連居親憂,起 庭珍 河決 人
発
水 流灌太 始至,

以爲 知言。 庭 |珍性淸愼,丞相伯顏嘗語人曰:「諸將渡江,無不荒貪,唯我與國寶始終自守。」聞者 弟庭瑞

鋒 中統 庭瑞 字天表,幼以 年,授元 帥 功業自許,兵法、地志、星曆、卜筮無不推究,以宿衞從憲宗伐蜀爲先 府 参議,留戍青居。

列傅第五十四 張庭珍

庭瑞 度宋 於猛 瑞 砲,皆穿,築 練 習 取 兵稍 軍 人畜 ,上官弗 亦被傷數處。 諸 事 重 , 換 溲 懈 攻 棚 開 ,三分其兵,夜劫貴營,宋 沸煮之,瀉 成 便,陷 守 州 都 之,栅 總管 達州 以功 以罪,徙四川 土中 壞 , 授奉議大夫、知高 佩虎符,舟楫 庭瑞將兵築城虎嘯山 乃依 以洩 大樹 屯 臭,人日飲數 田 「兵仗糧: 張 經 兵驚潰, 牛馬皮以 略 唐州 副 使。 儲皆倚以 殺 合,唇皆瘡裂, ,扼二州路。 改濮州 都統欒俊、雍貴、 拒 東 砲。 西 辨]]] 尹 貴以 行 樞 遷陝西 堅守踰 宋將夏貴 城 密院發 中 胡世雄 人 四 飲 兵圍 月, JII 于 以 道 等 援 澗 師數 重慶,朝 五. 按察副 兵 不 外 人,斬千 萬 敢 絕 圍之, 使。 進。 廷 其 水。 知 餘 庭瑞 城 庭 政 當 渦 庭

暴悍 當 司 自 繫 ·,以 回 其 蜀 矣。」 人。 平 鬭 陞諸 殺 惟 爲 正 勇。 |蠻夷部宣慰使,甚得蠻 曰:「使者無過於君。」遂從數騎,抵羌界。 斷 今如蜂毒 繩 橋, 一人, 謀入劫之。 而 夷 卽 小 以門牆 魚通 碉門羌 司 之寇待之, 來告急, 與婦 左丞汪 人老幼入市,爭價殺 不可。 惟正 宜遣使往 問 計, 庭瑞 諭 人,碉 禍 福 曰:「羌俗 彼悟 門魚 通

白,敢不從命。」乃論殺 生裂羊 耳。 而 羌 脾 陳 汝 兵 1 卽 之, 肆 以 待 無 視 禮,如 ,庭瑞進前語之曰:「殺人償死,羌與中 肉 之文 行省 人者,餘盡縱遣之。 理 聞 何 于朝, 如 則吉其兆,曰:『有白馬將軍 召近 郡 兵空汝巢穴矣。」 遂與約,自今交市者,以 或 之法 其 來,可 同,有司 **(棄槍!** 磃 不 勞 門爲界,無相出 繋諸 弩羅 兵 丽 人,欲 罷 拜 日二 。』今公馬 以 爲 我 見證 近 果 者

列傳第五十四 張惠

掌 其 蠻 八自市 叛 官買蜀茶,增價鬻於羌,人以爲患。 於羌,羌、蜀便之。 **蠻善** 飛鎗,聯松枝爲牌自蔽,行省命庭瑞討之。 先時 う運糧由 楊 庭瑞 Щ 泝 更變引法,使每引納 江,往往 覆陷,庭瑞始立 庭瑞 所射矢,出其牌半簳,蠻驚 二緡,而付文券與 屯田,人 得 免 患。 民, 都 聽

何 物弓 矢如 此 之力」即請 服。 惟斬 其角(蘭德)[德蘭]酉 等十餘 人,言 而招 復其 餘 民。

乃 辭 歸 授 關 敍州 中。 等處蠻夷部宣撫使, 三年,思 成都,遂從漢 改潭州路 中分家 總管。 奴往居焉。 時湖 廣 以 省臣 疾 卒。 |方剝| 民為 功, 庭瑞 知不可

其人 奩 儲 裝 以爲 書劵還之,時人 庭 日見老人與之語,乃其 人莫曉 瑞 幸侍左右,非敢求與歸。 初 屯 也。 青居 賈人 其 以爲難。 土 有喪其資不能歸者, 一多橘,時中 父也,妾以告庭瑞。 庭瑞曰:「汝女居吾家,不過羣婢,歸嫁則良 州 艱 得 蜀藥,其價 人給橘皮 召視 一石, (倍常。 之, 其貌 得錢 庭瑞 甚似, 以濟, 課閑卒,日入橘皮若干升 問:「欲得 莫不 ·感之。 汝女 人矣。」盡 歸 家 耶! 有 取

張惠

丙 申,惠年 張 惠 字廷傑,成都新繁人,宋尚書右僕射商英之裔 十四,兵入蜀,被俘至杭海。 居數年,盡通諸國語,丞相蒙速速 孫也。 其先徙居青河, 愛 而 薦 後徙 之,入侍世 蜀。

祖 藩邸。 以謹 敏稱,賜名兀魯忽訥特。 世祖卽位,授燕京宣慰副使。 爲政寬簡,奏発分數

錢,罷硝碱局。俄遷侍中。

丞,進右丞。 吏,去冗官,以蘇民瘼。遷制國用司副使。會改制國用司爲尙書省,拜参知政事,遷中書左 僧,建寺居之。李璮之亂,山東民被軍士虜掠者甚衆,惠至,大括軍中,悉縱之。又奏選良 至元元年冬,拜参知政事,行省山東。 伯顏帥師伐宋,十二年夏,詔惠主其饋餉,凡江淮錢穀皆領之。 以銀贖俘囚二百餘家爲民,其不能歸者,使爲

聞、詔左丞相阿朮、平章政事阿塔海詰之、徵還京師。 餘萬戶,餘悉奏還爲民。伯顏以宋主北還,俾惠居守。 廟及景靈宮禮樂器物、册寶、郊天儀仗。籍江南民爲工匠凡三十萬戶,惠選有藝業者僅十 十(三)[三]年春,四宋降,伯顏命惠與参知政事阿刺罕等入城,按閱府庫版籍,收其太 惠不待命,輒啓府庫封鑰,伯顏以

州。 至無錫卒,年六十二。廛所至有能聲,及老,頗以沉浮取譏。 二十年,拜榮祿大夫、平章政事,行省楊州。二十二年,入朝,復命以平章政事行省成 子遵誨

劉好禮

劉好禮字敬之,汴梁祥符人。父仲澤,金大理評事,遙授同知許州,徙家保定之完州

列傳第五十四 劉好禮

好 禮 幼有 志,知讀 《書,通 漫國言,· 憲宗時廉訪府辟爲参議。 歲乙卯, 改永興府 達魯花赤

先啓皇太子, 至元 元 年 ·, 以 侍儀 俾 得 廉希逸 閱習庶政, 薦召見, 以爲社稷 言舉 人材數事 生民之福。陝西 稱旨 重 五. 地, 年, 宜封皇子諸 應詔 建言:「 王 凡 以 鎭 有 之。 司 奏請,宜 創築都

城,宜給直 以市民 地。選格不 宜以中統 三年 爲限,後是者不錄。」帝是其言 1,敕中 書施 行

知 陶冶,水無舟航 七 年,遷盆蘭州 等五 好禮請 部斷事官 工 匠於朝,以教其民,迄今稱便。 门, 以 此 古之都護,治益蘭 或言 其 地 権 距 鹽酒 京 師 可以 九千餘 佐經 里,民俗 費,好 不

朝 廷設官 要荒,務以綏遠,寧欲奪其利 耶 」言者慚服

耶? 好禮 且千人。 踰 一十七年春,好禮率衆走別 至欠欠州 是 年 則無望其還,遂以 ,北方諸王 中道糧絕,捕獵 目 皇帝疑我, 一叛,執好禮 以爲食。 衣服賂 部, 軍 致 有 中,幾死,其大將 叛王千戶,始獲 守阨 七月,至菊海 今日。」好禮 以 待 兵至。 日 , 始 與 戍 東出鐵 以好 遇叛王 不疑。 禮 兵接, 壁 善應 軍, Щ 果疑 口 對,釋 迫 得乘 好禮 王, 間 道南 傳至 之。 召王 西踰雪峩嶺 高州 走數 十六年春,叛王 至京 日, 師 入見,帝 從者繼 肯還 好 禮 召 之 賜 自 至

禮 建言 十八 中書 年,授嘉議 :「象力最 大夫、澧州路總管。 巨,上往還 兩都,乘 十九年,入爲刑部尚書,俄改禮部,又 與象駕 萬 一有變,從者 1雖多 一,力何能及。」未幾, 改 吏部。 好

與鈔

三九二

驚幾傷從者。二十一年,出爲北京路總管。 再入爲戶部尚書。二十五年六月,

+ = =

子晸,爲河西隴右道肅政廉訪使。

王國昌子通

戶,佩金符。召問軍旅之事,國昌奏對甚悉,帝嘉之,賜白金、錦袍。 王 國昌,膠州高密人。初爲膠州千戶,中統元年,入覲,世祖察其能,遷左武衞親軍千

以威德,令國昌率兵護送,道經高麗。時高麗有叛臣據珍島城,帝因命國昌與經略使(卯) 十月,卒于軍。子通嗣。 [印]突、[E] 史樞等攻拔之。八年,復遣使入日本,乃命國昌屯於高麗之義安郡以爲援。冬 至黑山乃還,帝延見慰勞。而東夷皆內屬,惟日本不受正朔,帝知隋時曾與中國通,遣使諭 里,風濤洶湧,從者恐,勸還,國昌神色自若,徐曰:「奉天子威命,未畢事而遽返,可乎?」遂 至元五年,人有上書言高麗境內黑山海道至宋境爲近,帝命國昌往視之。泛海千餘

通,初襲爵爲左衞親軍千戶,十二年從諸軍伐宋,渡江,鎭鄂州。時潭州不下,兵薄其

列傳第五十四 王國昌 姜彧

軍,賜金虎(府)[符],[以]陞愈左衞親軍都指揮使。 林,率所部自效,帝慰勞遣之。從破敵兵于金山,俘獲生口及馬羊牛駝不可勝計,進顯武將 城,通以所將千人破其栅,宋兵遁去,通縱兵追擊,殺獲甚衆,以功進武節將軍。 田瓜、沙諸州、進階明威將軍。 下之。十四年,改侍衞親軍千戶。明年,通上書,言今南方已定,而北陲未安,請屯田于和 從討叛王乃顏,遷副都指揮使。 從攻靜江 明年,屯

指 揮使,鎭海口。 武宗卽位,命總京城衞兵。 以疾卒。 樞密院復奏通攝左丞,領諸衞屯田兵。 尋遷屯儲衞親軍都

子燕出不花,襲武德將軍、左衞親軍副都指揮使。

姜彧

濟南,辟爲掾,陞左右司知事,尋遷郎中,進參議官 姜彧字文卿,萊州萊陽人也。 父椿,避亂往依濟南張榮,因家焉。 彧幼穎悟好學,榮守

報。 必赤進兵討之。 明年春,壇果反。 中統(三)[二]年,[刊]彧與榮孫宏入朝,因言益都李璮反狀已露, 秋七 月,捕得生 時諸郡不爲兵備,璮卽襲據濟南。 口,言城中糧盡勢蹙,彧乃昏夜請見王曰:「聞王陛辭時,面 彧棄家從榮,招集散亡,迎諸王哈 宜先其未發制之,

城中無 受認 彧以功授大都督府参議,改知濱州。 矣。」王悟。 曰:『發兵誅壇耳,毋及無辜。』今旦夕城且破,王宜早諭諸將分守城門,勿令縱兵,不然 噍類矣。」王曰:「汝言城破, 明日,賊衆開門出降,王下令諸軍,敢入城者論以軍法,壇就擒,城中按堵如故。 解陰陽耶。」彧曰:「以人事知之, 若待城破言於王, 晚

强猾 請留,馬爲之不行。 不法者置之法。 時行營軍士多占民田爲牧地,縱牛馬壞民禾稼桑棗,彧言於中書,遣官分畫疆畔,捕其 乃課民種桑,歲餘,新桑徧野,人名爲太守桑。及遷東平府判官,民遮

後累遷陝西漢中、河東山西道提刑按察使,拜行臺御史中丞。 河北道提刑按察使。三十年二月,以疾卒,年七十六。子迪吉。 至元五年,召拜治書侍御史,出爲河北河南道提刑按察使,賜金虎符,改信州路總管。 後以老病歸濟南,尋耀燕南

張礎

薊 了金守(其)蒲察[七]斤以城降。[<] 忽都忽承制以伯達為通州節度判官,遂知通州。 張礎字可用,其先渤海人,金末,曾祖琛徙燕之通州。 祖伯達,從忽都忽那顏略地燕、 災 範,

爲眞定勸農官,因家焉。

列 傳 第 五 + 四 張 礎 弟至親,寧有彼此之間,且我 以 礎 不附己,銜之,遣使言於世祖 礎業儒,丙辰歲,平章廉希憲薦于世 方有: 事 曰:「張礎,我分地 於宋, 祖 如礎者,實所倚任,待天下平定,當遣還也。」己 潛邸。 時眞定爲諸王阿 中人,當以歸 我。」世 .里不! 祖 哥 命 分 使者 地, 阿里 復 日 不 哥

未,從世祖伐宋,凡徵發軍旅

文檄,悉出其

手。

如法 投下官暗赤之奴引鳴鏑射婦人墜地, 金符 為平陽路同 中統元年,立中書省,以陸權 知轉運使,改知獻州 左右司事,尋出爲彰德路拘権官,復入爲三部員外郎, 奴匿 同 暗赤家。 知 東平府事, 礎將以其事聞, 又改知威州 暗赤懼, 有婦 人乘驢 乃出其奴, 過市 論 賜

宣領兵捕之。 可,礎曰:「諭之不來,加誅未晚。」遂遣人諭之,逆黨果自縛請罪,礎釋之,宣乃嘆服 失里貪暴,掠良民爲奴, 礎劾黜之。 至元十四年,立諸道提刑按察司,以礎爲江南浙西道提刑按察副使,佩金符。 宣卽欲進兵,礎曰:「江南新附,守吏或失撫字,宜遣人招論,以全衆命。」宣不 遂安縣民聚衆負險爲亂, 命礎與同知浙西道宣 慰 宣慰使 使 劉

提刑按察副 贈 使,授賓州路總管,不赴,拜國子祭酒,尋出爲安豐路總管。 昭文館大學士、正奉大夫,封清河郡公,諡文敏。 廣西宣慰使也里脫强奪民財, 子淑,衞 礎按其罪。 三十一年,卒于官, 輝路推官

遷嶺南廣

西道提刑按察使。

遷嶺

北湖

父佑,歸附,初隸兵籍,轉徙北郡,復至關中,家焉。 呂堅字伯充,河內人。七世祖公緒,與宋丞相公著爲從昆弟。祖庭,金末避亂去鄉里。 廉希憲宣撫京兆,聘許衡教授生徒,墜

從衡學。一衡爲國子祭酒,舉整爲伴讀,輔成敎養,整之功爲多。

戢, 堅聞之, 慨然請行。 子開旣入覲, 陳安撫襄、漢便宜, 詔以子開爲翰林直學士, 辭不就。 或言子開舊名偉,金亂入宋,更名文蔚,字子開,於堅爲從叔父,宜遣堅行。時江淮兵猶未 開者,向爲寒陽制置司參謀官,今退居哪,其人悉知宋事,宜徵用之,朝廷議遣使而難其人。 至元十三年,擢陝西道按察司知事。未行,會宋降者言襄、漢新附,民情未安,有呂子

東院耻其無功,誣德輝越境邀功,械立于長安獄,將誅之。壓適以事至京師,言于許衡。衡 輝請與東院同受降。後期不至,德輝承制授立仍爲安撫使,知合州,開倉賑民,禁戢剽掠。 以昔嘗抗命,城降,懼誅耳。今宜釋郃等,俾歸諭立。」未幾,立果遣郃等齎蠟書至成都,德 府分兵取之。李德輝行西院事于成都,獲立偵卒張郃等數人,將殺之,墜曰:「彼不卽降者, 而瀘、敍、崇慶、思、播、夔、萬等郡聞之,相繼送款。 巴、 黔民處 堅與德輝之惠,並祠事之。 十四年,授墜四川行樞密院都事。時宋制置使張珏守重慶,安撫使王立守合州,詔樞

白留守賀仁傑,遂奏釋立,賜金虎符,仍舊官。 | 墜亦以平定四川功, 韶賜金織衣、弓刀、鞍

勒、白金、陞奉訓大夫、四川行省左右司郎中。

十九年,調同知順慶路總管府事,以疾辭。二十年,徵爲國子司業,以未終喪辭。三十

年,改華州知州,勸農興學,具有成效,及代,民爭留之。 大德中,河東、關隴地震,月餘不止,堅與集賢學士蕭蔚,各設問答數千言,以究其理,

且移書廟堂,陳救災弭患之道。

實(行)[學],[去]國家當得眞才,以登治平。」未幾致仕。延祐元年,遣使給驛送還關中。 一月,以疾卒,年七十八。贈陝西行省參知政事,追封東平郡公,諡文穆。 子三人:果、果、楨、皆顯仕。孫魯,濟寧路總管。 仁宗卽位,召拜翰林侍讀學士。時方議行科舉,堅曰:「經明行修,質而少華,非惟士有

譚資榮日

朔 以功賜金虎符,陞行元帥府事,復以其弟資用代充元帥左監軍。 歸 版圖、資樂率衆款附,主帥稔聞其名,即日以金符授元帥左都監,爲縣令如故。後從征, 譚資榮字茂卿、(興德)〔德興〕懷來人、〔三〕敦厚寡言,頗知讀書,仕金爲縣令。歲己卯,河

列

傅

歲壬辰,資榮從攻汴梁有功。 旣而舉資用自代,退而耕田讀書,以爲逸老計, 時年四

十。子二人:日澄,日山阜。(三

涖職。 田務本。 褒美,以爲懷孟路總管。 留居藩府,稱其官而不名,以其弟山阜代爲縣。 澄好讀書,又習國語,爲監縣,多善政。 歷彰德同知,遷河南路總管,兼府尹。 明年,入覲,賜金符。 世祖在潛邸時,澄入見,世祖嘉其容止安詳, 四年,易虎符。居官時,訟至立決,敎民力 遣邇臣出使, 必以澄偕。 明年,奔父喪。中書不聽其終制,奏起復 中統元年,制書

近,特置大帥,安集招懷,以捍外侮,非利徵求於汝也。」夷人大悅。 可使鎭撫新國,以爲副都元帥、同知宣慰使司 後歷司農少卿,遷陝西四川提刑按察使。 事。 踰年,西南夷羅羅斯內附,帝以澄文武兼資, 至其境,諭之曰:「皇元一視同仁,不間遠 尋以疾卒。

子克修,事裕宗于東宮,出爲江南湖北、河北河南、陝西漢中三道提刑按察使。 孫男三

人:日忠,日質,日文。

王惲

王惲字仲謀,衞州汲縣人。 會祖經。 祖宇,仕金,官敦武校尉。 父天鐸, 金正大初, 以

律學中首選,仕至戶部主事。

能,議典禮,考制度,咸究所長,同僚服之。 過衞,一見接以賓禮。 上儒吏之能理財者一人,惲以選至京師,上書論時政,與渤海周正並擢爲中書省詳定官。 一年春,轉翰林修撰、同知制誥,兼國史院編修官, 尋兼中書省左右司都事。 惲有材幹,操履端方,好學善屬文,與東魯王博文、渤海王旭齊名。 中統元年,左丞姚樞宣撫東平,辟爲詳議官。 時省部初建,令諸路各 史天澤將兵攻宋, 治錢穀,擢材

權勢,任用頗專,陷沒官糧四十餘萬石,惲劾之,暴其姦利,權貴側目。又言:「晸監修太廟 至元五年,建御史臺,首拜監察御史,知無不言,論列凡百五十餘章。時都水劉晸交結

耐、雷膺交薦於朝。

拜中議大夫、行御史臺治書侍御史,不赴。 北道提刑按察副使,尋改置諸道制下,遷燕南河北道,按部諸郡,贓吏多所罷黜。十八年, 條久旱,一夕大雨。十三年,奉命試儒人于河南。十四年,除翰林待制,拜朝列大夫、河南 蔓引逮繫者三百餘人,至五年不決。 九年,授承直郎、平陽路總管府判官。 朝廷委惲鞫之,一訊卽得其實,乃盡出所逮繫者。時 初,絳之太平縣民有陳氏者殺其兄,行賂緩獄,

對曰:「三」「正臣防微,理固當然。」太子善其說,賜酒慰喩之。令諸皇孫傳觀,稱其書弘益 叉至邢峙止齊太子食邪蒿,顧侍臣曰:「一菜之名,遽能邪人耶。」詹事丞(刊)[張]九思從旁 之,至漢成帝不絕馳道,唐肅宗改服絳紗爲朱明服,心甚喜,曰:「我若遇是禮,亦當如是。」 、、崇儒、親賢、去邪、納誨、幾諫、從諫、推恩、尙儉、戒逸、知賢、審官,凡二十篇。 裕宗覽 裕宗在東宮,惲進承華事略,其目曰:廣孝、立愛、端本、進學、擇術、謹習、聽政、達聰、

聞能全者。遠之尚恐見浼,況可近乎」、旣而果敗,衆服其識。 中召。時右丞盧世榮以聚斂進用,屢趣之不赴。或問其故,惲曰:「力小任大,剝衆利己,未 十九年春,改山東東西道提刑按察副使,在官一年,以疾還衞。二十二年春,以左司郎

簡在帝心、文足以撫綏黎庶、武足以折衝外侮者,使鎭靜之,庶幾治安可期矣。」 視同仁之意也。今雖不能一一擇任守令,而行省官僚如平章、左丞尚缺,宜特選淸望素著、 官吏貪殘,故山寇往往嘯聚,愚民因而蟻附,剽掠村落,官兵致討,復蹂踐之甚,非朝廷一 進言於朝曰:「福建所轄郡縣五十餘,連山距海,實爲邊徼重地。 囚之冤滯者,決而遣之,戒戍兵無得寓民家,而創營屋以居之。每謂爲治之本在於得人,乃 二十六年,授少中大夫、福建閩海道提刑按察使。黜官吏貪污不法者,凡數十人,察繫 而民情輕詭,由平定以來

沒難測,招之不降,攻之不克,宜選精兵,申明號令,專命重臣節制,以計討之,使彼勢窮力 去四五。 時行省討劇賊鍾明亮無功,惲復條陳利害曰:「福建歸附之民戶幾百萬,黃華一變,十 今劇賊猖獗,又酷於華,其可以尋常草竊視之。況,地有溪山之險,東擊西走,出

二十八年,召至京師。 二十九年春,見帝於柳林行宮,遂上萬言書,極陳時政。 授翰林

學士、嘉議大夫。

竭,庶可取也。」

書郎。 貫。乞致仕,不許。五年,再上章求退,遂授其子公孺爲衞州推官,以便養,仍官其孫笴祕 相鑑五十卷、汲郡志十五卷、承華事略、中堂事記、烏臺筆補、玉堂嘉話,幷雜著詩文,合爲 同修國史,奉旨纂修世祖實錄,因集聖訓六卷上之。大德元年,進中奉大夫。二年,賜鈔萬 一百卷。 成宗卽位,獻守成事鑑一十五篇,所論悉本諸經旨。元貞元年,加通議大夫、知制誥 大德八年六月,卒。贈翰林學士承旨、資善大夫,追封太原郡公,諡文定。其著述有

校勘記

一〕(忠)[中]慶路 從道光本改。

列傳第五十四 校勘記

嚴仲(羅)[維] 據安南志略卷三大元奉使及卷六表章改。 蒙史已校。

(蘭德) [德蘭]酉 按此名本書卷一〇世祖紀至元十五 年十二月己卯條作「得蘭紐」、卷一二九紐

璘傳附也速答兒傳作「得蘭右」,據改正。 元書已校。

十(三) (三) 年春 申條改。 本證已校。 上文已書十二年,此「十二年」誤。 今據本書卷九世祖紀至元十三年正月甲

五〕(卯)[印]突 元宗世家作「忻都」。「印突」、「忻都」、同名異譯、「卯」誤,今改。 按本書卷七世祖紀至元七年十一月丁巳、至元八年四月壬寅條及高麗史卷二七

CK] 金虎(府)[符] 從北監本改。

中統(三)[二]年 反在中統三年二月,此處「三年」爲「二年」之誤,今改。 此處言姜彧奏李瓊有謀反之意不報,而下文有「明年春,瓊果反」。 類編已校。 按李璮之

金守(其)蒲察[七]斤以城降 本書卷一太祖紀十年正月條有「金右副元帥庸察七斤以通州降」,

與金史宣宗紀貞祐三年正月丁丑條所載符、據改。

[元] 非惟士有實(石)[學] 據滋溪文稿卷七呂堊神道碑改。

譚資榮 一般,
一般
一年
一年
一年
一二
一 本書卷一九一有其子譚澄傳。「譚」、牧菴集卷二四譚公神道碑作「譚」,但本書卷八世 王惲中堂事記作「覃」 元遺山詩

記

資榮父子本姓覃」。疑「譚」當作「覃」。

[11] (與德)[德興]懷來人 據牧菴集卷二四譚公神道碑改正。

〇三 子二人曰澄曰山阜 本證云:「案敍資際止一百十五言,詳其子澄事。

澄在良吏傳,當云『自有

傳』。然兩傳事多不同,亦可互證也。」譚澄傳見卷一九一。

(孔)[張]九思 據本書卷一一五縱宗傳、卷一六九張九思傳改。 本證已校。

兀史卷一百六十八

列傳第五十五

陳(前)[祐][] 天祥

陳(前)[祐],一名天祐,字慶甫,趙州寧晉人,世業農。祖忠,博究經史,鄉黨皆尊而師

之,旣歿,門人諡曰茂行先生。

表(前)[前]爲河南府總管。下車之日,首禮金季名士李國維、楊杲、李微、薛玄,咨訪治道, 屬,歲癸丑,穆王府署(祜)〔祐〕爲其府尙書,賜其父母銀十鋌、錦衣一襲。王旣分土於陝、洛,

俸,多貪暴,(帖)[祐]獨以淸愼見稱,在官八年,如始至之日。 至元二年,調官法行,改南京 世祖卽位,分陝、洛爲河南西路。中統元年,眞除(前)[祐] 爲總管。時州縣官以未給 商議古今,奏免征西軍數百家及椒竹諸稅、糧料等錢,又上便民二十餘事,朝廷皆從之。

列傳第五十五 陳祐

路 蝗慮其傷稼也,今蝗雖盛,而穀已熟,不如令早刈之,庶力省而 (前)[祐]曰:「救民獲罪,亦所甘心。」卽諭之使散去,兩州之民皆賴焉 治 中。 適 [東方大蝗,徐、邳尤甚,責捕至急。(前)[祐]部民丁數萬人至其地,謂左 有得。」或以事涉專擅,不可, 右曰:「捕

碑頌德。嘗上書世祖,言樹太平之本有三:一曰太子國本,建立宜早,二曰中書政本,責成 號爲難治,(前)[祐]申明法令,創立孔子廟,修比干墓,且請于朝著于祀典。 宜專,三日人材治本,選舉宜審。 三年,朝廷以(前)[祐]降官無名,乃賜虎符,授嘉議大夫、衞輝路總管。 事雖未能盡行,時論稱之。 及去官,民爲立 衛當四方之衝,

虚位 怒甚,(祜)[祐]執議彌固,王亦尋悟,二人皆獲免,持(祜)[祐]泣曰:「公再生父母 昌王府,其達魯花赤及總管爲人誣搆, 參知政事以啗之。 政事,欲奏陞中書右丞相安童爲太師,因罷中書省,懼(前)[祐]有異議,許進(前)[祐]爲尙 立,世祖厭其煩,欲合爲一,集大臣雜議之,(帖)[祐]還朝,特命預其議。 ,未須設。 六年,置提刑按察司,首以(前)[加]爲山東東西道提刑按察使。 事遂罷。 及入議、(前)[祐]極言中書政本、祖宗所立、不可罷、三公古官、今徒 阿合馬怒其忤己,除(前)[祐]僉中興等路行尚書省事。 家各百餘口,王欲悉致之法,(前)[祐]力辨其寃。 時中書、尚書二省 阿合馬為尚書平 也。 西涼 隸 存 並 書 永 其

朝廷大舉伐宋,遣(祜)[祐]簽軍,山東民多逃匿,聞(祜)[祐]來,皆曰:「陳按察來,必無

列傳第五十五 陳祐

私。」遂皆出,應期而辨。 宋境、宋亡、隨制置夏貴過汴、(前)[祐]斥下馬、撾殺之於市、民間帖然。 以盜跖待之。」由是東知修飭,不敢弄法。 (祐)[祐]因謂 曰:「何必若是! 十二三三二年,三授南京 前爲盜跖,今爲顏子,吾以顏子待之,前爲顏子,今爲盜跖,吾 許、蔡間有巨盜,聚衆劫掠,(前)[祐]捕之急,逃入 總管,棄開封府尹。 吏多震懾 失措,

還之。 六。 (前)[祐]檢覆慶元、台州民田。 葬會稽,不得,乃立祠祀之。 十四四 詔贈推忠秉義全節功臣、江浙等處行中書省左 未幾,行省権民商酒稅、(前)[前]請曰:「兵火之餘,傷殘之民, 年,遷浙東道宣慰使。 (耐)[祐]能詩文,有節齋集。 及還至新昌,值玉山鄉盜, 時江南初附,軍士俘虜溫、台民男女數千口,(前)[祐]悉奪 丞,追封河南郡公,諡忠定。 倉猝不及爲備,遂遇害,年五十 宜從寬恤。」不報。 父老請留

行省參知政事。 戮于紹興市 子變,芍陂屯田萬戶,初在揚州,聞(前)[祐]遇盜死,泣請于行省,願復父讎,擒其賊魁, "; 皐, 昌 弟 天祥。 國州知州,與,侍儀司通事舍人。 孫思魯,襲芍陂屯田萬戶,思謙, 湖廣

年,李璮叛據濟南,結宋爲外援,河北河南宣慰司承制以天祥爲千戶,屯三汊口,防遏宋兵。 天祥字吉甫,因兄(前)[祐]仕河南,自寧晉徙家洛陽。 天祥少隸軍籍,善騎射。 中統三

Щ 事 手它人,及與語,出入經史,談辨該博,乃大稱異。 先 平罷歸,居偃師南 生。 初,天祥未知學、(前)[祐]未之奇也,別去數歲,獻所爲詩於(前)[祐]、(前)[祐]疑假 山,有田百餘畝,躬耕讀書,從之遊者甚衆。其居近緱氏山,因號曰緱

省 參政賈居貞所器重。 至元十一年,起家從仕郎、即復州等處招討司經歷,從國兵渡江,因論軍中事,深爲行

之過當,故致亂爾。今令汝輩,權置兵仗以自衞,何如。」民皆稱便。 則 憂,第恐舟中之人皆敵國矣。莫若布推赤心於人,使戮力同心,與均禍福,人則我之人,兵 以竊發,公私同被其害。 「鎭遏姦邪,當實根本,若內無備禦之資,則外生窺覦之釁,此理勢必然者也。推此軍變亂 去 (我之兵)靖亂止姦,無施不可。惟冀少加優容,然後責其必成之效。」行省許以從便處置。 |城近百里,止二日乃至城中,父老來謁,|天祥諭之日:「捍衞鄕井,誠不可無兵, 任事者籍 十三年,興國軍以籍兵器致亂,行省命天祥權知本軍事。天祥領軍士纔十人,入其境, 天祥凡所設施,皆合衆望,由是流移復業, |由當時處置失宜,疏於外而急於內。 凡在軍中者,寸鐵尺杖不得在手,遂使姦人得 今軍中再經殘破,單弱至此,若猶相防而不相保信,豈惟外寇可 以至鄰郡之民來歸者相繼,伐茅斬木,結屋 乃條陳其事於行省曰:

以居。 |天祥命以十家爲甲,十甲有長,弛兵禁以從民便。 人心旣安,軍勢稍振,用土兵收||李

必聰由寨,不戮一人。他寨聞之,各自散去,境內悉平。

命驗 之歸告其黨,則(謀)[諜]者反爲我用矣。」[三遂一無所問。 諜者時至,更請捕之,天祥曰:「彼以官吏貪暴故叛,今我一軍三縣,官無侵漁,民樂其業,使 口給糧,仍戒土人勿侵陵,事定,皆得保全而歸,莫不服其威信。 時 州縣官吏未有俸祿,天祥從便規措而月給之,以止其貪,民用弗擾。 及敗逃入興國境者數千人,天祥 鄰邑分寧爲變,

險,而 疾走者乃始得脫。乘此一勝,則大勢已定。然後取黃州、壽昌如摧枯拉朽耳。」居貞深然之, 死。 而 司 八 陽羅堡依 祥所料。 忽都帖木兒意猶未決。 而 參政忽都帖「木」兒、「巴」賈居貞,萬戶鄭鼎臣爲宣慰使。 興國 黄州 居 品 显 復 (餘),詔改本軍爲路,有代天祥爲總管者,務變更舊政,治隱匿兵者甚急,天祥去未 . 烏合之衆,與之相敵,不二三日,死傷必多,遁逃者十八九,我出精兵以擊之,惟 :山爲壘,素有嚴備,彼若來攻,我之利也。 變,鄰郡壽昌府及大江南北諸城邑,多乘勢殺守將以應之。 聞至陽羅堡,居貞力趣之,乃引兵宿於青山,明日大敗其衆,皆如 且南人浮躁,輕進易退,官軍憑高據 鼎臣帥兵討之,至樊口,兵敗 時方改行省爲宣慰

初 ,行省聞變,盡執鄂州城中南人將殺之,以防內應,居貞救之不能得,天祥曰:「是州之

列

昌府 歸 鄂州賈人之物,召而還之。其黨王宗一等十三人,繼亦就擒,以冬至日放令還家,約三日來 力服,乃遣諭其徒使各歸田里,惟生擒其長毛遇順、周監斬于鄂州市。 獄,皆如期而至,白宣慰司盡縱之,由是無復叛者,百姓爲立生祠。 與 事, 彼勢本不相接,欲殺之者,利其財耳。」力止之,至是被執者皆縱去。 授兵二百餘人。 爲亂者聞官軍至,皆棄城依險而自保。天祥以衆寡不敵,非可以 得金二百 復遣天祥權知壽 「兩,詢 知為

榮姦惡,其略曰: 沮 丞 屋或言之,帝怒,欲致之法,世榮勢焰益張。 法,奏令杖一百,然後斬之,於是臣僚震懾,無敢言者。二十二年四月,天祥上疏,極言世 二十一年三月,拜監察御史。 會右丞盧世榮以掊克聚斂驟陞執政,權傾一時。 左司郎中周戭,因議事微有可否,世榮誣以 御史中

餘繁雜物件稱是。已經追納及未納見追者,人所共知。 計者一百六十八,茶以引計者一萬二千四百五十有八,馬以匹計者十五,玉器七事,其 人,及所盜官物,略計:鈔以錠計者二萬五千一百一十九,金以錠計者二十五,銀以錠 專務貪饕,所犯贓私,動以萬計。其隱祕者固難悉舉,惟發露者乃可明言,凡其掊取於 輸送權門,所獻不充,又別立欠少文券銀一千錠,由白身擢江西榷茶轉運使。 盧世榮素無文藝,亦無武功,惟以商販所獲之貲,趨附權臣,營求入仕,輿贓輦賄, 於其任,

俾居. 試驗賢愚,猶捨美錦以校量工拙,脫致隳壞,悔將何追! 宰天下,譬猶製錦。 初欲驗其能否,先當試以布帛,如無能效,所損或輕。 今捐相位以 往之眞 是猶以盜蹠而掌阿衡之任,不止流殃於當代,亦恐取笑於將來。朝廷信其虛誑之說, 心,廣畜攘掊之計,而又身當要路,手握重權,雖位在丞相之下,朝省大政,實得 相 **今竟不悔前非,狂悖愈甚,以苛刻爲自安之策,以誅求爲干進之門,旣懷無饜之** 〈跡,可謂已試之明驗。 若謂必須再試,止可敍以他官,宰相之權,豈宜輕授。 夫 位,名爲試驗,實授正權。校其所能,敗闕如此;考其所行,毫髮無稱。 此皆旣 專之。

待民足而後豐。 貧則國貧,民安則國安,民困則國困,其理然也。 昔魯哀公欲重斂於民, 問於有若, 對 康 窮以致治,自有天地以來,未之聞也。 曰:「百姓足,君孰與不足,百姓不足,君孰與足。」以此推之,民必須賦輕而後足,國必 ,惟其取之有節,故其用之不乏。 强,血氣損傷則膚體羸病。未有耗其血氣,能使膚體豐榮者。是故民富則國富,民 國家之與百姓,上下如同一身,民乃國之血氣,國乃民之膚體。 血氣充實則膚體 書曰:「民爲邦本,本固邦寧。」歷考前代,因百姓富安以致亂,百姓困 夫財者,土地所生,民力所集,天地之間歲有常

今世榮欲以一歲之期,將致十年之積,危萬民之命,易一世之榮,[云] 廣邀增羨之

復 家之遠 功 何 不 所 恤 賴? 慮 顚 惟 連 將 之 取 見 患 速 民 效 期錙 間 於 由 目 二銖之誅 此 「前、肆 凋 耗,天 意 取,誘上下 誅 下由 求 , 此 何 以交征 空虚 所 不 一,安 得。 危 然 視 利害之機,殆有 其 民 如 生 雕,爲 財 之本 或 旣 斂 已不 不 怨。 П 勝 存, 果 言者 斂 欲 財 不 爲 國

爲,無 增 薪 添 略 計 終 非 舉數端 百 其 見 敗 萬錠,不 任 焦 法 事 擾 頭 始 以 民 爛 言 來 額 者。 取 ,百有 能 於 事 令鈔 若不 民而 至 餘 於 法 ·早有 辨, 日, 、此,救 加 舊,鈔 今却迫 驗 更張 其 將 事 今愈虚 何 須 一个一个 跡, 及? 其 路 自 備 ; 始 官 敗 有 下, 正 司 顯 言 能 增 明。 猶 數 令 蠹 百物 包 今取 雖除 認 自 ;始言能令民 其 去, 賤 所 行 木病 物 與 今愈 所言而 亦 深, 貴 快 樂, 始 始言 E 不 嫌 凡 今所 課 曲 相 突 程 副

事 在 或 臣 家 亦 知 關 311 繋不 附 權 淺,憂深 要則 樂 慮 寵 切 口 不不 期 得 違 無言 件 重 臣 則 禍 患難測; 緘 默 自固,亦豈不能! Œ 以

外。 錄 世 天 加 祥 明 聞 從 日 其 軍 入 語 渡 對 遺 下, 天 江 使召 及 祥 平 於帝 天 興 祥 國 前 與 世樂, 壽 再 昌 舉其所言與未 之功 俱 至上都 進 秩 五 面質之。 及盡言者 品,擢 吏 旣 部 帝 至 郎 皆 中。 卽 稱 日 善, 有 內官 世 樂 [傳旨 遂 伏 誅。 ,縛世榮於 五 月 , 宮門 朝 廷

疏 劾平章岳東木凶暴不 十三 年 兀 月, 除治 法。 書 侍 時桑哥竊國 御 史。 六月, 柄, 與岳 命 理 東木 算 湖 烟黨,為其爪牙羽翼,誣 北 湖 南 行 省 1錢糧 天 祥 天祥 至鄂 以罪 州 郎上

致之死,繫獄幾四百日。 二十五年春正月,遇赦得釋。 二十八年,擢行臺侍御史。 未幾,以

疾辭歸。三十年,授燕南河北道廉訪使。

餘 亡入他境者,揣知所向,選捕盜官及弓兵,密授方略,示以賞罰,使追捕之,南至漢、江,二千 移 結 取 小人之幸,君子之不幸,一歲再赦,善人喑啞,前人言之備矣。 聚斂無厭,刑法紊亂之類,此皆羣盜所起之因。 「古者盜賊之起,各有所因,除歲凶饑饉,諉之天時,宜且勿論。 广,惟 後 里,悉皆就擒,無得觅者。 限追捕。 了不顧 元貞 以嚴刑可制。」所擬事條,皆切於時用。 元年,改山東西道廉訪使。 其生,有司盡力以擒之,朝廷加恩以釋之, 旦脫縲囚, 暮卽行劫, 賊皆經慣,習以爲常,旣不感恩,又不畏法,凶殘悖逆,性已頑定。 由是東方羣盜屛息。 時盜賊羣起,山東居多,詔求弭盜方略。 於是嚴督有司,捕得盜賊甚衆,皆杖 中間保護存恤長養之者,赦令是也。 彼强梁之徒,各執兵杖,殺人 他如軍旅不 又復督勒 息,工役荐興, 天祥上奏曰: 誠 殺之。 非善化能 有司, 赦者, 其

不 大害。」遂命捕繫而杖於市,自此神怪屏息。 僚 法,事格不行,遂以任滿辭去。 曰:「此婦以神怪惑衆,聲勢如此,若復有狡獪之人輔翼之,做漢張角、晉孫恩之爲,必成 平陰縣女子 劉金蓮,假妖術以惑衆,所至官爲建立神堂,愚民皆奔走奉事之,天祥謂 |天祥言山東宣慰司官冗宜罷,因劾奏其使貪暴 同

大德三年六月,遷河北河南廉訪使,以疾不起。人有寃抑,往往就天祥家求直,天祥以

不 在 . 共位,却去之。 六年,陞江南行臺御史中丞,上章論征西南夷事,曰:

得已而不已之兵也。彼荒裔小邦,遠在雲南之西南又數千里,其地爲僻陋無用之地, 不得已而不已之用,是之謂善用兵者也。去歲,行省右丞劉深遠征八百媳婦國,此乃 、皆頑 兵有不得已而不已者,亦有得已而不已者。惟能得已則已,可使兵力永强,以備 愚無知。取之不足以爲利,不取不足以爲害。

軍,止仰今次一運之米,自此以後,又當如何? 送軍糧,至播州交納,其正夫與擔負自己糧食者,通計二十餘萬。 河南、江西、湖廣四省諸軍,使劉二霸都總督,以圖收復叛地。湖北、湖南大起丁夫,運 隨擊,以致大敗。深棄衆奔逃,僅以身免,喪兵十八九,棄地千餘里。朝廷再發陝西、 皆叛。深旣不能制亂,反爲亂衆所制,軍中乏糧,人自相食,計窮勢蹙,倉黃退走,土兵 驅愁苦之人,往迴數千里中,何事不有。或所負之米盡到,固爲幸矣。然數萬之 深欺上罔下,帥兵伐之,經過八番,縱橫自恣,恃其威力,虐害居民,中途變生,所在 正當農時, 興此大

有長刺。 比問 軍行徑路在於其間,窄處僅容一人一騎,上如登天,下如入井,賊若乘險邀 !西征敗卒及其將校,頗知西南遠夷之地,重山複嶺,陡澗深林,竹木叢茂,皆

凊 擊,我軍雖衆,亦難施爲也。 野遠遁,阻其要害,以老我師 又其毒霧烟瘴之氣,皆能傷人,羣蠻旣知大軍將至,若皆 ,或進不得前,旁無所掠,士卒饑餒,疫病死亡,將有不

戦自

困之勢,不可不爲深慮也。

益 非難見也。 **,計其所費錢財,死損軍數,可勝言哉!** 且 自征伐倭國、占城、交趾、爪哇、緬國以來,近三十年,未嘗見有尺土一民內屬之 軍勞民擾,未見休期,只深一人,是其禍 ! 去歲西征,及今此舉,亦復何異。 本。 前鑑不遠,

明韶 續歸順之日,使其官民上下,皆知未須遠勞王師,與區區小醜爭一旦之勝負也。 欲得 舜退師而苗氏格,充國緩戰而羌衆安,事載經傳,爲萬世法。 · 示彼一方以聖朝數十年撫養之恩,仍諭自今再無遠征之役。 其肉而分食之。人心皆惡,天意亦憎,惟須上承天意,下順人心,早正深之罪,續下 义聞八番羅國之人,向爲征西之軍擾害,捐棄生業,相繼逃叛,怨深入於骨髓,皆 以此招之,自有相 昔大

漸次服之。 根本,外固邊陲。 價、和市軍糧。 爲今之計,宜且駐兵近境,使其水路遠近得通,或用鹽引茶引,或用實鈔,多增米 此王者之師,萬全之利也。 但法令嚴明,官不失信,可使米船廠江而上,軍自足食,民亦不擾,內安 以我之鎮靜,御彼之猖狂,布恩以柔其心,畜威以制其力,期之以久, 若謂業已如此,欲罷不能,亦當慮其關繫之大,

三九四九

成。 心 可動 審 敵 詳 之時,徐命諸軍數道俱進。 若舍恩任 我之理。 成 敗 ,算定而行。 一威,以蹈深之覆轍,恐他日之患,有甚於今日 但急之則相救,緩之則 彼溪洞諸蠻,各有種類,今之相聚者,皆烏合之徒, 服從者恩之以仁,拒敵者威之以武,恩威相濟, 相疑,以計使之互 相讎怨,待彼有可 也。 乘 必無久能同 之隙, 功 乃易 我 有

不報,遂謝病去。

上章,極言陰陽 七年,召拜集賢大學士,商議中書省事。 不和,天地不位,皆人事失宜所致。 八月, 執政者以其言切直,抑不 地震, 河東尤甚,詔問弭災之道。 ·以聞

累贈 酒。 事,提 傳 糜廪祿,八年正月,移疾謝去。 專官 推忠 至大四年,仁宗卽位,復遣使召之,辭以老疾不起。延祐三年四月,卒于家,年八十。日己 天祥自被召還京,至是且一歲,未嘗得見帝言事,輸忠無地, |調諸衞屯田,使者五致詔, 以年老不 護送至其家。 正 義 全德佐理功臣、河南江北等處行中書省平章政事,追封趙國公,諡 天祥望闕拜謝, 至通 一州,中書遣使追留,不還。 辭所賜鈔 能 辭。 而 十一年,仁宗在懷州 行。 九年五月, 帝聞 常鬱鬱 之,賜鈔 拜中書右丞,議樞 ,遣使賜 不自釋,又不 五千貫,仍 幣帛、 文忠。 ·欲苟 密院 命 尊 給

劉宣

宣眼則往從國子祭酒許衡講明理學。 家孝友,自幼喜讀書,有經世之志。宣撫張德輝至河東,見而器重之,還朝,薦爲中書省掾 劉宣字伯宣,其先潞人也。因出戍留居忻,金末避地于陝,後徙太原。 初命爲河北河南道巡行勸農副使。 宣沉毅淸介,居

官五年,威惠並著。 南平,命宣沙汰江淮冗官,其所存革,悉合公論。除知松江府,未幾同知浙西宣慰司事。 畫居多。伯顏嘗命宣詣闕上捷書,世祖召見,親問以南征事,應對稱旨,賜器服寵嘉之。 至元十二年,入爲中書戶部郎中,改行省郎中。 陞江淮行省參議,擢江西湖東道提刑按察使。 從丞相伯顏、平章阿朮統軍平江南

役,亦不能辦。 **默載,不** 死陸運。 道兵于靜江,比至安南病死必衆,緩急遇敵何以應之。又交趾無糧,水路難通,無車馬牛畜 兵,必須天時,中原平土,猶避盛夏,交廣炎瘴之地,毒氣害人,甚於兵刃。今以七月,會諸 生事興兵,彼因避竄海島,使大舉無功,將士傷殘。今又下令再征,聞者莫不恐懼。自古興 戚,官府擾攘,今春停罷,江浙軍民歡聲如雷。 一二月。軍糧搬載,船料軍須,通用五六十萬衆。 二十三年,入爲禮部尚書,遂遷吏部。 況湖 一夫擔米五斗,往還自食外,官得其半;若十萬石,用四十萬 廣 密邇,溪洞寇盜常多,萬一 時將伐交趾,宣上言曰:「連年日本之役,百姓愁 安南小邦,臣事有年,歲貢未嘗愆期。 姦人伺隙,大兵一出,乘虛生變,雖有留 廣西、湖南 調度頻數,民多離散, 戶令供 止可供

列傳

後,人馬疲弱衰老,卒難應變。 何不與彼中軍官深知事體者,論量萬全方略,不然將復蹈前

陸地,去中原不遠,以二國之衆加之,尚不能克,況日本僻在海隅,與中國相懸萬里哉」,帝 師百 嘉納其言。 擾,廣東羣盜並起,軍兵遠涉江海瘴毒之地,死傷過半,卽目 兵四集,我師無援,萬一不利,欲發救兵,其能飛渡耶?隋伐高麗,三次大舉,數見敗北, 土闊遠,非二國可比。今次出師,動衆履險,縱不遇風,可到彼岸,倭國 境,蕞爾 及再征 唆都建伐占城,海牙言平交趾,三數年間,湖廣、江西供給船隻、軍 小邦,遣親王提兵深入,未見報功,唆都爲賊所殺,自遺羞辱。 唐太宗以英武自負,親征高麗,雖取數城而還,徒增追悔。 日本,宣叉上言,其略曰:「近議復置征東行省,再興日本之師,此役不息, 連兵 、未解。 且高麗平壤諸城,皆居 地廣, 况日本海洋萬里,疆 須糧運,官民大 且交趾 徒衆猥多,彼 與我接 安危

策。 有。 有滯 新鈔必欲創造,用權舊鈔,只是改換名目,無金銀作本稱提,軍國支用不復抑損, 宋紹興初,軍餉不繼,造此以誘商旅,爲沿邊糴買之計,比銅錢易於齎擎,民甚便之。稍 礙,即用見錢,尚存古人子母 二十三年十二月,中書傳旨,議更鈔用錢,宣獻議曰:「原交鈔所起,漢、唐以來,皆未 相權之意。 日增月益,其法浸弊, 欲求 月前 速效,未見良

其 病 年後亦如元寶矣。 汽著在· (要自不妄用始,若欲濟丘壑之用,非惟鑄造不敷,抑亦不久自弊矣。) 屬桑哥謀立尚書省, 史策,不待 宋、金之弊,足爲殷鑒。 縷陳。 國朝廢錢已久,一旦行之,功費不貲,非 鑄造銅錢, 又當詳究。 為遠計。 秦、漢、隋、唐、金、宋利 大抵利 民權物,

以

專國

柄

銭議

遂

罷。

鞫問 往 以 載 然不動。 父,官于屬郡,隨被按劾。

遣其黨造建康,伺臺中違失,臺官皆竦懼,陰往 臣 一罪觅者,誣告行臺沮壞錢糧,以聞于朝,必欲置宣死地。 章者,御史張諒詰之,知爲行省官所使,詣揚州 糾 其 言其罪,而尤忌宣。 三十 事。 九月朔,宣自剄于舟中。 忙古臺怨宣愈甚,羅織宣之子,繫揚州獄。又令建康酒務、淘金等官及錄事司官 五年,由集賢學士除行臺御史中丞。時江浙行省丞相忙古臺,悍戾縱恣,常慮臺 宣及御史六人俱就逮,既登舟,行省以軍船列兵衞驅迫之,至則分異各處,不使 一日御史大夫與中丞出建康城,點視軍船,羣御 覆實。忙古臺盛怒,即圖報復。 朝廷爲遣官二員,置獄于行省, | 懇求自解,惟宣 史從。 時大夫之 有 以軍 屹 船

但不 成罪 獲以身殉國爲恨耳。 `, 豈能與經斷小人交口辯訟、屈膝爲容於怨家之前。 始宣將行時,書後事緘付從子自誠,令勿啓視。 嗚呼!天乎!實鑒此心。」且別有公文言忙古臺罪狀,後得其藁, 宣死,視其書,辭云:「觸怒大臣,誣搆 身爲臺臣,義不受辱,當自引決,

列

塗注 勾 抹 解 句 難 前治 書侍 御 史霍 肅爲敍次其文,讀者悲憤。

忠義 善大夫、御史中丞、上護軍,追封彭城郡公,諡 節操,爲世 宣 旣 引 決 所重,聞者莫不嗟悼。 行省白于朝, 以爲宣 知罪重 延祐 四 一自殺。 忠憲。 年,從子自持 前 後搆 上宣 成 其 一行實, 事 者,郎中張斯立 御史臺以聞 也。 制 贈資

何榮祖

何榮祖字繼先,其先太原人。父瑛, 金貞祐間試文法入優等補吏,後授明威將軍,守鉅

鹿尹,權軍器監主事。 金亡,徙家廣平。

氏世 甚力。 御史,又出爲山東 言。 一業吏, 榮祖狀貌魁偉,額有赤文如雙樹,背負隆起。 阿合馬 阿合馬知榮祖主其謀,奏爲左右司 榮祖尤所通習, 方用事 按察使,而 `,置總庫于其家,以收四方之利,號曰 遂以吏累遷中書省掾, 阿合馬莫逞其 都事以隸 、志矣。 有相者謂曰:「子位極人臣 擢御史臺都 己。 未幾, 和 तं 御史臺除治書侍御史, 事。 監察御史范方等斥其非,論 始折節讀書, 且壽 相也。」何 日記數千 升侍

唐 卿察其妄,取訟牒焚之。 有帖 木 刺思者, 以貪墨爲僉事李唐卿所 帖木刺思乃摭 取為辭 劾。 ,告唐卿縱反者 帖木剌思計無所出, ,逮繫數十人。 適濟南有 獄 上變告者,

之 詔 罪 榮祖 坐 與左 之,榮祖 丞郝 不可。 順、參政耿仁傑鞫之。 俄遷 河南按察使,二執政竟以失口 榮祖得其情, 欲抵告者罪。 亂言杖其 人,而株連者俱 禛、 仁傑議以 失 得釋,唐 口

之

誣

逐白

獲, 卿 必 Ŀ 果 聞 平 人奴 [朝廷,此輩去者皆人奴耳,今聞]江 涼府言有南 也, 治以 人二十餘輩叛歸江南,安西行省欲上聞,會榮祖來爲參政, 本罪而 付其主。其於事 南平,遁往求其家,移文召捕 明決多類 此。 除雲南行省參知 之可 政事 也。 止之曰:「 已而 ,以母老辭。 逃者俱 何

見譴,吾自當之。」卽草辭 督諸漕卒償之,搒掠 時 宣慰使樂實、姚演 修毒 開膠州海道,有制禁戢諸人沮撓,糧舶遇暴風多漂覆。 以奏、韶発其徵。 ,自殺者相繼。 按察官懼 召入爲尚書參 違 制 ,莫敢言。 知政事 樂祖 曰:「第言之,若朝廷 樂實弗信,

叉拜御史中

丞,復出

爲

Щ

東

東西道按察使。

之。 召問 也。 有官規程 樂祖 所宜 時桑哥專政,亟於 而畿內民苦尤甚, 執 樂祖 欲 愈堅,至於忤旨不少屈,竟不署其牘。 矯時敝,桑哥抑 請於歲終立局考校,人以爲便,立爲常式,詔賜 理算錢穀,人受其害。 榮祖每以 不爲通。 爲辭, 同僚曰:「上旣 樂祖旣與之異議,乃以病告,特授集賢大學士。 榮祖 未踰月,而害民之弊皆聞,帝乃思榮祖言, 數請罷之,帝不從,屢懇請 爲発諸路惟未及在京,可 以鈔萬一 千貫。 不已, 少 榮祖 止 乃稍緩 勿言 條 中 未

列

傳

幾, 起爲尚書右丞

者弗圖 之法。 之。按察司雖監臨一道,其職在於除蠹弊、安斯民,苟有弗至,則省臺叉當遣官體察之,庶有 士,預中書省事,又加平章政事。 所益。」帝深然之。 桑哥敗,改中書右丞。 國計之大。 又上言:「國家用度不可不足,天下百姓不可不安。 屢以老疾乞解機務,韶免署事,惟預議中書而食其祿。 且當用之人恒多,而得用之人恒少。要之,省部實爲根本,必擇材 奏行所定至元新格,請改提刑按察司爲肅政廉訪司,而立監治 以水旱淸罷,不允。 今理財者弗顧民力之困,言治 尋拜昭文館大學 而 用

行,適子秘書少監惠沒,遂歸廣平,卒,年七十九。贈光祿大夫、大司徒、柱國,追封趙國公, 文憲。 先是,榮祖奉旨定大德律令,書成已久,至是乃得請于上,詔元老大臣聚聽之。 未及頒

觀物外篇等書。 百兩、鈔二萬五千貫,俾置器買宅,以旌其廉。所著書,有大畜十集,又有學易記、載道集、 <u></u>榮祖身至大官,而僦第以居,飲器用青瓷杯。

中宮聞之,賜以上尊,及金五十兩、銀五

陳思濟

中 其 書省于陝西。 名,召之以備 陳 思濟字濟民,柘城人也。 顧問, 思濟實與偕行,多所 旣卽 i位,始建省部, 幼讀書,卽曉大義,以才器見稱于時輩間。 愛畫。 俾掌敷奏。 中統三年、詔誅 世 祖以京兆為國 王文統,召廉希憲入中書,思濟 重鎭,命廉希憲等行 世祖 在潛邸,聞

還, 仍掌敷奏。 會阿 合馬入省,耻 事無巨細、悉就準繩、姚樞、許衡皆器 其位在希憲左,每欲 肆意 而行,希憲守正不從。 重之。

曰:「此非君相署位也。」阿合馬 **掾屬皆憚阿合馬,莫敢前。** 思濟獨 怒目視之,衆爲之懼, 先以文牘進,阿 思濟 合馬輒于希憲位署押,思濟遽掩 神色自若。 及希憲去位,省臣晨 除右司都事,從希憲 以手

行省山東,未幾召還。

早決, 證 府 魏初等劾其不法,帝命近臣正之。 承 錮 2.拂袖 除 務 事 承 之。 郎、同 至 恐終不可保。」爲閱其案而 完 橡 調陝西漢中道提刑按察副使,丁母憂去官。 而 五年,分命中書省總百揆,御史臺正百官,一時黜陟登庸,憲章程式,多出其手。遷 讞 知高唐州事,以績 Щ 獄。 授奉訓大夫、知沁州,爲政簡要,不務苛察。 桐廬有囚羸瘠將死,縱遣還家,候期來決,囚拜請曰:「聞公名久矣,若不 最聞,拜監察御史。 釋之。 御史各以次對,思濟獨厲聲曰:「御史言官也,非 轉同 知 兩浙都轉運司事,胥吏侵漁,民困于賦役,悉 時阿合馬立尚書省,權在 遷中順大夫、同知紹興路總管 中書右。 思濟與 爲辨 訟

列

輸以賑之,全活者衆,檄上中書,奏允之。浙東復旱,禱于名山,雨大澍,民賴以甦。兩淮 七十。贈正議大夫、吏部尙書、上輕車都尉,追封潁川郡侯,諡文肅 下,力上章以止之。累遷通議大夫、愈河南江北等處行中書省事。大德五年冬,以疾卒,年 廉訪使,改池州路總管。江浙行省平章也速答兒威勢赫然,摘淘金戶三千,括民間田畝,檄 課不敷,授嘉議大夫、兩淮都轉運使,奸弊盡革,商賈通行,歲課以足。 擢嶺北湖南道肅政 二十三年,加少中大夫、同知浙東道宣慰司事。時浙西大水,民饑,浙東倉廪殷實,卽轉

子誠襲,蔭入官,拜監察御史、朝列大夫、愈廣西道肅政廉訪司事。

秦長卿

務收攬時才,以布衣徵至京師。長卿尙風節,好論事,與劉宣同在宿衞,以氣岸相高。 是時尚書省立,阿合馬專政,長卿上書曰:「臣愚贛,能識阿合馬,其爲政擅生殺人,人 秦長卿,洛陽人也。姿貌魁特,性俶儻,有大志。世祖在京光潛藩,已聞其名,旣卽位,

馬爲人便佞,善伺人主意,又其貲足以動人,中貴人力爲救解,事遂寢,然由是大恨長卿。除 家貲,覬覦非望,其事似漢董卓。春秋人臣無將,請及其未發誅之爲便。」事下中書。 畏憚之,固莫敢言,然怨毒亦已甚矣。觀其禁絕異議,杜塞忠言,其情似秦趙高,私蓄踰公 列傳第五十五 秦長卿 趙與罴

待罪。

興和宣 獄 吏濡 一 德 同 知鐵冶事,竟誣以折閱課額數萬緡,逮長卿下吏,籍其家產償官,又使獄吏殺 紙塞其口鼻,卽死。未幾,王著聚徒殺阿合馬。帝後悟,亦追罪之,斷棺戮屍幷

誅其子,而長卿寃終不白。

仕至南臺治書侍御史·從德, 江浙行省參知政事 長卿從子山甫爲建康府判官,聞長卿寃狀,卽日棄官去,累薦不起以卒。 山甫子從龍,

趙與票

與黑率其宗人之在鄂州者,詣軍門上書,力陳不嗜殺人可以一天下,且乞全其宗黨。 趙與票字晦叔、宋宗室子,嘗登進士第,爲鄂州敎授。 至元十一年,丞相伯顏旣渡江, 後伯

颜朝京師,世祖問宋宗室之賢者,伯顏首以與罴對。

十七年, 直學士,轉侍講。疏陳江南科斂急督,移括大姓,宋世丘壟暴露,皆大臣擅易明 切,令人感動。 十三年秋九月,遣使召至上京,幅巾深衣以見,言宋敗亡之故,悉由誤用權奸, 京師霧四塞; 世祖念之,卽授翰林待制,朝廷立法多所諮訪,與罴忠言讜論,無所顧惜。進 明年正月甲寅,虎入南城。 與黑又疏言權臣專政之咎,退而家居 詔所爲。二 詞旨激

賜鈔萬三千貫,歲給其妻子衣糧。後累遷翰林學士。其伯祖師淵,嘗從朱熹學,家庭受授, 未幾桑哥敗,平章不忽木奏與票貧窶有守,有抱負,世祖曰:「得非指權臣爲虎者邪?」

具有端緒,於是與許衡論伊洛閫奧,衡雅敬之。

有司賻鈔五千貫,給舟車,還葬台州之黃巖。贈通議大夫、禮部尚書、上輕車都尉、天水郡 與票旣老,成宗命特官其子孟實以終養。大德七年,以疾卒。家貧無以爲葬,成宗命

姚天福

侯,諡文簡。

祿是懼,敢貪厚賞,以重臣罪?」 直,錫名巴兒思,謂其不畏强悍,猶虎也。仍厚賜以旌其忠,天福曰:「臣職居抨彈,惟負爵 懷仁丞。至元五年,詔立御史臺,以天福爲架閣管勾,尋拜監察御史。每廷折權臣,帝嘉其 姚天福字君祥,絳州人。父居實,避兵徙雁門。天福幼讀春秋,通大義。及長,以材辟

首,不能寸進。今臺綱不張,有一蛇二首之患。陛下不急拯之,久則紊不可理。」帝詔玉速 帖木兒及孛羅諭之,孛羅以年幼自劾。|天福時按行畿內,有出使者凌民取賄,天福乃易服 時御史臺置二大夫,綱紀無統,天福言于世祖曰:「古稱一蛇九尾,首動尾隨,一蛇二

間行得其狀,奏戮之以徇,豪右慴服。

役。 帝大悟,詔復立之。 常,慮至深遠,不但繩有司而已也。」大夫駭然曰:「微公言,幾失之。」夜入帝臥內,奏其言, 察副使。時北鄙兵興,轉輸煩急,河東民苦徭役。一天福以反側爲憂,劾執政失計,奏罷其 徵拜中順大夫、治書侍御史。 十二年, 韶罷各道按察司, 天福白大夫玉速帖木兒曰: 「是司之設, 所以廣視聽、 虞非 權臣不悅,左遷天福朝列大夫、衡州路同知,不就,起爲河東道提刑按

淮西按察使,按鉅姦一人,沒其家貲,政化大行。 民爲建祠,而刻石以紀之。二十二年,入爲刑部尚書,尋出爲揚州路總管。二十六年,復爲 流其黨與,州郡稱治。二十年,遷山北道按察使,其民鮮知稼穑,天福敎以樹藝,皆致蕃富, 悉剷除之,民大悅。轉湖北道按察使,發省臣贓事數十以聞。帝以其嘗有勳勞,特原之,而 十六年,江南旣平,授嘉議大夫、淮西道按察使。 淮甸當兵衝,將吏有豪猾爲民害者,

驛傳之需,多爲民害,天福更議措置之方,使不擾民,憲長爭之。 行省參知政事,以母老辭。三十一年,授陝西漢中道肅政廉訪使,尋除眞定路總管。 二十八年,桑哥敗,考訊黨援,平陽爲多,以天福爲平陽總管,俾窮治其事。 省臣以其事聞,韶從之,頒 俄拜甘肅 眞定

其制爲天下式。

甸大治。後之尹京者,以天福爲稱首。六年,以疾卒,年七十三。 大德二年,授江西行省參政,以疾辭。四年,拜參知政事、大都路總管,兼大興府尹,畿

犯無隱,苟獲譴,乞不爲親累。」或以聞,帝嘆曰:「巴兒思母子雖生今世,其義烈之言當於古 未亡人爲卹,俾吾追蹤**陵母,死之**日猶生之年也。」<u>天福亦請於憲府曰:「監察責當言路,有</u> 人中求之。」 初,天福拜御史時,其母戒之曰:「古稱公爾忘私,委質爲臣,當罄所衷,以塞其職,勿以

子祖舜,秘書監著作郎,侃,內藏庫副使。

許國旗(最)公

許國禎字進之,絳州曲沃人也。 祖濟,金絳州節度使。 父日嚴,榮州節度判官。皆

業醫。

時年五十三,遂以白金鋌如年數賜之。 死罪,國禛從容諫曰:「罪固當死,然原其情乃恐怖失次所致。即誅之,後誰敢復進。」世祖 國順以醫徵至翰海,留守掌醫藥。 國禎博通經史,尤精醫術。 金亂,避地嵩州永寧縣。 莊聖太后有疾,國禎治之,刻期而愈,迺張宴賜坐。太后 伯撒王妃病目,治者鍼誤損其明。 河南平,歸寓太原。 世祖怒,欲坐以 世祖在潛邸,

意解,且獎之曰:「國旗之直,可作諫官。」宗王昔班屢請以國旗隸帳下,世祖重違其請,將遣

曰:「國禎蒙恩拔 權,誓盡 心以報,不敢易所事。」乃不果遣。

藥苦 逆耳利於行。」已而足疾再作,召國禎入視,世祖 口 世 旣 祖 知 過飲馬種,得足疾,國順進藥味苦,却不服,國順曰:「古人有言:良藥苦口利於病, 之矣,忠言逆耳願留意焉。」世祖 大悅,以七寶馬鞍賜之。 曰:「不聽汝言,果困斯疾。」對曰:「良

趸。 九年己未 憲宗 及師還,招降民數十萬口,疲餓顚仆者滿道,國禎白發蔡州軍儲糧 世祖帥師圍 三年癸丑,從征雲南,機密皆得參與,朝夕未嘗離左右。 鄂州,獲朱人數百族,諸將欲盡阬之,國禎 力請止誅其凶暴,餘皆獲 或在告,帝輒爲之不悅。 賑之,全活甚

國禎 見,帝呼爲許光祿 校、立朝儀,事多施行。 二年,遷 後加 曰:「朕昔出征,同履艱難者,惟卿數人在爾。」遂拜集賢大學士,進階光 世 祖 禮 時大臣 贈推 即位, 部尚書。 ,誠廣德協恭翊亮功臣、翰林學士承旨、上柱國,追封薊國公。 錄前勞,授榮祿大夫、提點太醫院事,賜金符。 . 非有勳德爲帝所知者,罕得贈諡,特贈國禎 而不名,由是內外諸王大臣皆以許光祿呼之。陞翰林集賢大學士。 國禎嘗上疏言:慎財賦、禁服色、明法律、嚴武備、設諫官、均衞兵、建 凡所薦引,皆知名士,士亦歸重之。 金紫光祿大夫,諡忠憲,人以爲 帝與近臣言及勳舊大臣,因謂 至元三年,改授金虎符。十 祿大夫。 卒年 毎進 學

列

傅

第

五.

膳旨酒,皆命掌之,太后閔其勞,賜以眞定宅一區,歲給衣廪終身,國禎由是家焉。子扆。 初、國旗母韓氏,亦以能醫侍莊(憲)[聖]太后,[亞]又善調和食味,稱旨,凡四方所獻珍

從許衡學,入備宿衞,忠愼小心。嘗因事忤旨,欲罪之,帝後悔,謂近侍帖哥曰:「朕欲罪忽 仍提點太醫院事 必命與之語,辭理明辨,莫不傾服。改尙醫太監。帝嘗命畫工寫其像賜之。 山奴亦同飲金酒。 飲,以爲盟。時裕宗居東宮,帝又諭忽魯火孫曰:「若太子罪汝,將誰諫耶。」遂命東宮臣慶 魯火孫,汝何不言。汝二人自今結爲兄弟,有所譴責,則更相進諫。」乃置金酒中,賜二人 展字君黼,一名忽魯火孫,從其父國禎事世祖于潛邸,進退莊重,世祖喜之,賜今名。俾 **俄除禮部尚書、提點太醫院事,賜日月龍鳳紋綺衣二襲。** 每外國使至, 轉正議大夫,

忌之,數譖於上,帝不之信。桑哥敗,繫于左掖門,帝命忽魯火孫往唾其面,辭不可,帝稱其 仁厚,賜以白玉帶。且諭之曰:「以汝明潔無瑕,有類此玉,故以賜汝也。」 人於死地,臣恐神不享所祭。」帝卽命釋之。忽魯火孫與丞相安童善,國政多所贊益,桑哥 有竊大安閣禮神之幣者,將誅之,羣臣莫敢言,忽魯火孫獨諫曰「敬神,善事也。 因置

成宗卽位,遷中書右丞,行太常卿。力辭,乃命以中書右丞署太常事。 俄改陝西行中

亦下。 饑餒 書省右丞。 如如 明年旱,禱于終南山而 此,若俟命下,無及矣。 時關中饑,議發倉粟賑之,同列以未得請于朝不可,忽魯火孫曰:「民爲邦本,今 雨,歲以大熟,民皆畫像祀之。 擅發之罪,吾當獨任之,不以累公等。」遂大發粟, 不數日命

柱國,追封趙國公,諡僖簡。 夫、大司徒,食其祿終身。 入禁中, 忽魯火孫不事生業,田宅皆上所賜。 訪以舊事。 後足益弱, 贈推忠守正佐理功臣、 不可出, 每國有大政,詔使近侍卽其家問之。 有足疾,不能行,仁宗以爲先朝老臣,特敕乘小輿 光祿大夫、陝西等處行中書省平章政事、 特授榮祿大

校勘記

- 陳(祜)[祐] 據秋澗集卷五三陳祐去思碑銘、卷五四陳祐神道碑、 張文忠集卷一八陳天祥神道
- 碑銘改。 下同。 按本書卷一〇世祖紀至元十六年六月壬午條、卷一六二高興傳作 陳祐
- 十二二二二年 **兼開封府尹」、「明年春、進拜中奉大夫、浙東道宣慰使」。** 道光本與秋澗集卷五四陳祐神道碑銘合,從改。 碑「明年」、傳作「十四年」。 碑云「十三年,改授南京路總管
- (謀)[課]者 據張文忠集卷一八陳天祥神道碑銘改。 按前文作「課者」。 類編已校。
- 图 2 忽都帖[木]兒 據下文補。此名蒙古語,意爲「福鐵」。

士卒還言賊盛且銳,將攻陽邏堡。」蒙史改作

五 黃州遂聲言攻陽羅堡 此處文句不通,當有脫誤。 張文忠集卷一八陳天祥神道碑銘云:「會壽

「黃州亂民遂聲言攻陽邏堡」。

昌

、黃州盜起,宣慰使鄭公將兵擊之,至樊口敗死。

フガン 危萬民之命易一世之榮 道光本據元文類卷一四論盧世榮姦邪狀改「一世」爲「一己」,於文義

較長。

年八十 按張文忠集卷一八陳天祥神道碑銘作「享年八十有七」,道光本據補「七」字。

(展) 據本書體例補。

ハ 九 **レ** 莊(憲)〔聖〕太后 據上文所見改。 莊聖太后卽唆魯禾帖尼。 元書已校。

兀鬼卷一百六十九

列傳第五十六

賀仁傑

聞之,大怒,執帥將殺之,以勳舊而止。世祖卽位,賜賁金符,總管京兆諸軍奧魯,卒,贈輸 旭 戰,數從軍有功。關中兵後積屍滿野,賁買地金天門外,爲大塚收瘞之,遠近聞者,爭輦屍 忠立義功臣、銀青榮祿大夫、大司徒,追封雍國公,諡貞獻。 助軍。」且言其子仁傑可用狀,卽召入宿衞。其軍帥怒賁不先白己而專獻金,下賁獄,世祖 獲千金,必有非常之禍。」 時世祖以皇太弟受詔征 雲南,駐軍六盤山,乃持五千兩往獻之,世 來葬,復以私錢勞之。 嘗治室於毀垣中,得白金七千五百兩,謂其妻鄭曰:「語云:匹夫無故 曰:「天以賜汝、焉用獻」」對曰:「殿下新封秦、金出秦地、此天以授殿下、臣不敢私、願以 賀仁傑字寬甫,其先河東隰州人,祖種德徙關中,遂爲京兆鄠人。父賁,有材略,善攻

列傳第五十六 賀仁傑

仁傑從 世 祖 ,南征雲南,北征乃顏,皆著勞績。 後 與董文忠居中 事 上,同 志協力, 知無

不言,言無不聽,多所裨益,而言不外泄,帝深愛重之。

衡,許 立降。 復遣 花、李德 川 生 則 相拒二十餘年。 已,死 張 至元 衡 東院 (合) 告仁傑,仁傑爲言於帝。 輝 十三年,宋平,惟川蜀 則汝等亦從之。」立至,賜金虎符,仍以爲合州 領 [邻]等奉蠟書告德輝, 復奏誅立,并言德輝 西院,攻重慶。 韶建東 西行 德輝 越 樞密院, 久不下。 分守成都,獲王立 帝召樞 境邀功, 能自來, 督兵進伐, 密臣責之曰:「汝等以人 匹 下立長安獄 卽 JII 降。 制置 一鈔卒張 德輝 合丹、 |使張珏守重慶,合州安撫使王立守釣魚 安撫 遂從五 西院從 闊 (含)[部],[]] 嫉使。 里 一百騎 吉 命為戲耶! 事呂堅至都, 思 至釣魚 領東院, 縱之使諭立降。立 Щ 攻釣 今 召 以 與 兵 東院同受 魚山 事告許 不 立

좕 鹽禁,人爲民 不許,乃歸白 帝 日召仁傑至楊前,出白金,謂之曰:「此汝父六盤所獻者,聞汝母來,可持以歸養。 害:皆奏罷之。 民為 母,盡散之宗族。 帝欲選民 之立祠 (間童女充後宮,及有司買物, 多非其 八土産 山後

指揮使。 議 大夫、上都 七年,上都 尋加榮祿大夫、中書右丞,留守如故。 留守,兼本路總管、開 留守闕,宰相擬廷臣以十數,皆不納,帝顧仁傑曰:「無以易卿者。」特授正 平府尹。 明 年,賜三珠虎符,進資 尚書省立,桑哥用事,奏上都留守司錢穀多 一德大夫,兼虎賁親 軍 都

罪。」 失實。 忽剌 召留守忽刺忽耳及仁傑廷辨,仁傑曰:「臣漢人,不能禁吏戢姦,致錢穀多耗傷,臣之 忽耳 曰:「臣 爲長,印在臣 上手,事· 未 有 不關白 m 能行者, 臣之罪。」帝曰:「以爵讓

者有之,未有爭引咎歸己者。」置勿問

帝欲爲娶貴族,固辭,乃娶民間女,已而 仁傑在官五十餘年,爲留守者居半,車駕春秋行幸,出入供億,未嘗致上怒。其妻劉沒, 喪明,夫妻相 敬 如初,未嘗置勝 妾。

封雍 奉元王。 舊臣,欲有 幣、錦袍、玉帶,歸第。 國 大德 公、諡 子勝,自有 九年,年七十二,請老,拜光祿 所咨訪 忠貞。 ,召赴闕,行 傳。 延祐六年,加贈推誠宣力翊運功臣、太師、開府儀同三司、 以子勝襲上都留守、虎賁指揮使。 至樊橋而卒。 大夫、平章政 贈恭勤竭力功臣、儀 事,商議 後成宗崩,仁宗入清內難, 酸陝西行 同三司、太保、 中書省事,賜白金、 上柱國 上柱國 念世 门追封 楮 追 祖

賈告刺

古人同,甚親 甲申,因 賈昔剌,燕之大興人也。 近 臣 幸之 . 入 見莊聖太后,遂從睿宗於和 叉 人慮其漢 人,不習於風 本姓賈氏,其父仕金爲庖人。 土 林,典 令徙居濂州。 司 御膳、以 其鬚黃,賜名昔刺,俾氏族與蒙 昔刺體貌魁碩,有志於當世。歲 帝復思之曰:「昔刺在 吾左右,

列

飲食殊安適。」促召入供奉,諸庖人皆隸焉。

膳生料。年老,謝事,病篤,索所賜衣衣之而卒。追封聞喜郡侯,諡敬懿。 時兵餘,數以所賜分遺鄉里。世祖卽位,立尙食、尙藥二局,賜金符,提點局事,兼領進納御 三千兩,使買珍膳,乘傳上太官,恣其出入不問。又賜以牝馬及駒三十匹,幷牧戶與之。是 世祖在潛邸,知其重厚,使從迎皇后於弘吉剌之地,自是預謀帷幄,動中機會,內出銀

帝奇其勇敢,而戒其輕銳。己未,從伐宋,還自鄂州,卒。追封臨汾郡公,諡顯毅 子丑妮子,方幼時,世祖愛之,嘗坐之御席傍。從征雲南,躍馬入水,斫戰船,破其軍,

足。」帝深善之,超拜宣徽使,辭,改僉院事,仍領尙膳使,卒。 帝問治天下何爲本,曰:「重農爲本。」何爲先,曰:「用賢爲先。 晝晦,敵猝至,擊走之;還,佩其大父金符,提點尙食、尚藥二局,歷尙膳使,**兼司農。嘗入侍,** 子虎林赤,智勇絕人。阿里不哥之叛,出其家名馬,以助官軍。從幸和林,中道值大風, 用賢則天下治,重農則百姓

馳入其陣,疾戰,破走之,擒其首將以歸。移軍哈罕,大風,晝晦,敵兵千人,鼓譟以進,禿堅 左右。從征乃顏,軍次杭海,敵猝至,帝令急擊之。諸近侍見其勢盛,多畏避,禿堅不花卽 不花奮擊,身被十餘瘡,猶力戰,復大破之,帝奇其勇。「杭海叛者請降,衆議以爲親犯王師, 子禿堅不花,襲世職爲尙藥、尙食局提點,世祖以故家子,獨奇之,謂他日可大用,使在

列 僔 第 Ŧi. -|-六 翼 昔 剌

軍萬戶府達魯花赤。

至大二年,詔出金帛,大賚北邊諸

軍,以秃堅不花明習事

宜,能不

憚勞

不懾, 之。」帝曰:「禿堅不花議是。」以 宜誅之,秃堅不花獨曰:「炕海本吾人,或誘之以叛,豈其本心哉! 帝亦知其直。 令察宿衞之士, 有才器者以名聞, 所論薦數十人, 用之皆稱職, 時論 此益 知其可用, 陞同僉宣徽院事。 且兵法, 每論 政· 合前, 殺降不 言直 宜 而 赦 氣

歸之。

損、出 大漸,內難將作,揆以正義,無所回撓。 敢有加於先臣乎」帝嘉其退讓,乃允其請。 |花其人也。」帝悅,賜珠袍,超拜宣徽使。 之,皆曰:「臣等宿衞有年矣,日膳充、歲賜以時者,誠荷陛下厚思,亦由宣徽有能官禿 喜曰:「宣徽得禿堅不花足矣。」進同 乃進,帝體旣安,賜錢,不受,解衣賜之。 成宗卽位,諸侯王會于上京,凡芻餼宴享之節、賜予多寡、疏戚之分,無一不當其意,帝 、衣幣於內府,身往給之,全活者數萬人,還,賜七寶笠。 知宣徽院事。 辭曰:「先臣服勤,於茲三世矣,位不過僉佐, 嘗從巡幸,禁中衞士感奮有 九年,北方乞祿倫部大雪,奏買駝、馬,補其死 四年,帝弗豫,召入侍疾,一 十年,帝病甚,入侍疾愈謹。及 所欲言, 帝命進 食一飲,必嘗 臣 堅不 而問 何

苦,使卽軍中 ·,與其帥 月赤察兒定議而給之,諸部大悅。 帝深器之, 拜宣徽使, 三九七一 出內藏兼金

武宗入卽位,深嘉其忠,進階榮祿大夫,遙授平章政事,商議宣徽院事,行金復州新附

帶賜之, 不當死,不敢以臣私隙,誤陛下失刑。」廷瑞遂得줲。 欲殺之。 爲同官賈廷瑞所嫉。 秃堅不花力諫不可,帝曰:「賈廷瑞毀卿 廷瑞請以宣徽院爲門下省,尚書省奏廷瑞擅易官制,帝大怒, 不直 帝訪羣臣以治道,秃堅不花以爲治 錢,卿何力言邪。]對曰:「廷瑞 所坐 或

安民之實在於生財節用。

帝嘉納焉。

轉光祿

大夫。

予。 宜受。」帝賜廷顯玉帶,廷顯欲取太官羊錢一萬五千緡充其價,又執不可。 七年,以疾去官 時,且出私家馬 帖失、王廷顯,皆同官也,帝賜帖失海舶,秃堅不花曰:「此軍國之所資,上不宜賜,下不 仁宗卽位,加金紫光祿大夫。 二百匹以爲助,賜錢酬其價,不受,解御衣賜之。 延祐四年,朔方又被風雪爲災,禿堅不花請賑之如大德 托恩幸以求賞者, 於是怨之者衆。 輒 抑

弗

府儀 國公,父虎林赤推誠宣力守德功臣、太師、開府儀同三司、上柱國,進封臨汾王。 金紫光祿大夫、太保,進封絳國公,祖丑妮子崇德效節功臣、儀同三司、太傅、柱 同三司、上柱 英宗卽位,帖失竟譖殺之,後帖失以大逆伏誅,事乃白,贈推忠宣力守諒功臣、太傅、開 國,追封冀國 公,諡忠隱。後進封冀安王,加贈其 曾祖昔剌推忠翊 國, 運功臣、 追封絳

子班卜、忽里台、也速古、秃忽赤,皆至顯官。

劉哈剌八都魯

安矣。」遂卽辭去,忍淚不下,而鼻血暴出,數里弗止,馳至王所。 聞母疾,請歸省,帝命給驛而歸。 對曰:「臣願備一戰士。」帝曰:「醫,汝事也,甲不可得。」惟賜以環刀、弓矢、裘馬等物。將行, 復習騎射,能從行乎。」對曰:「事君不辭難,臣不行將何爲!」 勾。 昔里吉叛,宗王別里鐵穆而奉命往征之,帝諭哈剌八都魯曰:「當行者多避事,汝善醫, 劉哈剌八都魯,河東人,本姓劉氏,家世業醫。 世祖謂其目有火光,異之,遂留侍左右,初賜名哈剌斡脫赤。 既見母,不敢以遠役告,母亦微知之,謂曰:「汝第行,我疾 至元八年,世祖駐蹕白海,以近臣言,得 即請授甲,帝曰:「汝安用甲? 十七年,擢太醫院管

之曰:「此所以識也。」 飲以酒,高價取之,明日,被以往。王望見其介而馳走,使人問之, 免冑曰:「我也。」因慨然 之,使領輜重。哈剌八都魯不肯,曰:「大丈夫當效命行陣,乃守營帳如婦人耶」見有甲者, 曰:「一人興善,萬人可激,我爲萬人激耳」」中道,三遇賊,賊射之,皆不中。 王喜甚,解衣衣 與藥卽愈,王又喜,奏爲其府長史。及將戰,從王請甲,王曰:「上不與汝,我何敢與!」 日,獵於野,有狐竄草中,王射之,不中,哈剌八都魯一發中之,王大喜。 王妃有疾, 因留

列

傅

其母。 故,對 哈剌 目,願 陞宣慰使。 今聞 出 其 八都魯獻俘行宮。 一不意,進擊,大敗之,因獲十里吉所遣使,知其不爲備,又乘勢進擊,大破擒之,王乃命 王 凡 師 · 曰:「臣始與母訣,今歸,母幸存,請以君賜遺之。」帝嘉其志,命自今凡賜之食,必先賜 勿聽。」乃覊其人,遣兵間道窺之,獲其游騎三十人,訊之得其情,知脫忽方飮酣。 以功授和林等處宣慰副使,賜與甚厚。二十三年,陞同知宣慰司事。二十四年,又 次 來甚喜,得一見可乎。」王以爲信,左右曰:「此詐也,脫忽所居要害,殆與昔里吉爲耳 F. 金 所使與昔里吉之過我者,吾並飲食供給之,無異 山 ,路隘, 頓兵未能進, 有使者云自脫忽王所來, 曰:「我受太祖分地,守此不敢 一帝見其瘠甚,輟御膳羊胾以賜,旣拜受,先割其美者懷之。 八心也。 且願見天子,而道遠無援, 帝問 其

日:「錢穀 二十五年,海都犯邊,尙書省以和林屯糧,當得知緩急輕重者掌其出納,奏用怯伯。 非怯伯所知,哈刺斡脱赤可使也。」進階嘉議大夫,職如故,使怯伯與俱。

弟欽祖、 刺思曰:「吾在海都軍中,聞怯伯反,宣慰脫身歸報天子,我故追以來。」哈剌八都魯察其誠, H ,止八兒不剌,距海都軍五六十里。

怯伯大懼曰:「事急矣,不如順之。」

哈剌八都魯語其 二十六年,海都兵至,皇子北安王使報怯伯,率其民避去。怯伯與哈剌八都魯南行六 、榮祖曰:「怯伯有二心矣。」遂潛遁,與探馬赤千戶忽剌思遇,從騎百餘人,問之,忽

來者。帝特命受之,而令中書定其同來者之賞有差。 食而不忘其主,此人是也。」更其名曰察罕斡脫赤,賜以鈔五千貫,頓首辭謝,乞以所賜與同 賊,乃能來耶!」命與酒饌。顧謂侍臣曰:「譬諸畜犬,得美食而棄其主,怯伯是也。雖未得 出,怯怕遣騎來追,屢拒却之。道遇送軍裝者,因護之至鹽海。及入見,帝喜曰:「人言汝陷 旣見怯伯,怯伯盛言海都之令以威之。哈刺八都魯詭辭自解,得間,疾趨。忽剌思整陣以 與之謀、結陣乘高立於西南、令之曰:「吾將往責怯怕、汝曹勿動、見吾執弓而起、卽相應也。」

制命。」乃以爲咸平宣慰使。元貞元年,召爲御史中丞,行至懿州,病卒。 爲人主所眷注如此。旣至,定市里,安民居。一日,得魚九尾,皆千斤,遣使來獻。俄召還。 名其城曰肇州。汝往爲宣慰使,仍別賜汝名曰小龍兒,或曰哈剌八都魯,汝可自擇之。」對 故地曰阿八刺忽者,產魚,吾今立城,而以兀速、憨哈納思、乞里吉(里)[思]三部人居之, [三 故鄉也,願乞錦衣以爲榮。」帝以金織文衣賜之。居二年,召還,帝諭之曰:「自此而北,乃顏 曰:「龍、非臣下所敢承。」帝曰:「然則哈剌八都魯可也。」復賜以繡衣、玉帶,及鈔五千貫,其 三十一年春,世祖崩,太傅伯顏奉皇太后旨,命之曰:「東方汝嘗鎭之,今以屬汝,勿俟 二十七年,遷正奉大夫、河東山西道宣慰使。奏曰:「臣累戰而歸,衣裘盡弊。河東,臣

石抹明里

证 魯 爾 里 一,在 以事 帛 事太祖, 祖 港厚。 曷 石 道絕 之。 魯 抹 明里,契丹人,姓石抹,世典內膳。 汲,曷魯晨起,聚草上霜,煮羹以進。 事太祖,睿宗嘗求之於帝,帝聽以其僚十人往,敕之曰:「皇子方總兵 聖躬或小不豫,其烹庖之精, 能以事 年八十卒。 朕之恭事之,將用黃金覆周汝身矣。」顯懿莊聖皇后語憲宗、世祖 百倍平日,汝兄弟當終始遇之。」睿宗嘗從太宗西 國制,內膳爲近臣,非篤敬素著者不得爲。 **睿宗問曰:「何從得水。」因告之故,師還,賜** 闢 地, 日:人 朕 明

之。」明里又越一人立,帝曰:「止。」賜金紋衣一襲。 明里出,侍臣以 里上,帝曰:「第五人非 帝親討 耳語,帝聞之曰:「明里之祖曷魯,事太祖、睿宗以及朕兄弟,爾時汝輩安在? 令典 . 膳· 成宗卽位,加朝列大夫,賜金帶,又賜御衣一襲、鈔萬五千貫,詔曰:「明里舊臣,其令諸 中 反者於北方,明里請備持矛,師還第功,賜白金百兩。 事。」已而 統 初 ,明里入見,世祖令侍臣送明里於裕宗,且曰:「明里,朕親臣之子也,今以事汝, 世祖嘗命裕宗"令從人十人來,股將行賞焉。 明里耶。」對曰:「然。」帝曰:「上之。」明里越一人立,帝又曰:「更上 至元二十八年,爲典膳令。 十人者至帝前,四人列 明里後來反居上, 顧謂 後來耶」 相與 於明

子入宿衛,可假禮部尚書,進階嘉議大夫,食尙書祿以老。」

司 徒 ,其妻梅仙,封順國夫人。 武宗卽位、詔曰:「明里夫婦,歷事帝后,保抱朕躬,朕甚德之。 賜黃金二百五十兩、白金千五百兩、衣一襲。」 可特令明里榮祿大夫、

十日。 貴。 仁宗在東宮,語宮人曰:「昔朕有疾甚危,徽仁裕聖皇后憂之, 今不敢忘,其賜明里寶帶、錦衣、輿及四騾。」至大三年二月卒,年六十有九。 梅仙守視,不解帶者七 子皆

謝仲溫

身先之,官至太原路金銀鐵冶達魯花赤。 攻西夏,過其城,陸歡與其帥迎降。 而 憐之,命軍校拔其矢,縛牛,刳其腸,裸而 謝 仲溫字君玉,豐州豐縣人。〔三〕父睦歡,以貲雄鄉曲間,大兵南下,轉客兀剌城。 從攻西京,睦歡力戰先登,連中三矢,仆城下。 納諸牛腹中,良久乃甦。 誓以死報,每遇敵, 太宗見 太祖 必

汝耶」、己未,大軍圍鄂,令督諸將。 必 在 左右。 仲溫豐頤廣顙,聲音洪亮,略涉書史。 丙辰,城上都,仲溫爲工部提領,董其役。 時守江軍士乏食,仲溫教之罾魚,以充其食,帝喜謂侍 壬子歲,見世祖於野狐嶺,命備宿衞,凡所行幸, 帝曰:「汝但執梃,雖百千人,寧不懼

三九七七

列

傳第

五十六

石抹明里

謝仲溫

臣 曰:「朕 思不 皮 此 。飲以駝 乳,他日不忘汝也。」一夕,帝聞敵軍讙譟,命警備,仲溫奉繩床,

帝憑其肩以行,至旦不能寐。

用兵江淮,有寡婦鬻子以償轉輸之直,仲溫出俸金贖還之。 二年,改淮東。歲旱,仲溫導白水塘溉民田,公私賴焉。 中統 元年,擢下陽、太原兩路宣撫使; 二年,改西京。 至元九年,遷順德路總管。 十六年,爲湖南宣慰使。 時方

下憐之。」卽日命備宿衞。 曰:「汝將復官乎。朕當爲卿擇之。」對曰:「臣老矣,無能爲也,一子早亡,惟有孫]孛完,幸陛 三十年春,入見,帝曰:「汝非謝仲溫 大德六年卒,年八十。 乎? 股謂汝死矣」從容語及攻鄂時事,帝喜甚,諭

子蘭,江州達魯花赤,先卒。 孫孛完,承事郎、冀寧等路管民提舉司達魯花赤。

高觿

高觽字彦解,渤海人。 世仕金,祖彝,徙居上黨。父守忠,國初 爲千戶。 太宗九年,從

親王口溫不花攻黃州,歿于兵。

藝文,兼領中醞、宮衞監門事,又監作皇太子宮,規制有法,帝嘉之,錫以金幣、廐馬,因賜名 觽事 世 祖 ,備宿衞 ,頗見親幸。 至元初,立燕王爲皇太子,詔選才儁士充官屬, 以觽掌

北 失刺。 幸。 十八年,授中議大夫、工部侍郎,行同知王府都總管府事。四十九年春,皇太子從帝 時 丞 相 阿合馬留守大都,專權貪恣,人厭苦之。 益都千戶王著與高和尚等, 凶 [搆變

謀

殺之。

以 此 聞 平日未嘗行此門,今何來此也。」財計窮,趨南門。騰留張子政等守西門,亟走南門伺之。但 還宮,必以完澤、賽羊二人先,請得見二人,然後啓關。」觸呼二人不應,卽語之曰:「皇太子 宮外。觸問:「果何爲。」易曰:「夜後當自見。」觸固問,乃附耳語曰:「皇太子來誅阿合馬也。」 今至何處。」二僧失色。又以漢語詰之,倉皇莫能對,遂執二僧屬吏。訊之皆不伏,觿恐有變, 中疑之,俾嘗出入東宮者,雜識視之,觿等皆莫識也,乃作西蕃語詢二僧曰:「皇太子及國師 夜二鼓,忽聞人馬聲,遙見燭籠儀仗,將至宮門,其一人前呼啓關,騰謂九思曰:「他時殿下 乃與尙書忙兀兒、張九思,集衞士及官兵,各執弓矢以備。頃之,樞密副使張易,亦領兵駐 衛士急捕之,高和尚等皆潰去,惟王著就擒。黎明,中丞也先帖木兒與觿等,馳驛往上都, 傳呼省官姓名,燭影下遙見阿合馬及左丞郝禛已被殺。 其事聞。 三月十七日,艫宿衞宮中,西蕃僧二人至中書省,言今夕皇太子與國師來建佛事。 帝以中外未安,當益嚴武備,遂勞使遣亟還。 高和尚等尋皆伏誅。 觸乃與九思大呼曰:「此賊也」」 省

二十二年,遷嘉議大夫,同知大都留守司事,兼少(傅)〔府〕監。〔吾人之,遷中奉大夫、河 列 傳 第五 十六 高 艌

南等路宣慰使。卒,年五十三。

張九思

置都總管府以主之,九思以工部尚書兼府事。 一見奇之,以父蔭當補外,特留不遣。 張九思字子有,燕宛平人。父滋,薊州節度使。至元二年,九思入備宿衞,裕皇居東 江南既平,宋庫藏金帛輸內府,而分授東宮者多,

黨,將籍其孥,九思力辯之,得不坐。 傳首。」皇太子言於帝,遂從之。九思討賊時,右衞指揮使顏進在行,中流矢卒,怨家誣爲賊 時 太子命,徵兵樞密副使張易,易不加審,遽以兵與之,易旣坐誅,而刑官復論以知情,將傳首 四 主者不得擅啓關,語在高騰傳。賊知不可給,循垣趨南門外,擊殺丞相阿合馬、左丞郝禛 方。 變起 液聚數百人爲儀衞,稱太子,入健德門,直趨東宮,傳令啓關甚遽。 十九年春,世祖巡幸上都,皇太子從,丞相阿合馬留守。妖僧高和尚、千戶王著等謀殺 九思啓太子曰:「張易應變不審,而授賊以兵,死復何辭!若坐以與謀,則過矣,請免 倉卒,且昏夜,衆莫知所爲,九思審其詐,叱宿衞士併力擊賊,盡獲之。 賊之入也,矯 九思適直宿宮中,命

阿合馬旣敗,和禮霍孫拜右丞相,中書庶務更新,省部用人,多所推薦。是年冬,立詹

屬。 事 院, 二十二年, 以九思爲丞, 皇太子 逐舉名儒上黨宋道、保定劉因、曹南夾谷之奇、 朝議 欲罷詹 事 院 九思抗 言曰:「 皇孫、宗社人心 東平李謙, 所屬 分任東宮官 詹事 ",所

輔成道德者也,奈何罷之!」衆以爲允。

大德 爲 副 二年 使;十一 子金界奴,光 三十年,進 - , 拜榮 月,進資德大夫、中書(左)[右] 祿大夫、中書 拜 禄 中 大夫、 書 左丞,兼詹事 河南省右 平章政 丞。 丞。 事。 明年,世祖崩,成宗嗣位,改詹事院爲徽政,以 五. 一年,加 丞。云 大司徒。 會修 世祖、 六年,進階光祿大夫,薨,年六十 裕宗實錄, 命九思兼 領 九思思

王伯勝

伯勝 溫 冷 甚稱 年十一,廣 至元 王 伯 旨 勝,霸州 十五年,從征 間 進水 顙 巨鼻,狀貌屹然,帝顧謂 文安人。 爲 誰 ", 内侍· 乃顏, 兄伯順、給事內廷、爲世祖所親幸、因以伯勝入見、命使宿衞。時 李邦寧曰:「伯勝。」帝曰:「此兒他 以 功 授朝 列 伯順 八大夫、 曰:「此兒當勝 拱衞 直都指揮使。 卿 可名|伯 日 必 知爲 元貞元年,賜 勝。 政 ?"達人 帝嘗 沃 情矣。」 金虎符, 盥,水

宿 進階 衞 及伯 嘉議 大 勝 夫。 爲 指揮使,乃盡募 成宗即 位,包 良家 復進 通 子易之。 議 大夫。 Ħ. 年,公 初,拱衛 扈從上都,天久雨,夜聞城西北 直 一隸敎坊,衛卒多市 井 無賴,竄名 有聲

一傳第五十六 張九思 王伯勝

列

以 如 泄 戰 、鼙然 寧路總管,伯順 其 勢,至旦始定,而民弗知。 ,伯勝率衞卒百人出視之,乃大水暴至,立具畚锸,集土石、氊罽以塞門,分決壕隍 丞相完澤以聞,帝嘉之。 九年,以侍成宗疾,忤安西王,出

榮祿 大夫、大都留守,無少府監。 武宗卽位,召拜通奉大夫、也可扎魯花赤、刑部尚書。至大二年,加右丞。明年,進銀青 初,大都土城,歲必衣葦以禦雨,日久土益堅,勞費益甚,

伯

勝

奏罷

之。

爲

大

亦出爲梁王傅。

事 事,言於中書,乞留伯勝,不報,民涕泣而去。三年,特授銀青榮祿大夫。 大旱,伯勝齋戒以禱,禱畢卽雨,人謂之平章雨。延祐二年,召爲大都留守,遼陽民狀其行 至,無所舍,皆館于民,民苦之,伯勝乃擇隙地爲館廐,度閑田 遼陽省治懿州,州弊陋,民不知學。 仁宗立,正百官品秩,降授資德大夫,尋復陞榮祿大夫,拜遼陽等處行中書省平章政 伯勝始至,爲增郡學弟子員,擇賢師 百頃,募民耕種,以廪餼之。歲 以敎之。 使客

武樓,創咸寧殿,建太廟。 至治二年,賜金虎符,授武衞親軍都指揮使,兼大都屯田事,仍大都留守。 泰定三年冬,以疾卒。 賜翊忠宣力保惠功臣、太保、金紫光祿大 奉韶監修文

夫、上柱國,追封薊國公,諡忠敏

長子恪,初名安童,累官至兵部尚書,南臺治書侍御史,僉宣徽院事;次馬兒,以宣武將

軍 ·襲武衞親軍都指揮使。 孫善果襲。

伯順官至大司徒。

校勘記

- [1] 張(合)[郃] 從道光本改。參見卷一六三校勘記〇〇〇 下同。
- 「こ」 乞里吉(里)[思] 據本書卷五九地理志引本傳文改。
- 豐州豐縣人 按金史卷二四地理志、本書卷五八地理志、豐州屬下皆無豐縣、道光本删「豐縣」。
- 同知王府都總管府事 按此時高騰給事朝廷,不在王府。道園類稿卷四〇、道園學古錄卷十七
- 高觽神道碑作「五府」,疑「王」誤。
- ハ 五 U 少(傅)[府]監 道光本與道園學古錄卷一七高騰神道碑合,從改。
- 中書(左)[右]丞 據道園學古錄卷一七張九思神道碑改。按前文已書「進拜中書左丞」。 新元

)建已校。

- - 成宗卽位 年之下,誤也。」道光本删此四字。 考異云:「案成宗卽位在至元三十一年, 次年乃改元元貞。 傳書成宗即位於元貞元
- 五年 考異云:「其下又書五年、九年、則改元大德以後事。傳又脫『大德』字。」道光本補「大德」

列

傳 第

五

十六

椌 勘

記

元史卷一百七十

列傳第五十七

尚文

冬十一月,立侍儀司,擢右直侍儀使,轉司農都事。 武儀仗、服色差等,皆文掌焉。七年春二月,朝儀成,百官肄習,帝臨觀之,大悅,遂爲定制 河東,參政王椅薦其才,遂辟掌書記。未幾,西夏行中書省復辟之。 至元六年,始立朝儀, 太保劉秉忠言於世祖,詔文與諸儒,採唐開元禮及近代禮儀之可行於今者,斟酌損益,凡文 尚文字周卿,世爲祁州深澤人,後徙保定,遂占籍焉。 文幼穎悟,負奇志。 張文謙宣撫

殺 人, 積歲獄不能決, 提刑使者命文讞以論報。 十九年,進戶部郎 十七年,出守輝州。 中,奏罷懷、衛竹稅提舉司,民便之。 時河朔大旱,輝獨以禱得雨,境內大稔。 文推迹究情,得獄吏、獄卒羅織狀,兩獄皆 懷孟民馬氏、 宋氏, 誣伏

文日 刑 自文發之。 爲之長,庶靖紛擾。」帝怒稍解,可其奏。 且答即古乃阿合馬餘黨,贓罪狼籍,宜先發以奪其謀。」大夫遂與丞相 欲 之 日:「汝等無罪 部 發 懼 尚書。 其 ,中臺秘其章不發。 事 事 急矣 ,乃悉 陞大司農丞,轉少卿,遷吏部侍郎,改江南湖北道肅政 ,耶?]丞相進曰:「臣等無所逃罪,但此輩名載刑書,此舉動搖 」即白御史大夫曰:「是欲上危太子,下陷大臣,流毒天下之民,其謀 拘封御史臺吏案。 除御 史臺 答卽古阿散等知之,請收內外百司 不都事。 行臺御史上封事,言 文拘留秘章不與,答即古聞于帝,命宗正薛 旣而答卽古受人金,與其黨竟 上春秋高, 更案,大索天下埋沒錢 廉訪使。 宜禪位皇太子, 議,即入言狀,帝震怒 坐姦 人心,宜選 ~贓論 三十一年,召爲 徹 死,其 于 取 糧 至奸也 太子 其章。 一 機 重 聞 實 實 臣

之。 如籍均 遣文往詰 命省 臺 平章罪狀 元貞 役 大 清情 臣 之。 初,拜中臺侍御史。 . 雑 無害法, 明 議 左驗明著, 白,不受簿責, ,咸曰:「平章勳臣之後,所犯者輕,事宜宥, 御史取會軍 即有罪亦輕。」廷辯數四,與省臺入奏,帝意始悟,平章、御史各杖遣 **猶力爭不** 時行臺御 無 人臣禮,其罪 服, 文以上聞 史及浙西憲司,劾江浙行省平章不法者十七事 非輕。 ;平章乃言御 御史糾事之官, 史違 制 取 因兵卒爭愬,責 會防鎭 數, 法當 軍 死。」文抗 數。 其 成 , 帥 制

其守正不

阿類如

此

元貞二年,建言:「治平之世,不宜數赦,不急之役,宜且停罷。」咸爲成宗所嘉納,授河

北 泂 南肅 政 廉訪使。 大德元年,河決蒲口,臺檄令文按視防河之策。 文建言:

患,不知幾千百年矣。自古治河,處得其當,則用力少而患遲,事失其宜,則用 涸者六,通川者三,岸高於水,計六七尺,或四五尺,北岸故堤,其水比田高三四尺,或 患速。此不易之定論也。 高下等,大概南高於北,約八九尺,堤安得不壞,水安得不北也 長河萬里西來,其勢湍猛,至盟津而下,地平土疏,移徙不常,失禹故道,爲中國 今陳留抵雕,東西百有餘里,南岸舊河口十一,已塞者二,自 力多 而

塞便。 畝,以爲永業;異時河決他所者,亦如之。信能行此,亦一時救荒之良策也。 蒲口 或强湮遏,上決下潰,功不可成。揆今之計,河(西)[北]郡縣,[]順水之性,遠築長垣, 以禦泛濫,歸德、徐、邳,民避衝潰,聽從安便。 蒲口今決千有餘步, 迅疾東行, 得河舊瀆, 行二百里, 至歸德橫堤之下, 復合正流。 被患之家,宜於河南退灘地 內, 給付頃

之。 朝廷從之。 明年,蒲口復決。 會河朔郡縣、山東憲部爭言:「不塞則河北桑田盡爲魚鱉之區,塞之便。」帝復從 塞河之役,無歲無之。 是後水北入復河故道,竟如文言。

三年,調 山東憲使,歷行省參知政事、行御史臺中丞。七年,召拜資善大夫、中書左丞。 書右丞、商議中書省事,召不起。 彼乎」。平章固請觀之,文竟不爲動。年六十九,因疾告老而歸。十年,拜昭文館大學士、中 也,一日不食則饑,三日則疾,七日則死,有則百姓安,無則天下亂。以功用較之,豈不愈於 「一人含之,千萬人不渴,則誠寶也;若一寶止濟一人,則用已微矣。吾之所謂寶者,米粟是 賈人有奉珍寶進售者,其價六十萬錠,省臣平章顧謂文曰:「此所謂押忽大珠也,六十萬酬 之。選十道使者,奏請巡行天下,問民疾苦。又奏斥罷南方白雲宗,與民均事賦役。西域 浙西饑,發廪不足,募民入栗補官以賑之。山東歲凶,盜賊竊發,出鈔八百五十餘萬貫以弭 之不爲過矣。」一坐傳玩,文問何所用之,平章曰:「含之可不渴,熨面可使目有光。」文曰:

待以殊禮。秦定三年,以中書平章政事致仕,明年,卒于家,年九十二。 夫,仍中書左丞,丐還田里。延祐六年,拜太子詹事,使三往,乃起。仁宗命盡言以敎太子, 武宗、仁宗之世,屢延致,訪以國事,賜燕及金帛有加,進階自光祿大夫,轉銀靑榮祿大

申屠致遠

謙、孟祺等齊名。世祖南征,駐兵小濮,荆湖經略使乞寔力台,薦爲經略司知事,軍中機務, 申屠致遠字大用,其先汴人。金末從其父義徙居東平之壽張。致遠肄業府學,

多所謨畫。師還,至隨州,所俘男女,致遠悉縱遣之。

守藏 轉臨 造征日本戰船,遠近騷然,致遠設施 不從, 宮,欲取 之,得其情,溶服辜,玠節 者十七人, 楊 郎 居 吏 寛宣 安 帝遣 至 淵誣宏作詩有異志,揭書于市,邏者以上。 元 姚溶竊 府 高宗所書九經 慰 太常 安 1 訊之, 撫司 兩 年,崔斌守東平,聘爲學官。 其 浙 卿孛羅 經歷。 銀,懼 舉 蓋因寇作,以兵自衞, 爲 都事, 問 事覺, 誣玠節 石 毛血之薦,致遠對曰:「毛以告純,血以告新, 臨安改為杭州, 刻以築基,致遠力拒之,乃止。 以賄爲謝,致遠怒絕之。 首言:「宋圖籍宜 有方,衆賴以安。 陰與宋廣、益 實非反者,皆得釋。 遷總管府推官。 十年, 上之朝,江南 御史臺辟爲掾, 致遠察其情, 二王通, 杭人金淵者,欲冒籍爲儒 改壽昌府判官 宋駙馬 有司 學田,當仍以贍學。」 西僧楊璉眞 執淵 榜答, 不就, 楊鎭從子玠節 窮詰,罪之。 禮也。」宋平, 誣服, 授太常太祝, 時寇盜竊發, 加 作浮 ,儒學教 獄 具。 行 家富於貲, 圖 屬 省從之。 焦友直、 于宋 授 致遠 兼 縣 彭 加 械 故 宏 反

廣 問,仍以顯等付忙 脅之以勢, · 劾平章 二十年,拜江 要 致遠 東木,桑哥 不 兀台鞫之,繫于獄,必抵 ·爲動 南 行 臺監察御史。 摘 親脫顯等械, 其疏 中語,誣以不道,奏遣使往 江淮行省宣使郄顯、李兼愬平章忙兀 使從軍自 以 死。 贖。 致遠慮囚 桑哥 訊之, 當國, 浙 西, 天祥 知其冤狀,將縱之,忙 治書侍 就 逮。 御 史陳天祥 台不法,有詔 時 行臺 遣御 使 元 至 湖 勿

列

俥

第

禁,設司獄官醫學職員,皆致遠發之。 章上,桑哥氣沮。江西行省平章馬合謀於商稅外橫加徵取,忽辛籍鄉民爲匠戶,轉運使盧 優苦不均,宜考其殿最,量地遠近,定爲立制,則銓衡平而吏弊革。 世榮權茶牟利,致遠幷劾之。又言占城、日本,不可涉海遠征,徒費中國,銓選限以南北, 按部湖廣,咸憚之,莫敢往,致遠慨然請行。 比至,累章極論之,桑哥方促定天祥罪,會致遠 他如罷香莎米,弛竹課

<u></u> **愈**淮西江北道肅政廉訪司事,行部至和州,得疾卒。 司事,未至,移疾還。元貞元年,纂(收)[修]世祖實錄, 三 召爲翰林待制,不赴。大德二年, 二十八年,丁父憂,起復江南行臺都事,以終制辭。二十九年,僉江東建康道肅政廉訪

行藥四十卷,釋奠通禮三卷,杜詩纂例十卷,集驗方十二卷,集古印章三卷。 致遠淸修苦節,耻事權貴,聚書萬卷,名曰墨莊。家無餘產,教諸子如師友。 所著忍齋

子七人:伯騏,徵事郎、嶺北湖南道肅政廉訪司知事,驥,驪,俱爲學官,駒,奉政大夫、

雷膺

兵部員外郎。

雷膺字彥正,渾源人。父淵,金監察御史。膺生七歲而孤,金末,母侯氏挈膺北歸渾

列傳第五十七 雷膺

試, 源 艱險 凡 占 備嘗,織絍 儒 籍 者 復 其 以 家 爲 業,課膺 膺 年 甫 讀 弱 書。 冠 得 膺 與 篤 、其選, 志於 愈自 學, 事母 砥 礪, 以孝 遂 以文學稱。 聞。 太宗 時, 丞相 詔 郡 史天 國 澤鎭 設 科 選 眞

定,辟爲萬戶府掌書記。

君 議 刑 西 中 統 左 西 小户 按 察 壁 蜀 世 Œ 總 年 祖 司 四 朝 事 帥 إال 卽 廷 翰林承旨王鶚、王磐 ', 以 按 位, 府 百官」爲言 察司 事 稱 ٠, 初置十 職 師還,陞 參議 聞 路 叉斥聚斂之臣 承務 宣 至元 撫 一薦 郎、 二年,改 司, 膺爲 同 詔 知 選 恩州 陜 翰 不 者舊使 林 西 宜 事。 修 作 五. 路 撰 相 副 门同 轉 憲 0 子 府 運 十 弟爲僚屬, 知 表 司 制 諮 薦 年, 誥 其 議 能 加 兼 授膺 · 逐 奉 四 國 議 年,用 史 入拜監察 院編修官。 大夫, 僉河 大名路宣 兵于 蜀 御 撫 東 史,首以「 佩 司 五. Щ 年,調 員 金 西 外郎。 符 道 提 陜

江 劾 獲 西 淮 南 按 江 往 察 + 行 浙 北 往 省以 使 应 兀 道 濫 提 年 道 人 發 及 提 刑 進朝 無辜, 及 按察 米 刑 行 太 按 列 察使。 省官 副 多 或强 大夫、山南湖北 議 使, 吏之不法者。 以 籍新 存三之一,膺曰:「布宣皇澤, 時蘇 母 老 民 湖 解。 以 爲 多 道 雨 二十年,遷 奴 提刑 二十二年,丁 隸。 傷稼,百 按察 膺 出 行臺 副 姓 · 令, 艱 使。 母 一侍御 食 得還 憂,去官。 惠養困 是時,江南 膺 史,奉 爲 請 民 留窮,行 于 者 母之官 朝 明 以 新附, 年, 數千 省臣 發廪米二十萬石 起復 分司 職 計。 諸 耳 將 湖廣、 授 市 블 功, 八 中 口 年, 議 江 效有 且 赈 西 大 轉 利 奏 司 俘 淮

出 納之客耶 ! 行省不能奪,悉給之。 時年六十二,即致仕,歸老于山陽。 二十九年,徵拜集

賢學士。

對 年七十三。 稱旨,賜白玉帶環 子肇,順德路總管府判官。孫豫,南陽府穰縣尹。 成宗卽位,朝會上都,召諸故老,諮詢國政,膺爲稱首,多所建白。一日,延見便殿,奏 贈通奉大夫、河南江北等處行中書省參知政事、護軍,追封馮翊郡公,諡文穆。 0 明年,賜鈔五千貫,進秩二品。大德元年夏六月,以疾卒于京師,

胡祗遹

賦不辦責之。及其蒞職,乃以最聞。改河東山西道提刑按察副使。 宣撫大名,辟員外郎。明年,入爲中書詳定官。至元元年,授應奉翰林文字,尋兼太常博士, 調 「省官莫如省吏,省吏莫如省事。」以是忤權奸,出爲太原路治中,兼提舉本路鐵冶,將以歲 戶部! 胡 員外郎,轉右司員外郎,尋兼左司。時阿合馬當國,進用羣下,官冗事煩,祗遹建言: 祗遹字紹(開)[聞],[是]磁州武安人。少孤,既長讀書,見知於名流。 中統初,張文謙

九年,爲濟寧路總管,上八事於樞府言軍政:曰役重,曰逃戶,曰貧難,曰正身入役,曰爲署 宋平,爲荆湖北道宣慰副使。 有佃民訴其田主謀爲不軌者,祗遹察其冤,坐告者。十

以厲士風。民有父子兄弟相訟者,必懇切諭以天倫之重,不獲已,則繩以法。 士,不赴,改江南浙西道提刑按察使,未幾,以疾歸 期變其俗,久之治效以最稱。 縣,自國初經兵戈,其廢已久,民居未集,風俗樸野。 文牒,曰官吏保結,曰有名無實,曰合併偏頗。樞府是之,以其言著爲定法。 升山東東西道提刑按察使,所至抑豪右,扶寡弱,以敦敎化, 祗適選郡子弟, 擇師教之, 親爲講論 濟寧移治鉅野 召拜翰林學

年,贈禮部尚書,諡文靖。子持,太常博士。 二十九年,朝廷徵耆德者十人,祗遹爲之首,以疾辭。 三十年,卒,年六十七。 延祐五

王利用

利用幼穎悟,弱冠與魏初同學,遂齊名,諸名公交口稱譽之。初事世祖於潛邸,中書辟爲 王利用字國賓,通州潞縣人。 遼贈中書令、太原郡公籍之七世孫,高祖以下皆仕金。

禁,籍其家,利用糾之,邏者訴于上,利用辨愈力,得以所沒入悉歸之民。 歷安肅、汝、蠡、趙四州知州,入拜監察御史。 薊州有禁地,民不得射獵其中,邏者誣州民冒 中統初、命監鑄百司印章、歷太府內藏官、出爲山東經略司詳議官、遷北京奧魯同知、 擢翰林待制,兼興

列

第五十七

胡祗遹

王

利用

三九九三

南三道提刑按察副使、四川提刑按察使。四川土豪有持官府長短者,問得其實,而當以罪, 民賴以安。都元帥塔海,抑巫山縣民數百口爲奴,民屢訴不決,利用承檄覈問,盡出爲民。 文署、奉旨程試上都、隆興等路儒士。 陞直學士,與耶律鑄同修實錄。 出爲河東、陝西、燕

之,民甚便焉。有婦毒殺其夫,問藥所從來,吏敎婦指爲富商所貨。獄上,利用曰:「家富而 貨毒藥,豈人情哉。」訊之,果寃也。未幾,致仕,居漢中。 大德二年,改安西、興元兩路總管。其在興元,減職田租額,站戶之役於他郡者悉除

謂弟利貞、利亨曰:「吾受國厚恩,愧不能報,死生有命,藥不能爲也。」遂卒,年七十七。 史。帝及太子嘉納之,皇后聞之,命錄別本以進。 賞,有罪必罰,杜絕讒言,求納直諫,官職量材而授,工役相時而動,俾近侍時赴經筵講讀經 事母后,敬奉至尊,撫愛百姓,敦本抑末,清心聽政,寡欲養身,酒宜節飲,財宜節用,有功必 成宗朝,起爲太子賓客,四首以切於時政者,疏上十七事:日謹畏天戒,取法祖宗,孝 利用以老病不能朝,帝遣醫診視之,利用

「方今文章政事兼備者,王國賓其人也。」武宗卽位,以官僚舊臣,制贈榮祿大夫、柱國、中書 利用每自言,平生讀書,於恕字有得焉。廉希憲當時名相,簡重,愼許可,嘗語

平章政事,封潞國公,諡文貞。

暢師文

指掌圖,仕爲汴幕官,贈太中大夫、上輕車都尉、魏郡侯。 師文字純甫,南陽人。 祖淵、贈中順大夫、上騎都尉、魏郡伯。 父訥,有詩名,注地理

年,僉西蜀四川道提刑按察司事。 學及傳舍,餘作酒器給公用。十九年,承制改同知保寧路事,治尙平簡,反側以安。 歷,尋除承直郎、潼川路治中。修府舍,發地得銀五十錠,同僚分師文十錠,不受,用以修廟 除東川行樞密院都事,盡心贊畫,多所裨益。十六年,安西王承制改四川北道宣慰司經 攻宋,選爲掾屬,從定江南,及歸,舟中惟載書籍而已。十三年,編平宋事蹟上之。十四年, 相友善。至元五年,陳時政十六策,丞相安童奇其才,辟爲右三部令史。十二年,丞相伯顏 師文幼警悟,家貧無書,手錄口誦,過目輒不忘。弱冠,謁許衡,與衡門人姚燧、高凝皆

道。 刑按察司爲肅政廉訪司,就僉本道肅政廉訪司事,黜姦舉才,咸服其公。三十一年,徙山南 巡行勸農副使,置義倉,敎民種藝法。二十八年,改僉陝西漢中道提刑按察司 松滋、枝江有水患,歲發民防水,往返數百里,苦於供給,師文以江水安流, 二十三年,拜監察御史,糾劾不避權貴,上所纂農桑輯要書。二十四年,遷陝西漢中道 事。 悉罷其役。 時更提

列

駙馬亦都護家人怙勢不法,師文治其甚惡者,流之。

卿,轉翰林侍讀學士、朝請大夫、知制誥同修國史。 阿徇。頃之,以疾家居。九年,擢陝西漢中道肅政廉訪副使,又以疾不赴。十年,改太常少 大德二年,改山東道,入爲國子司業。七年,出爲陝西行中書省理問官,決滯獄,不少

任未久,境內晏然。 此乎」呼貧士及細民,恣其取去。廉訪分司官前後至者,必先謁師文,稱爲先生。 年,請補外任,除太平路總管。時大旱,師文捐俸致禱,不數日,澍雨大降,遂爲豐年。當塗 人坐殺牛祈雨,囚繫者六十餘人,師文憫而出之。公田米積之盈屋,曰:「我家幾人,能盡食 至大元年,修成宗實錄,賜鈔壹百錠,不受。時制作多出其手。二年,加少中大夫。 師文在

十一,葬襄陽峴山。泰定二年,贈資政大夫、河南江北等處行中書省左丞、上護軍,追封魏 等文,賜銀貳鋌,不受。除燕南河北道肅政廉訪使,以病去官。 郡公,諡文肅。後至元八年,加贈推忠守正亮節功臣。(三) 資德大夫,行至河南,復以病歸襄陽。四年秋八月,考河南鄉試歸,次襄縣,卒于傳舍,年七 皇慶二年,復召爲翰林侍讀學士、中奉大夫、知制誥同修國史,奉旨撰王勃成道記序 延祐元年,徵拜翰林學士、

三子,長日篤,仕至太中大夫、江東道肅政廉訪副使。

張炤

張炤字彥明,濟南人。 父信,以商賈起家,貲雄於鄉。 壬辰歲饑,出粟賑貸,鄕人賴以

全活。

出爲山東東路大都督府員外郎。 有桀黠吏,挾官府肆爲暴横,炤繩之以法,杖出境外,民害遂息。 八年,進階奉訓大夫、知兖州事。 陳利害切至,遂獲免徵,民得無擾。 炤幼穎悟力學,始補吏濟南,上計壽陽,行省有積年勾考未輸銀一十萬五千兩,炤條 時州境亢旱,吏民懇禱不雨,炤始至,甘雨霑足。 至元四年,轉陝西五路西蜀四川行中書省左右司 中統元年,辟爲中書省掾,俄遷右司提控案牘。 員外郎。 聞屬邑 四年,

儲,給戰具,凡二年,贊畫之力居多。十三年,揚州未下,丞相阿朮提兵攻之。 下州郡,皆望風款附。 庭芝棄城遁泰州,炤領兵迫揚州城下,躬往招諭,制置朱煥以城降,庭芝亦就擒。 從阿朮入覲,世祖賜錦衣、鞍勒。 五月,宋將李 炤傳檄未

十一年,改授淮西等路行中書省左右司郎中,丞相阿塔海領軍進攻瓜洲

(鎭江) 炤

運糧

揚州,據南北要津,炤撫綏勞來,上下安之。十六年,改鎭江路總管府達魯花赤,謝病歸,購 十三年,陞太中大夫、揚州路總管府達魯花赤,商議行中書省事,佩金虎符。 時行省在

第五十七 張炤

列

傅

以治 書八萬卷,以萬卷送濟南府學資敎育。 最稱。 二十五年卒,年六十四。 延祐五年、贈太中大夫、東昌路總管,追封淸河郡侯, 二十一年,起爲東昌路總管,蒞政二年, 吏民畏服,

袁裕

諡敬惠。

子用中,沂州山場同提舉。

籍其家,奴隸得復爲民者數百。 得冤死。南京總管劉克興掠良民爲奴隸,後以矯制獲罪,當籍孥、產之半,裕言于中書,止 亦死矣。」裕言於執政曰:「囚誤殺人,情非故犯,當矜其母,乞宥之。」執政以聞,帝從之,囚 天路民王住兒,因鬭誤殺人,其母年七十,言於朝曰:「妾寡且老,恃此兒以爲生,兒死,則妾 丞,辟中書右司掾,始建言「給重囚衣糧醫藥,免籍其孥、產,止令出焚瘞錢」,後著爲令。 袁裕字仲寬,洛陽人。幼孤,從兄避難聊城,因家焉。 稍長嗜學。 中統初,由聊城縣 順

辨之益力,遂陳其事狀于中書,刑曹竟從裕議。 念,擊之而斃,有司當以大逆置極刑者七人,連坐者五十餘人。 裕曰:「達魯花赤自犯衆怒 而死,安可悉歸罪於民一議誅首惡者一人,餘各杖之有差,部使者錄囚至縣,疑其太寬,裕 至元六年,遷開封府判官。 洧川縣達魯花赤貪暴,盛夏役民捕蝗,禁不得飲水,民不

辟爲掾。 百人,實才之,進幕職。時兵後,吏曹雜進,不習文法,東平轄郡邑五十四,民衆事繁,簿書填 助性縝密,遇事敢言,確然有守,以任子試補吏部令史。金亡,還鄉里。嚴實行臺東平, 列 傅 鄕 第 五 + 七 袁 裕 張 昉

御史。 年,卒于官,年五十九。 子,買妾,其妻妬而殺之。 十八年,調南陽 知府。 裕捕其妻,訊之服辜。裕用法平允,而疾惡不少貸如此。 裕以其兄有鞠育之恩,令其子師愈推蔭兄子仁, 明年,召拜刑部侍郎,出爲順德路總管。 郡有鐵冶提舉張鑑,無 師愈後仕至侍 二十一

等路宣撫副

驗已有從良書者,則爲良民。」從之,得八千餘人,官給牛具,使力田爲農。

使,兼西夏中興等路新民安撫副使。明年,移鎮甘州。

請于朝,計丁給地,立三屯,使耕以自養,官民便之。

又言:「西夏羌、渾雜居,驅良莫辨,宜

十三年,進甘州

裕與安撫使獨吉

大夫,佩金符。

八年,拜監察御史,俄有旨授西夏中興等路新民安撫副使,兼本道巡行勸農副使、奉直

時徙鄂民萬餘于西夏,有司雖與廪食,而流離顚沛猶多。

張昉

張昉字顯卿,東平汶上人。 父汝明,金大安元年經義進士,官至治書侍御史。

人有執左道惑衆謀不軌者,事覺逮捕,詿誤甚衆,諸僚佐莫敢言,防獨別白出數

三九九九

防家而他適,俄而防家被火,家人惶駭走避,貲用悉焚,惟力完所寄絲,付張氏。 其職者,至是革去,

防辨明,復之,持金夜饋助,

防却之,

慚謝而去。

同里張氏,以絲五萬兩寄 委,漫無統紀。

防坐曹,躬閱案牘,左酬右答,咸得其當,事無留滯。初,有將校死事,以弟襲

怨言。三年,遷制國用使司郞中。 爲四川等處行樞密院參議。至元元年,入爲中書省左右司郎中,甄別能否,公其黜陟,人無 **贊畫,出納惟謹,賦不加斂,而國用以饒。** 乙卯,權知東平府事,以疾辭,家居養母。中統四年,參知中書省事。商挺鎭巴蜀,表 制司專職財賦,時宰領之,倚任集事,尤號煩重,防竭誠

公、諡莊憲。 中。 職。 十一年,拜兵刑部尚書,上疏乞骸骨,致其事,卒。贈中奉大夫、參知政事,追封東平郡 九年,改中書省左〔右〕司郎中。〔云〕助有識慮,損益古今,裁定典憲,時皆宜之,名爲稱 四年,丁內憂,哀毀踰制,尋詔起復,錄囚東平,多所平反。七年,轉尙書省左右司郎

子克遹,平陰縣尹。 孫振、祕書著作郎,揆,中書省左司都事,拱、常德路蒙古學教授。

郝彬

郝彬字景文,霸州信安人也。 世祖初,年十六,充太子宿衞,擢揚州路治中。 宋末,鄭

被殺 縣賊顧閨,聚衆海島,時出攻剽,宋覊縻以官,內附後益橫,侵揚州境,彬討禽之。 二年而捕賊不獲者,吏誣平人, 獄已具。 彬疑其誣,讞之,果得眞 賊。 泰興人有

発歸 商、 司糾 田賦 建六倉, 而 兩 **淮鹽** 察以革私弊,罷所隸六提舉司以蘇民瘼。 江商 了其官屬皆從詹事院奏授,不隸中書,往往爲姦利,誅求 御 史薦彬同 煮鹽于場, |獨當天下之半,法日以壞,以||彬行戶部尚書經理之。 市易之不如法者, 知淮西道宣慰司 運積之倉; 著爲法。 歲首, 事,覈戶版,理屯田, 入爲工部尙書, 聽羣商於轉運司探倉籌定其所, 從之,遂罷其四。 改戶部尙書, 諸廢修舉。 無厭。 彬 請 度 國家 彬爲總管,入見,請受憲 江 |舟楫所通、道里所均, 經費,鹽利居十之八, 淮財賦總管府掌東宮 拜中書參知政事, 乃買券, 又定河 俄

之,至 彬不與焉。 年三月卒。 從或違,橫不可制。 尙 |奏重賜以餌之,彬不爲動。 書省立,拜參知政事,辭不獲命。 家居七年,足跡未嘗一出門外。 命兼大司徒, 議罪之,罪無從得,彬堅臥 不拜。 同列務生事要功,殺無罪之人,彬積誠意開引,或 仁宗在東宮,彬懇辭至力,因稱疾篤。 仁宗思之,以爲大司農卿,未幾,謝病。 楊至數月,尚書省臣皆得罪, 時相强起 延祐七

高源

高源字仲淵,晉州人。 高祖揖,爲州法吏,用法公平。 父汝霖, 爲眞定廉訪司照磨,使

東平,道高唐,遇盜死。

先時, 悟, 民田及他不法事。 「源,孝子也,非但我知之,天必知之。 年,民猶立碑頌之。 得不死。 源幼力學,事母孝,補縣吏。 源所居鄰里,多阿合馬姻戚,素知源事母至孝。 尋除河間等路都轉運副使,撫治有條,竈戶逃者皆復業,常賦外,羨餘幾十 恕懼,走賂權臣阿合馬,以他事誣源,旣繫獄,一日,忽釋之,莫知所由 遷行臺都事,僉江南浙西道提刑按察司事。 中統初,擢衞輝路知事,累陞齊河縣尹,有遺愛,去官十 況媒孽之罪非實,若妄殺源,悖天不祥。」阿合馬感 至是, 聞源坐非辜, 悉詣阿合馬曰: 劾常州路達魯花赤馬恕奪

七十里,與會通河接,置閘七、橋十二,人蒙其利。 至元二十四年,爲江東道勸農營田使。二十八年,遷都水監。 授同知湖南道宣慰司事。 開通 惠河,由文明門東 卒,年七十七。

子夢弼、良弼、公弼。

萬緡。

掾 贓 権貨制 更法 ,與中山楊珍、無極楊卞齊名,時人以三楊目之。 楊湜字彥淸,眞定藁城人。 或 用,朝廷從之,因俾掌其條制。 習章程學,工書算,始以府吏遷檢法。 四年,授益都路宣慰司諮議,遷左司提控掾,請嚴 中書省初立,國用 不足,湜論鈔法 中統元年,辟爲中書 宜以

路交鈔都提舉,上鈔法便宜事,謂平準行用庫白金出入,有偸濫之弊,請以五十兩鑄爲錠, 外郎,佩金符。 文以元寶,用之便。 至元二年,除河南大名諸處行中書省都事。 改宣徽院參議。 提計帑立籍,具其出入之算,每月終上之,遂定爲令。 '三年,立制國用司,總天下錢穀,以提爲員 加諸

其 高 輕重,人以爲平。 下,湜言:「貧富不常,歲久寖易,其可 七年,改制 國用司爲尚書省,拜戶部侍郎,仍兼交鈔提舉。時用壬子舊籍定民賦役之 湜 心計精析,時論經費者,咸推其能焉。 '以昔時之籍,而定今之賦役哉!]廷議善之,因俾第

子克忠,安豐路總管。 孫貞。

吳鼎

已定,恐不可復得。」鼎曰:「人命豈不重於米耶」」言于朝,卒從所請 廷議發米四萬石,鈔折米一萬石, 鼎謂同使者曰:「民得鈔,將何從易米。」同使者曰:「朝議 總管府副總管,後積官至禮部尙書、宣徽副使。 吳鼎字鼎臣,燕人。 至元十七年,見裕宗於東宮,命入宿衞。二十五年,授織染雜造局 大德十一年,山東諸郡饑,詔鼎往 賑 之。 朝

取捷徑。 漕運使。 而劵之已償者,亦入于官,官唯驗劵徵理,民不能堪。 者率多取其赢、鼎治之,一 太后喜,爲寢其役。 至大元年,改正奉大夫、保定路總管。 遣使卽鼎,使視 三年,召授資善大夫、同知中政院事。 地形,計工費,鼎言:「荒山斗入,人迹久絕,非乘輿所宜往。」 無私焉。 浙有 兩富豪,日朱、張家,多貸與民錢, 時皇太后欲幸五臺,言者請開保定西五迴嶺,以 鼎力爲辨白, 兩浙財賦隸中政者 始獲発。 其後 四年,改京畿 兩家誅沒, 計 一還報, · 前往

贈榮祿大夫、平章政事、柱國,追封薊國公,諡孝敏 皇慶二年,特旨復僉宣徽院事,四月,進資政大夫、崇祥院使。 延祐三年卒,年五十有

梁德珪

世祖。 繫,以致此爾。」帝感悟,爲大赦中外逋負,民賴以蘇。 帝閱州祁報囚之數,怪其過多,德珪方在右司,詔問焉。 措辭,德珪數語卽定,問遇疑事,則曰某事當如某律,某年嘗有此旨,驗之皆然。北京地震, 省日久,凡錢穀出納之制,銓選進退之宜,諸藩賜予之節,命有驟至,不暇閱簡牘,同列莫知 年,執政入奏事,帝詢其曲折,不能對,德珪從旁辯析,明白通暢,帝大悅,拜參知政事。在 梁德珪字伯溫,大興良鄉人。 至元十六年,爲中書左司員外郎, 初給事昭睿順聖皇后宮,令習國語,通奏對,年十一,見 俄陞郎中,六遷至參議尚書省事。 對曰:「當國者急於徵索, 蔓延收 至元三十一

)廣。 其母,因以氣疾,乞骸骨歸。 事 中傷德珪。 帝疾愈,問知之,召使復位。旣至,帝問:「卿安在。」德珪涕泣不能語,賜酒饌,使往拜 大德間,成宗卽位,Cti一遵祖武,廟堂以安靜爲治,求進者不得逞其志,朋聚興怨,摭 會帝有疾,言者盛氣致詰,德珪以位居執政,不受凌轢,慷慨引咎,遂安置湖 大德八年九月,卒於家,年四十有六。

校勘記

列傳第五十七 吳鼎 梁德珪 校勘記

- 河(西)[北]郡縣 道光本與元文類卷六八尚文神道碑合,從改。
- [三]纂(收)[修]世祖實錄 從北監本改。
- 胡祗適字紹(開)[聞] 道光本與紫山大全集劉廣序合,從改。四庫全書總目卷一六六紫山大全

¥條云:「元史本傳載其字曰紹開。然『今民將在祗遹乃文考,紹聞衣德言』,實周書康誥之文。

核其名義,疑紹開當作紹聞。元史乃傳刻之譌也。」

成宗朝起為太子賓客 清續通考云:「本傳、中統初後卽紀成宗大德二年,又復紀成宗朝,敍次

疑有脫誤。」

<u>ラ</u> 暴定二年贈資政大夫至後至元八年加贈推忠守正亮節功臣 至元二年。此處泰定「二年」當作「三年」,後至元「八年」當作「二年」。 正集卷四九暢師文神道碑銘「泰定二年」作「泰定丙寅」,即三年,加贈功臣號繋「又十年」,即後 按後至元止六年,「八年」誤。至

左(右)司郞中 從北監本補。按本書卷八五百官志,中統元年置左右司,至元十五年分置兩司。

「中) 大德間成宗即位 十一年卽位,次年改元元貞,元貞三年二月始改元大德。 清容集卷三二梁德珪行狀作「大德初元,成宗恭儉守成」。 此云「卽位」,係誤衍之文。道光本改 按元成宗至元三

· 作「在位」。

元史卷一百七十

列傳第五十八

劉因

奉議· 而生,乃名曰駟,字夢驥,後改今名及字。 使我無子則已,有子必令讀書。」因生之夕,述夢神人馬載一兒至其家,曰:「善養之。」 旣覺 嘯。 夫、樞密院經歷。秉善生述,述,因之父也。歲壬辰,述始北歸,刻意問學,邃性理之說,好長 中統初,左三部尚書劉肅宣撫眞定,辟武邑令,以疾辭歸。年四十未有子,嘆曰:「天果 大夫、中山府錄事俱,假生秉善,金貞祐中南徙。其弟國寶,登興定進士第,終奉直大 劉因字夢吉、保定容城人。世爲儒家,五世祖琮生敦武校尉、臨洮府錄事判官助,助生

甫弱冠,才器超邁,日閱方册,思得如古人者友之,作希聖解。 因天資絕人,三歲識書,日記千百言,過目卽成誦,六歲能詩,七歲能屬文,落筆驚 國子司業硯彌堅教授真定

列傳第五十八

劉因

及得 識 因 曰:「邵 率類 從 周、程 之游 此 ·, 至 大也;周,至精也;程,至正也;朱子,極其大, 、張、邵、朱、呂之書, 同 舍生皆莫能及。 初爲經學,究訓詁疏釋之說,輒嘆曰:「聖人精義,殆不 一見能發其微,曰:「我固謂當有是也。」及評其學之所長,而 盡其精,而貫之以正也。」其高見遠 止 此。」

因性不苟合,不妄交接,家雖甚貧, 者,隨材器敎之,皆有成就。 知者或以爲傲,弗恤也。 因 蚤 「喪父,事繼母孝,有父、祖喪未葬,投書先友翰林待制楊恕,憐而助之,始克襄 嘗愛諸葛孔 公卿過保定者衆,聞因名,往往來謁 非其義,一 明靜以修身之語,表所居曰 介不取。 家居教授, 一 靜修 ,因多遜避,不與相見,不 師道尊嚴,弟子造其門

學宮中, 二十八年,詔復遣使者,以集賢學士、嘉議 不 忽木以因學行薦于朝,至元十九年,有詔徵因, 命贊善王恂教近侍子弟, 恂卒,迺命因繼之。 大夫徵因,以疾 擢承德 未幾, 固辭,且 以 郎、右贊善大夫。 母 上書宰相 疾辭 歸 日 明年, 初,裕皇建 丁內艱

皆君 勢之必然,亘萬古而不可易,而莊周氏所謂無所逃於天地之間者也。 如 以 上之賜也。 日 因 用 自幼讀書,接聞大人君子之餘 近 事 言之,凡吾人之所以得安居而暇 是以凡我有生之民,或給力役,或出 論,雖他無所 食, 得,至如 以 逐其 知 能,亦必 生聚之樂者, 君臣之義, 各有以自效焉。 自謂 是誰之力與? 見之甚明 此理

雅者,皆知因之此心也。但或者得之傳聞,不求其實,止於蹤跡之近似者觀之,是以有 因之立心,自幼及長,未嘗一日敢爲崖岸卓絕、甚高難繼之行,平昔交友,苟有一日之 蹇不出,貪高尙之名以自媚,以負我國家知遇之恩,而得罪於聖門中庸之敎也哉 因生四十三年,未嘗效尺寸之力,以報國家養育生成之德,而恩命連至,因尙敢偃 三.

高

人隱士之目,惟閤

下亦知因之未嘗以此自居也。

老母 以不次之寵,處之以優崇之地邪。是以形留意往,命與心違,病臥空齋,惶恐待 子選用賢良,一新時政,雖前日隱晦之人,亦將出而仕矣,況因平昔非隱晦者邪。況加 中風、請還家省視、不幸彌留、竟遭憂制、遂不復出、初豈有意於不仕邪。 向者、先儲皇以贊善之命來召、即與使者俱行、再奉旨令教學、亦卽時應命。 罪。 **今聖天** 後以

遣人之際,未免感傷,由是病勢益增,飲食極減。 至二十一日, 使者持恩命至, 之,惶怖無地,不知所措,徐而思之,竊謂供職雖未能扶病而行,而恩命則不敢不扶病 朝露,必至累人,遂遣人於容城先人墓側,修營一舍,儻病勢不退,當居處其中以待盡 刺,下血不已。至八月初,偶起一念,自歎旁無期功之親,家無紀綱之僕,恐一旦身先 血,已非舊矣。不意今歲五月二十八日,瘧疾復作,至七月初二日,蒸發舊積,腹痛 因素有羸疾,自去年喪子,憂患之餘,繼以痁瘧,歷夏及秋,後雖平復,然精神 因 一初聞 氣 如

列

矜憫,曲爲保全。 乃請使者先行,仍令學生李道恒,納上鋪馬聖旨,待病退,自備氣力以行。 矣。 MI 拜。 是以 因 卽 叉 慮 日 拜受,留使者,候病勢稍退,與之俱行。 若稍涉遲疑, 因實疏遠微賤之臣,與帷幄諸公不同,其進與退,(苦)[若]非難處之 則不惟臣子之心有所不 安,而蹤跡 遷延至今,服療百 高峻,已不近於 至,略 望閣 無 下 ·俯加 效,

書 容城郡公、諡文靖 六日卒,年 上,朝廷不强致,帝聞之,亦曰:「古有所謂不召之臣,其斯人之徒歟!」三十年夏四月十有 应 十五. 無子。 聞者嗟悼。 延祐中, 贈翰林學士、資善大夫、[上]護軍,[三] 追封

事,[]惟闇下始終成就之。

從周公、孔子之後,爲往 内之不 於裕皇之仁,而 歐陽玄嘗贊因畫像曰:「微點之狂,而有沂上風雩之樂;資由之勇,而 常有也。 見不可留之四皓,以世祖之略,而 然而 鳴而六典作,一出而春秋 聖繼絕學,爲來世開太平者邪 遇不能致 成。 」論 則其 者以 之兩生。 志 不 ·欲遺 爲 知 烏乎! 言。 世 而 獨 無北鄙鼓瑟之聲 麒 往 也明 麟 鳳 凰 矣,亦將 固字

書語錄,皆門生故友所錄,惟易繫辭說 因所著有四書精要三十卷,詩五卷,號丁亥集,因 ,乃因病中親筆云 所自選。 又有文集十餘卷,及小學四

列。 旦。 以告于人,而澄生。 其 地當出異人。一證生前一夕,鄉父老見異氣降其家,鄰媼復夢有物蜿蜒降其舍旁池 母憂其過勤,節膏火,不多與,澄候母寢,燃火復誦習。 吳澄字幼清,撫州崇仁人。高祖曄,初居咸口里,當華蓋、臨川二山間,望氣者徐覺言 旣長,於經、傳皆習通之,知用力聖賢之學,嘗舉進士不 三歲,穎悟日發,敎之古詩,隨口成誦。 中。 九歲,從羣子弟試鄉校,每中前 五歲,日受千餘言,夜讀書至 中,旦

月,以疾去官。 易、書、詩、春秋、儀禮及大、小戴記。 自負,嘗問澄易、詩、書、春秋奧義,歎曰:「與吳先生言,如探淵海。」 龍 母老辭歸。與夫請置澄所著書於國子監,以資學者,朝廷命有司卽其家錄上。元貞初,游 丞董士選延之於家,親執饋食,曰:「吳先生,天下士也。」旣入朝,薦澄有道,擢應奉翰林 興,按察司經歷郝文迎至郡學,日聽講論,錄其問答,凡數千言。行省掾元明善以文學 至元十三年,民初附,盗賊所在蜂起,樂安鄭松,招澄居布水谷,乃著孝經章句,校定 有 司 敦勸,久之乃至,而代者已到官,膯卽日南歸。 侍御史程鉅夫,奉詔求賢江南,起澄 未幾,除江西儒學副提舉,居三 **遂執子弟禮,終其身。** 至京師。 未幾,以

至。 漸失其 澄各因 至 元 舊。 其材質,反覆訓誘之,每至 年, 澄至, 旦燃燭堂上, 諸生以次受業, 日昃, 退燕居之室, 執經問 召爲 國子監丞。 先是, 夜分,雖寒暑不易 許文正公衡爲祭酒,始以朱子小學等書授弟子,久 也 難者 接踵而

末,故 於道 之爲 議 知 、朱、陸 大夫, 俾 問 敎 皇慶元 學必 學之功居多,而 法 之為 四 乘驛 以德性爲本,庶幾得之。」議者遂以澄爲陸氏之學,非許氏尊信朱子本 條一日 年 何 ·, 陞司業, 用程純公學校奏疏、 胡文定公六學教法、 朱文公學校貢舉私議, 約 至京師,次眞州,疾作,不果行。 如 也。 經 澄一夕謝去,諸生有 陸子靜以尊德性爲主。問學不本於德性,則其敝必偏於言語訓 學,二日行實,三日文藝,四日治事,未及行。 不謁告而 從之南者。 俄拜集賢直學士,特授奉 又嘗爲學者言:「朱子 意,然 亦莫

{藏 凡 蟲 爲善之人,死 追薦,臣所未 |經 寫經追薦,不知幾舉。 同 英宗郎 類。 帝 在 其徒遂爲薦拔之說,以惑世 位,超遷翰林學士,進階太中 上都,使左丞速速,韶澄爲序,澄曰:「主上寫經,爲民 則上通高明,其極 知。 蓋福 田 若未效,是無佛法矣,若已效,是誣其祖矣。 利益,雖人所樂聞,而輪回之事,彼習其學者,猶或 品則與日月齊光"為惡之人, 死則 人。 -大夫。 今列聖之神,上同日月,何庸薦拔! 先是,有旨集善書者, 祈福, 甚盛 下淪污穢,其極下則 撰爲文辭,不可以示 粉黃金爲泥,寫浮屠 舉也。 不言。 且國初以來, 若 不過謂 與沙 角 以

後世,請俟駕還奏之。 會帝崩而止。

資善大夫,仍以金織文綺二及鈔五千貫賜之。 敬奉旨賜宴國史院,仍致朝廷勉留之意,宴罷,卽出城登舟去。中書聞之,遣官驛追,不及 夫省部之設,亦倣金、宋, 豈以宗廟敍次,而不考古乎!」有司急於行事, 竟如舊次云。 時澄 祖居中,左三廟爲昭,右三廟爲穆,昭穆神主,各以次遞遷,其廟之宮,頗如今之中書六部。 次,命集議之。澄議曰:「世祖混一天下,悉考古制而行之。古者,天子七廟,廟各爲宮,太 作太廟,議者習見同堂異室之制,乃作十三室。未及遷奉,而國有大故,有司疑於昭穆之 而還,言於帝曰:「吳澄,國之名儒,朝之舊德,今請老而歸,不忍重勞之,宜有所褒異。」詔加 已有去志,會修英宗實錄,命總其事,居數月,實錄成,未上,卽移疾不出。中書左丞許師 泰定元年,初開經筵,首命澄與平章政事張珪、國子祭酒鄧文原爲講官。在至治末,詔

其元,程、張其亭也,朱子其利也,孰爲今日之貞乎。未之有也。然則,可以終無所歸哉! 周公其貞乎!中古之統:仲尼其元、顏、曾其亭乎,子思其利,孟子其貞乎!近古之統:周子 利也;濂、洛、關、閩,其貞也。分而言之,上古則巖、黃其元,堯、舜其亨,禹、陽其利,文、武、 「道之大原出於天,神聖繼之,堯、舜而上,道之元也;堯、舜而下,其亨也;洙、泗、鄒、魯,其 澄身若不勝衣,正坐拱手,氣融神邁,答問亹亹,使人渙若冰釋。弱冠時,嘗著說曰:

成一家言。 其早以斯文自任如此。 不置也。 四方之士不憚數千里,躡屩負笈來學山中者,常不下千數百人。 於易、春秋、禮記,各有纂言,盡破傳註穿鑿,以發其蘊,條歸紀敍,精明簡潔,卓然 作學基、學統二篇,使人知學之本,與爲學之序,尤有得於邵子之學。 故出登朝署,退歸于家,與郡邑之所經由,士大夫皆迎請執業, 少暇,即著書,至將終, 校定皇極 猶 而

經世書,又校正老子、莊子、太玄經、樂律,及八陣圖、郭璞葬書。

十五。 耆老,特命次子<u>京爲撫州</u>教授,以便奉養。 明年六月,得疾,有大星墜其舍東北,澄卒,年八 初,澄所居草屋數間,程鉅夫題日草廬,故學者稱之爲草廬先生。 天曆三年,朝廷以澄 贈江西行省左丞、上護軍,追封臨川郡公,諡文正

長子文,終同知柳州路總管府事,京,終翰林國史院典籍官。 孫當,自有傳。

校勘記

[一](苦)[若]非難處之事 (上)護軍 據滋溪文稿卷八劉因墓表補。 道光本與靜修文集卷二一上宰相書合,從改。 新元史已校。

元史卷一百七十二

列傳第五十九

程鉅夫

仕宋 事得失,及朝臣邪正,宜皆爲朕言之。」鉅夫頓首謝曰:「臣本疏遠之臣,蒙陛下知遇,敢不竭 置之翰林。」丞相火禮霍孫傳旨至翰林,以其年少,奏爲應奉翰林文字,帝曰:「自今國家政 賈似道何如人,與夫條對甚悉,帝悅,給筆札書之,乃書二十餘幅以進。帝大奇之,因問今 居何官,以千戶對,帝謂近臣曰:「朕觀此人相貌,已應貴顯,聽其言論,誠聰明有識者也。可 以報陛下「」尋進翰林修撰,屢遷集賢直學士,兼秘書少監。 ,通判建昌,世祖時,以城降。 程鉅夫名文海、避武宗廟諱、以字行。其先,自徽州徙郢州京山、後家建昌。叔父飛卿、 鉅夫入爲質子,授宣武將軍、管軍千戶。 他日,召見,問

至元十九年,奏陳五事:一日取會江南仕籍,二日通南北之選,三日立考功歷,四日置 列 傅 第 五. + 九 程 鉅 夫 四〇一五

逸, 御史臺、按察司, 並宜參用南北之人。」帝嘉納之。 集賢「直」學士,「」同領會同館事。 貪贓籍,五日給江南官吏俸。 朝廷多采行之,賜地京師安貞門,以築居室。二十年,加翰林 '二十三年,見帝,首陳:「興建國學, 乞遣使江南搜訪遺

夫又薦趙孟頫、余恁、萬一鶚、張伯淳、胡夢魁、曾晞顏、孔洙、曾沖子、凌時中、包鑄等二十 字,及是,帝特命以漢字書之。帝素聞趙孟藡、葉李名,鉅夫臨當行,帝密諭必致此二人;鉅 餘人,帝皆擢置臺憲及文學之職。還朝,陳民間利病五事,拜集賢學士,仍還行臺。 遂以鉅夫仍爲集賢直學士,拜侍御史,行御史臺事,奉詔求賢於江南。初,書詔令皆用蒙古 人,且年少。」帝大怒曰:「汝未用南人,何以知南人不可用! 自今省部臺院,必參用南人。」 二十四年,立尚書省,詔以爲參知政事,鉅夫固辭。又命爲御史中丞,臺臣言:「鉅夫南

莫大於擇相,宰相之職,莫大於進賢。苟不以進賢爲急,而惟以殖貨爲心,非爲上爲德、爲 率皆貪饕邀利之人,江南盜賊竊發,良以此也。臣竊以爲宜清尚書之政,損行省之權,罷言 其所言,可以知宰相之職矣。今權姦用事,立尚書鈎考錢穀,以剝割生民爲務,所委任者, 廷尉,問錢穀,責治粟內史。宰相,上理陰陽,下遂萬物之宜,外鎭撫四夷,內親附百姓。」觀 下爲民之意也。昔文帝以決獄及錢穀問丞相周勃,勃不能對,陳平進曰:『陛下問決獄,責 二十六年,時相桑哥專政,法令苛急,四方騷動。與夫入朝,上疏曰:「臣聞天子之職, 傳第五十九 程鉅夫

列

儼、趙居信等十人,赴闕賜對。三十年,出爲閩海道肅政廉訪使,興學明敎,吏民畏愛之。 <u>鉅夫旣還行臺,二十九年又召鉅夫與胡祗遹、姚燧、王惲、雷膺、陳天祥、楊恭懿、高凝、陳</u> 利之官,行恤民之事,於國爲便。」桑哥大怒,覊留京師不遣,奏請殺之,凡六奏,帝皆不許。

平雲南、民願刻石點蒼山,以紀功德。」詔鉅夫撰其文。 策,其目有五:日敬天,日尊祖,日清心,曰持體,曰更化。 帝皆然之。 雲南省臣言:「世祖親 然。八年,召拜翰林學士,商議中書省事。十年,以亢旱、暴風、星變,與夫應詔陳 大德四年,遷江南湖北道肅政廉訪使。至官,首治行省平章家奴之爲民害者,上下肅 弭 災之

便殿。 當,後臨事,其極言之。」於是詔鉅夫偕平章政事李孟、參知政事許師敬議行貢舉法,鉅夫建 言:「經學當主程頤、朱熹傳註,文章宜革唐、宋宿弊。」命與夫草詔行之。 **極夫應詔陳桑林六事,忤時宰意。明日,帝遣近侍賜上尊,勞之曰:「中書集議,惟卿所言甚** 召至上都。三年,復拜山南江北道肅政廉訪使。四年,與李謙、尚文等十六人同赴闕,賜對 十一年,拜山南江北道肅政廉訪使,復留爲翰林學士。至大元年,修成宗實錄。二年, 拜浙東海右道肅政廉訪使、留爲翰林學士承旨。 皇慶元年,修武宗實錄。二年,旱,

侍養。時令近臣撫 三(月)[年],[三以病乞骸骨歸田里,不允,命尙醫給藥物,官其子大本郊祀署令,以便 視, 且勞之曰:「卿,世祖舊臣,惟忠惟貞,其勉加褒粥,少留京 師,以副朕

及有司常加存問。居(五)〔三〕年而卒,〔三年七十。 泰定二年,贈大司徒、柱國,追封楚國 心。」鉅夫請益堅,特授光祿大夫,賜上尊,命廷臣以下飮餞于齊化門外,給驛南還。敕行省

趙孟頫

公、諡文憲。

常禮儀院使,並封吳興郡公,與貴集賢大學士,封魏國公。 師垂,祖希永,父與訾,仕宋,皆至大官,入國朝,以孟頫貴,累贈師垂集賢侍讀學士,希永太 高宗無子,立子偁之子,是爲孝宗,伯圭,其兄也,賜第于湖州,故孟頫爲湖州人。曾祖 趙孟頫字子昂,宋太祖子秦王德芳之後也。五世祖秀安僖王子偁,四世祖崇憲靖王伯

調眞州司戶參軍。宋亡,家居,益自力於學。 孟頫幼聰敏,讀書過目輒成誦,爲文操筆立就。年十四,用父蔭補官,試中吏部銓法,

矣。」詔集百官於刑部議法,衆欲計至元鈔二百貫贓滿者死,孟頫曰:「始造鈔時,以銀爲本, 近左右,帝不聽。時方立尚書省,命孟頫草詔頒天下,帝覽之,喜曰:「得朕心之所欲言者 氣英邁,神采煥發,如神仙中人,世祖顧之喜,使坐右丞葉李上,或言孟頫宋宗室子,不宜使 至元二十三年,行臺侍御史程鉅夫,奉詔搜訪遺逸于江南,得孟頫,以之入見。」孟頫才 列傳第五十九 趙孟頊

死矣。 理!公不揆於理,欲以 贓 年少,初自南 施於邊郡,金 虚 之二虛。四者爲直,雖升降有時,終不大相遠也,以絹計贓,最爲適中。 論 實 一罪,汝以爲非,豈欲沮格至元鈔耶。」孟頫曰:「法者,人命所係,議 相權,今二十餘年間,輕重相去至數十倍,故改中統爲至元,又二十年後,至元必復 ,使民計鈔抵法,疑於 孟 **頫奉詔與議,不敢不言。今中統鈔虚,故改至元鈔,謂至元** 方來,譏國法 人襲而 用之,皆出於不得已。 勢相陵,可乎」其 、太重。 一不便,意頗不平,貴孟頫曰:「今朝廷行至元鈔,故犯 古者,以米、絹民生所須,謂之二實,銀、錢與二物 人有愧色。 迺欲以此斷人死命,似不足深取也。」 帝初欲大用孟頫,議者難 有重 鈔終無虛時, 况鈔,乃宋時所 輕, 則 法 或 者 人 相 不 以是計 豈有是 以 權 得 孟 其 頫 如

行,比還,不笞一人,丞相桑哥大以 與孟頫馳驛至江南,問行省丞相慢令之罪, 供給,强取於民,不勝其擾,遂請於中書,增鈔給之。 一十四年六月,授兵部郎中,兵部總天下諸驛。 為譴 凡左右司官及諸路官,則徑笞之。 時使客飲食之費,幾十倍於前 至元鈔法滯澀不能行,詔 孟頫 遣尙 灾 書劉宣 受命而 無以

怨之。 聽,孟頫 時有王虎臣者,言平江路總管趙全不法,即命虎臣往按之,葉李執奏不 虎臣往, 進曰:「趙全固當問 必將陷全,事縱得實,人亦不能無疑。」帝悟,乃遣他使。 ,然虎臣前守此郡,多强買 人田,縱賓客爲姦利,全數 桑哥鐘初鳴 宜遣虎臣,帝 與爭 時即

之,言於帝,移築御牆稍西二丈許。帝聞孟頫素貧,賜鈔五十錠。 慰孟頫使出,自是所笞,唯曹史以下。他日,行東御牆外,道險,孟頫馬跌墮于河。桑哥聞 · 葉李曰:「古者,刑不上大夫,所以養其廉耻,敎之節義,且辱士大夫,是辱朝廷也。」桑哥亟 坐省中,六曹官後至者,則笞之,孟頫偶後至,斷事官遽引孟頫受笞,孟頫入訴於都堂右丞

事者,倘以失陷錢糧數千萬歸咎尚書省,豈不爲丞相深累耶!桑哥悟,民始獲蘇。 必非帝意。孟頫曰:「凡錢糧未徵者,其人死亡已盡,何所從取?非及是時除免之,他日言 下,盡與蠲除,庶幾天變可弭。阿剌渾撒里入奏,如孟頫所言,帝從之,詔草已具,桑哥怒謂 |忻都及||王濟等理算天下錢糧,已徵入數百萬,未徵者尙數千萬,害民特甚,民不聊生,自殺 <u>桑哥,但泛引經、傳,及五行災異之言,以修人事、應天變爲對,莫敢語及時政。先是,桑哥遺</u> 深憂之。時駐蹕龍虎臺,遣阿剌渾撒里馳還,召集賢、翰林兩院官,詢致災之由。議者畏忌 者相屬,逃山林者,則發兵捕之,皆莫敢沮其事。」孟頫與阿剌渾撒里甚善,勸令奏帝赦天 二十七年,遷集賢直學士。是歲地震,北京尤甚,地陷,黑沙水涌出,人死傷數十萬,帝

於李耶。廖炎在宋爲狀元,位至丞相,當賈似道誤國罔上,廖炎依阿取容,李布衣,乃伏闕 斷,有大臣器,葉李所讀之書,臣皆讀之,其所知所能,臣皆知之能之。」帝曰:「汝以夢炎賢 帝嘗問葉李、留夢炎優劣,孟頫對曰:「夢炎,臣之父執,其人重厚,篤於自信,好謀而能

已非那可說,且將忠直報皇元」之語,帝歎賞焉。 上書,是賢於夢炎也。 汝以夢炎父友,不敢斥言其非,可賦詩譏之。」孟頫所賦詩,有 「往事

時大臣亦有繼言者,帝遂按誅桑哥,罷尙書省,大臣多以罪去。 帝 言,他日 所親信,無踰 前,數桑哥罪惡,帝怒,命衞士批其頰,血涌口鼻,委頓 孟頫 何 退謂奉御徹里曰:「帝論賈似道誤國,賣留夢炎不言,桑哥罪甚於似道,而 !以辭其責!然我疏遠之臣,言必不聽,侍臣中讀書知義理、 慷慨 公者。夫捐一旦之命,爲萬姓除殘賊, 仁者之事 (地上。少間,復呼而問之,對如初 也。 公必勉之! 有大節、 旣而 徹 叉爲上 我等不 里至

遷知汾州,未上,有旨書金字藏經,旣成,除集賢直學士、江浙等處儒學提舉, 孫,素苛虐,以孟頫不能承順其意,以事 兒,旣誣服。 孟頫疑其寃,留弗決,踰月, 掀兒自歸, 郡中稱爲神明。 必爲人所忌,力請補外。 事淸簡。 事,汝知之乎。」」孟頫謝不知,帝曰:「太祖行事,多可取者,朕皆知之。」孟頫自念,久在上側, 多 |所裨益。帝問:「汝趙太祖孫耶。太宗孫耶。」對曰:「臣太祖十一世孫。」帝曰:「太祖行 帝欲使孟頫與聞中書政事,孟頫固辭,有旨令出入宮門無禁。 有元掀兒者,役於鹽場,不勝艱苦,因逃去。其父求得他人屍,遂誣告同 二十九年,出同知濟南路總管府事。 中之,會修世祖 實錄,召孟頫還京師, 時總管闕,孟頫獨署府事,官 每見,必從容語及治道, 僉廉訪 乃解。 司 事章哈剌哈 遷泰州尹, ?役者殺掀 **外之**,

列

未上。

皆謂其年老畏寒,敕御府賜貂鼠裘。 每稱國用不足,必持而不與,其以普慶寺別貯鈔給之。」孟頫嘗累月不至宮中,帝以問左右, 以禮貌,置於館閣,典司述作,傳之後世,此屬呶呶何也」」俄賜鈔五百錠,謂侍臣曰:「中書 者。 操履純正,博學多聞,書畫絕倫,旁通佛、老之旨,皆人所不及。有不悅者間之,帝初若不聞 厚,以字呼之而不名。 翰林侍講學士,遷集賢侍講學士、資德大夫。三年,拜翰林學士承旨、榮祿大夫。 合,謁告去。 又有上書言國史所載,不宜使孟頫與聞者,帝乃曰:「趙子昂,世祖皇帝所簡拔,朕特優 至大三年,召至京師,以翰林侍讀學士,與他學士撰定祀南郊祝文,及擬進殿名,議不 仁宗在東宮,素知其名,及卽位,召除集賢侍講學士、中奉大夫。延祐元年,改 帝嘗與侍臣論文學之士,以孟頫比唐李白、宋蘇子瞻。又嘗稱孟頫 帝眷之甚

其門,而後入院,時人以爲衣冠盛事。六年,得請南歸。帝遣使賜衣幣,趣之還朝,以疾,不 初,孟頫以程鉅夫薦,起家爲郎,及鉅夫爲翰林學士承旨,求致仕去,孟頫代之,先往拜 追封魏國公、諡文敏。 至治元年,英宗遣使卽其家,俾書孝經。二年,賜上尊及衣二襲。是歲六月卒,年六

爲 里 飄 書畫所 來 出 求其 塵之想。 書 掩, 歸,國 知其書畫者, 篆、籀、分、隸、眞、行、草書,無不冠絕古今,遂以書名天下。 中寶之。 其畫 不知其文章,知其文章者,不知其經濟之學。 山 水、木石、花竹、人馬,尤精緻。前史官楊載稱孟頫 人以爲知言云。 天竺有僧,數萬 之才頗

子確、奕,並以書畫知名。

鄧文原

撰,預修成宗實錄。 調崇德州教授。 流 寓試浙西轉運司,魁四 鄧文原字善之,一字匪石,綿州人。父漳,徙錢塘。 五年,擢應奉翰林文字。九年, 三年,授江浙儒學提舉 川士。 至元二十七年, 陞修撰,謁告還江南。至大元 行中書省辟為杭 文原年十五,通春秋。 州路儒學正。 年,復爲修 在宋時,以 大德二年,

病去。 遁 熈 翰 去,有追及 贓 林待制 皇慶元年,召爲國子司業。至官,首建白更學校之政,當路因循,重於改作,論 熙 科舉制 誣 服。 五年,出愈江南浙西道肅政廉 之者,刺其脅,仆地。明旦,家人得之以歸,比死,其兄問殺汝者何 行,文原校文江浙,慮士守舊習,大書朱熹貢舉私議,揭于門。 文原行部,按問得實,杖僧 訪司事,平江僧有憾其府判官 而 釋熙。 吳興民夜歸,巡邏者執之,繫亭下。其人 理熙者,賄 延 如 祐 人,曰:「白 四年, 其徒,告 不合,移 陞

列

傅

戴 原 於 也 帽 水 氏 錄 靑 涯 |鞫之, 之日 廬者 衣 樹 長 二, 而 下,得 、果得 身者 不 見身不 屍 知 眞 也。」其兄愬於官,有司問直初更者曰張福兒,執之,使服焉。 汝惟 殺 與 漬 人者,而 ·滿六尺,未見其 所之。 血斧俱在焉,人以爲神。 釋福兒。 文原曰::「此必有故也。」乃得其 長 桐廬 也; 人戴汝惟家被盗, 刃傷右脅,而 福兒 (妻葉氏) 、素用· 有 司 左 得 與其弟謀 手, 盜 一,獄 傷 宜 成送郡; 在 殺 械繫三年 左 汝惟 夜 何右傷 狀,而 有焚

情,釋 民,而 產 領之,不報。 不 六年,移江 蘭 轉運 能 而 充 坐回。 司 其 得 徽 半, 東道。 民 專制有司,凡五品官以下皆杖決,州縣莫敢 餘皆鑿空取之民間,歲以爲常。 時 謝蘭家僮汪姓者死,蘭姪回路汪族人誣蘭殺之,蘭誣服。 八旱不 徽、寧國、廣德三郡,歲入茶課鈔三千錠,後增至十八 雨,決獄 乃 雨 時轉運司官聽 如何。 用鄉 文原請罷 里譁狡, 文原錄 其 萬錠,竭 專司 動 以 之,得其 ,俾郡縣 犯 山谷所 法 誣

筵。 年, 粟 以 泰定 賑 至治 拜嶺 饑;復申 元 二年,召爲集賢 年, 北 湖 前議,請罷榷茶轉運司,又不報。 文原兼經筵官,以疾乞致仕歸。 南道 肅政廉 (直學士,地震,詔議弭 訪使,以疾不赴。 天曆元 災之道。 明年, 二年, 年卒,年七十一。(至) 召拜翰 兼國 文原 子 請 林 ·祭酒,江浙省臣趙簡請 決滯囚,置倉廪河北,儲羨 侍 講 學士, 以 疾 開經 四

文原 內嚴而外恕, 家貧而行廉。 初客京師,有一書生病篤,取橐中金,囑文原以歸其

干卷,藏于家。 親,旣死,而同舍生竊金去,文原買金償死者家,終身不以語人。有文集若干卷, 子衍,蔭授江浙等處儒學副提舉,未任,卒。 至順五年,日制贈文原江浙行 內制集若

省參知政事,諡文肅。

袁桷

異等,起爲麗澤書院山長。

袁桷字伯長,慶元人,宋同知樞密院事韶之曾孫。 爲童子時, 已著聲。 部使者舉茂才

北郊議。」禮官推其博, 魯禮也,卜不得常爲辛,作郊非辛日議。 班議。祭天之牛角繭栗,用牲于郊,牛二,合配而言之,增羣祀而合祠,非周公之制矣,作郊 不當立從祀議。 數議。圜丘不見於五經,郊不見於周官,作圜丘非郊議。后土,社也,作后土卽社議。三歲 二日,天旣不得有二,五帝不得謂之天,作昊天五帝議。祭天歲或爲九,或爲二,作祭天名 一郊,非古也,作祭天無間歲議。燔柴見于古經,周官以禋祀爲天,其義各有旨,作燔柴泰 大德初,閻復、程文海、王構薦爲翰林國史院檢閱官。 郊,質而尊之義也,明堂,文而親之義也,作郊明堂禮儀異制議。 多采用之。 陞應奉翰林文字、同知制誥,兼國史院編修官,請購求 北郊不 ·見於三禮,尊地而遵北郊,鄭玄之說也,作 時初建南郊,桶進十議曰:「天無 郊用辛,

學士召入集賢,未幾,改翰林直學士、知制誥同修國史。至治元年,遷侍講學士。 遼、惍、宋三史遺書,歷兩考,遷待制,又再任,拜集賢直學士。 **久之,移疾去官。** 泰定初, 復仍以直

辭歸。

四年卒,年六十一。「刊贈中奉大夫、江浙等處行中書省參知政事、護軍,追封陳留郡公,諡 桷 在詞林、朝廷制册、勳臣碑銘,多出其手。 所著有易說、春秋說、 、清容居士集。 泰定

曹元用

觀之。 爽,幼嗜書,一 曹元用字子貞,世居阿城,後徙汶上。 一經目,輒成誦;每夜讀書,常達曙不寐。 祖義,不仕。 父憂其致疾, 父宗輔,德淸縣主簿。 止之,輒以衣蔽窗默 元用資票俊

中書省右司掾,與淸河元明善、濟南張養浩,同時號爲三俊。 所爲文示之。 請較試,取其優者用之。 始以鎭江路儒學正,考滿游京師。 |元用輒指其疵,復大奇之,因薦爲翰林國史院編修官。 御史臺辟爲掾史。元用初不習吏事,而 翰林承旨閻復,於四方士少所許可,及見元用,出 除應奉翰林文字,遷禮部主 見事 明決, 即論史院僚屬非材, 更反師之。

傳第五十九一曹元用

列

廢禮乎」

加 徽 時累朝皇后旣崩者,猶以名稱,而未有諡號。元用言:「后為天下母,豈可直稱其名。宜 號 ,以彰懿德。」改尙書省右司都事,轉員外郎。及尙書省罷,退居任城,久之,齊、魯間

從學者甚

宗在上京,召禮官集議,元用言:「古者,宗廟有寢有室,宜以今室爲寢,當更營大殿于前,爲 十五室。」帝嘉其議,授翰林待制,陞直學士。 制,率所裁定。 延祐六年,授太常禮儀院經歷,屬英宗躬修祀事,銳意禮樂,其親祀儀注、鹵簿輿服之 初,太廟九室,合饗于一殿,仁宗崩,無室可祔,乃于武宗室前,結綵爲次。英

元用獨不行,曰:「此非常之變,吾寧死,不可曲從也。」未幾, 賊果敗,人皆稱其有先見之明。 至治三年八月,鐵失之變,賊黨赤斤鐵木兒遽至京師,收百司印,趣召兩院學士北上。

以序 時之享、止存冬祭者,元用謂:「禴祠嘗烝,四時之享,不可闕一,乃經禮之大者,其可惜費而 之。時宰執有欲罷科舉法者,元用以爲「國家文治,正在於此,胡可罷也」。又有欲損太廟四 、退,無爭門而出之擾。又謂太醫、儀鳳、敎坊等官,不當序正班,當自爲 泰定二年,授太子贊善,轉禮部尚書,兼經筵官,及大朝會,爲糾儀官,申卷班之令,俾 一列,後皆行

三年夏,帝以日食、地震、星變,詔議所以弭災者,元用謂:「應天以實不以文,修德明

宗時,草寬恤之詔,帝覽而善之,賜金織文錦 旨纂集甲令爲通制,譯唐貞觀政要爲國語。 上,朝廷咸是之。拜中奉大夫、翰林侍講學士,兼經筵官,預修仁宗、英宗 賞罰以示勸懲。」皆切中時弊。 政,應天之實也。 宜撙浮費,節財用,選守令,卹貧民,嚴禋祀,汰佛事,止造作以紓民力,愼 又論科舉取士之法,當革冒濫,嚴考覈,俾得眞才之用。 書成,皆行於時。 凡大制誥,率元用所草。 兩朝實錄。 叉奉 議

書省參知政事、護軍,追封東平郡公,諡文獻。 缺,中書奏以元用爲之,帝不允曰:「此人,翰林中所不可無者,將大用之矣。」 會卒, 久之,謂侍臣曰:「曹子貞盡忠宣力,今亡矣,可賜賻鈔五千緡。」贈正奉大夫、江浙等處行中 天曆二年,代祀曲阜孔子廟。 還,以司寇像及代祀記獻,帝甚喜。 詩文四十卷,號超然集。 值太禧宗禋院副 帝嗟悼 使

齊履謙

+ ,教以推 齊履謙字伯恒,父義,善算術。 步星曆,盡曉其法,十三,從師,聞聖賢之學。 履謙生六歲,從父至京師,七歲讀書,一過卽能記憶,年 自是以窮理爲務,非陎、泗、伊、

洛之書不讀。

至元十六年,初立太史局,改治新曆,〔5〕履謙補星曆生。 同輩皆司天臺官子,太史王 列傅第五十九 齊履謙

弁守漏卒,當時遵用之。 漏旁有宋舊銅壺四,於是按圖考定蓮花、寶山等漏制,命工改作,又請重建鼓樓,增置更鼓 首轉行而下,鳴鐃以爲節,其漏經久廢壞,晨昏失度。大德元年,中書俾履謙視之,因見刻 年,授星曆教授。都城刻漏,舊以木爲之,其形如碑,故名碑漏,內設曲筒,鑄銅爲丸, |恂問以算數,莫能對,履謙獨隨問隨答,恂大奇之。新曆旣成,復預修曆經、曆議。 二十九 自碑

其時,果食。衆嘗爭沒日不能決,履謙曰:「氣本十五日,而間有十六日者,餘分之積也。故 淺,且復近濁,欲匿不報。履謙曰:「吾所掌者,常數也,其食與否,則係於天。」獨以狀聞,及 |元以來當蝕不蝕者凡十事以聞。六年六月朔,時加戌,依曆,日蝕五十七秒。衆以涉交旣 曆法以所積之日,命爲沒日,不出本氣者爲是。」衆服其議。 不蝕,衆皆懼,履謙曰:「當蝕不蝕,在古有之,矧時近午,陽盛陰微,宜當蝕不蝕。」遂考唐開 二年,遷保章正,始專曆官之政。三年八月朔,時加巳,依曆,日蝕二分有奇,至其時,

之。九年冬,始立南郊,祀昊天上帝,履謙攝司天臺官。舊制,享祀,司天雖掌時刻,無鍾鼓 之(咸)[威], [也以答天變, 不可徒爲禳禱也。」 時成宗寢疾, 宰臣有專威福者, 故履謙言及 靜,妻道、臣道、子道也,三者失其道,則地爲之弗寧。 弭之之道,大臣當反躬責已,去專制

七年八月戊申夜,地大震,詔問致災之由,及弭災之道,履謙按春秋言:「地爲陰而主

更漏,往往 至旦始行 事。 履謙白宰執,請用鍾鼓更漏,俾早晏有節,從之。

吳澄 家以 嘉尚 四海 並 儒 至大二年,太常請修 術。 命,時號得人。 爲家,歲君豈專在是「」三年,升授時郎秋官正,兼領冬官正事。 臺臣言履謙有學行,可敎國學子弟,擢國子監丞,改授奉直大夫、國子司 每五鼓入學,風雨寒暑,未嘗少怠,其敎養有法,諸生皆畏服。 社稷 壇,及浚太廟庭中井。 或以歲君所直,欲止 其役,履謙曰:「國 四年, 仁宗卽位, 業,與

復以

履謙愈太史院

事

辭理 員,而 者,於 議,自是人人勵志,多文學之士。 禮 再歲,始與私試,孟月仲月試經疑經義,季月試古賦詔誥章表策,蒙古、色目試明經策問, 以 部 興善而 顧宰臣 定其 俱 皇慶二年春,彗星出東井。 是復 諸 優者一分,辭平理 生講授不絕。 藝業及格者六人,以充歲貢,三年不通一經,及在學不滿一歲者,並黜之。 得人」」乃酌 以履謙 命速行之。 爲國子司業。 舊制,立陞齋、積分等法:每季考其學行,以次遞升,旣升上齋,又必踰 時初命國子生歲貢六人,以入學先後爲次第,履謙曰:「不考其業,何 自履謙去國學,吳澄亦移病歸,學制稍爲之廢。 |優者爲半分,歲終積至八分者充高等,以四十人爲額;然後集賢、 履謙律已益嚴,教道益張,每齋置伴讀一人爲長,雖 履謙奏宜增修善政以答天意,因陳時務八事。 五年,出爲濱州知州,丁母憂,不果行。 延祐元 年,詔 仁宗爲之動 帝從其 擇善教 助教闕

者 司 職 四 百 田 至 治 毎 餘 人, 元年,拜太史院使。 畝 蠲 歲輸米 免 括 三石 地虚 ,民不勝苦。 加糧數萬 泰定二年九月,以本官奉使宣撫江西、福建,黜罷官吏之貪污 石 ,州縣有 履謙 命准 以先 令輸之,由是召怨, 賢子孫充房夫諸 役者悉罷 及還京, 憲司 遣 之。 果 誣以 福建 他 憲

事

未

幾,誣

履謙者皆坐事免,履謙始得直,復爲太史院使。

天曆

二年九月卒。

卷,經世 天 行 {仁 因 名,見於洪範,皇極之數,始於邵氏經世書, 五 道 五十年,未嘗推考,履謙 通旨二卷,書傳詳說 行、醫藥、卜筮,無不淹貫,尤精經籍。 畫 夜 加 履 時 謙 諷 書有內、 真數, 誦,深究自得,故其 **篤學勤苦,家貧無書。** 各減見行 、外篇, 內篇則因極 卷,易繫辭旨略二卷,易本說四卷,春秋諸國統紀六卷。 曆書 日測晷景,幷晨昏 《學博洽精通,自六經、諸史、天文、地理 一刻, 及爲星曆生,在太史局, 而 著二至晷景考二卷。 明數 著大學四傳小註一 外篇則 數非極 五星宿 也, :度,自至治三年冬至,至泰定二年夏至, 田 數而 特寓其數於極耳, 會秘 授時曆雖有經、串,而 會極,著外篇微旨 一卷,中庸章句續解一 書監輦亡宋故書,留置本院, 、禮樂、律曆 著經世書入式 一卷。 卷 ,下至陰陽 經以著定 以皇極之 · 授時 論語言

氣 而氣候 列 傳 之法。 第 五 具載 + 九 前 史,可擇僻地爲密室,取金門之竹,及河內 ·葭芩, 候之, 上可 以正雅

法

以紀

成數,然求

其法之所

以然、數之所

從出,則略而

不載,作經串演撰八法一

卷。

履謙

謂

樂本

於律,律本於

元

立

或

百有

餘

年,而

郊

廟之樂,沿襲宋、金,未有能正之者。

上之。 樂、薦郊廟、和神人,下可以同度量、平物貨、厚風俗。 徑三分,以應黃鐘之數,隔下九寸,其空自小竅迤浬殺至管底,約徑二寸餘,蓋以聚其氣而 尺有八寸,外方,內爲圓空,中有隔,隔中有 至順三年五月,贈翰林學士、資善大夫、上護軍,追封汝南郡公,諡文懿。 其製與律家所說不同, 蓋古所謂玉律者是也。 小竅,蓋以通[氣],[10]隔上九寸, 列其事上之。 適遷他官, 事遂寢, 叉得黑石古律管一 有志者深惜之。 其空均直,約

校勘記

集賢「直」學士 據雪樓集卷首所收元史程鉅夫傳、 附錄揭傒斯程鉅夫行狀補。 按下文有 ¬ Ø3

爲集賢直學士」,證此處奪「直」字。

三(月)[年] 據雪樓集卷首所收元史程鉅夫傳、 附錄揭傒斯程鉅夫行狀改。 按此處指延祐三

年。

= 居(五)(三)年而卒 據雪樓集卷首所收元史程鉅夫傳改。按揭傒斯程鉅夫行狀,程鉅夫延祐三

年南還,五年卒,家居三年。

29 四年 蒙史云:「吳澄草盧集鄧公神道碑云『又明年丙寅』,則泰定三年也。舊傳稱四年除肅政

使、殊誤。」

ごが

ロギコ 至順五年 考異云:「案至順四年改元元統,至順無五年,傳誤。」

「よ) 泰定四年卒年六十一 按滋溪文稿卷九袁桷墓誌銘有「泰定初辭歸,四年八月三日以疾終於

家,享年六十有二」。新元史改「六十一」爲「六十二」,疑是。

至元十六年初立太史局改治新曆「十六年」,滋溪文稿卷九齊履謙神道碑作「至元十三年」, 與本書卷五二曆法志所載相符。疑「六」當作「三」。

[元] 專制之(咸)[威] 從北監本改。

0〕蓋以通〔氣〕 據滋溪文稿卷九齊履謙神道碑補。

兀史卷一百七十三

列傳第六十

崔斌

斌。 入見,敷陳時政得失,曲中宸慮。 符爲總管。 駐揚州 在潛邸召 崔斌字仲文,馬邑人。性警敏,多智慮,魁岸雄偉,善騎射,尤攻文學,而達政術。 西城、俾斌領騎兵覘敵形勢、斌視敵兵亂、潛出襲之,多所殺獲。 見,應對稱旨,命佐卜憐吉帶,將遊騎戍淮南。 中統元年,改西京參議宣慰司事。 世祖嘗命安童舉漢人識治體者一人,安童 斌負才略,卜憐吉帶甚敬禮之。 俄丁父憂, 襲授金 世祖 兵

者。」斌以安童、史天澤對,帝默然良久。 下馬步從。 時世祖銳意圖治,斌危言讜論,直指面斥,是非立判,無有所諱。帝幸上都,嘗召斌,斌 帝命之騎,因問爲治大體,今當何先。 斌曰:「陛下豈以臣猥鄙,所舉未允公議, 斌以任相對。 帝曰:「汝其爲我舉可爲相 有所惑

列

付

第六十

崔斌

忌之。 決 否!衆驩 歟? 臣」於帝前屢斥其姦惡。 者、斌 今近 會阿合馬立制國用使司,專總財賦,一以掊克爲事,斌曰:「與其有聚斂之臣,寧有盜 以數言決之。 臣 然呼萬歲。 . 咸在,乞采輿言,陛下裁之。」帝兪其請,斌立馬颺言曰:「有旨問安童爲相,可 帝悅,遂以二人並爲相。除賦 進見,必與近臣偕,其所獻替,雖密近之臣,有不得與聞者,以 左右司 郎中。 毎論 事帝前,羣言終日不 此 人多

於斌 除 是莫敢犯。 同僉樞 至元 斌馳 密院 四年,出守東平。 ·謂主將曰:「未至敵境,而先殺吾民,國有常刑,汝亦當坐。」於是下其卒于獄,自 歲大侵,徵賦如常年,賦馳奏以免,復請于朝,得楮幣十萬緡,以賑 事 五年,大兵南征,道壽張。卒有撤民席,投其赤子於地以死,訴 民饑。六年,

斌 之, 近 城 卽 沒塹,以絕餉援,則襄陽可坐制矣。」時調曹、濮民丁,屯田 地兵多者補之,民以爲便。 仍增價 馳奏曰:「河南戶少,而調度繁多,實不堪命,滅其半爲宜。」從之。 襄 變之役,命斌愈河南行省事。方議攻鹿門山,斌曰:「自峴山西抵萬山,北抵漢江,築 和糴。 遠 近輸販者輻輳,餽餉不勞而集。 又議戶部給濱、棣、(青)[清]、滄鹽券,口一付行省,募民以米貿 有旨: 河南四路,籍兵二萬,以益襄樊。 南陽。 斌議罷曹、濮屯民,以 寒陽旣下,轉嘉議大

夫,仍僉行中書省。

使。 是時,襄陽 年,三 韶丞相伯顏總兵南征,改行省爲河南宣慰司,加中奉大夫,賜金虎符,充宣 正陽 諸軍 ,悉道河南,供億雖繁,而 事無缺失。 伯顏旣渡江,分 阿里 一海牙 定 慰

湖南、詔斌貳之、拜行中書省參知政事

諸將怒其抗敵持久,咸欲屠之。 善大夫、行中書省左丞,潭人德之,爲立 |斌曰:「彼各爲其主耳, 而定。 得。」諸將 登,不利。 梯鼓譟而 潭人膽破矣。 十月,圍潭州,三 若縱兵急攻,彼無噍類,得一空城何益」從之。 然之。 上,斌挾盾先登。 |斌日: 若斂兵不進,許其來降,則土地人民皆我有,自重湖以南,連城數 迺誓師,銜枚潛登鐵壩,人齎芻稭梯其樓火之,且豎木栅 「彼軍小捷而驕弛,吾今焚其角樓, 斌攻西北鐵壩。 宜旌之,以勸未附者,且殺降不祥。」諸將迺止。 阿里海牙持酒勞曰:「取此城,公之力也。」斌 斌喻以興師本意,諸將曰:「編民當如 生祠。 阿里海牙中流矢,不能軍,斌以軍夜集栅下,黎明畢 斷其援道,塹城 明日,卽遣開示 公說,敵兵必誅之。 爲三周, 捷聞, 禍福, 城上; 自語 城 帝嘉之,進資 阿里海牙日 如此 請旦 千 中爭出降。 ', 可 則 傳檄 布 城 雲 可

唐、張虎等,所在蜂起, 惡,脅從 + 者盡 年,奉旨撫諭 釋之。 廣西, |斌駐 兵南嶽。 尋命還治湖南。 凡來降者,同僚議欲盡戮,以懲反側,斌但按誅其首 潭屬邑安化、湘鄉、衡山以南,賊周龍、張

南各省撫治如何。斌對以治安之道在得人,今所用多非其人,因極言阿合馬姦蠹。 御史大夫相威、樞密副使孛羅按問之,汰其冗員,黜其親黨,檢覈其不法,罷天下轉運司, 保節功臣、太傅、開府儀同三司,追封鄭國公,諡忠毅。 具以聞。 海 東宮,聞之,方食,投箸惻然,遣使止之,已不及矣。天下寃之。年五十六。至大初,贈推忠 人通文墨者。」乃命斌遷江淮行省左丞。旣至,凡前日蠹國漁民不法之政,悉釐正之,仍條 內無不稱快。適尙書留夢(賢)[炎]、謝(元昌)[昌元]言:[五][江淮行省事至重,而省臣無一 十五年,被召入覲。時阿合馬擅權日甚,廷臣莫敢誰何。斌從帝至察罕腦兒。帝問江 阿合馬慮其害己,捃摭其細事,遮留使不獲上見,因誣搆以罪,竟爲所害。裕宗在 帝乃令

子三人,良知、威、恩;孫一人,敬。皆爲大官。

崔彧

煩擾百姓,身爲使臣,乃擊妻子以往,所在取索鞍馬芻粟。世祖雖聽其言,然虛實竟不辨 年,奉詔偕牙納木至江南,訪求藝術之人。明年,自江南回,首言忽都帶兒根索亡宋財貨, 崔彧字文卿,小字拜帖木兒,弘州人。負才氣,剛直敢言,世祖甚器重之。至元十六

決也。

列 傳 第 六 + 崔 彧

守門卒 敕 何 が耐 之者 中 書 賴 陛 隸, ,凡阿合馬所用,皆罷之,窮治黨與,纖悉無遺。 九年,除集賢侍讀學士。 `及旣誅,乃各自以爲潔,誠欺罔之大者。 下神 棺戮屍,從之。 亦不 聖,灼知其奸,拒而 可留。 如參知政 彧言于世祖,謂:「阿合馬當國時,同列皆知其惡,無一人孰 事 不可。 阿里,請以阿散襲父職,倘使得請,其害又有 臣已疏其奸惡十餘事,乞召阿里廷辯。」帝 先有旨凡阿合馬所用之人皆革去,臣 事竟之時,朕與汝別有言也。」又請 不 可 曰:「已 '勝言 口以爲

或 体 今用蒙古十六員,相參巡歷爲宜。」皆從其言。 家 ·戚,百官邪正,雖王公將相,亦宜糾察。 有補。 奉旨鈎考樞密文牘,遂由刑部尚書拜御史中丞。 選 用臺察官,若由中書,必有偏徇之弊,御史宜從本臺選擇,初用漢人十六員, 近唯御史得有所言,臣以爲臺官皆當建言,庶於 彧言:「臺臣於國家政事得失,生民

以

剖

軍官, 苑 隨 司 亦頌阿 喉舌, 聲, 二十年,復以刑部尚書上疏,言時政十八事:一曰開廣言路,多選正人,番直上前,以 賞罰 徒 取譏笑。 庶免黨附壅塞之患。 二日當阿合馬擅權,臺臣莫敢糾其非, 迨其事敗, 然後接踵 合馬 不當, 功德, 多 宜別 聽阿合馬風旨。 宜博訪南北耆儒碩望,以重此選。 加選用,其舊人除蒙古人取聖斷外,餘皆當問罪。三曰樞密院定奪 宜擇有聲望者爲長貳,庶幾號令明而賞罰當。 五日郝禎、 耿仁等雖在典刑,若是 四 日翰

役。 積 家 養,不致病民,少增歲賦,亦將樂從。十一曰內地百姓流移江南避賦役者,已十五萬戶。去 擇蒙古人之有聲望、漢人之重厚者,居其任,分番上直,帝主言動必書,以垂法 政。 三曰簿錄奸黨財物,本國家之物,不可視爲橫得,遂致濫用。宜以之實帑藏、供歲計。十四 乞將諸路大小官,有俸者量增,無俸者特給。然不取之於官,惟賦之於民,蓋官吏旣有所 員,併一衙門,亦非經久之策。宜參衆議,而立定成規。十曰官僚無以養廉,責其貪則苛。 也 日 大都非 欠並 《就旅,豈人之情,賦重政繁,驅之致此。 乞特降詔旨,招集復業,免其後來五年科役,其餘 憲曹 五 十七日阿剌海牙掌兵民之權,子姪姻黨,分列權要,官吏出其門者,十之七八,其威權 1多,罪同罰異,公論未伸。 合次第屛除。 曰 十二曰凡丞相安童遷轉良臣,悉爲阿合馬所擯黜,或居散地,或在遠方,並令拔擢。 得 止設左右丞以下,庶幾內重,不致勢均。彼謂非隆其名不足鎭壓者,姦臣欺罔之論 如左 .中書省右丞二,而左丞缺。宜改所增右丞置諸左。十六曰在外行省,不必置丞相、 |蠲,事產卽日給還。 民官滿替,以戶口增耗爲黜陟,其徙江南不歸者,與土著一 無法可守,是以奸人無所顧忌。 如 上都止備巡幸,不應立留守司,此皆阿合馬以此位置私黨。 丞許衡敎國子學,則人才輩出矣。 宜定律令,以爲一代之法。 六曰貴游子弟,用卽顯官,幼不講學,何以從 七曰今起居注所書,不過奏事檢目 九曰官冗,若徒省一官 今宜易置總管府。 於 無窮。 而 一例當 + 宜

選 史大夫玉昔帖木兒議行之。 類奏,賢否莫知。自今三品已上,必引見而後授官。 在阿合馬下。宜罷職理算,其黨雖無污染者,亦當遷轉他所,勿使久據湖廣。十八曰銓 疏奏,即日命中書行其數事,餘 命與

御

宜 爲 詔 奉旨,差官度量大都州縣地畝,本以革權勢兼幷之弊,欲其明白,不得不於軍民諸色人戶, 者,必以實,召募水手,當從其所欲,伺民氣稍蘇,我力粗備,三二年後,東征未晚也。」世祖 變。 通行覈實。又因 以爲不切,曰:「爾之所言如射然,挽弓雖可觀,發矢則非是矣。」(或)[彧]又言:[ミン]「昨中書 便。」又言:「各路每歲選取室女,宜罷。」又言:「宋文思院小口斛,出入官糧,無所容隱,所 頒行。」皆從之。 中書卽行之。」又言:「建言者多,孰是孰否,中書宜集議,可行者行之;不可,則明諭言者 日本之役,宜姑止之。又江西四省軍需,宜量民力,勿强以土產所無。 又言::「江南盜賊,相挻而起,凡二百餘所,皆由拘刷水手與造海船, 民不聊生, 激而成 .取勘畜牧數目,初意本非擾民,而近者浮言胥動,恐失農時。 乞降旨省諭 凡給物 價與民

者,桑哥當國 同 二十一年,彧劾奏盧世榮不可居相職,忤旨,罷。二十三年,加集賢大學士、中奉大夫、 [四年,中外諸官,鮮有不以賄而得者。 其昆弟故舊妻族,皆授要官美地,唯以

非 察司 欺 招 以 多 費 奉旨 薇 集 賄 爲 禄 官 求 桑哥等所容庇,凡百 食,宜令百 九 太宗旣行之,江南 受 及省部文字,敢私斂民及役軍 重 人 容庇者,罪之。 /財者,論 一、胺 削 司 百 集 姓爲 如 律,仍 議 事。 **汰罷**,及 民爲籍已定,乞依 叉,軍 徭役,止令貧民當之。 追宣 宜令兩省嚴 ·、站諸戶,每歲官 一敕,除名爲民。」 自今調官,宜 匠者,論 加考覈,凡入其黨者,皆汰逐之。 太宗所行爲是。」 如 如 舊制,避其籍貫,庶不害公。 又奏:「桑哥所設 吏非 今後 法。 徭役 又,忽都忽那顏籍 名 取 索,賦 不不 皆從之。 以何 稅 衙 門, 倍蓰,民多流 人, 其閑 宜皆均 戶之後,各投 其 冗 又大都高貲戶, 出 輸, 不急之官 使之臣,及按 移 有 下毋 請 敢 自 如 擅 徒 今 前

命 馬謀, 御 其 誣 至 具,會赦 史臺 伏 和 祚 其 [詞,爲罪甚微,宜復其妻子。] 皆從之。 多議機務,衆皆稱善。 林 以 二十八年, 因捕 一監察御史周祚,劾尚書省官忙兀帶、敎化的、 遇 罪 遣 亂,走還京師。 盜 如 臣 延 人 詣 等議,馬謀以非罪殺 及平民,搒掠至死 由 尙 中 書省告桑哥。 書右丞遷御史中丞, 桑哥又遣詣雲南 乞以爲翰林學士,俾議朝政。」又言:「行 九者多; 桑哥 人,不在原例。』宜令行臺詰問,明 曖 叉 理算錢 彧奏:「太醫院使劉 昧 〈俘掠 以聞,流 `人財, 穀 ,以贖其罪。 納速刺 祚 迫通處女,受民 于憨答孫, 1 岳臣,嘗仕宋,練達政 滅里 今自雲南回,臣 御 奸贓; 妻子家財並 白定罪。」又言:「昔行 財 史臺言『 積 納速刺丁、滅里 百 五 沒 十錠。 建寧路總管 與省臣 入 (事)比 官。 獄 関 者

祚

反

未

列傳第六十 崔彧

其

明語: 家 名器,資品高 其故,使去。又,言事有是非當否,宜早與詳審言之。 一十九年,彧偕御史大夫玉昔帖木兒等奏:「四方之人,來聚闕下,率言事以干進。 下,具有定格。 臣等以爲,中書、樞密,宜早爲銓定,應格者與之,不當與者, 當者,卽議施行;或所陳有須詰

難

條

具者,

即令其

(人講究,否則罷遣。」 帝嘉納之。

士民 等共 殃 不 及 更張變亂之,衡命江南,理算積久逋賦,期限嚴急,胥卒追逮,半於道路,民至嫁妻賣女, 入議 親 乃知聖天子仁愛元元,而使之至此極者,實桑哥及其兇黨之爲也,莫不願食其肉。 叉 鄰,維揚、錢唐受害最慘,無故而殞其生五百餘人。 近者,闍里按問,悉皆首實請死, 奏:「納速刺丁滅里、忻都、王巨濟,黨比桑哥,恣爲不法,楮幣、銓選、鹽課、酒稅,無 "此三人者,旣已伏辜,宜令中書省、御史臺,從公論罪,以謝天下。」從之。 臣

奸欺。」 擅籍 職。」又言:「行臺官言:去歲桑哥旣敗,使臣至自上所者,或不持璽書,口傳聖旨,縱釋有罪, 誾干率軍人禽問者辱之,且奪告者以去。 人家,眞偽莫辨。 叉言::「河西人嶭闍干,領兵爲宣慰,其吏詣廉訪司,告其三十六事,檄僉事簿問。 帝曰:「何人乃敢爾耶。」對曰:「咬剌也奴、 臣等請:自今凡使臣,必降璽書,省、臺、院諸司,必給印信文書,以杜 臣議:從行臺選御史往按問薛闍干,仍先奪其 伯顏察兒, 比嘗傳旨縱罪人。」帝悉可 而薛

南京, 里 首告,諸司 朝,則詣御史臺首告;在外,則詣按察司首告; 桑哥奏罷之。臣觀鄂州等九郡,境土亦廣,宜復置廉訪司。行御史臺舊治揚州,今揚州隸 李淦本儒 事 司,而詣諸司首,故爾反覆牽延,事久不竟。臣謂宜如前旨,惟於本臺、行臺及諸道廉訪司 | 鐵木兒軍萬人,奏支鈔四百錠,宜令本處廉訪司究問,與本處行省追償議罪。」皆從之。 ,宜審行之。」又奏:·「江南李淦言葉李過愆,被旨赴京以辯,今葉李物故,事有 至臺,特令委用,臺臣所宜奉行。但徑自陳獻,又且嘗有罪, 而行臺移治建康,其淮東廉訪司舊治淮安,今宜移治揚州。」又奏:「諸官吏受賕,在 奏:「松州達魯花赤長孫,自言不願爲錢穀官,願備員廉訪司,令木八剌沙上聞。 人,請授以敎官,旌其直言。」又奏:「鄂州一道,舊有按察司,要東木惡其害己,令 無得輒受。又監察御史塔的失言:女直人敎化的,去歲東征,妄言以米千石餉闍 已有成憲。自桑哥持國,受財者不赴憲臺 理應 區別。」帝曰:「此自卿 不 待辯者。 傳 憲

千一百錠。臣等議"宜命臺省遣官,同廉訪司倍徵之。」又言:「月林伯察江西廉訪司官朮兒 於阿合馬,有寵,阿合馬旣沒,以官婢事桑哥,復有寵。 問,凡負二萬二千餘錠,已徵八千九百餘錠,猶欠一萬三千一百餘錠。 又同御史大夫玉昔帖木兒奏:「近耿熙告: 三月,中書省臣奏,請以彧爲右丞,世祖曰:「崔彧不愛於言,惟可使任言責。」閏六月, 河間鹽運司官吏盜官庫錢, 故庸夤緣戚屬,得久居漕司,獨盜三 運使張庸,嘗獻其妹 省臺遣人同告者雜

列傳第六十 崔彧

旨,以江南有謀叛者,俾乘傳往鞫;明日,訪知爲禿速忽、香山欺罔奏遣。 課以歸省,贓以歸臺,斟酌定罪,以淸蠹源。」並從之。 問。」又言:「揚州鹽運司受財,多付商賈鹽,計直該鈔二萬二千八百錠,臣等以謂追徵足日, 亦帶、河東廉訪司官忽兒赤,擅縱盜賊,抑奪民田,貪污不法,今月林伯以事至京,宜就令詰 誕 如此,宜亟追還訊問。」帝曰:「此惡人也,遣之往者,朕未嘗知之。 當桑哥持國,遣其掊核江西學糧,貪酷暴橫,學校大廢。近與臣言: 又奏:「江西詹玉, 始以妖術致位! 其亟 撒里蠻、答失蠻傳 禽以來。」 玉在京師,猶敢誑 集

銀萬 爲贖袖之,視而後對。簡父子所告皆無驗,並繫獄,簡瘐死,仍籍其家一女入官,乃蠻帶、知 臣 微皆坐杖罪除名。 .等議:勿令有司括船爲便。」從之。寶泉提舉張簡及子乃蠻帶,告彧嘗受鄒道源、許宗師 五千兩,又其子知微訟彧不法十餘事。 三十年,彧言:「大都民食唯仰客糴,頃緣官括商船載遞諸物,致販鬻者少,米價翔踴。 有旨就辯中書。 |彧已書簡等所告,與己宜對者

成宗曰:「朕知難行,當時事由小人擅奏耳,其改之。」 昌」,卽以上之徽仁裕聖皇后。至是,皇后手以授于成宗。彧以久任憲臺,乞遷他職,不許。 諭之曰:「卿若辭避,其誰抗言哉」」彧言:「肅政廉訪司案牘,而令總管府檢劾,非宜。」 三十一年,成宗卽位。先是,彧得玉璽于故臣扎剌氏之家,其文曰「受命于天、旣壽永

郎 宗怒其妄言,答而遣之。 疾 退,誠是已,然勉爲朕少留之。」 百 執 之,監察御史斡 緡,准律當杖 不可。 大德 元年 已 ,域 而 百七,不敍,以故臣子從輕論。」 御史又 羅 叉 失刺 條 陳 奏「彧任 十一月,御史臺奏:「大都路總管沙的,盜支官錢,及受贓 臺憲諸事 ,劾奏「中丞崔彧,兄在先朝嘗 .中丞且十年,非所宜。」感遂以 ,皆見於施行。 而 成宗欲止權停其 於是彧居御史臺久,又守正 有 亸 還其所籍家 病辭,成宗諭 職 彧 與 產非宜 御 史大 之曰:「卿之 不 阿,以 等 夫 計 只 五 事 子三 故 而 成 合

歲 年,加榮祿 大元年七月,贈 木、阿里 日 月滋 :「去歲兀都帶 閨 十二 人,老者已矣,少者不學,宜遵先制 渾 撒 大夫、平章 月,兼領侍儀司事,與太常卿劉無隱奏:「新 里 推 同 以雪故來後,今而 誠履正功臣、太傅、開府儀 翰林、集賢議,特降詔 政 事,尋與御史大夫禿赤奏:「世 復然。 條,使作成 諸不 ,俾廉 同 三司 至及 訪 河常. 人材, 失儀 追封鄭 祖 加 者 正朝賀, 聖 以備 **勉勵。**」 ٠, 訓 或 殿 公,諡 選 凡 中 舉。 歲常習儀大萬安寺。」成宗 成宗深然之, 在 司 籍儒 忠肅 監察御 彧以是歲 人, 皆復 史同 %九月卒 命彧 其 糾之。」二 與 家。 不忽 今

葉李

葉李字太白, 一字舜玉,杭州 人。 少有奇質, 從學於太學博士義烏施南學,補京學生。

攻似道 宋景定 干天譴。 蘇、杭、常等郡 置 兵禦之。 **|公田** 。」似道 「關子, 五 ,其略曰:·「三光舛錯,宰執之愆。 似道 年,彗出 會憲宗 其法病民甚。 既敗 大怒,知書藁 (崩,世 授 于柳,理宗下詔罪己,求 俱 乃得 祖班師、 不應。 自便。 出於李、嗾其黨臨安 中外毋敢指議。 鄂州 會朱亡,歸隱富春山。 重 解。 似道 直言。 似道 李乃與同舍生康棣 | 繆司 尹劉良 自詭,以爲己功,因復 是時,世祖南伐,駐師 台鼎 貴, ,變亂紀綱,毒害生靈,神 江淮行省及宣、 誣|李 而 下八十三人, 金飾 入相,益 江 憲兩 上,宋命賈似道 齋 扁,鍛 司 驕 爭辟之,署 伏闕 肆 人 錬 共 自 ·顓,創 怒,以 成獄, 上 領

聞, رناء 云:「先生在宋,以忠言讜論著稱,簡 世祖 其末有「前年之師 以報殊遇。」李 至元 大悅,即授奉訓 十 ·四年, 方幡然,北向 世祖 ,適有天幸,克成厥勳」之語,世 命御史大夫相威行臺江南,且求遺逸,以李姓名上。 大夫、浙西道儒 .再拜曰:「仕 在帝心。 學提舉。 而 得行其言,此臣夙心也,敢 今 授 李聞命,欲遁 以 祖習聞之,每拊掌 五. 밂 秩, 去,而 士君 子當 使者 稱 不 隱見 致 歎。 奉 丞 初, 詔 隨 相 及是,其姓名 時,其尙悉 安童書,有 李攻似道

敎

師, 卿嚮時訟 敕 二十三年,侍 集賢大學 似道 土 御史程文海,奉命搜賢江南。 一, 朕 阿 魯渾 嘗 識之。」 撒里,館于院中。 更詢以治道安出,李歷陳古帝王得失成敗 它日,召見披香殿,勞問「卿 世 祖諭 之曰:「此行必致葉李來。」李旣 之由。 遠來良苦」,且曰: 世 祖首肯,

列

治 各 當創業 賜 道,而 道 坐錫 儒 |學提舉及郡教授,實風化所係,不宜罷。 請復立提舉司,專提調學官,課諸生,講明 宴, 時 上其成才者於太學,以備錄用。凡儒戶徭役,乞一切蠲免。」可其奏。 軍務繁夥,尙招致士類。今陛下混一區宇,偃武修文,可不作養人才,以弘治道? 更命 五日一入議事。 時各道儒司,悉以曠官罷。 李因奏曰:「臣欽覩先帝詔書,

不 李,每罷朝,必召見論事。 嘗玩我,必不設備,我以大衆踣之,無不勝矣。」帝以其謀窳將帥,師果奏捷。 力,徒費陛下糧餉。 戰,逡巡退卻。帝患之。 是時,乃顏 叛北邊,詔李庭出師討之,而將校多用國人,或其親暱,立馬相鄉語,輒釋仗 四方轉輸甚勞,臣請用漢軍列前步戰,而聯大車斷其後,以示死鬭。彼 李密啓曰:「兵貴奇、不貴衆、臨敵當以計取。彼旣親暱、誰肯盡 自是帝益奇

軍國,利及生民,宜令便宜聞奏,以廣視聽,不應一一拘律,遂成文具。 是職,然御史臺,天子耳目,常行事務,可以呈省。至若監察御史奏疏、西南兩臺咨禀,事關 歲尤劇。」帝笑曰:「卿足艱於行,心豈不可行耶。」]李固辭,得許。 因叩首謝曰:「臣今雖不居 問,固當竭盡愚衷。御史臺總察中外機務,臣愚不足當此任。且臣昔竄瘴鄉,素染足疾,比 ;實封,幸甚。」又曰:「憲臣以繩愆糾繆爲職,苟不自檢,於擊搏何有,其有貪惏敗度之人, 二十四年,特拜御史中丞,兼商議中書省事。李固辭曰:「臣本覊旅,荷蒙眷知,使備顧 臣請詔臺臣言事,各

宜 付 法 司 增條 科罪,以懲欺罔。」制曰「 可一。 由是臺憲得實封 言事

発江淮 等十人爲祭酒等官,凡廟學規制,條具以聞,帝皆從之。 威示遠人也。」乃止。 非國之利也。」帝大悟,事遂寢。 方,李乘間言:「宋已歸命,其民安於田里。 今無故聞徙,必將疑懼,萬一有奸 良輩出、膏澤下流。 曰:「商起 曰:「遐方遠夷,得之無益,軍旅一 一,許乘 善政不 會 租 尙 可以徒行,人才不可以驟進,必訓以德義,摩以詩書,使知古聖賢行事方略,然後賢 小 .税之半,運湖廣、江西糧十七萬石至鎭江,以賑饑民。 伊 書省立,授李資善大夫、尚書左 ,車入禁中,仍給扶升殿。始定至元鈔法。 尹 ,周舉太公,豈循格耶! 唐、虞、三代,咸有胄學,漢、唐明主,數幸辟雍,匪爲觀美也。」乃薦 陞尚書右丞,轉資德大夫。 興,費縻鉅萬,今山路險巇,深入敵境,萬一蹉跌,非所以 尚書係天下輕重,殷以煩卿,卿其 丞,李復固辭, 又請立太學。 以謂「論臣資格, 時帝欲徙江南宋宗室及大姓於北 時淮、浙饑饉,穀價騰踴,李奏 帝欲伐交趾,召李入議,李 日, 、勿辭。」 賜大小車各 未宜遽至此」。 從至柳林, 人乘釁而起, 奏日 周 帝 砥

所匡 桑哥 E 爲尙 二十五年,陞平 書 會桑哥 丞 相 調 敗 章政事,李固辭,許之。 擅國 事頗 政,急於財 連及同列。 利,毒及 久之, 李獨以疾得請南還。 賜以 生民, 事具桑哥傳 玉帶, 視秩 一品,及平江 李雖與之同 揚州 儒學正李淦上書言 田 四千畝。 事, 然莫能有 於是

列

傳

化。 往竊議,宜斬葉李,以謝天下。」書聞,帝矍然曰:「葉李廉介剛直, 股所素知者,寧有是耶」 貴里禍福建。又大鈎考錢糧,民怨而盜發,天怒而地震,水災洊至。尚賴皇帝聖明,更張政 「葉李本一黥徒,受皇帝簡知,可爲千載一遇。而纔近天光,卽以舉桑哥爲第一事;禁近侍 有旨驛召淦詣京師。 木綿提舉司,增鹽酒醋稅課,官民皆受其禍。尤可痛者,要束木禍湖廣,沙不丁禍江淮 夫門答占、侍御史程文海,杖監察御史,變鈔法,拘學糧,徵軍官俸,減兵士糧,立行司農司、 言事,以非罪殺參政郭佑、楊居寬,迫御史中丞劉宣自裁,錮治書侍御史陳天祥,罷御史大 人皆知桑哥用群小之罪,而不知葉李舉桑哥之罪。葉李雖罷相權,刑戮未加,天下往

附賈似道,病民誤國,伴食中書,無所可否,李舊由諸生,力詆似道,其過夢炎甚遠。然其性 部郎中趙孟頫,李與留夢炎孰優,孟頫對:「夢炎優。」帝笑曰:「不然,夢炎以掄魁位宰相,而 表力辭。未幾,卒,年五十一。李旣卒而淦至,詔以淦爲江陰路敎授,以旌直言。帝嘗問兵 剛直,人不能容,而股獨愛之也。」 二十九年二月,李南還,至臨淸,帝遣使召之,俾爲平章政事,佐丞相完澤治省事,李上

知。 汝曹其淸愼自持,勿增吾過。」指所賜物曰:「此終當還官也。」比卒,悉表送官,一毫不 |李前後被賜之物甚多,而自奉甚儉。嘗戒其子曰:「吾世業儒,甘貧約,唯以忠義結主

以 自私。 至正八年,贈資德大夫、江浙等處行中書省右丞、上護軍,追封南陽郡公,諡文簡

燕公楠

生公楠。 燕公楠字國材,南康之建昌人,宋禮部侍郎肅之七世孫。 十歲能屬文,居父喪,廬墓三年。再貢于鄉,不第,後以連帥辟,五遷至通判贛 母雷氏,夢五色巨翼入幃,遂

事。

營田司事。 陲,故多閑田,公楠請置兩淮屯田,勸導有方,田日以墾。二十五年,除大司農,領 外。 路總管府事。二十二年夏,召至上都,奏對稱旨,世祖賜名賽因囊加帶,命參大政,辭,乞補 州 除僉江浙行中書省事,俄移江淮。 至元十三年,世祖旣平江南,帥臣板授同知贛州事。 按行郡縣,興利舉弊,續用大著。刻江西營田使沙不丁貪橫,罷之。 尚書省立, 就僉江淮行尚書省事。 十四年,以平廣南功,遷同知吉州 江淮 在宋 八道勸農 爲邊

闕,極 下人望所屬,莫若安童。」問其次,曰:「完澤可。」明日,拜完澤爲丞相,以公楠及不灰〔木〕爲 [木]、[型]閣里、闊里吉思、史弼、徐琰、趙琪、陳天祥等十人。 二十七年,拜江淮行中書省參知政事。 陳其故,請更張以固 國本。 世祖悅。 會欲易政府大臣,以問公楠,公楠薦伯顏、不灰 桑哥旣敗,而蠹政未盡去,民不堪命。公楠赴 又問孰可以爲首相,對曰:「天

91

傳

第

農,得藏匿公私田六萬九千八百六十二頃,歲出粟十五萬一千一百斛、鈔二千六百貫、帛千 平章政事,固辭。改江浙行中書省參知政事,賜弓矢及衞士十人以行。三十年,復爲大司

五百匹、麻絲二千七百斤。

賻贈有加,特命朝臣護喪南歸。 良至,改拜江浙行省右丞。明年,遷湖廣行省右丞。 田,武昌縣尹劉權殺主簿,誣繫其妻子。悉正其罪。五年,召還朝,以卒。帝聞,甚傷悼之, 元貞元年,進河南行省右丞,釐正鹽法,民便之。 轉運司判官唐申,家沅州,豪橫奪民 召入覲。 成宗以公楠先帝舊臣,慰勞

馬紹

刑按察司事。 年,僉山東東西道提刑按察司事。 史,以資見聞。平章政事張啓元以紹應韶,授左右司都事,出知單州,民刻石頌德。至元十 馬紹字子卿,濟州金鄉人,從上黨張播學。丞相安童入侍世祖,奏言宜得儒士講論經 未行,屬江淮甫定,選官撫治,遷同知和州路總管府事,民賴以安。 益都寧海饑,紹發粟賑之。十三年,移僉河北河南道提

絾 《四兩》時相欲置之重典,紹言:「物情俱輕,宜從貸減。」乃決杖釋之。 河間李移住妄言惑 十九年,詔割隆興爲東宮分地,皇太子選署總管,召至京師,爲刑部尚書。 萬億庫吏盜 傳第六十 馬紹

列

衆,謀爲不軌,紹被檄按問,所全活幾百人。二十年,參議中書省事。二十二年,改兵部尚 踰年,復爲刑部尚書。二十四年,分立尚書省,擢拜參知政事,賜中統鈔五千緡

采,亦不之罪。今重罪之, 豈不與詔書違戾乎。」蹯得免。拜尙書左丞。親王戍邊, 其士卒 |璠何人,敢沮吾鈔法耶'」欲當以重罪。 數者,當嗣年之數可也。」制可。 有過支廪米者,有司以聞,帝欲究問加罪。|紹言:「方邊庭用兵,罪之,懼失將士心。 時更印至元鈔,前信州三務提舉杜璠言:「至元鈔公私非便。」平章政事桑哥怒曰:「杜 。|紹從容言曰:「國家導人使言,言可采,用之;不可 所支踰

以怒爲。宜取聖裁。」乃如紹言以聞,帝曰:「馬秀才所言是也。」 疾疫。若恐餒死,曷若計口給羊馬之資,俾還本土,則未歸者孰不欣慕。 可。 桑哥怒曰:「馬左丞愛惜漢人,欲令餒死此輩耶。」紹徐曰:「南土地燠,北人居之,慮生 宗親海都作亂,其民來歸者七十餘萬,散居雲、朔間。 桑哥議徙之內地就食,紹持不 言有異同,丞相何

寢。 課,紹獨力爭山東課不可增。 非民力困竭必不能。 都城種苜蓿地, 桑哥集諸路總管三十人,導之入見,欲以趣辦財賦之多寡爲殿最。 分給居民,權勢因取爲己有,以一區授紹,紹獨不取。 然股之府庫,豈少此哉」紹退至省,追錄聖訓,付太史書之。 議增賦,紹曰:「苟不節浮費,雖重斂數倍,亦不 帝曰:「財賦辦集, 桑哥欲奏請賜 足也。」 議增鹽 事遂

紹,紹辭曰:「紹 以非才居政府,恒憂不能塞責,詎敢徼非分之福,以速罪戾!桑哥敗, 跡其

所嘗行賂者,索其籍閱之,獨無紹名。

其復 大德三年,移河南省。 舊職。」尚書省罷,改中書左丞,居再歲,移疾還家。 桑哥旣敗, 乃曰:「使吾早信馬左丞之言,必不至今日之禍。」帝曰:「馬左丞忠潔可尙, 明年卒。 有詩文數百篇 元貞元年, 遷中書右丞,行江浙省

校勘記

給濱棣(青)[清]滄鹽券 據本書卷八五百官志、卷九四食貨志所見「提舉清滄鹽課使」改。 按清

州、滄州皆河間路屬州,有鹽場。

十年 在至元 十一年。 按 本書卷八世祖紀至元十一年正月丙午、六月丙寅、 道光本改「十」爲「十一」。 九月丙戌條、卷一二七伯顏傳,

十月圍 潭 道光 州 本改作「十二年十月」圍 按本書卷八世祖紀至元十二年十一月丁卯條、 潭州 卷一二八阿里海牙傳, 事在至元

⊠ 十一年奉旨撫 在至元十三年。 諭 道光本改一」爲「三」。 廣西 按本書卷九世祖 紀至元十三年七月丁未條、 卷一二八阿里海牙傳 記

四〇五五

留夢(實)[炎]謝(元昌)[昌元] 按留夢炎爲宋丞相,降元爲尚書,「賢」字誤,今從道光本改。謝

昌元,禮部尚書,「昌元」二字誤倒,據本書卷一一世祖紀至元十八年十二月丙辰條、卷一四八

董俊傳附董文忠傳改正。 元書已校。

[六](或)[彧]又言 從道光本改。按此言崔彧上言,非另指他人。

[4] 不灰[木] 據雪樓集卷二一燕公楠神道碑補。 按不灰木卽不忽木,本書卷一三〇有傳。新元

元史卷一百七十四

列傳第六十一

姚燧

聞士子之利器,然先有能一世之名,將何以應人之見役者哉!非其人而與之,與非其人而 衡,衡亦賞其辭,且戒之曰:「弓矢爲物,以待盜也;使盜得之,亦將待(之)[人]。〔1〕文章固發 見其不如古人,則心弗是也。二十四,始讀韓退之文,試習爲之,人謂有作者風。稍就正於 且. |燧蒙暗,教督之甚急,燧不能堪,楊奐馳書止之曰:「燧,令器也。 長自有成爾,何以急爲」 拒之,鈞罪也,非周身斯世之道也。」 |許醮以女。年十三,見許衡於蘇門,十八,始受學於長安。時未嘗爲文,視流輩所作,惟 姚燧字端甫,世系見燧伯父樞傳。父格,燧生三歲而孤,育於伯父樞。樞隱居蘇門,謂

至元七年,日次以國子祭酒教貴胄,奏召舊弟子十二人,燧自太原驛致館下。日於年 傅 第 六十 姚 燧 四〇五七

湖北 以秦王 夔府。 皆縱釋之,人服其明決。 三十八 奉旨 命, 凡三使蜀,皆稱 | 趨朝。 安輯庸 爲 秦 王 明年,爲翰林直 、蜀。 一府文 職。 學。 明 調 年,漢嘉新附, 山南 十七 未幾,授奉議大夫,兼提舉陝西、四川、中興 年,除陝 學 湖 士。 北 道。 二十七年,授大司 西漢中 入諭 按部澧州,興學 其民。 道提刑按察司副使。 叉奉: 農丞。 賑民,孜孜如弗及。 命招 王立於 錄囚延安,逮 合州。 等路學校。 二十三年, 叉 明 年, 緊註誤, 撫循 自

之,書成。 知 、政事 元貞 元年,以翰林學士召修世 大德五 年,授中憲大夫、江東廉訪使,移病太平。 祖實錄。 初置檢閱官, 究覈 九年,拜中奉大夫、江西行省參 放 事,燧與侍讀高道凝 總裁

諡 史。 **엧樞,嘗除是官,尙不敢拜,臣** 爲太子賓客。 日 文。 四年,得告南 至 大 元年,仁宗居藩邸,開宮師府,燧年已七十,遺正字呂洙,如漢徵四皓故事,起燧 未幾, 歸 ,中書以承旨召,明年,復召。

(四) 燧以病, 除承旨 1學士, .何敢受!明年,授榮祿大夫、翰林學士承旨、 尋拜 太子少傅。 武宗 面諭 燧, 俱不赴。 燧 拜辭 卒于家,年七十六。 謝 知 Ħ 制誥 昔臣 兼 先伯 修 或

江 東 燧先在 國統離合表若干卷,年經而國緯之,如史記諸表,將附朱熹凡例之後,復取徽、建二 蘇門山時,讀通鑑綱目 ,嘗病國統散於逐年,不能一 覽而得其離合之概,至告病

德』,使上同於開元。三者鈞失,而建安之取,至德之去,統固在也。 主』,於君臣父子之教,所害甚大,是起十四卷、盡十六卷,凡曰後主者,皆失於刊正 年耳,遽有帝父主子之異,豈不於統大有關乎!」詳見於篇 於三年下注『帝禪建興元年』,明年大書『帝禪建興二年』,庶前 武三年,徽本大書『三年,後主禪建興元年』,建本無『三年』,則昭烈爲無終。徽、建皆曰『後武三年,徽本大書『三年,後主禪建興元年』,建本無『三年』,則昭烈爲無終。徽、建皆曰『後 五載注『肅宗皇帝至憲元載』,明年惟曰『二載』,爲無始。當大書『二載』上加『肅宗皇帝至 改元,在興廢存亡之際,以前爲正。當從建本,於建安二十五年下,注『改元 髓,得三誤焉,序於表首。略曰:「其一,建安二十五年,徽本作『延康元年』。凡例 後無齟齬 若章武之距建興,纔三 也。 延康』。其二,章 其三, 天寶十

必以 或謂 者,每爲愧耻。 思聞鼓缶者乎,然文章以道輕重,道以文章輕重。 而不厲,春容盛大,有西漢風,宋末弊習,爲之一變。蓋自延祐以前,文章大匠,莫能先之。 言幾乎古,而不聞之將來乎!」當時孝子順孫,欲發揮其先德,必得燧文,始可傳信,其 一等置歐陽子,則爲去聖賢也有級而不遠,其文雖無謝、尹之知,不害於行後。 世無知燧者,曰:「豈惟知之,讀而能句,句而得其意者,猶寡。」燧曰:「世固 |燧之學,有得於||許衡,由窮理致知,反躬實踐,爲世名儒。 爲文閎肆該洽,豪而不宕,剛 故三十年間,國朝名臣世勳、顯行盛德,皆燧所書。 彼復有班孟堅者出,表古今人物,九 每來謁文,必其行業可 有厭空桑而 岀 品 中

然後許 可, 辭 無溢 美。 又稍廣置燕樂,燧則爲之喜而援筆大書,否則 弗易得 也

與之。 故君子以是少之。 輕之,使知 銀,付翰 時 高 王 林院 贈謝幣帛、 麗 大朝不 瀋陽王父子,連姻帝室,傾貲結朝臣。 爲公用器皿 以是爲意。」其器識豪邁過人類 平生所著,有收庵文集五十卷行于世。 金玉、名畫五十篚,盛陳致燧。 燧 無所取。 人問之,燧曰:「彼藩 如 此。 燧即 一日,欲求 然頗 時分散諸屬官及史胥侍從,止留 子三:燻,圻,城。 、恃才,輕視趙孟頫、元明善輩 邦 魔詩文,燧靳不與,至奉旨,乃 小國,唯 以貨利 為重, 吾能 金

郭貫

察司 淮西宣慰使昂吉兒父子專權,久不遷調,蠹政害民。 判官,會例格,授濟南路經歷。 郭貫字安道,保定人。 以才行見推擇,爲樞密中書掾,調南康路經歷,擢廣西道提刑按 至元二十七年,拜監察御 三十年,僉湖 . 史。 南 承詔 肅 分江 政 廉 訪 北 沿 司 淮草 事 地 勁

進 地)翰林 無益 大德. 直學士, 於國」。 初 ,遷湖北道,言「令四省軍馬,以數萬計, 奉詔 五 年,遷江西道,賑恤饑民,有惠政,入爲御史臺都事。 與 遼陽行省平章政事別速(合)[台]徹里帖木兒往鎭高麗。[吾]十一年, 征 八百 媳婦國, 深入炎瘴萬里不毛之 八年,遷集賢待制,

召

爲河東廉

訪副

使。

列傳第六十一 郭貫 夾谷之奇

曰:「皆副 至大二年,仁宗至五臺山,貫進見,仁宗因問:「廉訪使滅里吉歹何以有善政。」左右對 ·使郭貫之教也。」因賜貫瑪瑙數珠、金織文幣,入爲東部考功郎,遂拜治書侍御史。

四年,除禮部尙書,帝親書其官階曰嘉議大夫,以授有司

官 加 訪 使。 集賢大學士。 早宜選置。」從之。 皇慶元年,擢淮西廉訪使,尋留不遣,改侍御史,俄遷翰林侍講學士。明年,出爲淮西廉 建言「宜置常平倉,考校各路農事」。 五年,除太子詹事。 六年,加太子賓客,謁告還家。 貫言:「皇太子受金寶已三年, 宜行册禮, 又, 輔導之 延祐二年,召拜中書參知 政事。 明年、 ,陞左丞,

博學,精於篆籀,當世册寶碑額,多出其手云。 年,以疾卒,年八十有二。贈光祿大夫、河南行省平章政事、柱國,追封蔡國公,諡文憲。 至治元年,復起爲集賢大學士,尋致仕。 泰定元年,遷翰林學士承旨,不起。 至順二 貫

夾谷之奇

奇 省 少孤 左右司 夾谷之奇字士常,其先出女真加古部,後訛爲夾谷,由馬紀領撒曷水徙家於滕州。 ,舅杜氏攜之至東平,因受業於康曄。 都 事。 時行省官與 中書權臣 有隙,特遣使覈其財用, 授濟寧教授,辟中書省掾。 而之奇職文書,亦被按問。 大兵南伐宋,授行

張弘 「擢]之奇僉江南浙西道提刑按察司事,[K] 旣而移僉江北淮東。 範 率其屬詣使者言:「夾谷都事素公淸, 若少有侵漁, 弘範當與連坐。」 會御史臺立,

遏騰涌之患。 之奇言:「莫若省經費,輟土木之役,庶足召和氣,弭災變,而有豐稔之期。」 至元十九年,召爲吏部郎中,立陟降澄汰之法,著爲令式。歲大旱,有司議平穀價,以

十五年,丁母憂,以東部尚書起復,屢請終制,不許。 又安能繩糾他人哉!併之弗便。」事遂寢。 均輸法益國賦者,慮提刑按察司撓其事,請令與轉運司併爲一職,詔集羣臣議之。 曰正心,二曰睦親,三曰崇儉,四曰幾諫,五曰戢兵,六曰親賢,〔七曰革敝〕,八曰尚(友) 〔文〕,〔¹³ 九日定律,十日正名。會皇太子薨,除翰林直學士,改吏部侍郎,遂拜侍御史。二 「按察司者,控制諸路,發擿姦伏,責任匪輕。若使理財,則心勞事冗,將彌縫自救之不暇, 二十一年,遷左贊善大夫。時裕宗爲皇太子,每進見,必賜坐,顧遇甚優。 又與諭德李謙,條具時政十事,上之皇太子:一 明年,卒。 權臣有欲以 。之奇言:

爲文章尤簡嚴有法,多傳於世云。 之奇慮識精審,明於大體,而不忽細微,爲政卓卓可稱,雖老於吏學者,自以爲不及。

劉賡

常博士,拜監察御史。是時,御史中丞崔彧,好盛氣待人,他御史拜謁,或平受之, 遷應奉翰林文字。辟爲司徒府長史,仍兼應奉,補外,同知德州事,考滿,擢太廟署丞、太 書。云廣幼有文名,師事翰林學士王磐。至元十三年,用薦者授國史院編修官。十六年, 劉廣字熙載,洛水人。五世祖逸,以郡吏治獄, 有陰德。 祖肅,爲(右)[左]三部尚

見廣,則待以上客。大德二年,陞翰林直學士。六年,奉使宣撫陝西。〔五〕由侍講學士陞

朝廷反先用之。自是六館之士,皆知讓之爲美德也。 者,因博士以告曰:「我齒頗少,請讓之先。」廣曰:「讓,德之恭也。」從其讓,別爲書薦其人, 祭酒。國學故事,伴讀生以次出補東,莫不爭先出。時有一生,親老且貧,同舍生有名在前 至大二年,遷禮部尚書,仍兼翰林學士,尋拜侍御史,頃之,還翰林爲學士承旨,兼國子

年,復入集賢爲大學士;尋又入翰林爲承旨。泰定元年,[10]加光祿大夫。 賡獨抗言其不可,事遂已。 天曆元年卒,年八十一。 皇慶元年,遷集賢大學士,仍兼國子祭酒。延祐元年,復爲承旨,六年,拜太子賓客,七 會集議上 尊號,

廣久典文翰,當時大製作多出其手,以耆年宿德,爲朝廷所推重云。

耶律有尚

辭令,動中規矩,識與不識,莫不服其爲有道之君子。 (藏絕人) 篤志于學) 受業許衡之門)號稱高第弟子。 其學邃於性理,而尤以誠爲本,儀容 耶律有尚字伯强,遼(金)[東]丹王十世孫。[1]祖父在金世嘗官于東平,因家焉。

十二人爲齋長以伴讀,有尚其一也。十年,衡告免還鄉里,朝廷乃以有尚等爲助教,嗣領其 學事。居久之,拜監察御史,不赴。除秘書監丞,出知薊州,爲政以寬簡得民情。 至元八年,衡罷中書左丞,除集賢大學士,兼國子祭酒,以敎國人之子弟,乃奏以門人

十七年,以親老,辭職歸。 大起學舍,始立國子監,立監官,而增廣弟子員。於是有尚陞國子祭酒,儒風爲之丕振。二 繼衡者,除國子司業。時學館未建,師弟子皆寓居民屋,有尙屢以爲言,二十四年,朝廷乃 俗宗在東宮,召爲詹事院長史。自有尚旣去,而國學事頗廢,廷議以謂非有尚無足以

士、兼國子祭酒、階中奉大夫。 八年,葬父還鄉里。已而朝廷思用老儒,以安車召之于家,累辭不允,復起爲昭文館大學 大德改元,復召爲國子祭酒。尋除集賢學士,兼其職。 頃之,遷太常卿,又遷集賢學士。 列傳第六十一 耶律有尚 郝天挺

凡文詞之小 有尚 前後五居國學,其立敎以義理爲本,而省察必眞切,以恭敬爲先,而踐履必端慇。 技,綴緝雕 刻,足以破裂聖人之大道者, 皆屛黜之。 是以諸 生 一知趨 正學, 崇正

焉。 道, 以經 身爲學者師表者數十年,海內宗之,猶如昔之宗衡也。 術 爲尊, 以躬行爲務,悉爲成德達材之士。 大抵 其教法一遵衡 有尚既以年老,力請還家 之舊, 而 勤 謹 朝廷 有 加加

卒年八十六,賜諡文正。

郝天挺 子佑附

復

頒

楮幣七千緡,卽其家賜之。

郝天挺字繼先,出於朶魯別族,自會祖而上,居安肅州,父和上拔都魯,太宗、憲宗之

世多著武功,爲河東行省五路軍民萬戶。

省事 合,輒 任 丞,又遷 以 ,尋陞 政,俾執文字,備宿衞春宮。 天 面 挺英爽剛直,有志略 四 斥之。 「參知政事,又擢陝西漢中道廉訪使,未幾,入爲吏部尚書,尋除陝西 וונ 行省參政及江浙行省左丞,俱不赴。 日,以奏事敷陳明允,特賜黃金 受業於遺山 裕宗遇之甚厚。 元好問,以勳臣子,世祖召見,嘉其容止,有旨: 一百兩,不受。 拜中書(右)[左]丞,[三與宰相論 建省雲南 選官屬,遂除參議雲南行 帝曰:「非利汝也, 行 第旌 御 事,有 史臺 一汝肯 尙 不 中 書 宜

河南 史職 治。 力焉。 浮費、止括田、久任使、 有傷鷹之患矣。」帝嘉其言,旣出,臺臣皆以爲賀,風紀大振。 行省平章 叉 成宗 在擊奸 出 崩 爲 仁宗 , 猶鷹揚焉禽之, 弱者易獲也, 其力大者, 必借人力。 江西、河南 臨御、收 政 事。 以太 召 時河南王卜憐吉歹爲 故 后命,首定大難,及武宗還自朔方,遂入正大統,定策之際,天挺與 二省右丞,召拜御史中丞。 論好事、獎農務本、勵學養士,詔 老 天挺 與少保張閻等十人,共議 丞 一相,待以師禮,由是政化大行 入見, 中 大政,革尚書省之弊,遂成皇慶之 首陳紀綱之要, 以獵 ·書省舉行之。 叉 上疏陳七 不然,不惟失其 尋俾 事, 日 均逸于外,拜 爲喻 惜名餌、 前 禽,仍或 日:一御 抑

挺嘗 修雲南 皇慶 二年卒,年六十七。贈光祿大夫、中書平章政事、柱國, 實錄 五卷,又註唐人鼓吹集一十卷,行于世。 追封冀國公, 諡文定。

知 遇。 子 佑,字君輔,小字朵魯別台。 遷陝西行省參 知 政 事 ,拜陝西行御史臺侍 由宿衛補官,仁宗時拜殿中侍御史, ?御史。 以廉直著名,

張孔孫

張孔孫字夢符,其先,出遼之鳥若部,爲金人所拜,遂遷隆安。 父之純, 為東平萬戶府 列傳第六十一 張孔孫

參 演,夜 一,辟 萬 夢謁 戶 府 孔子 議 事 廟,得 官 萬 賜 戶嚴忠範之兄 嘉果, 已而孔孫 為陝西行省平章政事 生, 因丐名於行聖公, 遂名今名。 聘 孔 孫 以 母老 不應。 旣長, 以 文學

安 太常 師 童 至 爲 卿 日 時 汴梁 而 月 相 一、尤禮 Щ 孔孫 觀之, 旣 下, 以 重之,授戶部員外郎,出爲南京總管府 奉 至是,徐世隆奏帝,宜增設宮縣 太常樂師流 禮郎 爲之副,以董樂師,肄成, 寓東平,舊章 缺落, 及文、武二舞, 止存 獻之京師。 登歌 华]] 官。 章 廉 而 以備 希憲 已。 大典。 居 世 政 祖 府, 居 因 潛 詔 辟 邸 爲 徐 一嘗召 掾 世 隆 及 樂 爲

史,行御史 殺 條,俾得效戰贖死。」朝論 巴陵,有囚三百 人坐之, 時 方議 臺 孔孫 下襄 事 人,因怒襲乙建言 原其情, 樊, 朝 廷急用 減罪。 采之。 兵, **愈四川道** 遷浙西提刑 興銀利,發其 孔孫謂:「今以 提刑 按察副 墳 按 墓 察司 越 境私 使, ,而燒其家,燒死者三人,有司 事 改同 ,尋陞 販 坐罪者, 知保定路總管府 湖北道提刑 動 以千數, 按察 事 宜開 副 , 俄 以 使。 拜 眞 自 新之 侍 圖 行 財 部 御

名, 孫 顯 禮 位 · 獨 至元二十二年,安童復 以所沒贓 尙 劉宣、張 書,擢 燕南提刑按察使。 糴 孔 粟 孫二人,恬守故常,終始 五. 千 觓 賑 入相,言于帝 《饑民。 二十八年,提刑 拜僉河南 E 如 「阿合馬顓政 · 0 江 北行 乃除 按 · 察司 宣 中 改 書省事 十年,親故 吏 肅 部 政 尙 , , 亡何, 除大名路 書 廉訪司 . 孔 迎 合者,往往驟進, 孫 · 仍 禮 部 爲 使,蒞治于大 侍 郎 總管, 尋 陞 據 孔

肅政 奉大夫,商議中書省事。 府 尹,大興學校。 廉訪司使,因讞獄鹽場,民尹執中兄弟誣伏爲强盜,平反之。 有獻故河隄三百餘里于太后者,即上章,謂宜悉還細民,從之。 丞相完澤卒,孔孫與陳天祥上封事,薦和禮霍孫可爲相 召還,拜集賢大學士、中 擢淮東道

童、伯顏、和禮霍孫與廉希憲等,各宜贈諡。」久之,請老還家,拜翰林學士承旨、資善大夫, 冒濫者,必當革,州郡之職,必當遴選,久任達魯花赤,宜量加遷轉,又宜增給官吏俸祿,修 納之,賜鈔五千貫。又累疏言:「凡七十致仕者,宜加一官,丁憂服闋者,宜待起復;宿衞之 用,上下豪侈,不可不從儉約,官冗吏繁,不可不爲裁減,太廟神主,不可不備祭享。 致仕,集賢大學士如故。 建京師廟學,設國子生徒,給賜曲阜孔廟洒掃戶,相位宜參用儒臣,不可專任文吏,故相安 不 ·可復加任用,賞善罰惡,不可數賜赦宥,獻鬻寶貨,不可不爲禁絕,供佛無益,不可虛費財 會地 一震, 詔問弭災之道, 孔孫條對八事, 其略曰:蠻夷諸國, 不可窮兵遠討, 濫官放譴, 大德十一年,卒,年七十有五。 帝悉嘉

孔孫素以文學名,且善琴,工畫山水竹石,而騎射尤精。 及其立朝,讜言嘉論,有可觀

者,士論服之。

- 亦將待(之)[人] 據許文正公遺書卷一語錄改。新元史已校。
- 至元七年 八年事。 被應集附劉致姚燧年譜置于「至元七年庚午」下,本傳從之,實誤。道光本改作「八年」。 本書卷七世祖紀至元八年三月乙酉條、卷一五八許衡傳、卷一七四耶律有尚傳皆作
- 燧自太原驛致館下 |王梓自汴」、「孫安與高凝、燧、燉自河內」、「獨公自太原,十二人皆驛致館下。 考異云:「案姚燧撰白棟墓碣,稱魯齋先生奏召舊弟子散居四方者,以故 蓋燧由河內應召
- 白闕 下。所云公者,謂白棟也。傳謂燧自太原者,誤。」
- 맫 月十有四日薨」。此處脫皇慶元年事,逕于至大四年後書「明年」,則復召之年、卒年皆誤 復以承旨召」。 四年得告南歸中書以承旨召明年復召 皇慶元年,「居廬山」,皇慶二年,「先生七十六歲。是年,復以翰林承旨召」,「九 牧庵集附劉致姚燧年譜云:至大四年,「中書遣陳檢閱
- /\ Æ 別速(合)[台]徹里帖木兒 按別速台爲姓氏,卽別速氏。「合」訛,今改。
- 〔擢〕之奇僉江南浙西道提刑按察司事 原空闕,從北監本補
- [4] 六日親賢〔七日革敝〕八日尚(友)〔文〕 據本書卷一一五裕宗傳、卷一六〇李謙傳補
- 祖肅爲(右)[左]三部尚書 本證云:「案肅傳,右當作左。」本書卷一七一劉因傳「右」亦作「左」。

據改

列 六年奉使宣撫陝西 傅 第 六 + 校 本書卷二一成宗紀大德七年三月庚寅條有「韶遺奉使宣撫循行諸道」、「劉 勘 記

廣往河東陝西」。 道園學古錄卷十七劉廣神道碑有「六年,加少中大夫。以學士奉使宣撫陝西」。

當爲六、七二年事連書。 漢略去「加少中大夫」,逕云六年奉使宣撫陝西,實誤。 道光本改作「七

年。

泰定元年 道園學古錄卷一七劉賡神道碑作泰定二年,且記載較詳。疑「元」當作「二」。

遼(金)[東]丹王 道光本與滋溪文稿卷七耶律有尚神道碑合,從改。 按此卽遼東丹王突欲。

拜中書(右)[左]丞 據本書卷二二武宗紀大德十一年七月辛巳、九月丁丑條、卷一一二宰相年

表改。本證已校。

列傳第六十二

張珪

江潍,珪年十六,攝管軍萬戶。 禮之,命] 時受學。光薦嘗遺一編書,目曰[祖業] 語] 臣曰:「熟讀此,後必賴其用。」師還,道出 立,洞其喉,一軍盡讙。至元十六年,弘範平廣海,宋禮部侍郎鄧光薦將赴水死,弘範救而

徽羣盜起,行省機珪討之,士卒數爲賊所敗,卒有殺民家豕而幷傷其主者,珪曰:「此軍之所 臣。」帝嘆曰:「求老成自副,常兒不知出此。」厚賜而遣之,徧及其從者。十九年,太平、宣、 喪畢,世祖召見,親撫之。奏曰:「臣年幼,軍事重,聶禎者,從臣父、祖,久歷行陣,幸以副 十七年,眞拜昭勇大將軍、管軍萬戶,佩其父虎符,治所統軍,鎭建康。未幾,弘範卒,

列

以敗也。」斬其卒,悉平諸盜。

耶 書,果可大用,請俟他日。」帝曰:「不然,是家爲國滅金、滅宋,盡死力者三世矣,而可吝此 領 可罷,亦非瑄所宜言。」遂得不罷。 一」拜鎭 海道,亦以爲言。樞密副 二十九年,入朝。 國上將軍、江淮行樞密副使。 時朝廷言者謂,天下事定, 使暗伯問於時, 珪曰:「見上當自言之。」召對, 珪曰:「縱 命爲樞密副使。 行樞密院可罷, 江浙行省參知政事 太傅月兒魯那演言:「珪尚 少,姑試 使行院 以愈

買宅以賜,辭不受。拜江南行臺御史中丞,因上疏,極言天人之際、災異之故,其目有修 省,有內不自安者,欲以危法中時,賂遺近臣,妄言時有厭勝事,且沮 行、廣言路、進君子、退小人、信賞必罰、滅冗官、節浮費,以法祖宗成憲,累數百言。 得行省大小吏及鹽官欺罔狀,皆伏罪。 之不法者,不報,併及近侍之熒惑者,又不報。 吏以下三十餘人、府史胥徒數百,徵贓巨萬計。 官、黜貪吏。還、擢江南行御史臺侍御史,換文階中奉大夫,遷浙西肅政廉訪使。 武宗卽位,召拜太子諭德。 成宗卽位,行院罷。大德三年,遣使巡行天下,珪使川、陝,問民疾苦,賑卹 未數日,拜賓客,復拜詹事,辭不就。 召珪拜僉樞密院事,入見,賜只孫冠服侍宴,又命 遂謝病歸。 |珪得(監)[鹽]司奸利事,[I]將發之,事于 久之, 拜陝西行臺 鹽法。 尙書省立,中外洶洶 帝遣官雜治之, 中 丞,不赴 孤貧, 劾罷 劾大官 罷冗 郡

傅第六十二 張珪

列

存也。」 謂之曰:「朕欲賜卿寶玉,非卿所欲。」以帨拭面額,納諸珪懷,曰:「朕澤之所存,朕心之所 入奏,帝悟,移仗大明。旣卽位,賜只孫衣二十襲、金帶一。帝嘗親解衣賜珪,明日 言:「當御大明殿。」御史大夫止之曰:「議已定,雖百奏無益。」]珪曰:「未始一奏,詎知無益!」 四年,帝崩,仁宗將卽位,廷臣用(太皇)[皇太]后旨,曰 行大禮於隆福宮,法駕已陳矣, 中丞久闕,方議擇人,仁宗時在東宮,曰:「必欲得眞中丞,惟張珪可。」卽日召拜中丞。 復召, , 注

病家居。 病。」「图景元頓首涕泣,不敢言。帝不懌,遣參議中書省事換住,往賜之酒,遂拜大司徒,謝 景元掌符璽,不得一日去宿衞,至是,以父病篤告,遽歸。 別薛參知行省政事,珪曰:「太師論道經邦,鐵木迭兒非其人,別薛無功,不得爲外執 車駕度居庸,失列門傳皇太后旨,召珪切責,杖之,珪創甚,輿歸京師,明日遂出 |珪曰:「伶人爲宗伯,何以示後世!」力諫正之。皇太后以中書右丞相鐵木迭兒爲太師,萬戶 減煩冗還有司,以清政務,得專修宰相之職,帝從之,著爲令。教坊使曹咬住拜禮部 以上旨移文樞密院,衆恐懼承命,珪固不署,事遂不行。延祐二年,拜中書平章政事,曰語請 皇慶元年,拜榮祿大夫、樞密副使。 繼丁 母憂,廬墓寢苫啜粥者三年。六年七月,帝憶珪生日,賜上尊、御衣 徽政院使失列門請以洪城軍隸興聖宮,而己領之, 帝鶩曰:「(卿)[鄕]別時,卿父無 國門。 尚書, 珪子

以 都留守賀伯顏, 丞 集賢大學士。 不可復 弭 玉 相 災,當究其 拜住問 至治二年,英宗召見於易水之上曰:「四世舊臣,朕將畀卿以政。」珪辭歸,遣近臣設體。 生,而情義猶 珪 先是,鐵木迭兒旣復爲丞相,以私怨殺平章蕭拜住、御史中丞楊朶兒只、 所以致災者。 曰:「宰相之體何先。」」建曰:「莫先於格君心,莫急於廣言路。」是年 大小之臣,不能自保。 可昭白,至毋使朝廷終失之也。」又拜中書平章政事,侍宴萬壽山,賜 漢殺孝婦,三年不雨,蕭、楊、賀寃死,非致沴之端乎!死者固 會地震風烈,敕廷臣集議弭災之道,珪抗言於坐曰: 冬,起珪爲

仁廟 而 不分首從,發冢傷 , 賊黨罪不可逭。」 旣皆伏誅,鐵木迭兒之子治書侍御史鎖南,獨議遠流, 珪曰:「於法,强盜 太常奉宗祏 神主 三年秋八月,御史大夫鐵失旣行弑逆,夜入都門,坐中書堂,矯制奪執符印,珪密疏言: 一,時參知政 不謹 尸者亦死。 ,當待罪,而反遷官,何以謝在天之靈」。命遂不下。 事 馬刺兼領太常禮儀使,當遷左 鎖南從弑逆,親斫丞相 一丞,珪曰:「以參政遷左丞 拜住臂,乃欲活之耶」遂伏誅。 一,姑日 敍進。 盜竊

林、集賢 泰定元年六月,車駕在 兩院官,極論當世 得失,與左右司員外郎宋文瓚,詣上都奏之。其 上都。 先是,帝以災異,詔百官集議,珪乃與樞密院、御史臺、翰 議

國之安危,在乎論相。 昔唐玄宗,前用姚崇、宋璟則治,後用李林甫、楊國忠, 天下 家

產,遠竄其子

孫

外郡,以

懲

大

姦

騒

下之人,痛 君父之讎,不共戴天,所 心疾首,所不忍聞。比奉旨:「以鐵失之徒既伏其辜,諸王按梯 以明 綱常、別 上下也。 鐵失之黨,結謀弑逆,君相 不花、 |幸羅、|月 遇害,天

者猶且首從俱罪,況弑逆之黨,天地不容,宜誅按梯不花之徒,以謝天下。 其勿復舉。」臣等議:古法,弑逆,凡在官者殺無赦。 魯鐵木兒、曲呂不花、兀魯思不花,亦已流竄,逆黨脅從者衆,何可盡誅。後之言事者, 聖朝立法,强盗劫殺庶民,其同情

脫脫久居,彼旣縱肆,將無忌憚,況令死者含寃,感傷和氣。臣等議:累朝典憲,聞赦殺 爵土,臣恐國之紀綱,由此不振。設或效尤,何法以治!且遼東地廣,素號重鎭,若使 餘人,分其羊馬畜產,殘忍骨肉,盜竊主權,聞者切齒。 今不之罪,乃復厚賜放還,仍守 屬任非輕,國家不幸,有非常之變,不能討賊,而乃覬幸赦恩,報復讎忿,殺親王妃主百 人,罪在不原,宜奪削其爵土,置之他所,以彰天威。 而 國。 (雲曰:惟辟作福,惟辟作威。 臣無有作福作威,臣而有作福作威,害于而家,凶于 蓋生殺與奪,天子之權,非臣下所得盜用也。遼王脫脫,位冠宗室,居鎭遼東,

不爲! 論之,卽非細務。 敢如何。 思補報,專務姦欺,詐稱奉旨,令鷹師强收鄭國寶妻古哈,貪其家人畜產,自恃權貴,莫 刑以懲惡,國有常憲。 夫京師,天下之本,縱惡如此,何以爲政!古人有言,一婦銜寃,三年不雨,以此 事聞之官,刑曹逮鞫服實,竟原其罪。 臣等議:宜以即烈、不花,付刑曹鞫之。 武備卿即烈,前太尉不花,以累朝待遇之隆,俱致高列,不 **輦轂之下,肆行無忌,遠在外郡,何事**

列傳第六十二 張珪

民懷 請俟 之徒 斡脫 年徵入之數,比 者三十餘萬 臣等比聞中書乃復奏給累朝未酬寶價四十餘萬錠,較其元直,利已數倍, 國 ,頃以增價 .憤怨,臺察交言,且所酬之鈔,率皆天下生民膏血,錙銖取之,從以 中寶之人,妄稱呈獻, 中 用 賣寶物,世祖時不聞其事,自成宗以來,始有此弊。 夫以經國有用之寶,而易此不濟饑寒之物,又非有司聘要和買, 饒給之日議之。 [錠,復令給以市舶番貨,計今天下所徵包銀差發,歲入止十一萬錠,已是四 以經費弗足,急於科徵。 中寶事敗, 具存 冒給 吏牘。 回賜,高其直且十倍,蠶蠹國財,暗行分用。 陛下卽位之初,首知其弊,下令禁止,天下欣幸。 臣等議:番舶之貨,宜以資國用、舒民力,寶價 分珠寸石,售直數萬,當時 捶撻,何 大抵皆 有事 如沙 1時貴 經年遠 其 用之 與

皇后 議:庶民失盜,應捕官兵,尙 失神主,宜罪太常,請揀其官屬発之。 神主,盜利其金而 太 廟 神主,祖宗之所妥靈,國家孝治天下,四時大祀,誠爲重典。 竊之,至今未獲。 .有三限之法,監臨主守,倘失官物,亦有不行知覺之罪。 斯乃非常之事,而捕盜官兵,不聞杖責。 比者仁宗皇帝、 臣等

刺繡經幡,馳驛江浙,逼迫郡縣,雜役男女,動經年歲,窮奢致怨。 國 家 經賦,皆出於民,量入爲出,有司之事。 比者建西山寺,損軍害民,費以億萬 近詔 雖已罷之,

又聞姦人乘間奏請,復欲興修,流言喧播,羣情驚駭。臣等議:宜守前詔,示民有信,其 創造、刺繡事,非歲用之常者,悉罷之。

議:宜如前詔,以元業還之;量其直以酬後所賜者,則人無寃憤矣。 廟,修葺苟完,未及寧處,復以其家財仍賜舊人,止酬以直,卽與再罹斷沒無異。臣等 枉遭鐵木迭兒誣陷,籍其家,以分賜人,聞者嗟悼。 比奉明詔,還給元業,子孫奉祀家 人有冤抑,必當昭雪,事有枉直,尤宜明辨。平章政事蕭拜住、中丞楊朶兒只等,

戍卒更病者,給粥食藥,力死者,人給鈔二十五貫,責所司及同鄉者,歸骨於其家。 錄,結正重刑,疏決輕繫,疑者申聞詳讞。邊鎭利病,宜命行省、行臺體究興除,廣海鎭 憲,以姦人命有司鞫之。 臣等又議:天下囚繫,寃滯不無,方今盛夏,宜命省臺選官審 解,竟弗就鞫。辇轂之下,肆惡無忌,京民憤駭,何以取則四方!臣等議:宜遵世祖成 木兒之徒,遇朱太醫妻女故省門外,强拽以入,姦宿館所。事聞,有司以扈從上都爲 德以出治,刑以防姦。若刑罰不立,奸宄滋長,雖有智者,不能禁止。比者也先鐵

者衆,遂罷珠戶爲民。其後同知廣州路事塔塔兒等,又獻利於失列門,創設提舉司監 連言利,分瓥戶七百餘家,官給之糧,三年一採,僅獲小珠五兩六兩,入水爲蟲魚傷死 歲貢方物有常制。 廣州東筦縣大步海及惠州珠池,始自大德元年,姦民劉進、程

採,廉訪司言其擾民,復罷歸有司。 旣而內正少卿魏暗都刺,冒啓中旨,馳驛督採,耗

廪食,疲民驛,非舊制,請悉罷遣歸民。

秃堅不花之屬,皆未申理。 古思 ,皆以無罪死,未褒贈, 鐵木迭兒專權之際, 御史徐元素以言事鎖項死 善良死於非命,國法當爲昭雪。 臣等議"宜追贈死者,優敍其子孫, 且命刑部及監察御史, 鐵失弑逆之變,學士不花、指揮不顏忽里、院使禿 東平,及賈

體勘其餘有寃抑者,具實以聞。

署 祖設官分職,俱有定制。 甚,軍民俱蒙其害。 悉遵世祖 近侍各私其署,夤緣保祿,姑息中止。至英宗時,始銳然減罷崇祥、壽福院之屬十有三 立 日 宜敕中外軍民,署置官吏,有非世祖之制,及至元 悉減 |長秋、承徽、長寧寺及邊鎭屯戍,別議處之。 ,徽政院斷事 政出多門, .併除罷之;近侍不得巧詞復奏,不該常調之人亦不得濫入常選,累朝斡耳杂所 成憲。 官、江淮 古人所戒。 若復循常取勘,調虛文,延歲月, 夫爲治之要,莫先於安民,安民之道,莫急於除濫 財賦之屬六十餘署,不幸遭罹大故, 至元三十年已後,改陞創設,日積月增, 今內外增置官署,員冗俸濫,白丁驟陞出身,入流壅塞日 三十年已後改陞創設員冗者,詔格至 必無實效, 未竟其餘。 即與詔旨異矣。 雖嘗奉旨取勘減降, 一費、汰冗員。 比奉詔·凡事 臣等議: 世

清淨爲本,不奔不欲,而僧徒貪慕貨利,自違其敎,一事所需,金銀鈔幣不可數計,歲用 以算卦,欺昧奏請,增修布施莽齋,自稱特奉、傳奉,所司不敢較問,供給恐後。 況佛以 |元三十年以前及累朝忌日醮祠佛事名目,止令宣政院主領修舉,餘悉減罷;近侍之屬, 縱其所欲,取以自利,畜養妻子,彼旣行不修潔,適足褻慢天神,何以要福!比年佛事 鈔數千萬錠,數倍於至元間矣。凡所供物,悉爲己有,布施等鈔,復出其外,生民脂膏, 餘,今年一增其目,明年卽指爲例,已倍四之上矣。僧徒又復營幹近侍,買作佛事,指 且以至元三十年言之,醮祠佛事之目,止百有二,大德七年,再立功德使司,積五百有 並不得巧計擅奏,妄增名目,若有特奉、傳奉,從中書復奏乃行。 愈繁,累朝享國不永,致災愈速,事無應驗,斷可知矣。 臣等議:宜罷功德使司,其在至 自古聖君,惟誠於治政,可以動天地、感鬼神,初未嘗徼福於僧道,以厲民病國也。

入不足以給之,耗國損民爲甚。 重斂生,如鹽課增價之類,皆足以厲民矣。比年游惰之徒,妄投宿衞部屬及宦者、女 餘悉簡汰。 紅、太醫、陰陽之屬,不可勝數,一人收籍,一門蠲復,一歲所請衣馬芻糧,數十戶所徵 古今帝王治國理財之要,莫先於節用,蓋侈用則傷財,傷財必至於害民,國用匱而 臣等議:諸宿衞宦女之屬,宜如世祖時支請之數給之,

列傳第六十二 張珪

間,其 豆,瘠損 始至, **閻端赤牧養馬駝,歲有常法,分布郡縣,各有常數,而宿衞近侍,委之僕御,役民放** 害如 馬 故。 駝。 卽 |奪其居,俾飲食之,殘傷桑果,百害蠭起; 其僕御 大德中,始責州縣正官監視,蓋暖 監察御史及河間路守臣屢言之。 例、團槽櫪以牧之。 臣等議: 宜如大德團槽之制, 四 出 至治初,復散 無所 拘 鈐 正官監 私 之民 뿰 恕

臨,閱

視

肥瘠,拘鈐宿衞僕御,著爲令。

無損。 巢招諭;簡罷 ·, 費 兵戎之興,號爲凶器,擅開邊釁,非國之福,蠻夷無知,少梗王化,得之無益,失之 至治 國資糧。 三年,參卜郎 冗兵,明敕邊吏謹守禦,勿生事,則遠人格矣。 臣等議:好生惡死,人之恒性。 、益,始者劫殺使臣,利其財物而已,至用大師,期年不戢,傷我 宜令宣政院督守將嚴邊防,遣良使抵

逋負 各任 省部,給之大都,其所賜百官及宦者之田,悉拘還官,著爲令。 如所 王、公主、駙馬,及百官、宦者、寺觀之屬,遂令中書酬直海漕,虛耗國儲。 土著姦吏爲莊官,催甲斗級,巧名多取,又且驅 與公主桑哥剌吉及普安三寺之制,輸之公廪, 至倉之日 天下官田歲入,所以贍衞 ,變뿳以歸。 官司交岔,農民窘竄。 士,給戍卒。 自至元三十一年以後,累朝以是田分賜諸 計月直折支以鈔, 臣等議:惟諸王、公主、駙馬、寺觀, 迫郵傳,徵求餼廪,折辱 令有司兼令輸之 其受田之家, 州縣,閉償

徙。 使括 勘 臣等議 國 家 兩淮 經 ``宜如舊制,止徵丁稅,其括勘重併之糧,及沙磧不可田畝之稅,悉除之。 、河南田土,重併科糧,又以兩淮 費、皆取於民。 世祖 時,淮北內地,惟輸丁稅,鐵木迭兒爲相,專務聚斂,遺 、荆襄沙磧作熟收徵,徼名興利,農民流

爲令。 賜僧寺田及亡宋舊業, 點,奏令僧人買民田者,毋役之以里正主首之屬,逮今流毒細民。 世祖 之制:凡有田者悉役之,民典賣田,隨收入戶。 如舊制勿徵,其僧道典買民田及民間所施產業,宜悉役之,著 鐵木迭兒爲相,納江南諸寺賄 臣等議 : 惟累朝所

淨絕俗為心 者,宜罪以舊制,罷遣爲民。 人逞欲、壞敎干刑者, 僧道出家,屏絕妻孥,蓋欲超出世表,是以國家優視,無所徭役,且處之官寺;宜淸 ,誦經祝壽。· 比年僧道往往畜妻子, 何可勝數!俾奉祠典,豈不褻天瀆神! 無異常人,如蔡道泰、班講主之徒,傷 臣等議:僧道之畜妻子

家金銀珠玉,及斷沒人畜產業。 無居,或稱嫁女取婦,或以技物呈獻,殊無寸功小善,遞互奏請,要求賞賜回奉,奄有 未聞無功而給一賞者。 賞功勸善,人主大柄,豈宜輕以與人。 比年賞賜汎濫,蓋因近侍之人,窺伺天顏喜悅之際,或稱乏財 似此無功受賞,何以激勸,旣傷財用,復啓倖門。 世祖臨御三十五年,左右之臣,雖甚愛幸, 臣等 國

議:非有功勳勞效著明實蹟,不宜加以賞賜,乞著爲令。

臣等所言:弑逆未討、姦惡未除、忠憤未雪、寃枉未理、政令不信、賞罰不公、賦役

帝不從。 不均、財用不節、民怨神怒,皆足以感傷和氣。 |珪復進曰::「臣聞日食修德,月食修刑,應天以實不以文,動民以行不以言,刑政失 惟陛下裁擇,以答天意,消弭災變。

平,故天象應之。惟陛下矜察,允臣等議,乞悉行之。」帝終不能從。

經筵事,別刻蔡國公印以賜。 筵,令左丞相與珪領之,珪進翰林學士吳澄等,以備顧問。 未幾,珪病增劇,非扶掖不能行。有詔:常見觅拜跪,賜小車,得乘至殿門下。 泰定二年夏,得旨暫歸。 自是辭位甚力,猶封蔡國公,知 帝始開經

帝察其誠病,命養疾西山,繼得旨還家。 陛下念之。」帝惻然,敕有司畢賑之。 客,不能遠知,眞定、保定、河間,臣鄉里也,民饑甚,朝廷雖賑以金帛,惠未及者十五六,惟 三年春,上遣使召珪,期於必見。 拜翰林學士承旨、知制誥兼修國史,國公、經筵如故。 |珪至,帝曰::「卿來時,民間如何。」對曰::「臣老,少賓

未幾,起時商議中書省事,以疾不起。 子六人。 四年十二月薨,遺命上蔡國公印。 珪嘗自號日

李孟

李孟字道復,潞州上黨人。會祖執,金末舉進士。於祖昌祚, 歸朝,授金符、潞州宣撫

使。父唐、歷仕秦、蜀、因徙居漢中。

宮。 骨相異常,宰輔之器也。」至元十四年,隨父入蜀,行省辟爲掾,不赴;調晉原縣主簿,又辭: 遠近爭從之。 行御史臺交薦之,亦不就。後以事至京師,中書右丞楊吉丁一見奇之,薦于裕宗,得召見東 未幾,裕宗薨,不及擢用。 孟 生而敏悟,七歲能文,倜儻有大志,博學强記,通貫經史,善論古今治亂, 。一時名人商挺、王博文,皆折行輩與交。 郭彥通名能知人, 嘗語唐曰:「此兒 開門授徒,

宗、仁宗皆未出閣,徽仁裕聖皇后求名儒輔導,有薦者曰:「布衣李孟有宰相才,宜令爲太子 之,詔授太常少卿,執政以孟 師傅。」大德元年,武宗撫軍北方,仁宗留宮中,孟日陳善言正道, 成宗立,首命採訪先朝聖政,以備史官之紀述,陝西省使孟討論編次,乘驛以進。 未嘗一造其門,沮之不行,改禮部侍郎,命亦中止。 多所進益。 成宗聞而嘉

右化之,皆有儒雅風,由是上下益親。 仁宗侍昭獻元聖皇后降居懷州,又如官山,孟常單騎以從,在懷州四年,誠節如一 每進言曰:「燒、燥之道,孝悌而已矣。 今大兄在朔 , 左

示之曰::「所重乎儒者,爲其握持綱常,如此其固也。」其講學之功如此者,實孟啓之也。 清內難,敬事武皇,篤孝母后,端拱以成太平之功,文物典章,號爲極盛。 嘗與羣臣語,握拳 子之義。 安視膳,婉容愉色,天下稱孝焉。有暇,則就孟講論古先帝王得失成敗,及君君臣臣父父子 方,大母有居外之憂,殿下當迎奉意旨以娛樂之,則孝悌之道皆得矣。」仁宗深納其言,日問 孟特善論事,忠愛懇惻,言之不厭,而治天下之大經大法,深切明白。厥後仁宗入

還都。 則殿下母子且不自保,豈暇論宗族乎!」仁宗悅,曰:「先生之言,宗廟社稷之福。」乃奉太后 心。不然,國家安危,未可保也。」仁宗猶豫未決。孟復進曰:「邪謀得成,以一紙書召還, 車晏駕,大太子遠在萬里,宗廟社稷危疑之秋,殿下當奉大母,急還宮庭,以折奸謀、固人 相 :哈剌哈孫答剌罕密使來告,[+] 仁宗疑而未行。孟曰:「支子不嗣,世祖之典訓也。今宮 成宗崩,安西王阿難答謀繼大統,成后爲之主,丞相、樞密同聲附和。中書(左)[右]丞

矣!先發者制人,後發者制於人,不可不早圖之。」左右之人皆不能決,惟曲出、伯鐵木兒勸 已而前引其手,診其脈,衆以爲醫,乃不疑之。旣得知安西王卽位有日,還告曰:「事急 時哈剌哈孫稱病堅臥,仁宗遣孟往問之,適成后使人問疾,絡繹不絕。孟入,長揖而 或曰:「皇后深居九重,八璽在手,四衞之士,一呼而應者累萬,安西王府中從者如

列傳

第六十二

之至,然後圖之,未晚也。」阿合,中國稱兄,謂武宗也。 殿下侍衞寡弱,不過數十人,兵仗不備,奮赤手而往,事未必濟。 不如靜守,以俟阿合

也;臨機不斷,無勇也。仗義而動,事必萬全。」 至,不亦可乎!且安西旣正位號,縱大太子至,彼安肯兩手進璽,退就藩國,必將關于國中, 生民塗炭,宗社危矣。且危身以及其親,非孝也,遺禍難於大兄,非悌也;得時弗爲,非智 大義責之,則凡知君臣之義者,無不捨彼爲殿下用,何求而弗獲!克清宮禁,以迎大兄之 |孟曰:「羣邪違棄祖訓,黨附中宮,欲立庶子,天命人心,必皆弗與。 殿下入造內庭,以

外也。 孟及諸臣皆步從,入自延春門。哈剌哈孫自東掖來就之,至殿廊,收首謀及同惡者,悉送都 斷,無惑疑也。」」孟曰:「筮不違人,是謂大同,時不可以失。」仁宗喜,振袖而起,乃共扶上馬, 劓,內兌廢也。厥宗筮膚,往必濟也。大君外至,明相麗也。乾而不乾,事乃睽也,剛運善 獄,奉御璽,北迎武宗,中外翕然,隨以定。 事待汝而決,但言其吉。」乃入筮,遇乾三五皆九,立而獻卦曰:「是謂乾之睽。 乾,剛也,睽, 仁宗曰:「當以卜決之。」命召卜人,有儒服持囊遊于市者,召之至,孟出迎,語之曰:「大 以剛處外,乃定內也。君子乾乾,行事也。飛龍在天,上治也。輿曳牛掣,其人耏且

仁宗監國,使孟參知政事。」孟久在民間,備知閭閻幽隱,損益庶務,悉中利病, 遠近無

列傳第六十二 李孟

宗察其誣,弗聽,仁宗亦不敢復言孟 月,武宗卽位,有言于帝曰:「內難之初定也,李孟嘗勸皇弟以自取,如彼言,豈有今日!」武 子親用,今鸞輿在道,孟未見顏色,誠不敢冒當重任。」固辭弗許,遂逃去,不知所之。夏五 不悅服,然特抑絕僥倖,羣小多不樂,孟不爲變。事定,乃言于仁宗曰:「執政大臣,當自天

訪之,得之許昌陘山,遣使召之。 兄弟之歡者,李道復之功爲多。適有所思,不自知其變於色也。」帝甚友愛,感其言,卽命搜 「吾弟今日不樂,何所思邪。」」仁宗從容起謝曰:「賴天地祖宗神靈,神器有歸,然成今日母子 至大二年,仁宗爲皇太子,嘗侍帝同太后內宴,飲半,仁宗深思,戚然改容。帝顧語曰:

宗嗣立,眞拜中書平章政事,進階光祿大夫,推恩其三世,且諭之曰:「卿,朕之舊學,其盡心 以輔脫之不及。」孟處知遇,力以國事爲己任,節賜與,重名爵,覈太官之濫費,汰宿衞之冗 速任之。」三月,特授榮祿大夫、中書平章政事、集賢大學士,同知(樞密)[徽政]院事。(公]仁 貴戚近臣,惡其不便於己,而心服其公,無問言焉。 三年春正月,入見武宗于玉德殿,帝指孟謂宰執大臣曰:「此皇祖妣命爲殷賓師者,宜

撓亂政事,僧道尤苦其擾。<a>孟言:「人君之柄,在賞與刑,賞一善而天下勸,罰一惡而天下 司空、司徒、太尉,古之三公,自大德以來,封拜繁多,釋、老二教,設官統治,權抗有司,

懲,柄乃不失。所施失當,不足勸懲,何以爲治!僧、道士旣爲出世法,何用官府繩治」乃 奏雪寃死者,復其官蔭;濫冒名爵者,悉奪之;罷僧道官。天下稱快。

有章,所以定民志;賜與有節,所以勸臣下。 請各爲之限制。」帝皆從之。 恩,求請無厭。時宰不爲裁制,乃更相汲引,望幸恩賜,耗竭公儲,以爲私惠。]孟言:「貴賤 所長,而不斥其短,尤股所深嘉也。」時承平日久,風俗奢靡,車服僭擬,上下無章,近臣恃 已。」帝曰:「卿儒者,宜與此曹氣類不合,而曲相護祐如此,眞長者之言。卿在朕前,惟舉人 仁宗初出居懷,深見吏弊,欲痛剗除之。孟進言曰:「吏亦有賢者,在乎變化激厲之而

章,命學士院降制。又圖其像,敕詞臣爲之贊,及御書「秋谷」二字,識以璽而賜之。入見, 堯、舜之主也。 臣不能使天下爲堯、舜之民,上負陛下,下負所學,乞解罷政權,避賢路。」 帝 必賜坐,語移時,稱其字而不名,其見尊禮如此。 曰:「朕在位,必卿在中書,殷與卿相與終始,自今其勿復言。」繼賜爵秦國公,帝親授以印 孟在政府,雖多所補益,而自視常若不及,嘗因間請曰:「臣學聖人道,遭遇陛下,陛下

承旨、知制誥兼修國史,仍平章政事。未幾,請告歸葬其父母,帝勞餞之曰:「事訖,宜速 曰:「臣布衣際遇, 所望於陛下者, 非富貴之謂也。」悉辭不受。 皇慶元年正月, 授翰林學士 帝嘗語近臣曰:「道復以道德相朕,致天下蒙澤。」賜之鈔十萬貫,令將作爲治第。 孟辭 7.傅第六十二 译孟

還,毋久留,孤朕所望!」十二月,入朝,帝大悅,慰勞甚至,因請謝事,優詔不允,請益堅,乃 賢能,如以科舉取之,猶勝於多門而進,然必先德行經術,而後文辭,乃可得眞材也。」帝深 命以平章政事議中書省事,承旨翰林。二年夏,乞還國公印,奏三上,始如所請。帝每與孟 用人之方,孟曰:「人材所出,固非一途,然漢、唐、宋、金,科舉得人爲盛。 今欲興天下之

帝不得已從所請,復爲翰林學士承旨,入侍宴閒,禮遇尤厚。 進金紫光祿大夫、上柱國,改封韓國公,職任如故。已而以衰病不任事,乞解政權歸田里, 延祐元年十二月,復拜平章政事。二年春,命知貢舉,及廷策進士,爲監試官。七月,

然其言,決意行之。

林學士劉賡來慰問,卽與同入院。宣徽使以聞曰:「李孟今日供職,舊例當賜酒。」帝愕然 收前後封拜制命,降授集賢侍講學士、嘉議大夫,度其必辭,因中害之。。孟拜命欣然,適翰 誣,詔復元官。 其祿,今老矣,其何以報稱」,帝聞而善之,恩意稍加。 至治(九)[元]年卒。〔九]御史累章辨其 爲是官,今定何如!」由是讒不得行。嘗語人曰:「老臣待罪中書,無補于國,聖恩寬宥,不奪 曰:「李道復乃肯俯就集賢耶。」時鐵木迭兒子八爾吉思侍帝側,帝顧謂曰:「爾輩謂彼不肯 延祐七年,仁宗崩,英宗初立,太師鐵木迭兒復相,以孟前共政時不附己,讒搆誣謗,盡 至治中,[10]贈舊學同德翊戴輔治功臣、太保、儀同三司、上柱國、(進)[追]封

魏國公,口三諡文忠

論必主於理,其獻納謀議,常自毀其藁,家無幾存。 皇慶、延祐之世,每一政之繆,人必以爲 賤,苟賢矣,不進拔不已。 遊其門者,後皆知名。退居一室,蕭然如布衣。爲文有奇氣,

莫敢詰問。 也。」衆盜感泣,互相戒曰:「毋負張公。」有李虎者,嘗殺人,其黨暴戾爲害,民不堪命,舊尹 曰:「彼皆良民,饑寒所迫,不得已而爲盜耳,旣加之以刑,猶以盜目之,是絕其自新之路 授堂邑縣尹。人言官舍不利,居無觅者,竟居之。首毀淫祠三十餘所,罷舊盜之朔望參者, 入御史臺。一日病,不忽木親至其家問疾,四顧壁立,歎曰:「此眞臺掾也。」及爲丞相掾,選 年方十歲,讀書不輟,父母憂其過勤而止之,養浩晝則默誦,夜則閉戶,張燈竊讀。 鐵木迭兒所爲,一令之善,必歸之於孟焉。子獻,御史中丞、同知經筵事。 察使焦遂聞之,薦爲東平學正。游京師,獻書于平章不忽木,大奇之,辟爲禮部令史,仍薦 張養浩字希孟,濟南人。幼有行義,嘗出,遇人有遺楮幣于途者,其人已去,追而還之。 孟宇量閎廓,材略過人,三入中書,民間利害,知無不言,引古證今,務歸至當。 張養浩 養浩至,盡置諸法,民甚快之。去官十年,猶爲立碑頌德。 山東按 其

列 傳 第 六 + 張 蹇 浩

起,人多凍死。養浩于祀所揚言曰:「代祀非人,故天示之變。」大違時相意。 不免。今御史旣言,又不以聞,臺將安用!時武宗將親祀南郊,不豫,遣大臣代祀,風忽大 旣立,又言變法亂政,將禍天下。臺臣抑而不聞,乃揚言曰:「昔桑哥用事,臺臣不言,後幾 仁宗在東宮,召爲司經,未至。改文學,拜監察御史。 初,議立尙書省,養浩言其不便;

不能容。遂除翰林待制,復搆以罪罷之,戒省臺勿復用。養浩恐及禍,乃變姓名遁 浮,七曰倖門太多,八曰風俗太靡,九曰異端太橫,十曰取相之術太寬。言皆切直,當國者 一曰賞賜太侈,二曰刑禁太疏,三曰名爵太輕,四曰臺綱太弱,五曰土木太盛,六曰號令太 白宰相,授以美職。 時省臣奏用臺臣,養浩歎曰:「尉專捕盜,縱不稱職,使盜自選可乎。」遂疏時政萬餘言: 尚書省罷,始召爲右司都事。在堂邑時,其縣達魯花赤嘗與之有隙,時方求選,養浩爲 遷翰林直學士,改祕書少監。延祐初,設進士科,遂以禮部侍郎知貢

史,改右司郎中,拜禮部尚書。 舉,進士詣謁,皆不納,但使人戒之曰:「諸君子但思報效,奚勞謝爲」,擢陝西行臺治書侍御

嚴,宮掖之邃,尤當戒愼。 拜住袖其疏入諫,其略曰:「世祖臨御三十餘年,每值元夕,閭閻之間,燈火亦禁,況闕庭之 英宗卽位,命參議中書省事,會元夕,帝欲於內庭張燈爲鰲山,卽上疏于左丞相拜住。 今燈山之搆,臣以爲所翫者小,所繫者大,所樂者淺,所患者深。

淮東廉訪使,進翰林學士,皆不赴。 憂,未終喪,復以吏部尚書召,力辭不起。。泰定元年,以太子詹事丞兼經筵說書召,又辭;改 之,仍賜尙服金織幣一、帛一,以旌其直。後以父老,棄官歸養,召爲吏部尙書,不拜。丁父 伏鳳以崇儉慮遠爲法,以喜奢樂近爲戒。」帝大怒,旣覽而喜曰:「非張希孟不敢言。」卽罷

粟,因上章請行納粟補官之令。 伍貫爲券,給散貧乏,命米商視印記出糶,詣庫驗數以易之,於是吏弊不敢行。又率富民出 米直十三緡,民持鈔出糴,稍昏卽不用,詣庫換易,則豪猾黨蔽,易十與五,累日不可得,民 陰翳,一雨二日。及到官,復禱于社壇,大雨如注,水三尺乃止,禾黍自生,秦人大喜。時斗 大困。乃檢庫中未毁昏鈔文可驗者,得一千八十五萬五千餘緡,悉以印記其背,又刻十貫、 **貧乏者,登車就道,遇餓者則賑之,死者則葬之。 道經華山,禱雨于嶽祠,泣拜不能起,天忽** 天曆二年,關中大旱,饑民相食,特拜陝西行臺中丞。旣聞命,卽散其家之所有與鄕里 聞民間有殺子以奉母者,爲之大慟,出私錢以濟之。

臣、榮祿大夫、陝西等處行中書省平章政事、柱國,追封濱國公,諡文忠。二子:彊、引,彊 刨 ;撫膺痛哭,遂得疾不起,卒年六十。 到官四月,未嘗家居,止宿公署,夜則禱于天,晝則出賑饑民,終日無少怠。每一念至, 關中之人,哀之如失父母。至順二年,贈攄誠宣惠功

敬嚴

陵令; 平王月呂祿那演,連辟太傅、太師兩府掾,調高郵縣尹,未赴,選充中書省掾。 幼不爲嬉戲事,長嗜學,善屬文,御史中丞郭良酮薦爲殿中知班,著憲章若干卷。 海運萬戶,豪縱不法,適儼典其文牘,嘗致厚賂,儼怒拒之,二人以罪伏誅,權貴多以賄敗連 坐,獨嚴不與。 敬嚴字威卿,其先河東人,後徙易水。 祖鑑,同知嵩州事。 皆以進士起家。 。父元長,有學行,官至太常博士。 五世祖嗣徽,仕金官至參知政事,曾祖子淵,樂 朱清、張瑄為 **儼其仲子也**, 受知於廣

|儼察其誣,按之,果如所言。 民,且觀釁,甚稱旨意。六年,擢禮部員外郎,有故郡守子,當以廕補官,繼母訴其非嫡者, 大德二年,授吏部主事,改集賢司直。會湖湘有警,丞相哈刺合孫答刺罕奏儼奉詔恤

牙偕行,議多不合,兩上之,朝廷卒是儼議。 有以運糧供餉北邊而 卽 日劾去之。 七年,拜監察御史。 江浙行省與浙西憲司交章相攻擊,事聞,命省臺遣官往治之,嚴與阿思蘭海 得官者,盜用至數十萬石,以利啗主者,匿不發,儼按徵之以輸邊。 時省臣有旣黜而復收用者,參預官巧佞,與相比 七月,遷中書左司都事,扈從上京。 周,以黷貨撓法 西京賈人

故忿爭,而瀆上聽乎」建康路總管侯珪,貪縱事敗,嚴亟遣官決其事,及其夤緣近倖,奏請 寢。江南行御史臺與江浙省爭政,事聞,儼曰:「省臺政事,風化本原,各宜盡職,顧乃以小 原之,命下,已無及矣。 政有隙,省議欲覈臺選之當否,儼曰:「邇者,省除吏千餘人,臺亦當分別之邪。」語聞,議遂 九年,授吏部郎中,以父病辭,已而父卒,旣終喪,復入御史臺爲都事。中丞何某與執

饑爲盜,有司捕治,論以眞犯。 獄旣上,朝議互有從違,儼曰:「民饑而盜,迫於不得已,非故 之曰:「汝守方面,旣有警,豈得離職,是必虛誕耳。」其人竟以狀露被斥。旱蝗爲災,民多因 訪副使,入爲右司郎中。」武宗臨御,湖廣省臣有爲爲警報,馳驛入奏,以圖柄用者,儼面詰 武宗撫軍北邊,成宗昇遐,宰臣有異謀者,事定,命嚴預鞫問之,悉得其情。除山北廉 且死者不可復生,宜在所矜貸。」用是得減死者甚衆

書,廷議欲革尚書省弊政,儼言:「遽罷錢不用,恐細民失利。」不從,以疾辭。 宰臣意,適兩淮鹽法久滯,乃左遷儼爲轉運使,欲以陷之。比至,首劾場官之貪污者,法旣 凋弊已甚,以羡爲額,民力將殫,病人以爲己,非宰臣事,事遂止。 大行,課復增羨至二十五萬引。 至大元年,授左司郎中,擢江南諸道行御史臺治書侍御史。 河南行省參政來會鹽筴,將以羨數爲歲入常額。 儼以亭戶 先是,嚴以議立尚書省,忤 仁宗踐阼,召爲戶部尚

列傳第六十二 敬儼

大興工役以病民。儼命有司發其奸贓,杖遣之,仍請奏罷其役。郡大火,焚數千家,儼令發 皇慶元年,除浙東道廉訪使。有錢塘退卒,詐服僧衣,稱太后旨,建婺州雙谿石橋,因

廪以賑貧餒。取憲司廢堂材木及諸路學廪之羨者, 建孔子廟。

利,訟以故繁。儼令下省府,非有司,不得侵民,訟事遂簡。詔設科舉,儼薦臨川吳澂、金陵 二年,拜江西等處行中書省參知政事。舊俗,民有爭,往往越訴于省,東得並緣爲奸

其年冬,移疾退居眞州。除江南諸道行御史臺侍御史,不赴。

楊剛中爲考試官,得人爲多。

帝前奏黜之,因伏殿上,叩頭請代。帝諭之曰:「事非由汝,汝其復位。」 復 脱歡答刺罕奏留之,制曰「可」。 「職者,御史復劾之,章再上,有旨命丞相、樞密共決之。 儼曰:「如是,則臺事去矣。」 遂即 四年春,江三詔促就前職,以疾辭。七月,召爲侍御史,十月,遷太子副詹事,御史大夫 湖廣省臣以贓敗,儼一日五奏,卒正其罪。 臺臣有劾去而

僚屬者,歲久多冒濫,富民或以賂進,有至大官者。 犀帶。每入見,帝以字呼之,曰威卿而不名,其見禮遇如此。舊制,諸院及寺監,得奏除其 乃徙居淮南 奏請悉追奪之,遂著爲令。 五年夏五月,拜中書參知政事,臺臣復奏留之,儼亦陛辭,不允。賜大學衍義及所服 ,雖親故,皆不接見。 六年,告病,賜衣一襲,遣醫視療。儼以其鄉在近圻,恐復徵用, 儼以名爵當愼惜,會臺臣亦以爲言,乃

拜,是月,拜中書平章政事,復以老病辭,不從。 特署爲中政院使,復賜酒,召之,乃輿疾入見,賜食慰勞,親爲差吉日使視事,命朝會日無下 酒,徵爲集賢大學士、榮祿大夫,商議中書省事。儼令使者先返,而挈家歸易水。 年六十五,卽告老,朝廷雖命其子自强爲安慶總管府判官,而未從其請。四年春,遣使賜 至治元年,除陝西諸道行御史臺中丞。泰定元年,改江南諸道行御史臺中丞。皆不赴。 九月,帝

學士承旨、光祿大夫、柱國,封魯國公,諡文忠。 賴之獲免。居月餘,傷足,告歸。家居十餘年,痹不能行,猶劬書不廢。臨終,戒子弟曰: 「國恩未報,而至不祿,奈何!汝曹當清白守恒業,無急仕進。」正冠幘,端坐而逝。贈翰林 天曆改元,朝議欲盡戮朝臣之在上京者,儼抗論,謂是皆循常歲例從行,殺之非罪。

金進士第,國初爲中都提學,著春秋備忘四十卷,仁宗朝命刻其書,今行于世。 自强,朝散大夫、禮部員外郎。嚴有詩文若干卷,藏於家。叔祖鉉,與太原元好問同登

校勘記

珪得 (監) 「鹽」 司奸利事 據道園學古錄卷一八張珪墓誌銘改。 按後文文意,「監」當作「鹽」

- 用(太皇)[皇太] 后旨 道光本與道園學古錄卷一八張珪墓誌銘合,從改正。
- 三 以珪拜平章政事在延祐二年,此誤也。 延祐二年拜中書平章 政事 續通鑑皇慶二年正月丁未條考異云:「道園學古錄撰張珪墓誌銘, **] 珪在中書,請淸中書之務,在皇慶二年正月,至五** 月已去

位。 中,珪未嘗復出,以太后惡之也,安得有延祐二年拜平章之事!此蓋以皇慶、延祐同

月,當得其實。 本紀系于元年十二月李孟致仕之後,疑因珪代李孟 而連書之也。」

仁宗紀年,道園誤認二年爲延祐。元史本傳祇以誌銘爲據,不復詳考矣。

宰相表作皇慶二年正

- /\ 29 (卿)[鄉]別時卿父無病 據道園學古錄卷一八張珪墓誌銘改。 蒙史、新元史已校。
- 五 而情義猶可昭白 按道園學古錄卷一八張珪墓誌銘「情義」作「淸議」、較長
- 曾祖 第一。 執 中庵集卷六李唐神道碑亦云「祖考諱執」、「嘗事科舉弗利、輒棄去」。 金 末 舉 進 士 按此傳原本當據黃金華集卷二三李孟行狀, 行狀原作 疑此處有 「金末舉進士不 脱文。
- しもし 中書(左)[右]丞相哈刺哈孫答剌罕 據本書卷一三七哈剌哈孫傳、卷一一二宰相年表改。 (元)
- 同知(樞密)[徽政] 院事 據黃金華集卷二三李孟行狀、 本書卷二三武宗紀至大三年正月乙酉

條改

へなし 列 至治(九)[元]年卒 傳 第 六 + = 校 道光本與黃金華集卷二三李孟行狀合,從改。 勘 記 按至治僅有三年。

至治中 按黄金華集卷二三李孟行狀、 至正集卷三五秋谷文集序皆以封贈者爲順帝,而兩文

皆作于至正八年。疑「至治」爲「至正」之誤。

[1] (進)[追]封魏國公 據黃金華集卷二三李孟行狀、至正集卷三五秋谷文集序改。 蒙史已校。

本證云:「上脫延祐二字。」按前文有皇慶元年、二年,後文有五年、皇慶、至治問自爲

延祐。 道光本增「延祐」二字。

四年春

